





© 2008 NATIONAL CENTRAL LIBRARY, TAIWAN, R.O.C.





EX-20882 NATIONAL CENTRAL LIBRARY, TAIWAN, R.O.C

4527 41



重刻吾學編跋



自余有識時間擊稽
昭代典章於少保端簡鄭
公吾學一編拳拳已
比薄游兩都則都人
遑遑有購是編不得




者蓋一家之藏故不能盡副通都也歲乙未余筮爲鹽官詢知其書浸已磨剝幾不可校甚患之間嘗言之胤君心材至己亥

則已還復舊觀而眎昔工矣秦竊惟古今之以著述名家者在漢夏陽扶風各世濟其美令談不得遷彪不得固弗傳也端簡

公之於是編蓋傳於
其長公光祿勳云迺
今紹明其業俾弗終
磨剝至不可校者尤
胤君力也胤君既已
紹明其業還復舊觀

已顧獨進不佞問序
焉而以後於大司空
豐城雷公余自維生
也晚愧不敢當顧不
幸不見端簡公而幸
讀其書見其冢孫則



何敢讓因竊槩於吾
學之義而爲之說也
曰成周之際自太史
下至小行人皆掌官
府之書至備矣典墳
丘索與外史並垂宣
聖悉刪去之而維周
之從至今周禮炳于
日星寧獨時王制也
郁郁其文舍周何適
是編所記大政髣髴
見



祖

宗躬守鴻規竝徽雒鎬於
爍哉他如傳表所撰
次直以游乎夏陽扶
風之輿至其丕揚
晟禩光叙范模安在


非元本

神聖竊比從周也漆園氏
之言曰詩書禮樂鄒
魯之士縉紳先生能
明之卒思其闇而不
明鬱而不發也始是



編出而人知鄒魯鹽
官矣再世而得胤君
而後是編爲不朽余
不佞何幸逢其盛焉
爰跋數言以識歲月
萬曆己亥浴佛日

曠城後學李當泰頓
首謹跋



序略

古之作者必雄傑不羈之才胷中本有全書而弗
 得試乃著述以自見丘明司馬皆才兼文武人豪
 也彼其所蘊如日月有明雲寧終掩江河有性土
 可終溷不宜於此則呈於彼不霖雨乎當時即山
 斗乎來世天之所賦非偶然豈但氓馬耳已先君
 幼學卽志四方無書不讀所讀必可裨用少壯入
 仕益諳我典常質彼文憲耳目見聞咸類紀之博
 古則約其精微今則核其備人文淵藪固是著龜
 麗琦班楊思凌屈賈叩之驚其多聞何便便有條

UNIVERSITY OF TORONTO LIBRARY



也稿未竟嘉靖丙辰太宰古冲李公爲趙計奏論
死翁震懼曰古以言殺身况成書乎恚畀火孤固
請秘之弗得遂竊小楨藏之述古獨餘古言蓋千
百之一今書存失相等逮歲壬戌孤請告歸始以
殘帙白翁成志喟然歎曰嗟夫此稿尚有存乎予
行藏勲業盡於此而所存僅此乎遂略以今書倫
次補輯弟準天資絕人先君口相証授準多代筆
又三年始付梓梓方半翁逝長逝嗚呼痛何如哉
胡天不使此書盡試諸用又不使翁一覽全刻而
徒留此空言欲以何明也翁蘊全才而不大任亦

云爲兆震厲睽孤憂國衛身艱險歷備勳節雖完
精力竭矣玄珠寂寞白璧幽淪光在山川天真寧
遇是迺旁觀宇內建駕初服惜繁華之易零念弘
圖於不朽盤桓憤激委約飛文竊職掌於史官諫
權衡於獨斷危詞隱義遠略壯猷觀是書可知是
人契是心殆有周駕八荒彌綸千古之致豈徒一
世士區區文藝名也噫邇此生民以來凡彼玉質
金相美髯秀達道亞生知時不我與澗滅無聞安
可勝悼夫太上以德鮮矣流形大塊而一無可傳
非夫也可傳在我而其存與熄則命也黃梁得喪

青史是非聖人後起賢愚有定豈其幸與不幸果
可誰欺與故曰其位可卑其身可死其言立遂與
天地相終始貧富貴賤壽夭同之然蔡柳奇葩名
常莫實機雲高舉知不逮言亦或文以人傳人由
文顯兼茲無愧允爾才難若先君所不能全殆惟
壽耳使無是書果將同凋草木矣乎抑嘗聞作易
之有憂患王通以爲畏天憫人思及時而動深知
易矣動而不時則冒耻於行露比而入於蹇時而
弗動則泥類於匏瓜節而至於屯潛躍有具用舍
惟時庶亡悔吝而周公孔子之教此其最要先君

率爾成書豈希贊易之心乎終焉憂患未釋而腹
書以沒丘園信乎命實爲之雖聖哲無如之何宜
昔人之淙翰慷慨展伸而不能已者也去我英雄
遺編故屋承顏寤寐猶恍傳心音容杳冥誰能不
隱雖違伯樂會有子期撫卷徘徊風雲蕭瑟向之
七略成於歆先君精忠遠學無愧於向惜子非劉
歆殘缺莫補條具如左恭評潤色尚俟後之君子
云

維皇開泰新制正經親賢和衆萬國以寧聖子神
孫與治同典昭哉祖武萬世允繩記大政 第一

江左聲基非國上游龍飛北固鶴返丹丘漢文天
授少帝何尤慨彼黍離爰諱乾侯記遜國 第二
堯稱既睦周作方來富之不費貴之無猜勞以時
異恩以禮裁均莫磐石藩翰九垓傳同姓諸王

第三

承清九有實賴虎臣報功崇德分券圖麟德薄位
尊或覆厥身韓彭絳灌全毀由人傳異姓諸侯

第四

三公論道致主調元秩有等殺職共斯言爰立無
方考慎台垣一人進退治忽攸源表闕臣 第五

魏平家宰百官之表責在進賢決彼羣小告自乃
邑休休皎皎吏治澄清兆民斯擾表典銓 第六
無競維人萬方之望克展其猷知恤在上猗我多
賢爲周孚倡爰條冕董以俟魏相記名臣 第七
成仁取義人臣之信寧爲桀犬不事堯舜心協三
仁黨凌八俊立懦廉頑名教丕振記邊園臣 第
八

星家考驗代有程章玄機杳默固矣梓萑無災可
懼有災亦昌誠身省躬實應之常迷天文 第九
天子無外莫不尊親廣土非寶寶在裕民聚人以

財守財以人得彼猛士慎固咸賓述地理 第十
舜嚴降格詭戒弗欽神無私享明德惟馨教此仁
孝率義推心必躬必敬昭格咸臨述三禮 第十

一 官代天工惟民之極庶制曲防綱維以則擇人乃
昌擇官斯忒敬事君子慎思厥職述百官 第十

二 要荒服夏蕃鎮承周炎風朔雪就匪受球摠攬乾
綱余宋長猷王者不治亦曰懷柔考四夷 第十

北門勁寇郊畿接壤人由我益地由我廣茲備將
來盡懲既往鎖鑰得司不兵而攘考北虜 第十

四 實錄果可傳信乎前賢論喻詳矣野史散雜無
統又未足盡馮也故必凌雲御日之才博洽淹
貫分明經緯恍若身處當時目見往事非若班
氏以後轉相蹈襲乃能會為全史昭不朽之烈
垂不刊之典先君嘗志於此惜乎始懲李禍終
促遐齡倖作弗全英豪留恨今梓惟大政記放
朱子綱目及本紀然綱目未敢備况目乎非是



無以首卷通達者宜意會遜國特述故事以續
編年王侯放十表翁序詳之闕臣典銓感時作
也爲臣不易況心腹股肱哉記名臣放列傳也
論旨深遠遷吏下無及者天下何時無才能盡
其用有幾然亦自不可泯觀遜國諸臣尤見盛
世人性之善超越千古三禮天官皆諷諫也禮
書所載禮之爲用大矣寧獨祀事舉時要耳天
官亦然是以全樂公之疏也述百官以明職掌
今有官君子皆能不曠此乎庶政和而萬國寧
矣地理與官北虜先君初官職方最所究心非

昔志與地比也歌六月詩讀李翱文始知公忠
愛無窮奕然有封狼居胥意是凡十有四篇其
事皆有司存翁非立本朝贊國均而陳此經世
之書如出位之誚何雖然以此罪翁亦或以此
知翁百世之下應有心契於形迹之外而諒此
勤勤之衷者固非翁及諸孤所敢豫計也此卽
所存今書之半翁各自爲小序其女后樂律儀
制兵略茶馬鹽糧運法水利藝文隱逸酷伎方
技等傳皆廢丙辰翁且謂應有紀之勿復更補
然上下二百年間典章成憲大要畢具忠臣持

以事君志士懷以善務成此依循免而墮矣嗚呼若斯之人而天奪之速豈獨孤之失所怙哉外今言徵吾諸錄各自為集不復附此

不肖鄭履淳謹識孫鄭心材重校

鄭端簡公吾學編引

先君非功名士也富貴云乎哉有嘉言善行而不得掩聞人子之罪也况勤著作以經世務裨

聖化者而翁瀟留又惓惓願托言猶在耳忍不終其志廣其傳翁方見梓之半而孤忽罹大戚匍匐

顛

闕


聖恩優渥褒恤殊章孤藉前休復蒙錄歷榮哀既備功賞世延實積

天上阜夔情見生死誼公衡鑒

恩雖偉致望恆萃心感荷徒殷不知所以爲報也
隆慶紀元五月甲戌抵舍仍侍几筵職違候已更
歲依仗當時瞻戀而音容杳然一檢遺編惡緒紛
雜嗚呼翁何如人也乃述至此哉翁身可死而有
不可朽者惟此書耳予兄謂翁之書未盡其學翁
之用未盡其書旨深遠矣翁自丙辰每得一稿卽
呼兄弟示之又必曰準校梓勿失也孤故獨藏所
刻吾學編六十九卷徵吾錄二卷文集年譜未竟
共板四千有奇布帛之文精神之聚衡門泌水之
經繪罔非特湘臣洛士之詞賦已也凡翁子孫永

宜世守翁嘗命既梓但刷千冊卽毀板或異書肆
予終身清介遺子孫安毋以書勞後人嗟乎沒身
猶計燕異而爲翁子者僅此遺書弗能守耶
達尊親友諒此他日借板不能奉命幸勿我罪翁
著述之富冠當時可梓豈獨止此予兄諸序詳之
其今言古言及舉子諸書數十百卷已有傳者勿
識也

不肖鄭履準謹書



吾學編篇目

大政記十卷

遜國記一卷

同姓諸王表二卷傳三卷

所異姓三王
孔氏世家

異姓諸侯表一卷傳二卷

直文溫閣諸臣表一卷

兩京典銓表一卷

名臣記三十卷

遜國臣記八卷

天文述一卷

RESERVED NATIONAL CENTRAL LIBRARY, TAIPEI, R.O.C.



地理述二卷

三禮述二卷

百官述二卷

四夷考二卷

北虜考一卷

凡十有四篇爲卷六十有九 篇首序跋略

引目共二十三葉每篇有小序卷末有後序

重刻後語

孫心材重校

皇明大政記序

大政記者記政之大者也政必端大本審大
機建大法係此小事必書否雖大勿錄也恭
惟我

朝文謨武烈丕顯丕承

聖子神孫善繼善述巍巍二帝之治郁郁三代之
文俾彼典常允宜師守顧洪猷浩蕩玉籍淵
珍莫罄名言孰諳成憲于翁淹貫通達推絕
一時雖職非史官而光昭

先皇令德以垂多士儀刑與人爲善之心不敢諱



况切雲雷霖雨之志而徒老校閭今衰已甚
爰放編年陳茲大典庶使後之佐孝宣者有
所依繩而頌慶曆者咸此考據且知翁精誠
之運周旋

二祖

列宗左右也

嘉靖丙寅三月朔

勳進士第觀吏部政臣鄭履淳拜手稽首謹識

皇明大政記第一卷

吾學編第一

臣海鹽鄭曉

戊大明太祖高皇帝洪武元年春正月乙亥即皇
帝位○追尊四世考妣爲皇帝皇后立妃馬氏爲
皇后世子標皇太子○戊寅居新宮○征南大將
軍湯和克延平執陳友定○宣國公李善長信國
公徐達爲左右丞相章溢劉基御史中丞○省府
請皇太子爲中書令不許令廷臣勲德老成者兼
東官官○建南北郊太社稷○是月天下官來朝
○二月湯和提督海運○征南將軍廖永忠副將



况切雲雷霖雨之志而徒老校閭今衰已甚
爰放編年陳茲大典庶使後之佐孝宣者有
所依繩而頌慶曆者咸此考據且知翁精誠
之運周旋

二祖

列宗左右也

嘉靖丙寅三月朔

勳進士第觀吏部政臣鄭履淳拜手稽首謹識

皇明大政記第一卷

吾學編第一

臣海鹽鄭曉

戊大明太祖高皇帝洪武元年春正月乙亥即皇
帝位○追尊四世考妣爲皇帝皇后立妃馬氏爲
皇后世子標皇太子○戊寅居新宮○征南大將
軍湯和克延平執陳友定○宣國公李善長信國
公徐達爲左右丞相章溢劉基御史中丞○省府
請皇太子爲中書令不許令廷臣勲德老成者兼
東官官○建南北郊太社稷○是月天下官來朝
○二月湯和提督海運○征南將軍廖永忠副將



大略記 卷之二
軍朱亮祖平福建進取廣東○以太宰祀先師孔子于國學○定宗廟時享禮○禁胡服胡語胡姓○定賦法役法○三月彗星見鼎○征虜大將軍徐達取汴梁河南○夏四月將軍鄒愈取南陽諸郡○永忠師至東莞元廣東守臣何真降○汪廣洋陶安為山東江西參政○改太史院為司天監○五月庚寅帝至汴梁○徵天下賢才為守令○六月達朝行在令率諸將取元都○秋七月永忠取廣西○賑恤中原○帝還京右副將軍馮勝守汴梁○閏七月達會兵于臨清進克通州乙丑元

主走上都○八月詔以金陵汴梁為南北京○庚午達入大都元亡○己卯大赦○帝幸北京○設六部官滕毅楊士義錢用壬陳寬周禎單安仁為尚書○御史中丞劉基致仕○放元宮人○九月江西參政陶安卒○遣儒臣詹同等訪求賢哲○冬十月帝還南京○征南師還 置京畿漕運司龔魯薛祥為漕運使○十一月孔希學龔封衍聖公○遣儒臣魏觀等訪求賢材○十二月達克太原平陽

己洪武二年春正月免山東西北平河南南畿



田租○詔諭四夷君長○倭寇山東並海郡縣○
二月耕藉田○修元史宋濂為翰林學士王禕待
制○修治皇陵○達克河中進取陝西○三月達
兵至鳳翔李思齊奔臨洮○夏四月思齊降○倭
寇南畿並海郡縣○五月甲午朔日食○達出蕭
關下涼湮延郎張良臣以慶陽降尋叛○御史中
丞兼太子贊善大夫章溢卒○六月當遇春克大
寧關平○秋七月征虜副將軍平章軍國重事太
子少保鄂國公當遇春卒李文忠領其兵進攻大
同克之○八月達克慶陽斬良臣陝西悉平○元


史成○九月以臨濠為中都○建功臣廟○久十
月郡縣立學○遣使貽書元主○十一月乙巳日
南至祀園丘奉仁祖配○十二月王保保襲蘭鞏
守將于光死之○是年定內侍諸司官○設王相
府○封陳日娃為安南國王王頴高麗國王

成洪武三年春正月征虜大將軍徐達左右副將
軍李文忠為勝左右副副將軍鄧愈湯和分道率
師討王保保○二月大同守將全朝與取東勝○
追封郭子興滁陽王○文忠取興和○三月免南
畿山東河南北平浙東田租○達兵至定西保保

退屯車道峴○夏四月封建諸王○王保保逆戰
我兵敗績○復戰於定西保保敗走和林○元君
妥懽睦爾殂于應昌其子愛猷識理達臘嗣立○
五月開科取士○文忠克應昌獲買的里八剌愛
猷識理達臘北走○達取漢河降與元○大早上
雪大雨○蜀寇與元都督孫興祖戰歿○六月倭
寇登萊轉掠浙閩並海諸郡萊州府同知趙秩使
日本○定太學生資格○秋七月陶凱爲禮部尚
書○劉基爲弘文館學士○楊憲汪廣洋爲中書
左右丞畢綬憲○八月募民輸粟中鹽○監察御

史張敬之使諭渤海國○九月改司天監爲欽天
監○冬十月征南將軍周德興討慈利蠻○貽書
元嗣君愛猷識理達臘○十一月文忠班師還京
○謚故元君爲順帝封買的里八剌爲崇禮侯○
大封開國功臣進封善長達韓魏國公領太師太
傅封李文忠曹國公鄧愈衛國公馮勝宋國公湯
和中山侯汪廣洋忠勤伯劉基誠意伯餘封贈官
賞有差○十二月大明志成○立鹽法

辛未洪武四年春正月太師韓國公左丞相李善長
致仕汪廣洋爲左丞相胡惟庸右丞○誠意伯劉



基致仕○征西將軍中山侯湯和左右副將軍江夏侯周德興德慶侯廖永忠征虜前將軍潁川侯傅友德左副將軍濟寧侯顧時帥師分道伐蜀○免田租○二月帝如中都尋還京○三月賜吳伯宗等進士及第出身有差○改築園丘方澤○閏三月和次夔州○廢靖江王守謙為庶人○夏四月友德克階州○和次歸州友德克文州○徵山林隱士○五月免浙江江西田租○六月友德拔漢州永忠克夔州進至重慶明昇降○虜納哈出侵遼東○倭寇膠州○秋七月馬雲葉旺為定遠

指揮使鎮守遼東○友德克成都川蜀悉平○唐同為吏部尚書兼翰林院學士承旨○令奏災異○八月封明昇歸義侯○九月庚戌朔日食○禁征海外諸夷○冬十月征西諸將班師還京○十一月○十二月開茶市○是年徙歸德侯陳理歸義侯明昇於高麗○日本良德遣人入貢

壬洪武五年春正月翰林待制王禕詔諭雲南○征南將軍衛國公愈副將軍江夏侯德興江陰侯良帥師討廣西蠻平之○征虜大將軍魏國公達征西將軍宋國公勝征虜前將軍曹國公文忠帥


師分道伐虜勝取茸肅文忠橋應昌宣寧侯曹良
臣戰歿○二月都督藍玉擊敗虜於野馬川○三
月玉兵擊敗王保保於土刺河○夏四月都督俞
至澧平散毛諸蠻○五月遣兵逾嶺遇虜戰敗績
○倭寇浙東西並海郡縣○六月賑山東饑民○
勝兵敗虜於瓜沙文忠兵敗虜於阿魯渾河○免
水旱蝗郡縣田租○秋七月湯和兵至斷頭山遇
虜戰敗績○定宦官禁令○八月倭寇福建○遣
儒臣詹同等訪求賢哲○華寧夏府○九月德興
平鳳泗諸蠻○安南陳叔明弒其主日燮而自立

○冬十月北征諸將班師還京○十一月征南諸
將班師還京○虜納哈出寇遼東○十二月宋濂
爲太子贊善大夫○令省府臺置銅鐵簿錄時政
○縱內府禽獸○遣使貽書元嗣君○是年定掖
庭局司女官

洪武六年春正月滿汪廣洋爲廣東恭政○二
月罷科舉舉賢良○令有司上山川險易圖○三
月征虜大將軍達左右副將軍文忠勝左右副副
將軍愈和統兵分道備虜○都督於顯總兵出海
防倭○夏四月贈誥開國功臣○詔求賢才○五

月虜寇武朔遂遣兵擊走之○六月免河北旱蝗田租○秋七月劉惟謙爲刑部尚書○胡惟庸爲右丞相陳寧御史大夫詹同兼翰林學士承旨宋濂兼翰林侍讀學士○達達列侯諸將分統步騎兵擒討殘胡○倭寇登萊○八月詔祀三皇○建歷代帝王廟○九月設六科給事中○冬十月大明律成○封西番朵耳烏思藏諸酋爲王師官長○十一月遂兵破虜於大同○閏十一月定糾劾內官法○十二月浚開封漕河○雲南人殺我詔諭使王禕

寅甲洪武七年春正月文忠敗虜於白登○二月丁酉朔日食○丁未祀先師○三月詹同解部事呂熙爲吏部尚書○轉漕粟于陝西○夏四月都督藍玉敗虜於興和○五月大雩○六月倭寇膠海○秋七月文忠破虜於大石崖○八月文忠敗虜於豐州○靖海侯吳禎總兵出海捕倭○九月遣學禮侯買的里八剌北還○復設市舶司○冬十月己未皇長孫雄英生○徙江南民實中都○十一月封卜煙帖木兒爲安定王○十二月鑿石灰山河○日本良懷及其陪臣各遣人入貢却之



○洪武八年春正月梁敏爲工部侍郎○二月○
三月詔興學勸農○立鈔法錢法○夏四月幸中
都尋還京○致仕贊善大夫護軍誠意伯劉基卒
○五月市馬西番○六月○秋七月己未朔日食
○免江南湖北旱租○八月京師大旱○開登萊
河○九月湖廣參政吳雲使雲南○虜寇大同厲
門○詔舉富民素行端潔達時務者○冬十月皇
太子及秦晉楚靖江王講武中都○十一月增六
部官○十二月陝州人獻天書斬之○虜納哈出
寇遼東守將馬雲葉旺擊敗之以爲都督僉事仍

守遼東○是年設都指揮使司○召致仕禮部尚

書陶凱爲國子祭酒

丙寅洪武九年春正月定宗王公主歲祿○二月和

友德屯延安○三月免南畿山西陝西河南福建

江西北平湖廣田租○夏四月庚戌雨○五月雨

○六月詔改行中書省爲承宣布政使司○宋濂

爲翰林學士承旨○秋七月癸丑朔日食○蘇松

嘉湖大水免其田租○八月吳印爲山東左布政

使○九月更定王府官制○閏九月七曜素度詔

求直言○冬十月更作太廟○定太廟侑享功臣



大正... 卷之一
十一月吐蕃寇西塞○十二月賑江南湖北○

置寧夏諸衛

丁洪武十年春正月學士承旨宋濂致仕○二月
白虹貫日○三月○夏四月征西將軍鄧愈副將
軍沐英率師討吐蕃破之○五月韓國公善長曹
國公文忠總中書省都督府御史臺同議軍因重
事○六月政事啓皇太子處分奏聞○秋七月監
察御史巡按州縣○設通政司會秉正爲通政使
○八月庚戌改建國丘于南郊○九月江東浙西
大水免其田租○冬十月封沐英西平侯○併省

州縣○十一月巳那皇孫免奴生○丁亥合祀天
地于奉天殿○征西將軍參軍國事衛國公鄧愈
卒○都督濮真征高麗被執不屈死之○十二月
乙巳朔日食○松番蠻入寇平羌將軍御史大夫
丁玉討平之○真人張正常卒子宇初嗣○是年
汪廣洋復爲右丞相○復守謙靖江王徙雲南尋
安置鳳陽

戊洪武十一年春正月改封吳王爲周王罷杭州
護衛○進封湯和信國公○二月祀太社太稷奉
仁祖配○三月禁奏事闕白中書省○夏四月朱



夢炎爲禮部尚書○元嗣君愛猷識理達臘殂子
脫古思帖木兒立○五月遷武臣子讀書國子監
○六月遣使祭故元嗣君○秋七月○八月免南
蠻河南陝西廣東湖廣田租○蘇松揚台海盜○
九月有星孛於天弁○贈劉繼祖義惠侯○冬十
月甲子大祀殿成○十一月吐蕃入寇征西將軍
英討平之○十二月乙巳朔日食○是年皇太子
妃常氏卒

紀洪武十二年春正月己卯合祀天地于南郊○
二月曹國公文忠督理陝西西寧軍務○信國公

和率列侯諸將總兵臨清○三月樂韶鳳爲國子
祭酒尋致仕○夏四月免北平田租○五月○閏
五月○六月都督馬雲征大寧○秋七月曹國公
文忠領大都督府事○平羌將軍丁玉討平蜀寇
○八月安置日本使僧於陝西○九月西平侯英
大破西番班師○冬十月吳沉爲翰林待制○十
一月封藍玉永昌侯○十二月安置右丞相汪廣
洋於海南暴卒○訪求卜筮人

庚洪武十三年春正月殺左丞相胡惟庸御史大
夫陳寧中丞余節罷中書省更定六部官秩改大

都督府爲中左右前後五軍都督府○俟斯爲吏部尚書尋改禮部劉穆爲署吏部尚書○二月詔舉聰明正直孝弟力田賢良方正文學術數之士○太師韓國公李善長罷○三月壬寅成祖之國北平○桂彥良葛誠爲晉燕府長史○夏四月都督張赫朱壽率舟師海運○五月甲午震謹身殿大赦免天下田租○御史大夫安然罷韓國公李善長理御史臺事○罷御史臺及提刑按察司○署吏部尚書劉崧致仕阮岐爲吏部尚書○六月震奉天門○置諫院官唐鐸爲諫議大夫○秋七

月復京官家○八月安置日本使僧於川陝○九月置四輔官以冀教杜敬趙民望吳源爲春夏官○冬十月詔求真才○十一月○十二月列侯諸將屯田北平練兵遼東○安置翰林學士承旨宋濂於茂州○是年倭屢寇海上郡縣

辛酉洪武十四年春正月虜乃兒不花入寇征虜大將軍達左右副將軍和友德帥師討之○詔求賢○編賦役黃冊○二月李叔正爲禮部尚書○三月大赦○復提刑按察司○夏四月達督諸將兵出塞至北黃河擊虜破之遂班師○五月故翰林

學士承旨宋濂卒於夔州○六月海鹽捍海塘成
○秋七月復大理寺○日本首良懷遣僧貢馬安
置川陝蕃寺○八月河決原武○征南將軍江夏
侯周德典副將軍安慶侯仇成帥師討四川蠻平
之○九月征南將軍潁川侯友德左右副將軍永
昌侯玉西平侯英帥師取雲南○冬十月壬子朔
日食○定考嚴賊景法○十一月南雄侯趙庸總
兵討平閩廣羣盜延安侯唐勝宗總兵討浙東山
寇平之○倭寇廣東南雄侯庸擊破之○十二月
征南兵至曲靖取臨安進克雲南○令翰林院平

駁諸司奏啓○是年召致仕刑吏部尚書李敏劉
崧爲國子祭酒司業

壬戌洪武十五年春正月汝南侯梅思祖掌雲南布
政司事張純爲左叅政○二月詔諭雲南諸夷○
閏二月彗星見○征南兵克大理鶴慶麗江降車
緬諸夷○三月南雄侯庸籍蛋戶爲水軍○夏四
月詔監學通祀孔子○免南蠻浙江江西河南山
東田租○宋訥爲翰林學士○日本遣人朝貢○
五月皇長孫孫雄英卒○太學成帝幸學謁先師○
遣使求經明行修之士○六月○秋七月閏濟爲



試刑部尚書○八月丙戌皇后馬氏崩○詔設科
取士○九月雲南諸夷叛征南兵討平之○冬十
月廣東盜起南雄侯庸討平之○設殿閣大學士
邵質吳伯宗詢吳沉爲華蓋武英殿文淵東閣
大學士○徵耆儒鮑恂余登張長年爲文華殿大
學士辭不拜○十一月○十二月孝陵成封都督
李新崇山侯○是年設都察院詹徽林駟爲監察
都御史

癸洪武十六年春正月宋訥爲國子祭酒曹國公
文忠領國子監事○二月○三月征南諸將班師

還京留英鎮守雲南○復鳳淮縣賦視豐沛○夏
四月倭寇浙東○五月令都司上衛所城池水陸
地理圖○六月○秋七月遣御史錄囚於諸省○
八月壬申朔日食○九月征南將軍中國公鄧鎮
左右副將軍臨江侯陳鏞濟寧侯顧敬率兵討龍
泉山寇平之○冬十月○十一月定祀歷代名臣
○十二月初令儒學歲貢生員

甲洪武十七年春正月魏國公達鎮守北平信國
公湯和巡視海道祭山東江南北浙東西海上諸
城○二月更定都察院官詹徽爲左都御史○定




吏員資格○三月大赦○令科舉薦舉並行○同知軍國事大都督府左都督兼領國子監事曹國公李文忠卒○夏四月進封傅友德穎國公○更定內侍監局司庫門官品職○五月鄂俊爲大理卿○六月令朝覲官上人民土地圖○秋七月旣貽人獻天書伏誅○八月吏部尚書俞熾定考績法○九月處士陳遇卒○冬十月冊李氏爲淑妃攝中宮事○閏十月大明清類天文分野書成○十一月○十二月○是年修祖陵

紀洪武十八年春正月劉三善爲翰林學士○朱

善爲文淵閣大學士○二月初昏五星並見求直言○錄軍國重事太傅右丞相魏國公徐達卒○三月初選進士爲翰林院承勅監六科庶吉士○夏四月思州苗叛征虜將軍和副將軍德興帥師從楚王討平之○五月○六月○秋七月五閏蠻叛和遣兵討平之○八月遣公侯伯還鄉里○九月太白經天○文淵閣大學士朱善卒○蔡漳河隄○冬十月頒大誥○彗星見○十一月作觀星臺○十二月舉孝廉

丙寅洪武十九年春正月穎國公友德長興侯炳文



大正
卷之一
帥師討雲貴諸蠻平之○二月納哈出營金山數
寇東塞○三月白紅貫日○夏四月河南大水贖
民粥子○五月安置日本使僧於雲南○六月詔
有司養老尊賢報功賑貧恤孤薦士○秋七月三
辰星見○八月皇太子修祖陵○九月賑旱蝗鄰
縣○冬十月封何真東莞伯○十一月○十二月
癸未朔日食

丁洪武二十年春正月征虜大將軍宋國公馮勝
左右副將軍潁國公傅友德永昌侯藍玉左右叅
將南雄侯趙庸定遠侯王弼東川侯胡海武定侯
郭英叅贊軍事都督商嵩帥師討納哈出○焚錦
衣衛刑具○二月魚鱗毋成○置兩浙防倭衛所
○三月勝師出松亭關城大寧○夏四月江夏侯
周德興福建築城練兵防倭○五月納哈出葉金
山管北走○六月臨江侯陳鏞陷虜死○勝兵逾
金山納哈出降遂班師○太白經天○閏六月勝
兵還金山殿帥派英陷虜死○秋七月定親王歲
祿五萬石○八月戒諭北征諸將召勝還玉行總
兵事○九月封納哈出海西侯○安置鄴國公常
茂於龍州○置北平行都指揮使司於大寧○征

虜大將軍永昌侯藍玉左右副將軍延安侯唐勝
宗武定侯郭英左右叅將都督耿忠孫恪擒討殘
胡○冬十月罷勝歸鳳陽○十一月靖寧侯葉昇
普定侯陳桓討東川諸蠻平之○十二月封張赫
航海侯朱壽船艦侯

戊辰洪武二十一年春正月百夷思倫發叛都督審
正討平之○二月定歷代君臣從祀帝王廟○三
月遣公侯諸將從大將軍玉出大寧征虜○夏四
月玉師至捕魚兒海脫古思帖木兒可汗敗走封
玉涼國公○五月甲戌朔日食○東川蠻叛征南

將軍穎國公友德左右副將軍西平侯英普定侯
桓帥師討平之○六月○秋七月贈故金山侯濮
英爲樂浪公尋封其子璵西涼侯○八月北征諸
將班師還京○九月越州土酋阿資叛友德討平
之○友德遣將分討東川叛蠻平之○冬十月解
縉爲監察御史○徐允恭嗣封魏國公封常丹開
國公○十一月○十二月丁卯三辰晝見○安南
黎李聲弒其主煒

己巳洪武二十二年春正月友德兵至越州阿資遁
還越州○二月友德兵至越州阿資降○三月友



德率二十四將軍分屯湖川防西南諸夷○夏四月徙江南民田淮泗○置詹事院○五月置大宰福餘朵顏三衛於兀良哈○六月周定王素國之鳳陽遷雲南尋遣還國○秋七月征南諸將班師還京○八月更定大明律○禁武臣預民事○九月丙寅朔日食○冬十月徙民墾闢田○十一月虜也速迭兒弑其主脫古思帖木兒而立坤帖木兒○思倫發入貢謝罪百夷遂平○十二月倭掠寧海○是年詹徹為吏部尚書兼左都御史○改大宗院為宗人府奉王為宗人令晉王成祖左右

宗正周王楚王左右宗人○春季斃其主陳日規○高麗人幽其主禍又廢其主昌

庚洪武二十三年春正月癸亥入南斗○市馬漢北○晉王成祖率諸將分道伐虜○貴州苗叛延安侯勝宗討平之○贛賊湖蠻叛總兵東川侯海左右副總兵普定侯桓靖寧侯昇討平之○二月國子祭酒宋訥卒○涼國公玉討西番遣將羅能徐凱出大渡河擊敗之○三月成祖率征虜前將軍賴國公友德左右副將軍南雄侯庸懷遠侯興出古北口伐虜○夏四月築京城外垣○閏四月



玉平諸番○五月肅清好窻○太師韓國公李善長暴卒○六月選用耆民有才德知典故者○秋七月江南北海溢○河決河南○八月召涼國公玉還京○九月庚寅朔日食○夏長文為僉都御史○冬十月○十一月○十二月麟遺書○是年潭王梓暴卒

神洪武二十四年春正月築浙東海隄○二月改封豫王為代王漢王為肅王衛王為遼王○三月戊子朔日食○賜許觀等進士及第出身有差○友德兵出東塞討虜大獲而還○夏四月鑄渾天

儀○彗星出紫微垣○五月漢衛谷慶寧岷六王總兵臨清○六月河決原武入淮○秋七月徙民實京師○八月乙丑皇太子巡撫陝西○九月都督宋晟劉貞帥師征哈密大獲而還○倭寇廣東○冬十月北平大水免其田租○馮堅為僉都御史○十一月宋國公勝京國公玉請討西番不許○十二月皇太子還獻相宅圖○阿資復叛平

羌將軍都督何福討之阿資降

壬洪武二十五年春正月河決陽武○福討平雲南諸蠻○令死囚輸粟塞下○二月高麗李成桂



幽其主瑤而自立○列侯諸將練兵西北諸塞○
三月軸牘侯朱壽率舟師海運○夏四月丙子皇
太子卒○涼國公玉征罕東○都督總兵壽緯討
建昌叛首月魯帖木兒○五月封俞通淵為越嵩
侯○玉兵破罕東移兵討建昌蠻○六月征西將
軍西平侯沐英卒○秋七月琉球中山王察度遣
子弟學於國于監○八月葬懿文皇太子○九月
庚寅立皇孫允枝為皇太孫○冬十月沐春嗣西
平侯鎮守雲南○更高麗為朝鮮國○十一月玉
平建昌蠻獲月魯帖木兒檻送京師伏誅○十二

月宋國公勝毅國公友德曹國公景隆涼國公玉
開國公昇全章侯恪兼太子太師太傅太保詹徽
茹瑯太子少傅少保兼吏兵部尚書○閏十二月
翰林學士劉三吾罷

癸亥 洪武二十六年春正月兵部尚書致仕唐鐸刑
部尚書楊靖兼太子賓客○二月晉王統山西河
南兵出塞捕虜○曹國公景隆市馬西番○殺涼
國公藍玉吏部尚書詹徽○驗封主事翟善署吏
部事尋為尚書○三月倭寇浙東○夏四月太白
經天京師大旱求直言錄囚徒○五月○六月郁



新茹瑯嚴震直爲戶兵工部尚書○秋七月甲辰朔日食○八月徙慶靖王於漳州○九月復以劉三吾爲翰林學士○赦胡黨藍黨○冬十月徙封岷莊王於雲南○十一月劉璟爲谷府長史提督調燕代肅遼慶寧六府事○十二月

甲辰洪武二十七年春正月賑貸貧民○二月倭寇浙東都督劉德商高巡視兩浙防倭○三月都督楊文魏國公徐輝祖安陸侯吳傑練兵浙江防倭○韓王濟王分道省視奏晉燕周齊王○撤東勝○夏四月令民樹桑棗○五月却安南朝貢○六

月○秋七月任亨奉爲禮部尚書○八月階文軍叛平羌將軍都督寧正討平之○九月寰宇通衢書成○冬十月倭寇金州○十一月阿資復叛西平侯春率兵討之阿資走○十二月女直寇遼東都督宋晟劉貞禦却之○是年太子太師頴國公傅友德暴卒

乙亥洪武二十八年春正月都督周興總兵宋晟劉貞副之帥師捕野人○西平侯沐春擒斬阿資越州平○二月太子太師宋國公馮勝卒○三月恭愍王卒世子尚炳嗣秦王○夏四月倭寇金州○

五月討平四川洞蠻○六月禁黥官剽劫之刑○
秋七月廣西守將韓觀討平山寇○八月征南將
軍楊文左右副將軍韓觀宋晟參議軍事兵部尚
書唐鐸帥師討龍州諸蠻○信國公湯和卒○貴
州蠻叛守將顧成討平之○九月貶翟善為宣化
知縣○閏九月皇明祖訓成○更定親王歲祿一
萬石○罷楊雄文廟從祀祀董仲舒○冬十月冊
馬氏為皇太孫妃○十一月諸蠻悉平○十二月
征南諸將班師還京○是年給事中傅安郭驥使
西域

洪武二十九年春正月杜澤為吏部尚書○門
克新為禮部尚書○韓觀為都督同知○二月征
虜前將軍胡冕討榔桂蠻平之○三月○夏四月
○五月○六月祭河防○秋七月○八月免應天
五郡田租○九月○冬十月晦皇曾孫文奎生○
十一月鑄渾天儀○十二月五星彗度○是年定
外官三年一朝觀○罷大理寺

洪武三十年春正月征西將軍長興侯耿炳文
副將軍武定侯郭英備虜關中○漢沔盜起炳文
討平之○劉觀耿清為署左右僉都御史○二月



白虹亘天○水西蠻叛征南將軍頌成討平之○
三月○夏四月晉王成祖練兵備虜○令軍民有
一材一藝者得自陳効用○五月壬子朔日食○
楚王湘王率都督楊文韓觀頌成兵征諸洞蠻平
之○晉燕代遼寧谷六王勦兵備虜○六月翰林
院學士劉三吾暴卒○賜禮部覆試貢士韓克忠
等進士出身有差○召羽馬郡尉歐陽倫暴卒○
秋七月左都御史楊清暴卒○八月河決開封○
鄭沂爲禮部尚書○九月平緬諸蠻刁幹孟叛逐
宣慰使思倫發○冬十月癸亥犯南斗○重建國

子監先師廟成○十一月征虜前將軍西平侯春
左右副將軍都督何福徐凱率師討刁幹孟○十
二月癸未上不豫○是年太子少保掌刑部事唐
鐸卒

寅成洪武三十一年春正月令山東河南墾田○二
月倭寇山東浙東○定吏員出身資格○三月廷
臣請討朝鮮不許○夏四月邊將分道率兵從成
祖代遼寧谷王出北平禦虜○黃福爲工部右侍
郎○五月西平侯春擒刁幹孟思倫發還平緬○
甲寅上不豫○都督楊文總兵北平恭贊成祖○



總兵武定侯英副總兵宋晟從遼王出關平備虜
○閏五月乙酉帝崩于西宮○辛卯皇太孫卽皇
帝位○葬孝陵號謚大行皇帝太祖高皇帝孝慈
皇后孝慈高皇后○蹇義夏原吉爲吏戶部右侍
郎○華元貞○省府州縣○六月方孝孺爲翰林
侍講齊泰兵部尚書○秋七月董倫爲禮部左侍
郎兼翰林學士○廢周定王爲庶人○吏部尚書
茹璠掌河南布政司事尋召爲兵部尚書○八月
魏國公輝祖兼太子太傅○征夷將軍都督何福
副將軍徐凱帥師征百夷平之○九月長星西隕

○雲南總兵西平侯沐春卒○冬十月癸亥守心
○吏部尚書茹璠免張統爲吏部尚書○十一月
御史解縉謫吏河州○工部侍郎張萬掌北平布
政司事謝貴張信北平都指揮使○陳迪爲禮部
尚書○舉山林巖穴懷材抱德之士○齊王榑有
罪留京邸○十二月征南總兵顧成班師還京○
是年王鈍爲戶部尚書鄭賜工部尚書會鳳詔監
察御史

○建文皇帝建文元年春正月大祀天地於南郊
奉太祖高皇帝配○修太祖高皇帝實錄○二月



追尊皇考懿文皇太子爲興宗孝康皇帝皇妣懿
敬皇太子妃爲孝康皇后○尊母皇太子妃呂氏
爲皇太后○立妃馬氏爲皇后子文奎爲皇太子
○封弟允燧爲吳王允燧衛王允燧徐王○詔薦
賢養老壘田興學考察官吏旌孝賑貧掩骼埋齒
贖民鬻子減田租○令親王不得節制文武吏士
○周是修爲衛府紀善○北平右布政使曹昱按
察副使張連有罪除名落職○三月丁巳祀先師
幸太學○北平按察使陳瑛有罪安置廣西○勅
都督宋忠徐凱耿璉將兵屯關平臨清山海關○

遣采訪使都御史暴昭侍郎夏原吉等巡行天下
問民疾苦○京師地震求直言貶監察御史尹昌
隆爲福寧知縣○夏四月并衛所○湘王柏暴卒
○廢齊王博代王桂爲庶人○五月北平按察僉
事湯宗上變告繫詔獄○王叔英爲翰林修撰○
六月解縉爲翰林待詔○秋七月癸酉成祖起兵
靖難北平右布政使郭資都指揮張信降掌布政
司事侍郎張嵩都指揮使謝貴燕府長史葛誠伴
讀余逢辰死之宋忠率師次居庸退保懷來○成
祖上書請誅齊太黃子澄○都指揮使馬宣起兵



薊州攻北平不克死之○通薊遼化密雲皆降燕
○成祖克懷來獲宋忠都指揮彭聚孫泰戰死○
大寧守將劉貞陳亨卜萬引兵次松亭關達萬下
獄○征虜大將軍長興侯耿炳文左右副將軍駙
馬都尉李堅都督寧忠率安陸侯吳傑江陰侯吳
高都督都指揮盛庸潘松楊忠顧成徐凱李文陳
暉平安分道進攻北平○置平燕布政使司于真
定刑部尚書暴昭掌布政司事○贈故翰林待制
王禕爲翰林學士○封李堅爲灤城侯○八月炳
文兵次真定○靖難兵克雄縣獲楊忠潘松○炳

文及靖難兵嚴於真定敗績李堅寧忠被執○丙
寅成祖還北平○曹國公李景隆爲征虜大將軍
召炳文還○谷王德還京師○召遼王植寧王權
遼王至寧王不至徒封遼王於荊州○九月吳高
及耿繼楊文帥兵圍永平○景隆兵次河間○山
東參政鐵鉉參贊景隆軍務○成祖援永平高退
保山海關○吳傑兵潰於真定遁還降南寧指揮
使○冬十月成祖襲破大寧守將朱鑑死之○陳
亨降燕襲破劉貞貞走還京○景隆進兵攻北平
○成祖以寧王權及大寧漢達兵援北平○十一

月景隆逆戰於鄭村壩大敗奔德州○乙亥成祖
再上書○麻峩王梗爲庶人○十二月吳高有罪
徙廣西楊文鎮守遼東○成祖克廣昌○薊州鎮
撫曾濟起兵攻北平不克死之駙馬都尉王寧有
罪下獄○練子寧爲吏部侍郎○復以茹瑞爲兵
部尚書○罷齊太黃子澄留京師○加景隆太子
太師○省躬殿成○徙蕭莊王於蘭縣○殺留守
左衛指揮同知李中○參贊大將軍軍務高觀使
北平錢芹爲行軍署都事茅大芳爲副都御史○
成祖建文二年春正月成祖克蔚州進攻大同○二

月改都察院爲御史府改景清爲御史大夫戴德
彛左拾遺○黃觀爲禮部侍中掌尚寶司事○虜
坤帖木兒可汗瓦剌王猛哥帖木兒款北平○景
隆援大同○成祖還北平○保定知府羅僉降燕
○劉儁爲兵部侍中○三月丙寅朔日食○賜胡
靖王良等進士及第出身有差○夏四月胡靖爲
翰林修撰○成祖至白溝河景隆率諸將兵合戰
大敗走德州叅政鐵鉉參軍高巍還守濟南○靖
難兵進攻德州○五月景隆奔濟南靖難兵入德
州轉掠濟陽儒學教諭王省死之○成祖進兵圍



濟南景隆出戰敗績鐵鉉高繼禦却之○都督僉
事朱榮棄師還京伏誅○六月置資德院○遣尚
寶司丞李得成至燕議罷兵○秋七月得成還自
濟南下獄尋釋之○平安率兵次單家橋○八月
濟南圍解成祖還北平○承天門災詔求直言○
改護身殿爲正心殿○攻方孝孺爲文學博士○
九月攻承天門爲阜門○冬十月置威武中衛○
平安及靖難兵戰鐔山斬其將陳亨○徐訖城滄
州成祖襲破之獲凱○封盛庸爲歷城侯鐵鉉爲
山東左布政使○召景隆還平燕將軍盛庸左右

副總兵陳暉平安左右參將馬溥徐真鐵鉉參贊
軍務督諸兵北進○十一月庸進兵德州○成祖
至臨清移屯館陶○十二月成祖進兵汶上掠濟
寧庸兵躡之營於東昌○乙卯成祖至東昌○庸
出兵大戰斬其將張玉成祖退屯館陶○鐵鉉爲
兵部尚書仍參贊軍務○詔舉優通文學之士○
鄒瑾爲大理右寺丞

李
建文三年春正月親命神寶成○召齊太黃子
澄議軍國事○成祖還北平○二月成祖至保定
○加禮部尚書陳迪太子少保○調大理左右少



卿汪善聞良輔爲河南湖廣肅政按察副使鎮江
知府薛嵩補缺胡閏爲大理左右少卿○三月成
祖合諸兵南進○庸及靖難兵大戰於夾河斬其
將譚淵再戰庸兵敗走德州○真定諸將及靖難
兵戰於單家橋敗績再戰於藁城敗績○閏三月
靖難兵掠順德廣平大名○謫齊太黃子澄論燕
罷兵○成祖上書請召諸將還京遣大理少卿薛
嵩報之○夏四月嵩還○真定諸將出兵扼燕餉
道不克○五月成祖遣武勝上書下詔獄○詞刑
部左侍郎王良爲浙江肅政按察使○六月靖難

兵至濟沛都督袁宇禦之敗績○太僕少卿祝五
獻使朝鮮市馬○秋七月靖難兵掠彰德○遣人
貽書燕世子○大同守將房昭率兵取保定駐西
水寨成祖還援保定○八月靖難兵圍西水寨○
限僧道田人五畝○九月靖難兵攻定州○平安
進攻北平不克還次真定○倭寇浙東○置豐沛
軍民指揮司○冬十月真定諸將遣兵援昭及靖
難兵戰於齊眉山敗績○成祖還北平○翰林修
撰王艮卒○徙慶靖王於寧夏○十一月遼東總
兵楊文攻永平不克○平安戰敗靖難兵於楊村

○皇子文直生○坤帖木兒可汗死鬼力赤爲可汗○十二月成祖復出北平○駙馬都尉梅殷鎮守淮安○太祖高皇帝寶錄成○楊士奇爲吳府審理副仍留翰林○改程本立爲江西肅政按察副使

壬午建文四年春正月平安復通州不克○靖難兵攻東平吏目鄭華死之○靖難兵攻沛知縣顏伯瑋主簿唐子清典史黃謙死之○祭酒張顯宗爲工部右侍郎募兵江西○設京衛武學○二月諸將兵次濟寧○靖難兵攻徐州○三月靖難兵攻

容州○成祖至渦河○安及靖難兵戰於淝河敗績○靖難兵攻蕭知縣鄭恕死之○夏四月安及靖難兵戰於小河斬其將王真○魏國公徐輝祖率兵會諸將及靖難兵戰於齊眉山敗之召輝祖還○靖難諸將請還北平○諸將合兵及靖難兵大戰於靈壁敗績何福走陳暉平安馬溥徐真禮部侍郎陳性善大理寺丞彭興明皆被執○五月成祖至泗州○盛庸次淮南○成祖渡淮至盱眙庸走○諸將分屯鳳陽淮安○成祖至揚州守將崇剛監察御史王彬死之○成祖至儀真○詔天



下勤王○遣刑部侍郎金純禮部侍郎黃觀翰林
修撰王叔英徵兵入援○蘇州知府姚善寧波知
府王璵率師勤王○遼東兵潰於直沽○刑部尚
書侯泰轉餉淮安○六月癸丑朔成祖至浦口庸
等逆戰都督金事陳瑄率舟師降燕○乙卯成祖
渡江庸率海艘出高資港戰敗績○庚申成祖至
龍潭遣李景隆茹瑄王佐議割地罷兵○諸王分
守京城諸門○魏國公徐輝祖開國公常昇分道
出師禦戰○甲子遣人齎書四出促勤王兵○
乙丑成祖至金川門谷王穗降成祖遂入京城○

殺都督徐增壽○大內火○帝遜位○己巳成祖
謁孝陵遂即皇帝位○贈徐增壽為武陽侯禁錮
魏國公徐輝祖○壬申葬建文皇帝○遷興宗孝
康皇帝主於陵仍稱懿文皇太子遷呂太后於懿
文陵○秋七月壬午朔大祀天地於南郊○大赦
○降封允熲允熒允燧為廣澤懷恩敷惠王○都
督李增枝節制襄襄襄塘安陸兵備○陳瑛為副
都御史○工部尚書嚴震直等巡視河北諸省○
八月歷城侯盛庸安巖山東都督劉貞鎮守遼東
征虜前將軍都督何瑄鎮守陝西都督韓觀練兵



江西西平侯沐晟鎮守雲南○弘統暴卒王鉞致仕蹇義夏原吉爲吏戶部尚書宋禮禮部右侍郎○初建內閣翰林待詔解縉爲侍講中書舍人黃淮編修並直文淵閣○九月大封靖難功臣○詔諭四夷君長○徙封谷王穗於長沙○廢廣澤王懷恩王爲庶人○黃福爲工部尚書○胡廣爲侍講楊榮修撰楊士奇編修金幼孜胡儼檢討並直文淵閣○冬十月寧王權來朝改封南昌○重修太祖高皇帝實錄○僧道衍爲左善世○十一月新作奉天殿成○解縉爲侍讀學士胡靖黃淮胡

儼並侍讀楊榮楊士奇金幼孜並侍講○立妃徐氏爲皇后○北平左布政使郭資保定知府雒僉爲戶刑部尚書仍掌司府事○陳瑛請追戮建文諸臣不許○十二月李至剛爲禮部尚書○戒諭靖難功臣







20250802 NATIONAL CENTRAL LIBRARY, TAIWAN, R.O.C.



UNIVERSITY NATIONAL CENTRAL LIBRARY TAINAN # 0-0



© 1999 NATIONAL CENTRAL LIBRARY TAIWAN R-0-0





國立中央圖書館, 臺灣, R.O.C.

000000 10



皇明大政記第二卷

吾學編第二

臣海鹽鄭曉

松成祖文皇帝永樂元年春正月陳瑛爲左都御史○復封周齊代岷王○以北平爲北京○二月設北京行部行後軍都督府郭資繼僉爲行部尚書平安行都督僉事○貽書鬼力赤可汗○皇子高煦率兵備開平○武定侯郭英卒○三月徙北平行都司於保定以大寧界兀良哈○夏四月戶部尚書夏原吉治水江南○襄城伯李濬鎮守江西○太白出昴北○禁金錢交易○五月號諭皇



考妣太祖聖神文武欽明啓運俊德成功統天大
孝高皇帝孝慈昭憲至仁文德承天順聖高皇后
○六月太祖高皇帝實錄成○秋七月書諭鬼力
赤可汗○八月平江伯陳瑄總督海運○九月求
賢才○歷城侯盛庸暴卒○冬十月靖安侯王忠
安集北平○長興侯耿炳文暴卒○金忠爲兵部
尚書○十一月定武職新舊官襲替法○閏十一
月封黎蒼爲安南國王李芳遠爲朝鮮國王○十
二月徙宮闈民貨北京

甲永樂二年春正月召世子及高勳還京○二月

貽書鬼力赤可汗○三月改封敷惠王允熾爲臨
寧王奉懿文皇太子祀○通政趙居任使日本令
十年一貢○夏四月簡東宮官蹇義兼詹事解縉
翰林學士兼右春坊大學士黃淮胡廣左右庶子
胡儼楊榮左右諭德楊士奇左中允○立世子高
拱爲皇太子封皇子高煦漢王高燧趙王○俊冠
浙東○五月○六月封哈密安克帖木兒爲忠順
王○太子少師姚廣孝賑濟蘇湖○秋七月○八
月老撾送安南故王孫陳天平來朝○九月胡儼
爲園子祭酒○冬十月○十一月錄囚奉天殿○



設天津衛○鬼力赤馬哈木相警殺遣人貢馬○
十二月禁錮李景隆○是年周新爲監察御史○
乙永樂三年春正月免順天永平保定田租二年
○二月改黃福爲北平行部尚書宋禮工部尚書
○三月安克帖木兒卒脫脫嗣封忠順王○保定
侯孟善市馬開原○夏四月僉都御史俞士吉使
日本封其酋爲日本國王○五月戒飭親王○六
月黎蒼表請陳天平歸國○賑江東饑民○秋七
月段民爲戶部右侍郎○八月戶部尚書郁新卒
夏原吉還掌部事○九月李至剛落職改鄜賜爲

禮部尚書呂震爲刑部尚書○冬十月駙馬都尉
梅殷暴卒○十一月○十二月左右副將軍黃中
呂毅帥師送天平歸國

丙戌永樂四年春正月考察北京及天下文武官○
南陽孟起豐城侯李彬新城侯張輔討平之○封
黎蒼爲順化郡公○二月趙王高燾居守北京○
三月謁先師視太學○書諭鬼力赤可汗○黎蒼
弑其故主天平於芹站○夏四月求遺書○五月
廢齊王榑爲庶人尋安置廬州○六月己未朔日
食○秋七月征夷大將軍成國公朱能左右副將

TAFLEN Color Control Patches

Blue Cyan Green Yellow Red Magenta White Black

大政記 卷之二十一
軍西平侯沐晟新城侯張輔參贊軍務兵部尚書
劉備督理軍餉行部尚書黃福大理卿陳洽率師
分道討黎蒼○朱濂為行部尚書○閏七月建北
京宮殿○平江伯陳瑄兼江淮河衛轉運○八月
勅泰晉守將宋晟何福吳高練兵防胡○九月設
陝西葭肅苑馬寺○冬十月輔兵度坡壘關晟兵
至白鶴江○征夷大將軍總兵官成國公朱能卒
於龍川輔為征夷大將軍○陳瑄孽倭於沙門島
敗之○十一月○十二月大赦○既寧王允熾基
卒○輔至交州晟追賊至木九江

丁承樂五年春正月輔晟合兵破賊籌江柵○二
月解縉為廣西右叅議○三月輔晟合兵破賊於
富良江○夏四月皇長孫出閣就學○五月輔兵
追賊出奇羅海口擒黎蒼及其父李聲懼送京師
○六月安南平置交趾都布按三司都督呂毅掌
都司事尚書黃福兼掌布按司事○徵用交趾人
材○秋七月葭肅總兵官西寧侯宋晟卒○乙卯
皇后徐氏崩○八月議設海運都漕運使司○九
月李聲蒼及其偽將相下獄○冬十月辛巳朔日
食○初設屯田按察僉事○十一月胡廣為翰林



學士兼左春坊大學士黃淮右春坊大學士楊榮
右庶子楊士奇金幼孜左右諭德兼職如故○令
內閣儒臣考滿吏部勿改外任○十二月戶科都
給事中胡濙訪求異人○是年撤馬兒罕同哈里
遣人送給事中傳安郭驥還


子承樂六年春正月○二月定巡狩禮○三月書
諭本雅失里○夏四月己卯朔日食○五月○六
月征夷諸將班師還京進封沐晟監國公張輔英
國公封柳升安遠伯○禮部尚書鄭賜卒改呂震
禮部尚書都御史劾觀駕刑部尚書○楊榮愛去

○秋七月征西將軍寧陽侯陳懋鎮守寧夏○翰
林學士王景彰卒○八月交趾簡定反征夷將軍
沐晟參贊軍務兵部尚書劉儁帥師討之○詔明
年二月巡北京○九月○冬十月乙亥朔日食○
十一月浮泥國王麻那惹加那乃來朝卒○勅文
武大臣輔導皇長孫○十二月晟兵遇賊於生麻
江敗績都督呂毅尚書劉儁交趾參政劉昱死之
○英國公張輔總兵清遠侯王友副之帥師討簡
定○瓦剌攻破鬼力赤阿魯台立本雅失里爲可
汗

正永樂七年春正月太監鄭和航海過西南夷○
楊榮起復○二月帝發京師皇太子監國○茹瑺
下錦衣獄卒○平安暴卒○三月帝至北京○夏
四月遣給事中郭襲論本雅失里曠不屈死之○
閏四月方賓爲兵部尚書○五月作壽陵於昌平
○簡定稱上皇立陳李擴爲越皇帝○封瓦剌兀
哈木爲順寧王太平賢義王把禿孛羅安祿王○
六月遣御史考察守令○秋七月征虜大將軍淇
國公丘福左右副將軍武城侯王聰同安侯火真
左右叅將靖安侯王忠安平侯李達率師征本雅

失里○楊榮極盡甘肅軍務○八月征虜兵至於
臚胸河五將皆敗歿○輔敗賊於鹹子關○九月
輔敗賊於太平海口○甘肅總兵都督何福撫定
亦集乃諸酋封福爲寧遠侯○冬十月封陳懋爲
寧陽侯○十一月輔兵至美良獲簡定檻送京師
李擴走○十二月

宣統承樂八年春正月召輔還展節制諸軍雲陽伯
陳旭副之討李擴○簡定伏誅○二月帝帥師征
本雅失里皇長孫留北京夏原吉兼理行在部院
事○胡儼兼侍講掌翰林院事○三月大閱於鳴



卷之二十一
塞戍○永昌觀官叛總兵都督費瓌參贊軍務刑部尚書劉觀討平之○夏四月○五月帝追虜至幹難河擊敗之本雅失里邁遂班師○六月阿魯台詐降逆戰敗走帝追擊大敗之○秋七月帝至北京○八月寧遠侯何福舉卒○長沙妖賊反豐城侯李彬討平之○九月周王請祀太祖於國中不許○冬十月帝發北京○贖民鬻子○十一月帝還京○十二月李擴請降以爲交趾右布政使尋復反

辛卯 永樂九年春正月征虜副將軍輔及征夷將軍

晟會兵討交趾○二月赦交趾○尚書宋禮都督周長浚會通河○設奴兒干都司置開原馬市○三月陳瑛有罪下獄死○浚中濼河○夏四月○五月倭寇浙東○六月楊榮起復○逮交趾參議解縉下錦衣獄○鄭和襲執錫蘭山國王亞烈苦柰兒○周宗範謝垣伏誅○秋七月輔晟兵敗賊於月當江○八月○九月○冬十月重修太祖高皇帝實錄○哈密忠順王脫脫卒封免力帖木兒爲忠義王尋卒封孛羅帖木兒爲忠順王○十一月立皇長孫瞻基爲皇太孫○輔率舟師破賊於



海上海上○十二月○閏十二月令百官條上軍民利病○令薦舉堪任牧民風憲者○阿魯台納款請併屬女直吐番諸部不許○是年滿刺加國王拜里迷蘇刺來朝

壬辰永樂十年春正月禁差守令○倭寇浙東○二月勅戒武臣○三月選庶吉士法司理刑○夏四月○五月○六月○秋七月敕亞烈苦奈兒歸國○八月輔兵破賊於神授海口○九月瓦剌馬哈木攻破本雅失里立答里巴爲可汗○冬十月皇太孫演武方山○輔兵破賊西心江○十一月楊

榮經畧甘肅軍務老的罕來降○十二月○是年殺浙江按察使周新○降安定王尚煇爲庶人安置泗州

癸巳永樂十一年春正月辛巳朔日食免朝賀○二月帝巡狩北京皇太孫從行皇太子監國○三月田琛田宗鼎伏誅設貴州布政司工部侍郎蔣廷瓚爲左布政使○夏四月○五月○六月○秋七月封阿魯台爲和寧王○八月吏部員外郎陳誠使西域○九月○冬十月○十一月瓦剌三酋叛○十二月輔晟會兵敗賊于愛子江擒李擴檻送

京師

平永樂十二年春正月丙子朔日食免朝賀○二月安遠侯柳升將中軍寧陽侯陳懋襄城伯李隆豐城侯李彬遂安伯陳瑛武義伯王通保定侯梁瑛都督譚清新寧侯譚忠領左右哨掖討瓦剌○三月帝發北京皇太孫從行○夏四月五軍出塞○五月闕武楊林戌○六月丙寅朔日食○前鋒都督劉江破虜於康哈里○帝至土剌河答里巴及其三首逆戰大敗之遂班師阿魯台遣人來朝○秋七月帝駐宣府○八月帝還北京○陳李擴

伏誅○九月令支運轉清○閏九月遠黃淮楊士奇楊溥下錦衣獄尋釋士奇○冬十月吳高有罪免爲庶人○十一月甲午朔日食○命廣榮幼孜纂修五經四書性理大全○十二月

紀永樂十三年春正月解縉恭卒○二月○三月禮官請賀大巖山呼萬歲不許○夏四月征夷將軍英國公張輔鎮守交趾○兵部尚書兼詹事金忠卒○五月陳瑄開清江浦罷海運令轉運○六月○秋七月誅貪殘守令○八月○九月壽陵成進封武義伯王通爲成山侯○五經四書性理大

TIFFEN Color Control Patches

Blue Cyan Green Yellow Red Magenta White 3 Color Black

全書成○冬十月吏部員外郎陳誠上使西域記
○十一月麻祿國進麒麟帝不受賀○十二月定
牧馬法

丙 永樂十四年春正月○二月○三月改封趙王
於彰德漢王於青州○夏四月紀綱伏誅○祠祭
郎中周訥請封禪泰山不許○胡廣爲文淵閣大
學士楊榮金幼孜翰林學士○五月壬辰朔日食
○六月襄城伯李隆守備南京○秋七月遣將練
兵海上防倭○八月作北京西宮○九月初令御
史巡鹽○冬十月帝還南京○十一月復議建北

京○召張輔還京豐城侯李彬鎮守交趾○十二
月故吳王允燾卒○胡濙爲禮部右侍郎○是年
監察御史黃宗載巡按交趾

丁 永樂十五年春正月倭寇浙東○二月廢谷王
穗爲庶人○楊士奇爲翰林學士○三月漢王高
煦改封之國樂安○帝巡北京皇太子監國○夏
四月丁巳朔日食○五月倭寇浙東○山東旱蝗
○閏五月遣文武大臣分道經理漕運○六月建
北京郊廟宮殿○秋七月冊皇太孫妃胡氏○馬
哈木死封其子脫歡爲順寧王○八月○九月蘇




光緒二十二年
十月
祿國王巴都為叭答刺來朝卒○冬十月癸未朔
日食○禮部員外郎呂淵使日本○十一月趙祚
為兵部尚書巡督塞上屯戍○十二月○是年安
惠王卒無子國除

戊永樂十六年春正月安南黎利反總兵李彬遣
兵討之利敗走○禮官請賀玄兔不許○二月○
三月天子少師兼廣孝卒○初令民運○夏四月
○五月太祖高皇帝實錄成○大學士胡廣卒○
六月纂修天下郡縣志○秋七月日本首源義遠
使朝貢謝罪○八月○九月○冬十月○十一月

亦力把力歪思獄其主納里失只罕而自立○十
二月申嚴賊禁

紀永樂十七年春正月○二月○三月寒義起復
○夏四月○五月○六月遼東總兵都督劉江大
破倭奴於望海場封江為廣寧伯○秋七月○八
月○九月○冬十月○十一月○十二月令慎選
守令

戊永樂十八年春正月楊榮金幼孜並為文淵閣
大學士兼翰林學士○閏正月○二月山東妖婦
唐賽兒反安達侯柳升率兵討之○三月山東都



指揮衛青擊破妖賊唐賽兒遁逃升下詔獄尋宥
之○夏四月廣寧伯劉江卒○五月交趾叅政侯
保馮貴禦賊死之○大索唐賽兒○六月○秋七
月○八月丁巳朔日食○九月己巳北京宮殿成
蔡信爲工部右侍郎○冬十月○十一月改京師
爲南京稱行在所爲京師○十二月皇太子太孫
至京師○封薛祿爲陽武侯

諱小樂十九年春正月甲子朔帝御奉天殿受朝
賀八寅大赦○改楊士奇爲左春坊大學士○二
月虜寇宣夏○三月○夏四月庚子奉天華蓋墮

身三殿災肆赦禁論誦讀高書賽義等舉行天下
安撫軍民監察御史何忠爲政平知州○五月李
彬屯田交趾○六月○秋七月段民爲山東左叅
政○八月辛巳朔日食○九月○冬十月阿魯台
叛數寇邊○敕黎利爲清化知府○十一月議北
征建戶部尚書夏原吉工部尚書吳中繫掖庭獄
兵部尚書方賓暴卒○十二月李慶爲兵部尚書
宣永樂二十年春正月己未朔日食○二月議北
征餽餉○三月阿魯台攻興和綏守將丁丑帝發
京師討之○夏四月倭寇浙東○五月駐獨石大

庚戌年
閏○六月虜攻萬全○秋七月阿魯台北走旋師
討兀良哈大破之○工部尚書宋禮卒○八月班
師○九月帝還京述大學士楊士奇尚書蹇義呂
震下錦衣獄尋釋之○冬十月○十一月○十二
月○閏十二月阿魯台弑其主本雅失理自稱可
汗

癸亥年
癸亥承樂二十一年春正月○二月○三月○夏四
月瓦剌脫歡攻阿魯台敗之○五月常山護衛指揮
王瑜告變孟賢伏誅○六月庚戌朔日食○秋
七月安遠侯柳升遂安伯陳瑛將中軍武安侯鄭
亨成國公朱勇英國公張輔成山侯王通將左右
軍寧陽侯陳懋將前鋒從征阿魯台○八月大閱
遂發京師○九月○冬十月虜酋也先土干降封
爲忠勇王遂班師○十一月帝還京○十二月○
是年李時勉復爲翰林侍讀

甲辰年
甲辰承樂二十二年春正月建朝觀官下錦衣獄尋
釋之○阿魯台寇大同○二月○三月大閱安遠
侯柳升將中軍英國公張輔成山侯王通武安侯
鄭亨陽武侯薛祿將左右軍寧陽侯陳懋忠勇王
金忠將前鋒從征阿魯台○夏四月帝發京師○



五月閩浙盜起尋撫定之○六月帝出塞不見虜
遂班師○秋七月辛卯帝崩於榆木川○八月丁
巳皇太子卽皇帝位○大赦○出夏原吉吳中於
獄復其官○復設三公三孤○加蹇義少保楊榮
太常卿金幼孜戶部右侍郎楊士奇禮部左侍郎
兼華蓋殿大學士○出黃淮楊溥於獄准爲通政
使兼武英殿大學士溥翰林學士○罷通西南海
夷○九月謚懿大行皇帝太宗體天弘道高明廣
運聖武神功純仁至孝文皇帝仁孝皇后仁孝慈
懿誠明莊獻配天齊聖文皇后○尚書黃福還京

兵部尚書陳洽兼掌文趾布按司事○加蹇義少
保楊士奇少保楊榮太子少傅兼謹身殿大學士
金幼孜太子少保兼武英殿大學士○襄城伯李
隆總兵鎮守山海尋復守備南京○冬十月向瑄
爲右都御史兼詹事○令三法司會內閣府部司
科於承天門審錄重囚○選東宮官安達侯柳升
太子少傅成山侯王通陽武侯薛祿並太子太保
禮戶兵部尚書呂震夏原吉李慶太子少師少傅
少保戶部尚書郭資兼太子賓客刑部尚書吳中
工部尚書黃福並兼詹事會祭王英左右春坊大



學士黃宗戴詹事府丞○立妃張氏爲皇后○立皇太孫瞻基爲皇太子○嚴舉主連坐法○封都督李賢爲忠勤伯○十一月宥建文諸臣家族○交趾黎利反○改楊時習爲交趾按察使○遣御史分巡察官吏○進憲義楊士奇夏原吉少師少傅少保左都御史劉觀太子少保改吳中工部尚書兼太子少保金純刑部尚書○郭資進太子太師致仕○虜寇雲州陽武侯薛祿擊敗之○葬長陵○封張昶爲彭城伯○征西前將軍武安侯鄭亨鎮守大同○十二月加楊榮工部尚書○作

觀天臺於禁中○徙封韓恭王於平涼○是年師遼爲南京戶部尚書兼掌吏部事

皇明大政記第二卷


子履準校

孫心材重校

皇明大政記第三卷

吾學編第三
臣海鹽鄭曉


乙仁宗昭皇帝洪熙元年春正月加楊士奇兵部尚書黃淮少保戶部尚書金幼孜禮部尚書○楊溥直弘文閣○大祀天地於南郊奉太祖成祖祀○大赦○布政使周幹按察使胡榮叅政葉春巡視江東浙西八郡○二月祭酒兼侍講胡儼加太子賓客致仕○除誹謗之禁○楊溥為太常卿兼翰林學士○復北京行部行後軍都督府○胡濙為太子賓客兼南京園子祭酒○三月權謹為文



皇明大政記第三卷

吾學編第三
臣海鹽鄭曉


乙仁宗昭皇帝洪熙元年春正月加楊士奇兵部尚書黃淮少保戶部尚書金幼孜禮部尚書○楊溥直弘文閣○大祀天地於南郊奉太祖成祖祀○大赦○布政使周幹按察使胡榮叅政葉春巡視江東浙西八郡○二月祭酒兼侍講胡儼加太子賓客致仕○除誹謗之禁○楊溥為太常卿兼翰林學士○復北京行部行後軍都督府○胡濙為太子賓客兼南京園子祭酒○三月權謹為文



華殿大學士○征夷副將軍榮昌伯陳智率師討
 黎利○吳訥為監察御史○徙岷王榷於武岡○
 夏四月南京屢地震○皇太子謁皇陵祖陵孝陵
 ○蠲水旱墾田租○定太廟侑享功臣○五月修
 成祖文皇帝實錄○改李時勉羅汝敬為監察御
 史○庚辰帝不豫召皇太子辛巳帝崩於欽安殿
 ○六月辛丑皇太子還至良鄉宮中始發喪○庚
 戌皇太子即皇帝位大赦○南京地震○秋七月
 尊皇后張氏為皇太后○號謚大行皇帝仁宗敬
 天體道純誠至德弘文欽武章聖達孝昭皇帝○

立妃胡氏為皇后○行在兵部侍郎戴綸副陳洽
 贊理軍務○閏七月修仁宗昭皇帝實錄○胡漢
 為禮部左侍郎兼太子賓客○八月胡祭為大理
 卿及四川參政葉春巡撫江南浙江○九月葬獻
 陵○令會試分南北取士○冬十月丙寅朔日食
 ○十一月鎮朔大將軍陽武侯薛祿巡關平宣大
 ○平江伯陳瑄鎮守淮安兼都督漕運○十二月
 南京地震○瓦剌馬哈木立脫脫不花為可汗

皇明大政記第三卷 子履準校孫心材重校



皇明大政記第四卷

吾學編第四

臣海鹽鄭曉

丙午宣宗章皇帝宣德元年春正月金幼孜憂去尋起復○二月○三月陳智方政兵討黎利敗績於茶籠○張瑛爲禮部左侍郎兼華蓋殿大學士入直文淵閣○夏四月呂震卒胡濙爲行在禮部尚書○征夷將軍成山侯王通帥師征交趾尚書陳洽仍參贊軍務安平伯李安掌交趾都司事削陳智方政官爵○五月召薛祿還京○沈度爲行在翰林學士○六月○秋七月北京地震○八月壬



皇明大政記第四卷

吾學編第四

臣海鹽鄭曉

丙午宣宗章皇帝宣德元年春正月金幼孜憂去尋起復○二月○三月陳智方政兵討黎利敗績於茶籠○張瑛爲禮部左侍郎兼華蓋殿大學士入直文淵閣○夏四月呂震卒胡濙爲行在禮部尚書○征夷將軍成山侯王通帥師征交趾尚書陳洽仍參贊軍務安平伯李安掌交趾都司事削陳智方政官爵○五月召薛祿還京○沈度爲行在翰林學士○六月○秋七月北京地震○八月壬



戊漢王高煦反辛未帝發北京襄王郭王居守陽武侯薛祿清平伯吳成將前鋒及五軍列侯諸將從討之辛巳帝至樂安壬午擒高煦乙酉班師○九月帝還北京○遣駙馬廣平侯袁容左都御史劉觀詣趙王高燧○繫高煦於逍遙城王斌朱恒伏誅○冬十月復以李時勉爲行在翰林侍讀○十一月通擊交趾賊敗績尚書陳洽死之○十二月征虜副將軍安遠侯柳升左副總兵保定伯梁銘征南將軍黔國公沐晟左右副總兵興安伯徐亨新寧伯譚忠率師分道討黎利兵部尚書李虞

參贊軍務工部尚書兼詹事黃福仍掌文趾布按司事○張本爲兵部尚書○是年以太和山佃戶陳祥爲監察御史○于謙爲監察御史

宣德二年春正月○二月趙王高燧上書謝罪○行在戶部左侍郎陳山爲尚書兼護身殿大學士直文淵閣○進張瑄禮部尚書○黎利攻交趾城王通擊敗之○南京地震○王驥爲兵部侍郎○三月改轉運爲支運○大理卿庠謙卒○夏四月廢晉王濟熿爲庶人安置鳳陽○通許利和貢方物請立陳氏後○五月鎮朔大將軍陽武侯



薛祿護餉開平○簡用罷黜庶官○六月寧陽侯
陳懋復鎮守寧夏○秋七月利階監留闕逮鎮遠
侯顧典祖下獄征蠻將軍都督山雲鎮守廣西○
八月大學士黃淮致仕○九月升至監留闕過賊
死梁銘李震卒崔聚兵潰○冬十月通與利盟退
師○復李時勉翰林侍讀○十一月行在禮工部
左右侍郎李琦羅汝敬諭安南立陳嵩為王諸將
班師○皇長子生大赦○十二月張善伏誅○是
年南京戶部尚書兼掌吏部事師達卒○差科道
官清軍

甲寅德三年春正月書諭阿魯台○二月立皇長
子祁某為皇太子大赦○通兵退次南寧○段民
為南京戶部侍郎尋改南京刑部○三月皇后胡
氏遜居別宮立貴妃孫氏為皇后○夏四月黃福
為行在工部尚書○廣西總兵山雲討平蠻寇○
魏驥為試行在吏部侍郎○閏四月王通梁瑛陳
智李安方政戈謙山壽馬騏下詔獄籍其家蔡福
朱廣伏誅褒贈安南死事文武諸臣○五月琦汝
敬還利表陳嵩卒乞守園侯命○汝敬復諭利訪
陳氏後○六月行在工部尚書吳中下獄尋釋之



刑部尚書金純致仕○秋七月顧佐爲行在右都御史○八月皇子祁鈺生○華北京行部行後軍都督府○丁未帝東巡英國公張輔陽武侯薛祿帥師以從○九月帝出喜峰口擊兀良哈大破之遂班師○癸酉帝還京○冬十月陽武侯薛祿遂安伯陳瑛武進伯朱冕鎮守薊州永平山海○寒義夏原吉輟部事○十一月城獨石遂棄開平○十二月福建樓濂反伏誅○是年勅南京刑部侍郎段民考察京官

宣德四年春正月兩京地震○二月羅汝敬還

利賈方物○三月遣李琦諭利○夏四月郭璉爲吏部尚書○工部尚書黃福平江伯陳瑄經略漕運○寧王權上書謝罪○五月初設鈔關○寧王權請灌城田不許○六月郭資掌行在戶部事○列侯諸將轉餉開平○秋七月幸文淵閣○行在戶部上戶口登耗之數○劉觀有罪徙遼東○八月楊溥憂去尋起復直弘文閣○九月山雲討平柳澤賊○冬十月庚辰幸文淵閣戊子幸文淵閣○改張瑛爲南京禮部尚書陳山專授小內使書○甲午帝閱武近郊戊戌還京○十一月礮藏清

大政記 卷之四 十二月

于市○列侯諸將帥師巡宣府○十二月
庚宣德五年春正月兩朝實錄成○少保戶部尚
書夏原吉卒○二月鎮朔大將軍陽武侯薛祿副
總兵恭順侯吳克忠左右叅將武進伯朱冕奉化
伯滕定率師巡邊○己未帝謁長陵獻陵○三月
己酉帝還京○黎利篡陳嵩而自立琦還利表請
封○熊榮為南京右都御史葉春行在刑部右侍
郎政江南民運為免運○及四月加楊榮少傅○
尚書黃福總理淮北河南山東屯田○五月况鍾
何文淵為蘇州温州知府○令追奪職官誥勅○

六月南京副都御史吳訥致仕○置萬全都指揮
司○秋七月太保陽武侯薛祿卒○禮官請賀龍
駒瑞麥嘉禾皆不許○八月己巳朔日食○九月
初設巡撫于謙周忱為行在兵工部右侍郎謙巡
撫河南山西忱巡撫江南直隸○嚴璉伏誅○乙
卯帝巡近郊己未還京○冬十月丙子帝巡近郊
戊寅度居庸關己卯獵岔道壬辰還京○丙申夜
蓬星見○十一月山雲討平慶遠蠻○十二月浙
江巡撫侍郎成均蔡捍海陵○閏十二月

辛宣德六年春正月張本卒○二月巡按江西御

大政記 卷之四 十二月



史陳祚下錦衣獄○趙儼伏誅○三月○夏四月
有星孛於東井○五月溧陽妖人伏誅○四川總
兵陳懷移鎮松藩○六月遣行在禮部右侍郎章
敵論黎利權署安南國事○秋七月帝幸楊士奇
第○八月○九月癸亥犯南斗○冬十月丙午帝
巡近郊庚戌還京○十一月唐受伏誅○十二月
袁琦伏誅○大學士金幼孜卒

壬宣德七年春正月朔日食○少詹事兼翰林學
士曾榮卒○二月行在工部右侍郎羅汝敬總督
陝西屯餉河渠事○三月○夏四月募商輸粟塞

下○五月○六月○秋七月○八月行在戶部尚
書黃福掌南京戶部事○令在京三品上官舉有
才行文學者○九月山雲為都督同知仍鎮守廣
西○冬十月○十一月○十二月修祖陵孝陵○

癸宣德八年春正月○二月○三月賜曹德等進
士及第出身有差○山東早饑○夏四月○五月
四川盜起副都御史賈諒討平之○六月平蠻將
軍都督方政副總兵蔣貴鎮守松藩○秋七月初
置武曠騰驤四衛○八月癸亥犯南斗○黃福兼
掌南京兵部事○閏八月禁出天倉○九月○冬



十月平江伯陳瑄卒○十一月左副總兵右軍都督僉事王瑜督理漕運鎮守淮安○十二月郭資卒○修南京宮殿○是年日本國王源道義卒遣使弔祭

甲寅宣德九年春正月○二月妖僧李卓謀反伏誅○南京刑部右侍郎段民卒○三月戊寅百官朝皇太子於文華殿○王驥為行在兵部尚書○夏四月琦還黎利死利子麟遣人告喪○五月使祭黎利○六月震大祀壇門○秋七月○八月楊溥為禮部尚書仍兼學士○瓦剌脫歡攻殺阿魯台

其子阿卜只佛來歸以為中府左都督○僉都御史凌晏如卒○九月張瑛仍直文淵閣尋卒○癸未帝巡邊乙酉度居庸關丙戌獵岔道辛卯駐宣府己亥大獵○冬十月丙午帝還京○侍郎章敞諭黎麟權署安南國事○陳敬宗為南京國子祭酒○翰林學士沈度卒○十一月○十二月甲子帝不豫術王瞻埏攝享太廟

甲寅宣德十年春正月癸酉朔帝不豫百官朝皇太子於文華殿○甲戌帝崩於乾清宮壬午皇太子即皇帝位○少師吏部尚書蹇義卒○號謚大行



皇帝憲天體道英明神聖欽文昭武寬仁純孝章
皇帝○尊皇太后張氏爲太皇太后皇后孫氏爲
皇太后○封皇弟祁鈺爲郟王○釋御史陳祚因
復其官○楊溥仍直文淵閣○二月○三月○夏
四月○五月王驥爲行在兵部尚書○六月葬景
陵○加黃福少保參贊機務○秋七月○八月平
羌將軍寧陽侯陳懋鎮守甘肅○九月修宣宗章
皇帝實錄○虜阿台朵兒只伯寇甘涼○陳鑑爲
右副都御史鎮守陝西兼督延寧邊備○徐晞爲
行在兵部右侍郎延撫甘肅○太監王振掌司禮

監事○黃宗敬爲南京吏部尚書○冬十月羅亨
信爲會都御史練兵平涼○十一月○十二月○
皇明大政記第四卷

子履華校


孫心材重校

皇明大政記第五卷

吾學編第五

臣海鹽鄭曉

丙辰英宗睿皇帝正統元年春正月御經筵○二月
僉都御史王翺鎮守江西○三月行在兵部左侍郎
柴車奏贊陝西軍務○鄺瑩為行在兵部左侍郎
○夏四月河北旱蝗○五月設提學憲臣薛瑄
為山東提學僉事○六月陳智為行在右副都御史
○閏六月○秋七月徙封襄憲王於襄陽淮靖
王於饒州○八月○九月張瑛卒○冬十月脫歡
朵兒只伯相警殺○十一月○十二月尚書王驥




皇明大政記第五卷

吾學編第五

臣海鹽鄭曉

丙辰英宗睿皇帝正統元年春正月御經筵○二月
僉都御史王翺鎮守江西○三月行在兵部左侍
郎柴車奏贊陝西軍務○鄺瑩為行在兵部左侍
郎○夏四月河北旱蝗○五月設提學憲臣薛瑄
為山東提學僉事○六月陳智為行在右副都御
史○閏六月○秋七月徙封襄憲王於襄陽淮靖
王於饒州○八月○九月張瑛卒○冬十月脫歡
朵兒只伯相警殺○十一月○十二月尚書王驥



巡視陝西諸寨

丁正統二年春正月○二月宋儒胡安國蔡沉真德秀從祀孔子廟庭○三月○夏四月○五月行在左都御史顧佐致仕○六月行在僉都御史魯穆卒○秋七月○八月○九月虜入茸肅塞尚書王驥總督陝西軍務禦之○何文淵為行在刑部右侍郎○令三品上京官薦堪任方面郡守者○冬十月○十一月○十二月

成化正統三年春正月○二月○三月○夏四月宣宗章皇帝實錄成進楊士奇楊榮少師楊溥少保

武英殿大學士王直王英並禮部左侍郎李時勉錢習禮為翰林學士○王驥遣兵敗虜于塞外阿台朵兒只伯走死○五月江北大水○六月○秋七月○八月○九月○冬十月王驥還京兼大理卿掌部事柴重為兵部尚書仍贊理陝西軍務○封都督蔣貴定西伯任壽寧遠伯趙安會昌伯○雲南麓川宣慰思任發叛○十一月陳敬宗為南京國子祭酒○十二月

己正統四年春正月麓川思任發叛遣主事楊寧諭之不聽○二月大學士楊士奇展墓尋還朝○



閏二月○三月建湖廣巡按御史陳祚下錦衣獄
尋釋之○夏四月倭寇浙東○五月黔國公晟率
兵討麓川都督方政力戰死之晟基卒子斌嗣黔
國公鎮守雲南○六月京師大水求直言修廢政
令戶部侍郎吳望順天府尹姜濤賑卹軍民○僉
都御史王翱巡撫四川參贊軍務○秋七月○八
月丙子朔日食○九月○冬十月廢遼王賁給爲
庶人○十一月遣渾天瑋璣玉衛簡儀○十二月
徙封荆憲王於蘄州

庚申 正統五年春正月甲辰朔日食○參贊機務少

保南京戶部尚書黃福卒○襄城伯李隆提督京
營豐城侯李彬守備南京○二月行在翰林侍讀
學士馬愉侍講曹鶴並直文淵閣○大學士楊榮
展墓○三月○夏四月立存積常股鹽法○五月
倭寇浙東○六月○秋七月少師工部尚書兼謹
身殿大學士楊榮卒○八月○九月封張昇爲惠
安伯○冬十月儀銘楊者爲郎府左右長史○十
一月○十二月○是年令進士舉人監生吏員官
聽諸司保舉

辛酉 正統六年春正月己亥朔日食○征夷將軍定

西侯蔣貴監督軍務太監吉祥提督軍務兵部尚書王驥及侯璉楊寧帥師討思任發○二月僉都御史王翺鎮守陝西○大學士楊溥展墓尋還朝○三月○夏四月○五月○六月陳智免王文爲右都御史○秋七月丙申朔日食○八月○九月○冬十月奉天華蓋護身三殿成大赦○十一月定都北京○右副都御史吳訥致仕○王驥進攻麓川思任發走緬甸遂旋師○閏十一月李時勉爲國子祭酒○十二月普花可汗及也先遣人貢馬

壬正統七年春正月○二月○三月賜劉儼等進士及第出身有差○封蔣貴定西侯王驥靖遠伯侯璉楊寧爲禮刑部右侍郎贈謚方政威遠忠毅伯○僉都御史王翺提督遼東軍務○夏四月○五月○六月庚寅朔日食○少師工部尚書吳中卒○秋七月吏部尚書郭璉罷○倭寇浙東○八月僉都御史魯穆巡視江南○九月置太倉庫○冬十月太皇太后張氏崩○復以定西侯蔣貴爲總兵官靖遠伯王驥兼兵部尚書提督軍務討思任發任發復走緬甸遂旋師○十一月○十二月

TIFFEN Color Control Patches

Blue Cyan Green Yellow Red Magenta White Black

○是年蘇州知府况鍾卒○襄王瞻塏來朝

癸正統八年春正月王直爲吏部尚書王英禮部
左侍郎馬昂刑部右侍郎調吏部侍郎魏驥於禮
部○二月○三月○夏四月震奉天殿求直言○
大理少卿薛瑄下獄論死○封元儒吳澄爲臨川
郡公從祀孔子廟庭○立皇后錢氏○瓦剌順寧
王脫歡死○右都御史陳鑑掌院事左都御史王
文巡撫陝西○五月王翱爲副都御史仍提督軍
務○畿內旱蝗○六月甲申朔日食○翰林侍講
劉球下錦衣獄基卒○秋七月因子祭酒李時勉

荷校尋釋之○八月致仕太子賓客國子祭酒兼

翰林侍講胡儼卒○九月倭寇浙東按察僉事陶

成整飭海道○冬十月徙封鄭靖王於懷慶○十

一月壬子朔日食○故后靜慈仙師胡氏卒○十

二月

甲正統九年春正月新建太學成帝幸學謁先師

○進曹鶴翰林學士○二月○三月少師兵部尚

書兼華蓋殿大學士楊士奇卒○夏四月翰林學

士陳循直文淵閣○早遣官請兩岳鎮海瀆○五

月刑部侍郎楊寧參贊雲南軍務○六月○秋七



月兀良哈入寇威國公朱勇率諸將分道出塞擊之○閏七月浙西大水○八月○九月○冬十月丙午朔日食○十一月○十二月

正統十年春正月○二月○三月賜商輅等進士及第出身有差○夏四月壬子朔日食○五月○六月○秋七月○八月○九月○冬十月進曹錕吏部左侍郎陳希馬檢戶禮部右侍郎侍講學士苗衷高爨爲兵工部右侍郎並兼侍講讀學士直文溫閣○錢習禮爲禮部右侍郎○十一月○十二月右都御史王文鎮守陝西○是年刑部侍

郎薛希璉巡撫保定淮安十二郡

正統十一年春正月○二月○三月降于謙爲大理少卿仍巡撫○夏四月癸亥朔日食○倭寇浙西○五月○六月○秋七月少師禮部尚書兼武英殿大學士楊溥卒○八月作暮影堂○吏部尚書王直侍郎趙新曹義掌光祿寺事戶部侍郎李亨下獄禮部侍郎錢習禮署吏部事○九月鄭瑩爲兵部尚書○冬十月閏武近郊○十一月京營總兵襄城伯李隆帥師巡邊○十二月○是年召楊寧還侍郎侯璉參贊雲南軍務

丁正統十二年春正月○二月園子祭酒李時勉
致仕蕭錚爲園子祭酒○于謙爲兵部右侍郎○
三月○夏四月○閏四月○五月王翱爲右都御
史仍提督遼東軍務○六月禮部右侍郎錢習禮
致仕○秋七月河決張秋潰沙灣入海尋決榮澤
入淮工部尚書石璞治之○八月 朔日食○
九月禮部侍郎兼侍講學士馬愉卒○冬十月浙
東葉宗留反僉都御史張楷討之○十一月○十
二月襄城伯李隆卒

戊辰正統十三年春正月○二月 朔日食○三

月賜彭時等進士及第出身有差○夏四月福建
鄧茂七反總兵都督劉聚副總兵陳榮監督軍務
僉都御史張楷率師討之○侍郎薛希璉巡撫福
建提督軍務○五月○六月侍郎楊寧巡撫江西
○秋七月總兵都督徐恭提督軍務工部尚書石
璞率師討葉宗留○八月魏驥王英爲南京吏禮
部尚書○九月侍郎孫原貞都御史軒輅鎮守巡
撫浙江○冬十月雲南思機發叛總督軍務靖遠
伯王驥總兵都督官聚副總兵張凱田禮帥師討
之○宣府總兵楊洪破虜阿台於塞下封昌平伯

尋總兵鎮守宣府○十一月驥兵至金沙江思機
發遣令其子思祿居孟養送旋師○起復于謙爲
兵部右侍郎○張楷分兵討浙賊葉宗留中流矢
死副總兵陳榮戰歿楷進兵討閩賊○十二月

已正統十四年春正月征夷將軍寧陽侯陳懋副
總兵保定伯梁瑄平江伯陳豫參贊軍務刑部尚
書金濂監督軍務太監曹吉祥率師討鄧茂七○
鄧茂七寇建寧府事參政張瑛戰歿○二月鄧
茂七攻延平劉聚禦之茂七中流矢死張楷撫定
閩賊還兵討浙賊金濂陳懋留鎮福建○虜也先

寇大同○貴州苗反總督軍務兵部侍郎侯璉副
總兵都督方瑛率兵討之○周忱爲戶部尚書仍
巡撫尋致仕○福建降賊羅汝先黃琴爲縣丞主
簿○三月韓雍爲僉都御史巡撫江西○夏四月
平蠻將軍靖遠伯王驥擒苗蟲富懼送京師伏誅
尋召驥還○五月侍讀學士張益直文淵閣○湖
廣苗反總督軍務右都御史王東平蠻將軍保定
伯梁瑄率兵討之○徐恭進兵討賊賊積三司官
沈璘耿定王晟皆歿○六月丙辰南京護身奉天
華蓋三殿災○大學士致仕黃淮卒○令三品以

上京朝官及風憲官薦舉賢才○張楷撫平浙賊
班師○秋七月癸亥入南斗○虜也先大舉入寇
丙戌帝發京師征胡郕王居守英國公張輔成國
公朱勇及列侯諸將率師以從○帝至宣府○八
月駙馬都尉井源西寧侯宋瑛武進伯朱冕遇虜
敗歿辛酉帝至土木壬戌王師敗績車駕遂北狩
張輔戶兵部尚書王佐鄒望學士曹弼張益等皆
歿○己巳皇太后命郕王攝政立有長子爲皇太
子郕王輔之○族誅王振○于謙爲兵部尚書○
宣府總兵楊洪大同參將石亨逮繫錦衣獄○虜

侵大同守將郭登禦却之○己巳帝出塞○黃蕭
養反攻廣州副總兵王清戰歿○金濂爲戶部尚
書○九月帝在遼北○癸未郕王卽皇帝位遙尊
帝爲太上皇帝大赦○進陳循高穀戶工部尚書
侍講商輅修撰彭時並直文淵閣○羅通孫祥爲
副都御史分守居庸紫荆○薛瑄爲大理寺丞○
冬十月上皇在遼北○也先使來議和遂入寇京
師戒嚴都督王通鴻臚卿楊善守京城列侯諸將
楊洪石亨柳溥統兵孫鏗衛穎范廣張軌分兵戰
守給事中王竑葉盛程信監軍○虜破紫荆關孫

TIFFEN Color Control Patches



祥走死遂薄都城于謙石亨率師出德勝門禦却
之○禮部侍郎王復鴻臚卿趙榮使虜朝上皇於
土城○虜焚長陵獻陵景陵○也先出居庸伯顏
帖木兒奉上皇出紫荆諸將分兵躡虜○石彪破
虜於清風店○都御史沈固鎮守大同○尚書石
璞鎮守宣府○都御史羅通都督范廣守山西○
都督王通守天壽山○僉都御史王竑守居庸○
城昌平○都御史鄒來學提督京東軍務○平江
侯陳豫守臨清○何文淵爲吏部尚書○周忱工
部尚書仍巡撫○總督軍務兵部侍郎侯璉副總

兵都督方瑛討貴州苗○蘇綱爲監察御史○十
一月上皇在遼北○京師戒嚴封楊洪昌平侯石
亨武清侯加于謙少保總督軍務○寧陽侯陳懋
尚書金濂討平福建羣盜○總兵都督董興贊理
軍務兵部侍郎孟鑑討黃蕭養○僉都御史楊信
民巡撫廣東○虜寇遼東都御史翔禦却之○十
二月上皇在遼北○虜寇甘州都御史馬昂禦却
之○尊皇太后孫氏爲上聖皇太后母吳氏爲皇
太后立妃汪氏爲皇后○是年二至夏晝冬夜各
六十一刻○討賊都御史張楷下獄放歸田○副

都御史耿九疇清理兩淮鹽法○初今京府寄牧

皇明大政記第五卷

子履準校

孫心材重校

皇明大政記第六卷

吾學編第六

臣海鹽鄭暉

庚午恭仁康定景皇帝景泰元年春正月上皇在遼

北○彗星見○彭時憂去○副都御史軒輶鎮守

浙江兼理鹽課○大同守將郭登敗虜於柞柁山

○閏正月上皇在遼北○京師烈風晝晦○鎮朔

大將軍石亨都督范廣率兵出大同宣府尋召還

○二月上皇在遼北○進苗衷兵部尚書兼翰林

學士○封大同守將郭登定襄伯○贈劉球翰林

學士○三月上皇在遼北○虜分道入寇○兵部



都御史耿九疇清理兩淮鹽法○初今京府寄牧

皇明大政記第五卷

子履準校

孫心材重校

皇明大政記第六卷

吾學編第六

臣海鹽鄭暉

庚午恭仁康定景皇帝景泰元年春正月上皇在遼

北○彗星見○彭時憂去○副都御史軒輶鎮守

浙江兼理鹽課○大同守將郭登敗虜於柞柁山

○閏正月上皇在遼北○京師烈風晝晦○鎮朔

大將軍石亨都督范廣率兵出大同宣府尋召還

○二月上皇在遼北○進苗衷兵部尚書兼翰林

學士○封大同守將郭登定襄伯○贈劉球翰林

學士○三月上皇在遼北○虜分道入寇○兵部



右侍郎俞綱直文淵閣尋出理部事○孫原貞爲兵部右侍郎參贊浙江總兵都督李信軍務○夏四月上皇在遼北○虜入馬門○宣府參將楊俊擒喜寧禮送京師伏誅○廣東巡撫龔都御史楊信民卒○董興破賊獲黃蕭養誅之封興海寧伯○吏部侍郎何文淵請罷貴州布政司不許○大同參將許貴請使虜議和不許○國子祭酒致仕李時勉卒○五月上皇在遼北○虜攻代州○浙江按察副使陶成禦賊戰死○立團營○南京禮部尚書王英卒○城固原○六月上皇至大同○

京師戒嚴○禮部左侍郎李實大理少卿羅綺使虜○秋七月上皇在遼北○昔化可汗使來議和○實綺偕也先使把禿來議和○右都御史楊善侍郎趙榮使虜○把禿還書諭也先○兀良哈寇山西鎮守山西副都御史羅通都督王良游擊將軍石彪鎮守馬門副都御史朱繼大同總兵定襄伯郭登參謀軍事左都御史沈固參將許貴禦之○八月善榮至虜營見上皇○癸酉上皇發遼北○千戶葉遂榮下錦衣獄尋釋之○丙戌上皇還京師遷居南宮○大赦○苗衷致仕○刑部右侍

大政訓
卷之六
郎江淵兼翰林學士直文淵閣○侯寔為兵部尚書尋卒○石亨楊洪率師分道出紫荆居庸巡哨大同宣府○九月上皇在南宮○改江淵戶部右侍郎進商略翰林學士○冬十月上皇在南宮○王驥為南京兵部尚書總督機務○十一月上皇在南宮○副都御史羅通協贊京營軍務○封宣府總兵都督朱謙為撫寧伯○南京吏部尚書魏驥南京國子祭酒陳敬宗致仕○沐璘為都督同知征南將軍總兵鎮守雲南○十二月上皇在南宮○禮部尚書胡濙請明年正旦百官朝上皇於

延安門不許○荆憲王請朝上皇不許○是年陳銘王文下獄尋釋之○僉都御史王竑總督漕運○革提學憲臣

景泰二年春正月上皇在南宮○二月上皇在

南宮○大理寺丞薛瑄致仕○三月上皇在南宮

○都御史王來楡苗普韋同烈香爐山平○夏四

月上皇在南宮○五月上皇在南宮○江淵巡視

淮徐諸郡○六月 朔日食上皇在南宮○四

川巡撫李匡破草塘賊○秋七月上皇在南宮○

尚書石瑛兼大理卿總督軍務轉餉獨石○王來



兵討貴州賊○薛瑄為南京大理卿○八月上皇
在南宮○陳文為雲南右布政使○九月上皇在
南宮○冬十月上皇在南宮○浙閩盜平孫原貞
為兵部尚書鎮守浙江福建○巡撫江南工部尚
書周忱致仕○李賢為兵部右侍郎○十一月上
皇在南宮○劉進任寧夏總督
楊洪總兵鎮守
宣府僉都御史李秉總督
十二月上皇在南宮
李賢宣府軍務○
保進文淵閣大
學士高穀少
師左侍郎王一寧
國子祭酒蕭鏜並兼

尚書胡濙請令百官朝賀上皇萬壽節於延安門
不許○是年王竑兼巡撫江北○改禮部尚書楊
寧為南京刑部尚書

壬景泰三年春正月上皇在南宮○刑部侍郎耿
九疇鎮守陝西○河決沙灣堤王文行親河道○
二月上皇在南宮○也先攻敗普化可汗來獻捷
○進江淵吏部左侍郎蕭鏜戶部右侍郎○左都
御史王翱掌院事○三月上皇在南宮○彭時復
為翰林侍讀○虜寇廣寧○有星孛於畢○夏四
月上皇在南宮○都督孫安鎮守獨石葉盛為山



西右叅政協贊軍務程信爲山東叅政督餉遼東
○增東宮官胡浚王宣爲太子太師陳循高穀于
謙太子太傅王文何文淵太子太保江淵王一寧
蕭錕太子少師高格兵部左侍郎兼左春坊大學
士○遼東提督軍務都御史寇深巡撫都御史李
純總兵都督曹義上戰守方略○五月上皇在南
宮甲午廢皇太子見某爲沂王立皇子見濟爲皇
太子廢皇后汪氏立妃杭氏爲皇后大赦○黃瓌
爲都督○巡撫廣西刑部侍郎李棠致仕○侍郎
李賢姚夔等巡行天下考察庶官○六月上皇在

南宮○氓莊王乞徒封不許○秋七月上皇在南
宮○廣東西守將董興武被罷副總兵翁信陳旺
鎮守廣東西○左都御史王翱總督兩廣軍務○
四川巡撫僉都御史李匡罷提督松潘兵部侍郎
羅綺總兵都督徐海整飭四川邊務○王一寧卒
○殺御用監左少監阮浪○八月上皇在南宮○
憂感晝見○九月上皇在南宮○南京兵部尚書
王驥致仕○閏九月上皇在南宮○立團營○冬
十月上皇在南宮○太子太保左都御史王文爲
吏部尚書兼翰林學士直文淵閣○征南總督都

御史王來還京○也先請命使往來不許○十一月已未朔日食上皇在南宮○癸未客星見輿鬼○十二月上皇在南宮○是年僉都御史李秉提督宣府軍務兼巡撫王竑兼巡撫江北○清理鹽法○申勅薦舉

癸景泰四年春正月上皇在南宮○吏部尚書何文淵罷王翔爲吏部尚書○改九疇爲副都御史仍鎮守陝西○二月上皇在南宮○三月上皇在南宮○軒輓爲副都御史巡撫浙江○夏四月上皇在南宮○五月上皇在南宮○王文憂去○歲

星晝見○六月上皇在南宮○何文淵致仕○秋七月上皇在南宮○也先弑其主普化自稱大元田盛大可汗○八月上皇在南宮○也先使來索報使不許○召大同總兵定襄伯郭登還朝○九月上皇在南宮○王文起復○貽書瓦剌可汗也先○薛瑄爲大理卿○太子太保左都御史陳鏜致仕○蕭維楨羅通爲左右都御史○冬十月上皇在南宮○徐有貞爲右僉都御史治張秋決河○副都御史馬昂總督兩廣軍務兼理巡撫○十一月上皇在南宮○皇太子卒○虜寇遼東○十



二月上皇在南宮○无刺諸酋並遣人貢馬○是年王茲爲副都御史仍督漕巡撫理鹽

甲辰景泰五年春正月上皇在南宮○遣平江侯陳豫學士江淵撫安山東河南尋召還○求直言○二月上皇在南宮○三月上皇在南宮○夏四月

朔日食上皇在南宮○築浙西捍海塘○五月上皇在南宮○禮部郎中章綸監察御史鍾同下錦衣獄黃沙四塞○齊庶人賢熾谷庶人賦燮移置南京○六月上皇在南宮○加王文少保東閣大學士○秋七月上皇在南宮○修天下地理

志○太子太保兼兵部尚書儀銘卒○八月上皇在南宮○九月上皇在南宮○冬十月上皇在南宮○十一月上皇在南宮○十二月上皇在南宮○是年李賢爲吏部右侍郎○王恕爲揚州知府○謫福建巡按御史練綱爲邠州判官卒

乙亥景泰六年春正月上皇在南宮○石璞爲兵部尚書協理部事江淵爲工部尚書掌部事○兩廣總督馬昂破瀧水獠以昂爲左都御史○二月上皇在南宮○三月上皇在南宮○夏四月

朔日食上皇在南宮○五月上皇在南宮○閏五月



上皇在南宮○六月上皇在南宮○朱熹裔孫挺
爲翰林世五經博士○秋七月上皇在南宮○八
月上皇在南宮○杖南京大理少卿廖莊郎中章
綸御史鍾同於闕庭同卒綸繫獄莊詢定羌驛丞
○九月上皇在南宮○冬十月上皇在南宮○十
一月上皇在南宮○十二月上皇在南宮

丙景泰七年春正月上皇在南宮○二月上皇在
南宮○誠意伯劉基裔孫祿爲翰林世五經博士
○三月上皇在南宮○夏四月上皇在南宮○沙
灣堤成○五月上皇在南宮○寰宇通志成○進

陳循華蓋殿大學士兼文淵閣大學士高穀王文
並謹身殿大學士兼東閣大學士殺進少保蕭鑑
戶部尚書商輅兼太常卿倪謙呂原左右春坊大
學士○周敦頤裔孫冕爲翰林世五經博士○六
月上皇在南宮○秋七月上皇在南宮○八月上
皇在南宮○徐有貞爲副都御史○覆試順天中
式舉人○九月上皇在南宮○湖南苗叛兵部尚
書石璞討之○冬十月上皇在南宮○十一月上
皇在南宮○十二月上皇在南宮○是年削寧府
護衛○福建僉事致仕陳祥卒



景泰八年春正月帝不豫丙子百官請立東宮
不許

皇明大政記第六卷

子履準校

孫心材重校

皇明大政記第七卷

吾學編第七

臣海鹽鄭曉

丁英宗睿皇帝天順元年春正月壬午復即皇帝
位大赦○王文及少保兼太子太傅兵部尚書于
謙下錦衣衛獄○徐有貞兼翰林學士直文淵閣
進兵部尚書○陳循蕭鎡商輅俞士悅江淵下錦
衣獄○許彬薛琬爲禮部左右侍郎兼翰林學士
直文淵閣○李賓爲大理卿○錄奪門功封石亨
爲忠國公張軫太平侯張軫文安侯楊善興濟伯
袁彬錦衣指揮僉事○丁亥殺王文及少保兼太



景泰八年春正月帝不豫丙子百官請立東宮
不許

皇明大政記第六卷

子履準校


孫心材重校

皇明大政記第七卷

吾學編第七

臣海鹽鄭曉

丁英宗睿皇帝天順元年春正月壬午復即皇帝
位大赦○王文及少保兼太子太傅兵部尚書于
謙下錦衣衛獄○徐有貞兼翰林學士直文淵閣
進兵部尚書○陳循蕭鎡商輅俞士悅江淵下錦
衣獄○許彬薛琬爲禮部左右侍郎兼翰林學士
直文淵閣○李賓爲大理卿○錄奪門功封石亨
爲忠國公張軫太平侯張軫文安侯楊善興濟伯
袁彬錦衣指揮僉事○丁亥殺王文及少保兼太



子太傅兵部尚書于謙陳循江淵俞士悅謫戍蕭
鑑商輅除名王直胡濙高穀並落傳保致仕○奪
郭登定襄伯以爲南京督府僉事○王翔掌吏部
事楊善掌禮部事靖遠伯王驥兼兵部尚書尋解
部事陳汝言爲兵部尚書趙榮爲工部尚書○二
月廢景奉皇帝爲却王皇太后吳氏爲賢妃皇后
汪氏爲邸王妃○癸丑邸王薨於西宮○湖南諸
苗平兵部尚書石瑛還京總兵官南和伯方英鎮
守湖貴○贈御史鍾同大理寺丞少監阮浪太監
○章綸爲禮部右侍郎廖莊大理左少卿林聰僉

都御史蕭維楨調南京左都御史耿九疇爲右都
御史○軒輅爲刑部尚書○李賢兼翰林學士直
文淵閣○盧忠高平徐正伏誅○速巡撫大同副
都御史年富下錦衣獄尋致仕○罷督鎮巡撫○
漕運副都御史王竑除名安置江夏○山東饑○
三月開薊州運河○夏四月己巳復立元子見基
爲皇太子○封徐有貞爲武功伯兼華蓋殿大學
士掌文淵閣事○改耿裕爲翰林檢討○襄憲王
來朝○五月進計彬薛瑄禮部左侍郎○六月逮
御史張鵬楊瑄右都御史耿九疇大學士徐有貞



學士李賢下錦衣獄○禮部左侍郎兼翰林學士薛瑄致仕○京師大風雷雨雹○降徐有貞李賢爲廣東福建參政耿九疇江西右布政使瑄鵬謫戍鐵嶺○通政參議兼侍講呂原左贊善兼修撰岳正並直文淵閣○程信爲太僕卿○秋七月承天門災○復逮徐有貞下錦衣獄除名安置金齒○刑部尚書軒輅致仕○李賢仍直文淵閣進吏部尚書○改許彬爲南京禮部左侍郎尋降陝西參政○降岳正爲欽州同知尋謫戍○釋建庶人居鳳陽○八月都督僉事郭登謫戍河西○九月

太常少卿兼侍讀彭時仍直文淵閣○林鶴爲鎮江知府○太常少卿兼侍讀學士掌院事劉儼卒○冬十月遣行人曹隆聘江西處士吳與弼○十一月陳汝言下錦衣獄死○也先爲其下所殺○十二月進彭時呂原兼翰林學士

成天順二年春正月尊皇太后孫氏爲聖烈慈壽皇太后○馬昂爲兵部尚書○二月 朔日食

虜孛來寇陝西總兵安遠侯柳溥禦之敗績○閏二月○三月陳文爲詹事○夏四月復設督鎮巡撫○僉都御史程信巡撫遼東○僉都御史葉



盛提督軍務巡撫兩廣○五月吳與弼辭左諭德遣使送還鄉○布衣陳貞晟詣闕上書不報○六月雲南總兵沐璘卒沐瓚爲都督同知征南將軍鎮守雲南○秋七月宣城伯衛穎鎮守甘肅○南京刑部尚書薛希璉卒耿九疇爲南京刑部尚書○八月纂大明一統志○九月副都御史林聰摘江淮羣盜○冬十月帝獵南苑○十一月李來毛里孩阿羅忽寇延寧甘涼○十二月○是年左都御史羅通致仕

紀天順三年春正月○二月建州酋董山叛降朝

解○陸瑜爲刑部尚書○定遠侯石彪有罪下獄○禁文武大臣科道錦衣衛官往來交通○三月○夏四月○五月致仕南京國子祭酒陳敬宗卒○六月○秋七月○八月○九月石亨奉朝請讀吏部侍郎孫弘爲大理通判姚夔爲吏部侍郎○冬十月李來寇宣府○十一月南內雜宮成○十二月○是年令三法司霜降後會官錄囚○項忠爲陝西按察使

庚辰天順四年春正月致仕工部尚書兼謹身殿大學士東閣大學士高穀卒○賈銓爲副都御史巡



撫山東○年富爲戶部尚書○二月致仕尚書學士苗衷卒○殺石彪逮石亨下錦衣獄死○三月軒輗爲左都御史總督南京糧儲○夏四月○五月靖遠伯王驥卒○六月○秋七月乙亥朔日食○八月李來寇大同總兵官高陽伯李文禦之敗績○南京刑部尚書耿九疇卒蕭維禎爲南京刑部尚書○九月寧夏總兵都督張太破虜於東壩○冬十月帝閱列侯諸將於西苑○僉都御史韓雍巡撫大同○十一月○閏十一月崔恭爲吏部右侍郎○堂欽天監事禮部侍郎湯序有罪下獄

○十二月○是年襄王來朝○王恕爲江西右布政使○王越爲山東按察使

○天順五年春正月庚巳莊爲南京禮部右侍郎○

二月○三月○夏四月程信爲刑部侍郎○南雄

知府劉實卒○五月江南北大水○六月李來寇

河西總兵仇廉敗績總兵懷寧伯孫鏜總督軍務

兵部尚書馬昂帥師禦之○秋七月太監吉祥及

昭武伯曹欽反殺恭順侯吳瑾左都御史寇深伯

鏜尚書昂率兵討平之吉祥欽伏誅○河決開封

○八月進鏜懷寧侯加昂及王翱李賢並太子太

保贈謚吳璉梁國忠壯公○兵部侍郎白圭副都御史王竑出河西分道督兵禦虜尋班師竑仍督漕巡撫李賓爲右都御史○宣城伯衛穎破西番于涼州○九月朔日食○冬十月○十一月○十二月征夷將軍總兵官都督顏彪巡撫都御史葉盛討平兩廣諸蠻

壬午天順六年春正月虜酋共立脫思爲可汗○二月復設提學憲臣黃潤玉爲廣西提學僉事○三月罷陝西屯兵○湖林鴛知蘇州府○夏四月○五月○六月園子祭酒劉益下錦衣獄○秋七月李羅出入河套○十二月

癸未天順七年春正月○二月陳文爲禮部右侍郎兼翰林學士直文淵閣○禮部貢院火○姚夔爲禮部尚書尹旻吏部右侍郎○孔公恂司馬恂爲少詹事○空中有聲如雷○三月○夏四月○五月己丑朔日食○六月○秋七月尊謚靜慈仙師

胡氏為恭讓章皇后○寧陽侯陳懋卒○閏七月
○八月禮部尚書致仕胡濙卒○錦衣指揮袁彬
下獄尋釋之○韓雍為兵部右侍郎副都御史王
越巡撫大同○九月兩廣盜起總兵官太享侯陳
涇副總兵都督歐信都御史葉盛討平之○冬十
月凌涇陽鄭白故聚○十一月○十二月○是年
王桀為大理卿○馬文升為福建按察使
甲申天順八年春正月庚午帝崩於乾清宮罷殉葬
○乙亥皇太子即皇帝位○尊皇后錢氏為慈懿
皇太后貴妃周氏皇太后○韓雍降浙江叅政○


二月號謚大行皇帝英宗法天立道仁明誠敬昭
文憲武至德廣孝睿皇帝○葬裕陵○門達有罪
謫戍表彬復字錦衣衛事○加李賢少保兼華蓋
殿大學士陳文彭時吏部左右侍郎○三月復岳
正翰林修撰楊瑄張鵬監察御史○西番寇其肅
○柯潛為翰林學士○夏四月○五月戶部尚書
年富卒馬昂為戶部尚書王竑為兵部尚書○復
郭登定襄伯總兵鎮守甘肅尋提調團營○六月
禮部侍郎兼翰林學士致仕薛瑄卒○秋七月立
皇后吳氏○八月修英宗睿皇帝實錄○孫鏜奉

朝請○九月廢皇后吳氏○令審囚勿會內閣○
冬十月立皇后王氏○僉都御史葉盛巡撫宣府
○董奪門功○十一月高明爲南京僉都御史○
十二月平羌將軍定西侯蔣琬鎮守甘肅○是年
虜阿羅出結亂加思萬字羅出結毛里孩數寇宣
大延寧

皇明大政記第七卷

子履華校

孫心材重校






EX-1002 NATIONAL CENTRAL LIBRARY, TAIWAN, R.O.C.



INTERNATIONAL CENTRAL LIBRARY TAIWAN R.O.C.



BUKTI NATIONAL CENTRAL LIBRARY TAMAN R.C.C





國立中央圖書館, 臺灣, R.O.C.

2003-10-17



皇明大政記第八卷

吾學編第八

臣海鹽鄭曉

配憲宗純皇帝成化元年春正月○二月彗星見
○邯襄盜起王恕爲副都御史撫治南陽討平之
○兩廣蠻叛征夷將軍都督趙輔贊理軍務僉都
御史韓雍率兵討之○三月加吏部尚書王翱太
子太保○進陳文禮部尚書○幸太學釋奠先師
○夏四月張寧岳正爲汀州興化知府○副都御
史楊瑋巡撫荆襄○荆襄流民劉千斤反○五月
兵部尚書王竑致仕王復爲兵部尚書尋改工部



白圭爲兵部尚書○六月韓雍會諸將於南京○
秋七月程信爲兵部侍郎○八月沐琮嗣封黔國
公鎮守雲南○九月虜寇榆林寧遠伯任壽都御
史項忠禦却之○冬十月進彭時兵部尚書○十
一月承天門成○十二月韓雍駐高振嶺督諸將
進兵破大藤峽賊平○是年馬文升爲南京大理
卿○按察副使毛吉禦賊戰死

成化二年春正月令三品以上京官薦舉堪任
布按二司官者○韓雍班師○二月李賢愛去○
遣行人祭故少保兵部尚書于謙○三月賜羅倫

等進士及第出身有差○封趙輔武靖伯韓雍左
副都御史督軍巡撫○置武靖州○閏三月○夏
四月倭寇浙東○五月降羅倫爲福建市舶副提
舉○李賢起復○平虜將軍撫寧伯朱永提督軍
務兵部尚書白圭及湖廣總兵都督李震帥師討
荆襄賊平之千斤伏誅進封永侯封震與寧伯加
圭太子少保○六月江淮旱饑副都御史林聰賑
卹之○秋七月副都御史滕昭總督漕運巡撫江
北○八月征虜前將軍宣城伯衛穎鎮守遼東○
邢讓爲國子祭酒○九月建州首董山叛寇遼東

○冬十月毛里孩寇陝西都御史項忠彰武伯楊
信察却之○十一月○十二月少保吏部尚書兼
華蓋殿大學士李賢卒○太常少卿兼侍讀學士
劉定之直文淵閣○是年追封董仲舒廣川伯胡
安國建寧伯蔡沉崇安伯直德秀浦城伯○上杭
賊起僉都御史高明討平之尋致仕

○丁酉朔日食既○三
月召高輅復兵部左侍郎兼翰林學士仍直文淵
閣○山都掌蠻叛總兵吳城伯李瑾提督軍務兵
部尚書程信率兵討平之信兼大理卿○夏四月

復團營太子少保兵部尚書白圭提督操練○五
月監察御史戴珊提學南畿○六月震午門罷南
京守備叅贊官○羅倫爲南京翰林修撰○秋七
月太子太保吏部尚書王翱致任尋卒○虜寇榆
林孤山叅將湯胤勣力戰死之○八月英宗皇帝
實錄成加陳文彭時太子少保文淵閣大學士劉
定之工部右侍郎兼翰林學士○周洪謨爲南京
國子祭酒○九月葉盛爲禮部右侍郎○虜破開
城縣知縣于達教死之徙縣於固原○冬十月遼
東總兵官武靖伯趙輔提督軍務左都御史李秉

大正
三
三十八
帥師討董山誅之秉掌院事○副總兵都督韓斌
防守遼東○十一月翰林編修章懋黃仲昭檢討
莊昶杖闕下調外任○李秉爲吏部尚書○十二
月刑部郎中彭詔下錦衣衛獄尋釋之○是年亂
加思蘭寇大同平朔將軍撫寧侯朱永帥師禦却
之○李孜省爲上林監丞尋陞右通政○林聰爲
右都御史○僉都御史高明清理鹽法

成化四年春正月○二月壬辰朔日食○虜虜
加思蘭殺阿羅出立滿魯都爲可汗○二月○夏
四月陳文卒○固原滿四反諸將會兵討之敗績

逮寧遠伯任璘廣義伯吳琮都御史陳介下錦步

獄○五月京師大旱○六月慈懿皇太后錢氏崩

○秋七月有星孛于台斗○八月京師地震○總

兵都督同知劉玉總督軍務副都御史項忠帥師

討滿四○九月馬文升爲右副都御史巡撫陝西

○左副都御史王恕巡撫河南○考察京官○冬

十月進彭時商幣吏兵部尚書劉定之禮部左侍

郎馬昂罷薛達爲戶部尚書○伏羌伯毛玉攻滿

四力戰死○十一月項忠馬文升督兵進攻石城

擒滿四檻送京師伏誅進忠右都御史文升左副

都御史○十二月朔日食○虜寇榆林○是年陳俊爲戶部右侍郎

成化五年春正月任璫吳瑄陳介謫戍劉清馮傑伏誅○吏部尚書李秉致仕崔恭爲吏部尚書葉盛爲吏部右侍郎○二月設固原衛○閏二月興化知府岳正致仕○三月○夏四月○五月尹曼葉盛爲吏部左右侍郎○禮部左侍郎萬安兼翰林學士直文淵閣○六月癸丑朔日食○河決開封○吏部尚書崔恭調南京姚夔爲吏部尚書○秋七月○八月侍郎兼學士劉定之卒○九月

南京翰林修撰羅倫致仕○李羅忽訖加思蘭寇延寧固原○冬十月丘濬爲翰林學士○徵士吳與弼卒○十一月王恕爲南京刑部侍郎○十二月

成化六年春正月右都御史韓雍總督兩廣軍務兼理巡撫征蠻將軍總兵平江伯陳銳鎮守兩廣開府蒼梧○二月○三月林鶻爲南京刑部侍郎○夏四月戶部尚書薛遠行視漕河○五月京畿大水饑遣大臣巡視賑卹之○六月戊申朔日食○罷會官保舉○秋七月己卯皇子生於西宮



○八月阿羅出寇榆林平虜將軍撫寧侯朱永率師禦却之○九月總制陝西軍務副都御史王越總兵武靖侯趙輔帥師搜河套尋召還○冬十月○十一月○十二月毛里孩七烈忽寇陝西總兵劉聚擊却之

○成化七年春正月京師饑發粟賑貸○罷江南民運○彰武伯楊信帥師巡邊○畿省水旱民饑遣南京大臣巡視民瘼○襄陽賊反總督軍務右都御史項忠討平之進忠左都御史巡撫尋召還○二月○三月有星孛於天田○禮部侍郎邢讓

國子祭酒陳鑑司業張業並除名○夏四月○五月南京大理卿夏時正巡視江西○六月程信爲南京兵部尚書叅贊機務○秋七月右都御史林聰巡撫大同○八月虜入河套○九月南京吏部尚書致仕魏驥卒○閏九月置榆林衛○冬十月○十一月立皇子祐極爲皇太子○尋出軒轅○吏部侍郎葉盛行視河套○十二月皇太子卒○是年懷寧侯孫鏗卒○刑部侍郎王恕總理河道樊瑩爲監察御史

○成化八年春正月○二月○三月賜吳寬等進

士及第出身有差○余子俊爲副都御史巡撫延綏○夏四月○五月畿省水旱○六月○秋七月陸瑜致仕王禛爲刑部尚書○虜寇臨華都御史馬文升擊敗之尋總制陝西邊務○八月哈密人殺忠順王李羅帖木兒王母理國事○九月虜寇固原都御史馬文升擊敗之○冬十月○十一月○十二月○是年定襄伯郭登卒

癸成化九年春正月○二月太子少保吏部尚書姚夔卒尹旻爲吏部尚書陳俊吏部侍郎○三月山東晝晦○夏四月辛酉朔日食○賑卹京畿山

東河南○五月進商輅萬安戶禮部尚書○南京吏部侍郎范理卒○六月延綏徙鎮榆林○秋七月南京叅贊機務尚書程信致仕○八月左都御史王越率兵捕虜於河套尋還掌院事○九月土魯番據哈密高陽伯李文通政劉文討之不克○冬十月虜寇廣寧○帝閱列侯諸將于西苑英國公張懋掌中府事提督五軍營○十一月王恕爲南京戶部侍郎○十二月

甲成化十年春正月○二月罷支運爲改兌○三月吏部左侍郎葉盛卒○右都御史林聰掌南院



事○夏四月朱英爲副都御史巡撫甘肅○五月
○六月○閏六月○秋七月刑部尚書王禛卒項
忠爲刑部尚書○八月定西侯蔣琬提督圍營○
周洪誤爲圍子祭酒○九月癸丑朔日食○冬十
月滿魯都寇宣大○太常少卿童軒掌欽天監事
○十一月虜寇平鞏○十二月程敏政李東陽爲
翰林侍講○兩廣右都御史韓雍致仕○是年李
孜省爲禮部侍郎掌通政司事

紀成化十一年春正月加彭時少保○二月○三
月少保兵部尚書兼文淵閣大學士彭時卒○賜

謝遷等進士及第出身有差○夏四月進商輅文
淵閣大學士萬安禮部尚書吏禮部左侍郎劉翊
劉吉兼翰林學士直文淵閣○五月文武大臣見
皇子於文華門○皇妃紀氏徙居永壽宮○六月
皇妃紀氏薨謚贈爲恭恪莊僖淑妃○秋七月○
八月○九月丁未朔日食○冬十月○十一月立
皇長子祐棻爲皇太子封皇仲子祐棻爲興王○
十二月尊謚郟戾王爲恭仁康定景皇帝○是年
白圭卒項忠爲兵部尚書

丙成化十二年春正月王恕爲副都御史巡撫雲



南○副都御史原傑經略鄖陽撫定流民設鄖陽府及湖廣行都司商州竹溪鄖西桐柏南召伊陽山陽商南七縣巡按御史吳道宏提督鄖襄八郡軍民事○亂加思蘭寇宣府○二月乙亥朔日食○加商賂太子少保吏部尚書萬安戶部尚書○三月副都御史朱英總督兩廣軍務兼理巡撫○夏四月○五月○六月原傑為右都御史河南巡撫李衍兼撫治荆襄傑尋為南京兵部尚書卒○秋七月兵部右侍郎馬文升整飭遼東兵備尋還京○京師有黑香○妖人李子龍伏誅○八月○

九月○冬十月刑部右侍郎林鶯卒○十一月○十二月周洪謨為禮部右侍郎仍掌監事○是年耿裕為吏部右侍郎○副都御史余子俊巡撫陝西

丁成化十三年春正月增先師蓬豆樂舞之數○置西廡○山陰雨血○二月○閏二月○三月○夏四月進商輅謹身殿大學士萬安太子少保劉珝劉吉戶禮部尚書○五月罷西廡○廣東左右政使陳選卒○六月御史戴縉王億請復西廡兵部尚書項忠除名余子俊為兵部尚書加太子少



保吏部尚書謹身殿大學士商輅少保致仕進萬
安文淵閣大學士王越兵部尚書兼左都御史陳
鉞爲副都御史巡撫遼東○林聰爲刑部尚書○
京師雨錢○秋七月丘濬爲國子祭酒耿裕爲禮
部右侍郎○八月陳俊爲南京戶部尚書○九月
總督糧儲戶部尚書薛遠致仕○冬十月○十一
月○十二月○是年京官一考察○滿都魯亂加
思蘭相警殺遣人貢馬駝

成化十四年春正月○二月○三月皇太子冠
○進萬安吏部尚書謹身殿大學士劉瑄劉吉太

子少保文淵閣大學士○南京翰林修撰致仕羅
倫卒○夏四月建州夷叛寇遼東○五月○六月
○秋七月兵部侍郎馬文升撫定建州夷○浙江
按察使楊瑄卒○八月王恕爲南院右都御史叅
贊機務○九月○冬十月加萬安太子太保○十
一月○十二月

成化十五年春正月○二月○三月吳道宏爲
大理少卿撫治鄯襄諸郡尋改僉都御史○夏四
月畿省水旱○五月○六月陳鉞及汪直蔣琬林
聰體察遼東虜情遣兵部侍郎馬文升巡按御史



強珍下錦衣獄謫戍○巡撫江南副都御史牟傑
侍講學士江朝宗下獄謫戍調官○秋七月○八
月○九月南京兵部尚書兼大理卿致仕程信卒
○冬十月陳鉞請討建州夷總兵撫寧侯朱永監
督軍務太監汪直鉞提督軍務率兵襲之○閏十
月薛遠爲南京兵部尚書恭贊機務○十一月滿
魯都可汗殺亂加思蘭○十二月建州虜寇遼東
○南京吏部尚書崔恭卒

庚辰化十六年春正月汪直監督團營進封朱永
保國公陳鉞戶部尚書王宗彝右僉都御史巡撫

遼東○二月滿魯都冠榆林○三月汪直朱永王
越率兵出塞襲虜威寧海破之封越威寧伯掌院
事○夏四月○五月○六月長樂平地山起○薛
遠致仕○秋七月占城請討安南不許○朝鮮請
改貢道不許○逮巡撫陝西副都御史秦紘下獄
尋釋之巡撫河南○八月丘壽爲禮部侍郎仍掌
監事○九月○冬十月陳鉞爲兵部尚書○十一
月○十二月○是年王恕爲兵部尚書兼副都御
史巡撫江南總督糧儲

時成化十七年春正月威寧伯王越率師出寧夏



黎虜却之○二月湖廣守將都督王信撫定諸蠻
尋總督漕運○周洪謨為禮部尚書徐溥左侍郎
○三月○夏四月勅司禮太監懷恩三法司審錄
囚徒○五月○六月何喬新為副都御史巡撫山
西○秋七月屠滿為僉都御史○八月虜亦思馬
因寇大同征西前將軍威寧伯王越鎮守大同尋
掌中府事提督團營○九月○冬十月余子俊為
戶部尚書○十一月○十二月

壬戌化十八年春正月劉吉晏去○虜亦思馬因
寇大同戶部尚書余子俊總制軍務帥師禦之○

三月何喬新敗虜于辰濟○三月南京兵部尚書
王恕兼副都御史巡撫江南○妖人王臣伏誅○
罷西廠○夏四月○五月己巳朔日食○六月僉
都御史秦紘巡撫宣府○秋七月劉吉起復○八
月○閏八月僉都御史王濟撫治郎裏○九月滿
魯都可汗死亦思馬因立把禿猛可為可汗○冬
十月○十一月汪直有罪罷奪王越威寧伯編管
安陸兵部尚書陳鉞右都御史戴縉並除名○十
二月進萬安太子太傅華蓋殿大學士劉珣劉吉
太子太保謹身武英殿大學士



明史紀事本末卷之八十一
成化十九年春正月虜亦思馬因寇大同鎮朝
將軍保國公朱永提督軍務刑部侍郎何喬新帥
師禦之○給事中林榮行人黃乾亨使滿刺加卒
於羊嶼○二月職方郎中劉大夏爲福建叅政○
三月復項忠兵部尚書致仕○南京禮部侍郎章
綸卒○夏四月降巡撫陝西副都御史鄭時爲貴
州叅政○五月馬文升爲副都御史巡撫遼東○
六月○秋七月○八月○九月陳獻章爲翰林檢
討予告○冬十月大旱○十一月○十二月罷傳
奉官

甲辰成化二十年春正月京師地震○二月○三月
○夏四月改陳俊爲南京戶部尚書王恕爲南京
兵部尚書叅贊機務彭韶爲副都御史巡撫江南
總督糧儲○督撫兩廣右都御史朱英還掌院事
○五月京畿陝西河南山東西大旱○南京刑部
尚書致仕周瑄卒○六月戴珊爲浙江按察使○
秋七月河北燕南諸省大饑分遣大臣賑卹之○
八月刑部員外郎林俊後府經歷張繡下獄謫官
○九月乙酉朔日食○侶鍾爲副都御史巡撫保
定○冬十月虜寇宣府大同平朔將軍定西侯蔣

大統二十一年春正月星隕有聲求直言工部
升總督漕運巡撫江北

壬事張吉中書舍人丁璣進士放毓元並謫官○
林俊張繼復官南京○二月德王請業南旺湖不
許○三月泰山屢震○余子俊爲兵部尚書尋致
仕○夏四月○閏四月○五月○六月○秋七月

太子少保右都御史朱英卒○定西侯蔣璠卒○
八月○九月太子太保戶部尚書兼諫身殿大學
士劉珣致仕○僉都御史致仕高明卒○冬十月
○十一月○十二月進劉吉戶部尚書諱身殿大
學士彭華爲吏部左侍郎兼翰林學士直文淵閣
○侶鍾爲刑部右侍郎○是年都督同知王信總
兵提督漕運鎮守淮安

丙成化二十二年春正月南京兵部尚書王恕落
太子少保致仕○二月丁酉朔日食○巡撫大同
左都御史余子俊落太子太保致仕○虜寇開原

大清高宗純皇帝實錄卷一百一十五
三十四年
○三月○夏四月逮廣東左布政使陳邁道卒○
五月尹龍除名焦芳謫官吏部尚書尹旻致仕○
降江西巡撫都御史閔珪爲廣西按察使○六月
○秋七月致仕少保吏部尚書謹身殿大學士商
格卒○八月耿裕爲吏部尚書○九月尹直爲吏
部左侍郎兼翰林學士直文淵閣○冬十月耿裕
爲南京禮部尚書李裕爲吏部尚書徐濟倪岳爲
吏禮部左右侍郎○進萬安少傅兼太子太師劉
吉少保兼太子太傅彭華尹直禮兵部尚書並太
子少保○淮北山東大饑○都御史賈俊鎮守臨

清○十一月○十二月余子俊爲兵部尚書○武
靖伯趙輔卒

丁成化二十三年春正月○二月○三月李致省
爲工部尚書仍掌通政司事○彭華致仕○夏四
月尊皇太后周氏聖慈仁壽皇太后○五月京師
大旱○六月震南京午門○上杭盜起副都御史
王繼巡撫福建○南安知府張弼卒○秋七月進
萬安少師○八月戊子帝崩於乾清宮○九月壬
寅皇太子卽皇帝位○號謚大行皇帝憲宗繼天
疑道誠明仁敬崇文肅武宏德至孝純皇帝○奪



番僧領占竹封誥印勅遣還四川光相寺○冬十月尊皇太后周氏爲聖慈仁壽太皇太后皇后王氏皇太后○立妃張氏爲皇后○萬安致仕吏部左侍郎兼翰林學士徐溥直文淵閣○丙子有星飛流亘天求直言○葬茂陵○建祧廟奉懿祖升祔憲宗○召太監懷恩於鳳陽掌司禮監事○何喬新爲南京刑部尚書楊守陳彭韶張悅爲吏刑工部右侍郎○十一月尊謚母淑妃紀氏爲孝穆皇太后祀奉慈殿○睿宗皇帝封興王○李裕致仕召致仕南京兵部尚書王恕爲吏部尚書尋加

太子太保○改南京兵部尚書馬文升爲右都御史耿裕爲南京兵部尚書叅贊機務○十二月尹直致仕進劉吉少傅太子太師吏部尚書徐溥禮部尚書文淵閣大學士劉健爲禮部右侍郎兼翰林學士直文淵閣○丘濬爲禮部尚書掌詹事府事○虜寇其涼蘭鞏○李致省下錦衣獄死○是年兵部尚書致仕王茲卒○保國公朱永提督關管寧後府事○黃孔昭爲南京工部右侍郎○鄧廷瓚爲南京左副都御史

皇明大政記第八卷

子履準校

TIFFEN Color Control Patches

Blue Cyan Green Yellow Red Magenta White Black


孫心村重校

皇明大政記第九卷

吾學編第九

臣海鹽鄭曉

戊申孝宗敬皇帝弘治元年春正月右都御史屠滸
總督兩廣軍務兼巡撫○何喬新為刑部尚書○
賀欽為陝西參議○閏正月修憲宗純皇帝實錄
○二月山東右布政使夏寅卒○太子少保南京
吏部尚書致仕陳俊卒○許進為山東按察使○
三月○夏四月天壽山大風雨雹○五月○六月
癸巳朔日食○虜寇大同宣府○僧繼曉伏誅○
秋七月許進為會都御史巡撫大同○八月楊繼



孫心村重校

皇明大政記第九卷

吾學編第九

臣海鹽鄭曉

戊申孝宗敬皇帝弘治元年春正月右都御史屠滸
總督兩廣軍務兼巡撫○何喬新為刑部尚書○
賀欽為陝西參議○閏正月修憲宗純皇帝實錄
○二月山東右布政使夏寅卒○太子少保南京
吏部尚書致仕陳俊卒○許進為山東按察使○
三月○夏四月天壽山大風雨雹○五月○六月
癸巳朔日食○虜寇大同宣府○僧繼曉伏誅○
秋七月許進為會都御史巡撫大同○八月楊繼



宗爲左僉都御史巡撫雲南○九月○冬十月禮部尚書周洪謨致仕耿裕爲禮部尚書張悅禮部侍郎○十一月把禿猛可可汗死阿歹立伯顏猛可爲可汗○十二月土魯番殺忠順王罕慎復據哈密○是年陳壽爲南京大理寺丞尋改南京光祿寺少卿

配弘治二年春正月○二月太子太保兵部尚書余子俊卒馬文升爲兵部尚書○右都御史屠滽掌院事○秦紘爲右都御史總督兩廣軍務兼巡撫○知州劉榮御史湯傳誦成河西中書舍人吉

人荆籍庶吉士鄒智兵部主事李文祥降邊任○三月吏部侍郎楊守陳兼詹事府丞掌府事張悅爲吏部侍郎○夏四月○五月河決汴城入淮復決黃陵岡入海○六月京師大水錄囚徒求直言○秋七月戴珊爲副都御史撫治鄖陽○八月周經爲禮部侍郎○平蠻將軍鎮遠侯顧溥鎮守湖廣○九月徽莊王乞升鈞州爲府不許○冬十月吏部侍郎兼詹事府丞掌府事楊守陳卒○十一月築高郵湖隄○十二月甲申朔日食

庚弘治三年春正月○二月封后父張巒爲壽寧



伯○三月築高郵康濟河隄○夏四月○五月○
六月伯顏猛可遣人貢馬○秋七月謝鐸爲南京
國子祭酒○八月侶鍾爲副都御史巡撫江南總
督糧儲○九月撤馬兒罕道南海貢御却之○閏
九月副都御史王繼巡撫陝西○冬十月贈少保
兵部尚書于謙太傅謚肅愍有司祀之○十一月
有星孛於天津○十二月林幹爲國子祭酒○是
年副都御史張敷華巡撫山西○樊瑩爲平陽知
府

弘治四年春正月禁胡服胡語○刑部尚書何

喬新致仕彭部爲刑部尚書○兩廣總兵官安遠
侯柳景總督軍務右都御史秦紘並下獄景奪爵
紘致仕右都御史閔珪總督兩廣軍務兼巡撫○
二月張敷華憂去○三月○夏四月南京國子祭
酒謝鐸致仕○五月章懋爲南京國子祭酒○六
月南京工部侍郎黃孔昭卒○秋七月虜遣人貢
馬○八月憲宗純皇帝實錄成進劉吉少師華蓋
殿大學士徐溥太子太傅戶部尚書武英殿大學
士劉健禮部尚書文淵閣大學士加丘濬太子太
保○九月皇長子厚某生○周經爲吏部右侍郎



○土魯番以哈密來歸○冬十月丘濬兼文淵閣
大學士直文淵閣○十一月肅宗獻皇帝徙封於
安陸○十二月錦衣衛都指揮朱驥卒○封皇太
后兄王源爲瑞安伯弟王清崇善伯王濬安仁伯
○是年白昂爲左都御史戴珊刑部右侍郎

壬弘治五年春正月○二月封陝巴爲忠順王入
哈密○三月立皇長子厚某爲皇太子大赦○錄
常遇春李文忠鄧愈湯和奇孫爲南京錦衣衛指
揮使劉基裔孫處州衛指揮使○夏四月提督軍
務副都御史鄧廷瓚總兵鎮遠侯顧溥帥師討貴

州蠻○五月○六月改黃級爲南京左都御史秦
欽爲南京戶部尚書○秋七月河決張秋○八月
劉吉致仕○九月○冬十月虜遣人貢馬○十一
月○十二月○是年廢荆王見滿爲庶人徙置武
昌○樊瑩爲河南按察使尋爲應天府尹

癸弘治六年春正月○二月○三月劉大夏爲右
副都御史治河○衢州孔彥繩爲世翰林五經博
士○夏四月○五月侶鍾爲戶部右侍郎總督京
儲○閏五月張敷華復巡撫山西○六月太子太
保吏部尚書王恕致仕耿裕爲吏部尚書加太子



太保倪岳禮部尚書○秋七月南京左都御史黃
綏致仕張悅爲南京左都御史○叅贊軍務南京
兵部尚書張鑒卒○刑部尚書彭韶致仕○八月
白昂爲刑部尚書周經吳寬吏部左右侍郎○九
月○冬十月土魯番侵哈密執陝巴兵部侍郎張
海都督緜謙經略哈密○十一月○十二月

甲弘治七年春正月○睿宗獻皇帝之國安陸○

二月河復決張秋○貴州蠻平加顯薄歲祿鄧廷
瓚右都御史掌南院事尋總督軍務兼巡撫○三
月己卯朔日食○海謙還下錦衣獄黜之○夏四

月閉嘉峪關絕西域貢○五月宣府山西河南畫
星隕○六月○秋七月許進爲副都御史巡撫甘
肅○八月加徐溥少傅吏部尚書謹身殿大學士
丘濬少保戶部尚書劉健太子太保並兼武英殿
大學士○虜寇陝西○九月○冬十月○十一月
○十二月○是年復王越左都御史致仕

乙弘治八年春正月○二月少保兼太子太保戶
部尚書武英殿大學士丘濬卒禮部侍郎兼侍講
學士李東陽少詹事兼侍講學士謝遷並直文淵
閣○張秋隄成劉大夏爲戶部右侍郎○占城請



討安南不許○土魯番酋稱可汗侵哈密數寇掠屬夷○太子太保吏部尚書耿裕卒○三月乙酉朔日食○賜朱希周等進士及第出身有差○夏四月張敷華改陝西巡撫○五月東南諸省大疫○六月上杭盜復起○秋七月西北諸省大旱○八月朔日食○副都御史金澤總制江廣湖福軍務撫捕荆襄群盜○九月○冬十月進謝遷詹事○南京地震○十一月陝西貴州地震○甘肅巡撫許進總兵劉寧副總兵彭清帥師出嘉峪關入哈密土魯番遁遂班師進爲左副都御史寧

左都督清都督僉事○十二月○是年張悅爲南京吏部尚書尋改兵部參贊機務○樊瑩爲南京工部右侍郎

丙辰弘治九年春正月追封楊時爲將樂伯從祀孔子廟庭○二月屠漸爲吏部尚書○三月土魯番復據哈密○閏三月右都御史鄧廷瓚總督兩廣軍務兼巡撫○夏四月侶鍾爲吏部右侍郎○改倪岳南京吏部尚書○五月○六月○秋七月副都御史許進巡撫陝西○八月○九月戴瓚爲南京刑部尚書○黔國公沐琮卒沐崑嗣黔國公鎮

守雲南○冬十月尹直上賀萬壽聖節表及太子承華箴却之○十一月張敷華爲刑部侍郎○十二月○是年王鴻儒爲山西提學僉事

弘治十年春正月周經爲戶部尚書○二月○三月帝御文華殿召輔臣議政事○纂大明會典○夏四月湖廣左布政使兼廣東按察副使撫治兩廣陶魯卒○五月京師風霾各省天鳴地震求直言○六月○秋七月○八月帝御平臺召輔臣議政事○土魯番請歸陝巴於哈密○九月○冬十月○十一月火篩寇大同宣府兵部侍郎許進

提督軍務戶部侍郎劉大夏轉餉禦虜○太子太保左都御史王越總制寧夏甘涼軍務經略哈密○十二月虜寇甘涼○加王越少保兼太子太傅○是年虜遣人貢馬○許進爲戶部侍郎

成弘治十一年春正月宣城伯衛穎卒○二月進徐溥少師兼太子太師華蓋殿大學士劉健少傅兼太子太傅戶部尚書謹身殿大學士李東陽謝遷並太子少保禮兵部尚書文淵東閣大學士加太子太保兵部尚書馬文升少傅兼太子太傅太子太保吏部尚書屠滸太子太傅太子少保刑部



尚書白昂太子太保戶禮工部尚書周經徐瓊徐貫左都御史閔珪並太子少保○三月皇太子出閣講學○程敏政爲禮部侍郎兼翰林學士掌詹事府事○夏四月○五月○六月○秋七月少師兼太子太師吏部尚書華蓋殿大學士徐溥致仕○八月復封陝巴爲哈密忠順王○九月○冬十月清寧宮災求直言○李廣死○十一月南京戶部尚書秦紘致仕○閏十一月○十二月陝西總制軍務少保兼太子太傅左都御史王越卒
紀弘治十二年春正月忠順王陝巴還哈密○二

月○三月○夏四月華程敏政下錦衣獄昶諫官敏政致仕○五月張敷華爲右都御史總督漕運巡撫江北○六月闕里先師廟災○致仕禮部侍郎兼翰林學士程敏政卒禮部侍郎兼翰林學士傅瀚掌詹事府事○秋七月○八月副都御史雍泰巡撫宣府○林瀚爲吏部右侍郎謝鐸禮部侍郎掌國子祭酒事○九月少師兼太子太師吏部尚書華蓋殿大學士致仕徐溥卒○冬十月虜寇榆林寧夏大同○十一月上高王宸濠嗣封寧王○十二月○是年南京兵部尚書張悅致仕○



庚申弘治十三年春正月火篩寇宣府大同京師戒嚴平虜將軍平江伯陳銳提督軍務戶部侍郎兼副都御史許進率師禦之○分遣文武大臣守潮河川天壽山居庸紫荆白羊倒馬關○二月翰林檢討陳獻章卒○三月間刑條例成○夏四月張元禎爲翰林學士○帝御平臺召大學士劉徒李東陽謝遜議政事○罷成山伯王鏞寧晉伯劉福遂安伯陳韶以保國公朱暉鎮遠侯顧溥惠安伯張偉爲京營總兵溥同英國公張懋提督團營○五月甲寅朔日食○彗星見○吏戶禮刑工部尚

書屠濬周經徐瓊白昂徐賁致仕倡鍾傳瀚閔珪魯鑑爲戶禮刑工部尚書○起劉大夏右都御史總督兩廣軍務兼巡撫○六月倪岳爲吏部尚書戴珥左都御史○加刑部尚書閔珪太子太保○河決曹單○秋七月王鏊爲吏部右侍郎○虜寇榆林○王軾爲南京戶部尚書○八月陳銳罷許進致仕○九月陳壽爲僉都御史巡撫延綏○秦民悅爲南京兵部尚書參贊機務林瀚爲南京吏部尚書○冬十月○十一月虜寇偏頭關○十二月火篩入河套○是年孫需爲浙江左布政使尋



為副都御史巡撫河南○左都御史鄧廷瓚卒○

弘治十四年春正月陝西地震○火篩寇榆林

○二月征虜將軍保國公朱暉提督軍務右都御

史史琳禦虜至河套而還○三月○夏四月○五

月○六月起章懋為南京國子祭酒○秋七月火

篩寇大同○廣東提學僉事宋瑄儀卒○閏七月

○八月火篩寇原罷總兵官恭順侯吳鑑武安

侯鄭英御之○九月丙子朔日食○冬十月太子

少保吏部尚書倪岳卒○馬文升為吏部尚書劉

大夏兵部尚書右都御史潘蕃總督兩廣軍務兼

巡撫○十一月張敷華為南京右都御史○十二

月○是年戶部尚書兼都御史秦紘巡撫陝西副

都御史樊瑩撫治鄖陽王繼為南京刑部尚書尋

改兵部參贊機務

戊午弘治十五年春正月○二月○三月進廣東左

布政使周孟中右副都御史致仕○夏四月羅欽

順為南京國子司業○秦紘總制陝西三邊軍務

○五月庚午朔日食○六月○秋七月虜寇大同

○改開城縣為固原州○南京戶部尚書梁璟卒

○八月太子太保兵部尚書致仕項忠卒○九月

朔日食○冬十月副都御史楊一清提督陝西馬政○太子少保南京兵部尚書致仕張悅卒○十一月雲南晝晦○十二月刑部尚書致仕何喬新卒

癸亥弘治十六年春正月大明會典成○二月進劉健少師兼太子太師吏部尚書華蓋殿大學士李東陽謝遷太子太保戶部尚書謹身武英殿大學士吳寬爲禮部尚書兼翰林學士掌詹事府事○三月○夏四月○五月京師大旱○貴州苗叛南京戶部尚書兼副都御史王弼督兵討平之○

六月提督關管鎮遠侯顧溥卒保國公朱驥提督關管○秋七月○八月○九月○冬十月張元積爲太常卿兼翰林學士○十一月陳壽爲南京副都御史尋致仕○十二月


甲子弘治十七年春正月○二月哈密人逐陝巴而以真帖木兒守哈密○三月孝肅太皇太后周氏崩○夏四月○閏四月關里先師廟成○五月加泰絃太子少保○六月副都御史閻仲宇通政參議熊倬分理邊關軍餉○泰絃爲戶部尚書尋致仕○秋七月虜寇大同○掌詹事府事禮部尚書



兼翰林學士吳寬卒○副都御史楊一清巡撫陝西兼經理邊務○掌國子監事禮部右侍郎謝鐸致仕○八月令京官六年一考察○陝巴還哈密真帖木兒居其州○虜寇環慶平鳳○九月帝御暖閣召輔臣議政事戶部尚書侶鍾致仕○冬十月劉山伏誅○十一月○十二月

弘治十八年春正月韓文爲戶部尚書○兩廣都御史潘蕃總兵討思恩反泚誅之○二月南京刑部尚書樊瑩致仕張敷華爲南京刑部尚書○三月戶部主事李夢陽下錦衣獄尋釋之○夏四

月帝御暖閣召輔臣議政事○五月帝不豫庚寅顧命輔臣辛卯帝崩於乾清宮○壬寅皇太子卽皇帝位大赦○六月號謚大行皇帝孝宗達天明道誠純中正聖文神武至仁大德敬皇帝○虜寇大同宣府總兵官保國公朱暉提督軍務右都御史史琳出師分道禦却之○秋七月加劉德左柱國李東陽謝遜並少傅兼太子太傅○許進爲兵部左侍郎提督團營尋進尚書提督○八月尊皇太后王氏爲慈聖康壽太皇太后皇后張氏皇太后○九月庚子恒星晝見○周經爲南京戶部尚



大政記
書○太子少保戶部尚書致仕秦紘卒○冬十月
虜寇寧夏入秦隴○帝御文華殿召見輔臣部院
尚書都御史圍管三營總兵官○十一月○十二
月修孝宗敬皇帝實錄○左都御史戴珊卒張敷
華為左都御史○是年儲璫為太僕卿

皇明大政記第九卷

子履單校

孫心材重校

皇明大政記第十卷

吾學編第十

臣海鹽鄭曉

丙寅武宗毅皇帝正德元年春正月都御史楊一清
總制陝西軍務○右都御史史琳卒○天鳴地震
○二月○三月隕星如月○夏四月少師兼太子
太師吏部尚書馬文升致任焦芳為吏部尚書○
林瀚為南京兵部尚書叅贊機務○五月彭澤為
真定知府○王瓊為副都御史總督鹽法○六月
辛酉震郊壇門太廟奉天殿○先師奇孫孔彥繩
為世翰林五經博士○秋七月彗星見參井掃太



大政記
書○太子少保戶部尚書致仕秦紘卒○冬十月
虜寇寧夏入秦隴○帝御文華殿召見輔臣部院
尚書都御史圍管三營總兵官○十一月○十二
月修孝宗敬皇帝實錄○左都御史戴珊卒張敷
華為左都御史○是年儲璫為太僕卿

皇明大政記第九卷

子履單校

孫心材重校

皇明大政記第十卷

吾學編第十

臣海鹽鄭曉

丙寅武宗毅皇帝正德元年春正月都御史楊一清
總制陝西軍務○右都御史史琳卒○天鳴地震
○二月○三月隕星如月○夏四月少師兼太子
太師吏部尚書馬文升致任焦芳為吏部尚書○
林瀚為南京兵部尚書參贊機務○五月彭澤為
真定知府○王瓊為副都御史總督鹽法○六月
辛酉震郊壇門太廟奉天殿○先師奇孫孔彥繩
為世翰林五經博士○秋七月彗星見參井掃太



微垣○太白經天○八月立皇后夏氏○大角大火動搖○九月兵部尚書劉大夏致仕許進爲兵部尚書○王瓊爲戶部右侍郎○陝巴子拜牙即嗣忠順王○冬十月靈霧四塞○太監劉瑾入司禮監提督團營丘聚谷大用提督東西廠○瑾矯詔殺太監王岳范亨徐智罷少師兼太子太師吏部尚書華蓋殿大學士劉健少傅兼太子太傅禮部尚書武英殿大學士謝遷以吏部尚書焦芳兼文淵閣大學士吏部左侍郎王鏊兼翰林學士並直文淵閣許進爲吏部尚書○十一月欽天五官

監候楊源上疏杖闕下○戶部尚書韓文致仕顧佐爲戶部尚書○左都御史張數華致仕○劉宇爲兵部尚書○十二月進李東陽少師兼太子太師吏部尚書華蓋殿大學士焦芳太子太保武英殿大學士王鏊戶部尚書文淵閣大學士○謫武選主事王守仁爲龍場驛丞○吏部侍郎兼翰林學士張元楨卒○南京副都御史陳壽除名○是年潘蕃爲南京刑部尚書右都御史熊繡總督兩廣軍務兼巡撫

丁正德二年春正月戶部郎中李夢陽下錦衣獄

尋釋之○閏正月建南京科道戴統薄彥徵等下
錦衣獄除名叅贊機務南京兵部尚書林瀚落職
致仕○二月○三月乙亥朔日食○楊廷和劉忠
為南京戶禮部左侍郎○南京國子祭酒章懋謝
病歸○劉瑾矯詔榜奸黨於朝堂○夏四月巡撫
江南右都御史艾瑛下獄編管海南○五月楊廷
和劉忠為南京戶禮部尚書副都御史雍泰提督
操江○六月○秋七月○八月今皇帝生於典邸
○總制陝西都御史楊一清致仕○杖欽天監五
官監候楊源於闕下尋卒○加焦芳王鏊並少傅

兼太子太傅禮身武英殿大學士吏兵部尚書許
進劉宇並太子太保○九月雍泰為南京戶部尚
書尋致仕○冬十月楊廷和為戶部尚書兼文淵
閣大學士直文淵閣○十一月革巡撫都御史兵
備憲臣○陶璜為刑部侍郎○十二月劉忠為南
京吏部尚書○王璽伏誅○是年復寧府護衛屯
田○右都御史熊緝回院陳金總督兩廣軍務兼
巡撫

八 正德三年春正月太子太保吏部尚書許進致
仕劉宇為吏部尚書曹元兵部尚書屠濬吏部尚



書兼左都御史掌院事○王瓊爲吏部右侍郎○
二月南京國子祭酒章懋致仕○三月賜呂柟等
進士及第出身有差○逮楊一清下獄尋釋之○
周經爲禮部尚書尋致仕○夏四月南京國子司
業羅欽順除名○五月右都御史熊繡致仕○六
月劉瑾掌司禮監事逮京朝官下錦衣獄尋釋之
○太子太保吏部尚書致仕王恕卒○逮戶部尚
書韓文下錦衣獄尋釋之○秋七月○八月進楊
廷和少保兼太子太保○逮兵部尚書劉大夏南
京刑部尚書潘蒼下錦衣獄謫戍○九月○冬十

月四川盜起副都御史林俊巡撫四川兼管理軍
務督兵討之○十一月禮部侍郎掌國子祭酒事
謝鐸致仕○十二月蔡清爲國子祭酒尋卒王鴻
儒爲國子祭酒○是年南京刑部尚書樊瑩卒

巳正德四年春正月總督漕運副都御史邵寶致
仕○二月○三月席書爲貴州提學副使○夏四
月王雲鳳爲國子祭酒○少傅兼太子太傅戶部
尚書武英殿大學士王鏊致仕○五月孝宗敕皇
帝實錄成○進焦芳少師兼太子太師華蓋殿大
學士降調翰林坊局諸臣有差○清理屯田○六



月石瑤爲南京國子祭酒○劉宇兼文淵閣○張
綵爲吏部尚書○秋七月日本南海首遣人入貢
○八月遣祭莊王之囚常德○九月畿內盜起寧
果爲僉都御史督捕羣盜○閏九月奪平江伯陳
熊鷹○冬十月虜寇寧夏殺總制尚書才寬○十
一月亦不剌阿爾禿廝掠西寧諸番○十二月

庚正德五年春正月總制軍務刑部尚書兼左都
御史洪鍾討四川羣盜○二月遣楊廷和吏部尚
書武英殿大學士曹元爲吏部尚書兼文淵閣大
學士直文淵閣○劉忠爲吏部尚書兼翰林院學

士掌詹事府事○三月太子太保禮部尚書致仕
周經卒○夏四月慶府安化王寘鐸反殺總兵官
姜漢巡撫都御史安惟學○四川巡撫都御史林
俊屢敗賊○五月焦芳致仕○平胡將軍涇陽伯
神英提督軍務右都御史楊一清總督軍務太監
張永率師討寘鐸○寧夏遊擊將軍仇鉞襲執寘
鐸檻送京師○六月京師旱霖○秋七月四川威
茂地震○四川賊破通江縣巡撫都御史林俊擊
敗之○八月寘鐸伏誅楊一清總制陝西軍務尋
爲戶部尚書○劉瑾楊玉伏誅張綵下獄死復劉



大夏韓文許進官致仕○奪神英溼陽伯復陳熊平江伯○華寧府護衛屯田○論平寔錯功封仇欽威寧伯張富泰安伯張容定安伯魏英鎮安伯馬山平涼伯谷大珉永清伯朱德永壽伯○九月太子少保南京吏部尚書梁儲爲吏部尚書吏部尚書兼翰林學士掌詹事府事劉忠並爲文淵閣大學士直文淵閣○改國子祭酒王雲鳳爲南京右通政石瑞爲國子祭酒王瓚爲南京國子祭酒○羅玘爲南京吏部侍郎○進楊廷和少傳兼太子太傅謹身殿大學士劉忠少傳兼太子太傅梁

儲少保兼太子太保並武英殿大學士○總兵馬安敗賊於景州○陶琰爲副都御史總督漕運巡撫江北○冬十月羅欽順爲南京國子司業○致仕吏部尚書許進卒○掌詹事府事尚書學士白欽卒○十一月章懋爲南京太常卿辭○傅珪爲吏部右侍郎○致仕禮部右侍郎掌國子祭酒事謝鐸卒○十二月尊太皇太后王氏爲慈聖康壽太皇太后皇太后張氏慈壽皇太后○劉機致仕○禮科給事中致仕賀欽卒

辛未正德六年春正月楊一清爲吏部尚書孫交戶



部尚書喬宇南京禮部尚書○都御史林俊討江
津賊平之○二月邵寶爲戶部右侍郎總督倉儲
○三月茶浙東捍海隄○夏四月江西盜起總制
軍務右都御史陳金提督軍務右都御史俞諫討
之○章懋爲南京禮部右侍郎辭○五月致仕太
子太保兵部尚書劉大夏卒○六月總制尚書洪
鍾巡撫四川林俊陝西藍璋合兵討四川賊○日
本遣我叛人宋素卿來貢○秋七月何鑑爲兵部
尚書○畿內賊趙姪反惠安伯總兵張偉提督軍
務副都御史馬中錫討之盜分掠山東河南○逮

張偉馬中錫下錦衣獄○八月南京禮部侍郎章
懋致仕○加洪鍾太子太保林俊右都御史藍璋
右副都御史○九月四川盜復起巡撫林俊及松
潘巡撫高崇熙討平之○倭寇浙東○冬十月賊
破冀州○棗強知縣段彥擊賊死之伏羌伯總兵
毛銳提督軍務兵部侍郎陸完率兵討畿內賊寇
撫山東都御史邊憲真定都御史蕭翀下獄除名
○許達爲武定兵備僉事○燕忠爲大理卿○十
一月少傅兼太子太傅吏部尚書武英殿大學士
劉忠致仕○京師地震○賊攻徐州掠淮西○十



二月賊破裕州上蔡西平同知郁采知縣霍恩王
佐死之○提督軍務副都御史彭澤率兵討河南
羣盜○費宏兼文淵閣大學士直文淵閣○加楊
一清少保兼太子太保○傅珪爲禮部尚書尋致
仕蔣冕爲吏部右侍郎○孫需爲南京工部尚書
○楊廉爲順天府尹○是年鎮遠侯顧仕隆總兵
提督漕運鎮守淮安

壬正德七年春正月毛銳遇賊於真定敗績○少
師兼太子太師吏部尚書馬文升卒○南昌知府
李承勳擊破華林賊○賊掠襄陽○二月賊破泌
陽○賊攻河南總兵馮禎戰歿○三月彭澤遣兵
擊賊於西平大破之○夏四月賊轉掠畿內○五
月劉宇卒○江夏人擒趙燧○閏五月賊走鎮江
官軍禦之敗績○陳琳爲山東提學副使○賊殺
湖廣巡撫馬炳然○六月○秋七月僉都御史王
雲鳳巡撫宣府○八月賊至狼山颶風大作官軍
勦平之趙燧伏誅○九月屠滿卒○封谷大寬爲
高平伯陸永爲鎮江伯仇敏進封咸寧侯都御史
陸完加太子少保掌院事○冬十月京畿山東河
南江西羣盜平進楊廷和少師兼太子太師華蓋



殿大學士梁儲少傅兼太子太傅謹身殿大學士
費宏太子太保武英殿大學士○召邊將江彬等
兵入京師○十一月總制都御史陳金討平江西
羣盜洪鐘罷右都御史彭澤總制四川軍務○王
鴻儒爲南京戶部右侍郎○王守仁爲南京太僕
少卿○十二月虜亦不剌殺阿爾倫可汗走西海
虜中立阿不孩爲可汗○李東陽致仕○是年楊
旦爲南京禮部侍郎

正德八年春正月儲璫爲南京吏部侍郎尋卒
○二月真帖木兒還土魯番○三月○夏四月副

都御史陳壽遷撫陝西○五月虜寇大同○六月
王瓊爲戶部尚書○姚源賊平○秋七月虜書爲
浙江按察使○八月石瑄爲南京吏部侍郎○虜
寇宣府○拜牙即棄哈密走降土魯番清遠見遣
人據哈密○九月王瓚爲國子祭酒○冬十月都
督朱寧掌錦衣衛事○十一月○十二月河南右
布政使楊子器卒○贈誠意伯劉基太師○是年
陳壽爲南京刑部尚書尋致仕

正德九年春正月乾清宮災○總制都御史彭
澤討平四川羣盜○二月帝始微行○王守仁爲



南京鴻臚卿○靳貴爲文淵閣大學士直文淵閣
○三月加彭澤太子太保左都御史時源左都督
○夏四月復寧府護衛屯田○五月太子太保禮
部尚書武英殿大學士費宏罷○六月孫雲喬字
爲南京吏禮部尚書○秋七月虜寇大同宣府○
八月辛卯朔日食○左都御史彭澤總督其肅軍
務經略哈密○江西右布政使鄭岳除名○九月
降翰林編修王思爲嶺南驛丞○冬十月○十一
月○十二月南京戶部尚書致仕雍泰卒○是年
副都御史陶琰總督漕運兼巡撫江北

正德十年春正月○二月楊廉爲南京禮部侍郎
○三月楊廷和憂去○夏四月土魯番賜哈密
大掠嘉峪諸夷○閏四月楊一清兼武英殿大學
士直文淵閣○陸完爲吏部尚書王瓊兵部尚書
○左都御史彭澤掌院事○元良哈寇馬蘭谷恭
將陳乾戰死○五月石瑄爲禮部右侍郎羅欽順
南京吏部右侍郎○六月提督軍務兵部侍郎陳
玉副總兵都督桂勇帥師討兀良哈○秋七月浙
江左布政使方良永致仕○八月毛紀爲禮部尚
書○虜寇固原平鞏○副都御史王雲鳳清理兩

浙鹽法尋致仕○九月虜寇固原平鞏○冬十月孫燧爲副都御史巡撫江西江西按察副使胡世寧下錦衣獄論戍○十一月○十二月癸丑朔日食○是年右布政使吳廷舉兼副使撫治廣肇諸府○右都御史陳金總督兩廣軍務兼巡撫○王鴻儒爲吏部侍郎

正德十一年春正月王守仁爲僉都御史巡撫南贛汀漳○二月虜寇榆林○三月○夏四月安南陳高弒其主黎稠○五月風霜大旱○六月加王瓊太子太保○虜寇大同提督軍務兵部右侍

郎丁鳳總兵都督劉暉帥師禦却之○秋七月李東陽卒○加梁儲少師兼太子太師華蓋殿大學士○虜寇宣府○八月楊一清致仕○掌詹事府事禮部尚書蔣冕兼文淵閣大學士直文淵閣○九月土魯番復揀哈密侵肅州守將芮寧禦之敗殺○冬十月兵備副使陳九疇敗土魯番於肅州○虜掠白羊口○十一月黃珂爲南京工部尚書○十二月監察御史孝廉陳茂烈卒

正德十二年春正月帝獵於南海子○二月○三月加王瓊少保○賜禮部貢士舒芬等進士及

第出身有差○夏四月靳貴致仕○五月禮部尚書毛紀兼東閣大學士直文淵閣○四川賊平馬吳爲右都御史○六月己巳朔日食○毛澄爲禮部尚書王鴻儒廖紀吏部左右侍郎顏順壽副都御史○秋七月加蔣冕太子太傅武英殿大學士毛紀太子太保文淵閣大學士○加王守仁提督軍務仍更撫○許達爲江西按察副使○八月帝幸昌平至居庸關監察御史張欽閉關三上疏○帝卽日回鑾○湖廣饑副都御史吳廷舉賑卹之○貴州巡撫都御史秦金鄒文盛合兵討清平苗

賊○九月帝幸大同獵陽和雨雹星隕○虜犯和陽掠應州○冬十月都御史王守仁平橫水賊十一月都御史王守仁平桶岡賊○少師兼太子太師吏部尚書華蓋殿大學士楊廷和仍直文淵閣○加王瓊少傅兼太子太傅○十二月王廷相爲四川提學僉事○閏十二月封江彬平虜伯許泰安邊伯○湖廣巡撫都御史秦金討平榔桂賊寅正德十三年春正月丙午帝還京○都御史王守仁平泃頭賊○二月慈聖康壽太皇太后王氏崩○帝復出居庸關○三月帝還京○左都御史



彭澤按察副使陳九疇除名○夏四月帝至昌平
謁六陵遂獵于密雲○五月己亥朔日食○帝還
京○六月江西大水○秋七月帝出居庸關歷宣
府至大同○虜寇固原掠蘭靖臨鞏○八月帝在
大同○九月帝在大同○冬十月帝渡河幸榆林
○十一月帝在榆林○十二月帝在榆林○是年
僉都御史張潤巡撫順天○右都御史楊旦總督
兩廣軍務兼巡撫

癸正德十四年春正月帝在榆林○二月帝還京
○乙酉帝自稱總督軍務威武大將軍太師鎮國

公更名壽巡兩直隸山東江南湖廣○三月兵部
郎中黃筆等伏闕疏諫南巡下錦衣獄杖闕下謫
成除名降調有差○京師風霾晝晦水溢○金吾
指揮張英肉袒疏諫死之○王鴻儒爲南京戶部
尚書○夏四月羅欽順爲吏部右侍郎○五月太
監賴義駙馬都尉崔元都御史顏頤壽戒飭寧王
宸濠○加王瓊少師兼太子太師○劉瑞爲浙江
提學副使○六月丙子宸濠反巡撫副都御史孫
燧按察副使許達死之○宸濠攻陷南康九江知
府陳霖江潁棄城走○睿宗獻皇帝崩○秋七月



宸濠攻安慶守備都指揮楊鏡知府張文錦指揮
崔文禦却之○逮司禮太監蕭敬吏部尚書陸完
錦衣都督朱寧下錦衣獄尋釋敬○提督南贛軍
務副都御史王守仁及吉安知府伍文定起兵討
宸濠復南昌宸濠至鄱陽湖守仁督兵迎戰敗之
丁巳擒宸濠○致仕南京吏部右侍郎羅玘卒○
八月癸未帝討宸濠輔臣梁儲蔣冕邊將江彬許
泰扈行○九月帝至南京○王守仁巡撫江西伍
文定爲江西按察使○南京兵部尚書林瀚卒○
冬十月帝在南京○十一月帝在南京○十二月

帝在南京○是年鄧璋爲南京戶部尚書

○正德十五年春正月帝在南京○彗星見○二

月○三月癸丑朔日食○夏四月○五月江西大

水○六月○秋七月○八月瓦剌掠土魯番○閏

八月帝至鎮江○九月○冬十月帝班師還京○

王瓊爲吏部尚書○十一月○十二月帝至通州

○宸濠伏誅○胡世寧爲湖廣按察使尋改僉都

御史巡撫四川

○正德十六年春正月帝還京加蔣冕毛紀少傅

少保戶部尚書護身武英殿大學士○費宏少保



戶部尚書仍直文淵閣○石瑤爲禮部尚書兼翰林學士掌詹事府事羅欽順爲吏部左侍郎○二月浚白茅河○三月丙寅帝崩於豹房

子履準校

孫心材重校






國立中央圖書館, 臺南, R.O.C.




1317.5000 NATIONAL CENTRAL LIBRARY, TAIWAN, R.O.C



UNIVERSITY OF TORONTO LIBRARY

UNIVERSITY OF TORONTO LIBRARY TAINAN R.O.C.



建文遜國記序

嘗觀詩書所載家國興亡必有其自蓋天人相
符非幸與不幸適然致也三代而下一統繼世
惟秦隋自速敗秦之暴橫隋之奢淫亡非天也
讀遜國記竊怪建文君無一於此何以遽亡
高皇帝再造乾坤功德光三代陵土未乾材臣宿
將猶存邊隅無故宴然啓甲成康之舊

文皇南來忽於破竹何也人咸咎方黃謀國之踈
或曰漢文天授少帝雖輔以伊姜亦胡能存然
歟夫天與子後嫡長未有善繼者湯傳孫文王



舍伯邑考扶蘇終上谷漢惠無嗣隋殺楊勇唐
宗由秦王宋至孝宗始嗣太祖

文皇亦然天之定命自古識之矣建文君臣何尤
乎居升之疏禍迫於履錯信乎天也天有所與
孰能無廢翁故考之編年參之野史爲遜國記
以備遺缺傳曰鑒於后羿而用德度經曰動用
明德庶邦不享作者意也時

嘉靖丙寅春中既望進士臣鄭履淳謹叙

建文遜國記

吾學編第十一

海鹽鄭曉

建文皇帝諱允炆 太祖之孫懿文太子之子也
洪武十年十一月己卯生生六年而其兄雄英卒
又十年而懿文卒 高祖年六十有五矣御東角
門對羣臣泣翰林學士劉三吾進曰皇孫世適富
於春秋正位儲極四海繫心 皇上無過憂 高
皇帝曰善是年九月庚寅立爲皇太孫詔曰曩者列
聖相繼馭宇者首建儲君朕甲辰卽王位戊申卽
帝位於今二十五年矣前者選將練兵莫生民於



通鑑
田野統一以來除奸貪去豪強用心多矣邇來蒼
顏皓首儲嗣爲重九月十三日冊適孫允效爲皇
太孫奉上下神祇以安黎庶太孫英明仁厚好文
章典禮旣爲太孫中外萬幾時付裁決當是時政
治嚴覈太孫濟以寬大中外欣欣愛戴以宋國公
勝穎國公友德兼太子太師曹國公景隆涼國公
玉太子太傅開國公昇全寧侯恪太子太保詹徽
太子少傅兼吏部尚書茹瑤太子少保兵部尚書
任亨太子少詹事兼翰林修撰杜澤楚樟詹事丞徽
等以下支兼官俸又以兵部尚書致仕唐鐸刑部

尚書楊鏞兼太子賓客又命廷臣舉孝義篤行之
士鄭濟王懃爲左右庶子二十九年八月詔更議
諸王見東宮禮禮官曰諸王來朝冕服見天子畢
次見東宮已有定議其叙家人禮王及東宮俱常
服引禮官請王由文華殿東門入至後殿王西向
東宮東向贊禮官贊四拜王坐受相見禮畢叙坐
則東宮正中南向諸王列于東西奏上從之三十
一年閏五月乙酉遣詔曰朕受皇天之命膺大任
於世定禍亂而偃兵爰生民於市野謹撫馭以膺
天命三十有一年憂危積心日勤不怠專志有益

於民奈何起自寒微無古人之博智好善惡惡不
及多矣今年七十有一筋力衰微朝夕危懼慮恐
不終今得萬物自然之理其美哀念之有皇太孫
允攸仁明孝友天下歸心宜登大位以勤民政中
外文武臣僚同心輔佐以福吾民葬祭之儀一如
漢文帝勿異布告天下使知朕意孝陵山川因其
故無改諸王臨國中無得至京王國所在文武吏
士聽朝廷節制惟護衛官軍聽王諸不在令中者
推此令從事丙戌令禮部議喪禮辛卯皇太孫卽
皇帝位詔曰天降下民作之君我皇太祖高皇帝

受天明命統有萬邦宵衣旰食弘濟斯民凡事有
益于天下者無所不用其心政教休明規模宏遠
朕以眇躬繼承大統恭依遺詔於洪武三十一年
閏五月十六日卽皇帝位夙夜祗懼思所以克相
上帝寵綏四方以無忝我 皇祖之大命永維寬
猛之宜誕布維新之政其以明年爲建文元年大
赦天下於戲德惟善政政在養民當遵先聖之言
期致雍熙之盛百辟卿士體朕至懷是日葬孝陵
丙申詔內外五品以上文官及縣令薦賢才定保
典坐法是月上 皇祖考大行皇帝謚曰高皇

通鑑紀事本末卷之九十一
帝廟號太祖 皇祖妣孝慈皇后曰高皇后尊母
皇太子妃呂氏爲皇太后議革冗員以中書舍人
蹇義爲吏部右侍郎戶部主事夏原吉爲本部右
侍郎兵部尚書齊太常寺卿黃子澄預奉國事
以平江知縣陳彥回爲徽州府知府秋七月召漢
中府學教授方孝孺爲翰林侍講召董倫爲禮部
左侍郎兼翰林學士命曹國公景隆卽訊周王逮
至京廢爲庶人以王紳爲國子祭酒以張鳳李衡
趙福張弼汪濱孫端王斌楊忠林良李成張敏劉
政爲錦衣衛世千百戶有差鳳等皆西宮殉葬官

人父兄所謂朝天女戶也八月進魏國公輝祖曹
國公景隆蘇秩勅輝祖練兵山東召王景彰爲禮
部右侍郎兼翰林侍講尋陞學士以雲南左布政
使張統爲吏部尚書徵江西處士楊士奇充實錄
編纂官尋授齊府審理副仍留翰林編纂罷禮部
尚書鄭沂以雲南布政使陳迪爲禮部尚書以臨
江府推官劉昊爲知府以劉儻盧淵爲兵部左右
侍郎以何福爲征虜將軍總兵征百夷都督徐凱
副之九月罷祭銅鼓衛城召輝祖還京安陸侯吳
傑亦召還京長星西隕有聲如雷雲南總兵官征

虜前將軍西平侯沐春卒以馬京爲大理卿冬十月何福進兵金齒討諸蠻尋平之以戴元禮爲太醫院使召北平總兵都督楊文選京十一月征南將軍總兵都督僉事顧成征五開還兵常德命錦衣指揮談全諭成班師賞勞成及其副將何清宋晟韓觀有差十二月朔帝省牲郊壇是歲監察御史解縉來奔奏謫河州衛吏以工部侍郎張黃掌北平布政司事謝貴爲北平都指揮使王鈞爲戶部尚書召鄭勛於安東起徙中爲工部尚書起流人劉有年爲太平知府以曾鳳韶爲監察御史

以右都督沐晟嗣西平侯總兵鎮守雲南召宋濂孫惲還京以爲翰林侍書罷北平山東河南山西陝西五省及淮安徐州學校貢士以國子學錄張智爲司業皇子學訓導鄒緝爲助教召韓宜可爲副都御史何福以平蠻功陞右府都督同知以燕府訓導康汝楫爲安岳知縣詔求直言舉山林巖穴懷材抱德之士監察御史尹昌隆上書請勤政帝嘉納曰朕過也詔禮部頒天下使明知朕過調僉都御史劉觀爲嘉興知府盡釋剝面軍及徙人還鄉里

建文元年春除稱洪武春正月庚辰大祀天地

於南郊始奉 太祖高皇帝配先是戊寅上御奉

天殿誓戒百官是夕遂宿於文華殿齋宮已卯出

舍皇邸尚膳進素食庚辰子夜行事帝脫冕登大

祀殿秉圭奠瓚興俯拜跪如禮昧爽還宮御奉天

殿受羣臣賀方孝孺進郊祀頌詔養老賜高年米

絮帛有差命官贖民粥子減田租遣使告卽位于

天下神祇何福班師還京勅修 太祖高皇帝實

錄禮部左侍郎兼翰林學士董倫右侍郎兼翰林

學士王景彰為總裁官太常少卿廖昇翰林侍講

學士高異志副總裁翰林修撰李貴國子博士王

紳漢中府學教授胡子昭齊府審理副楊士奇崇

仁縣學訓導羅恢馬龍他郎甸長官司吏目程本

立等為纂修官二月都督韓觀練兵於德州詔尊

考妣為皇帝后祔享宗廟立妃馬氏為皇后封弟

允熲允燧允燾為王詔曰朕惟有盛德而不享其

報者必垂慶于後昆履大位而不逮乎親者必致

尊于宗廟此天下之至理古今之通義也昔我

太祖高皇帝平定天下承千載之大統 皇考懿

文皇太子蚤登儲位參決萬機默施寬仁陰贊至



治視民如子錫祿朕躬 太祖奄棄臣民肆朕嗣
登大位既謚 太祖爲高皇帝 孝慈皇后爲高
皇后而 皇考謚號未稱心切悼爲邁者採羣臣
之言追尊皇考爲孝康皇帝廟號興宗皇妣懿敬
皇太子妃爲孝康皇后擇日祔廟羣臣復謂中宮
之號未正無與共承祭祀諸弟之封未定無以夾
輔邦家繼以爲請已冊妃馬氏爲皇后封弟允熲
爲吳王允燦爲衡王允燃爲徐王夫尊親所以崇
孝敬之道正家所以厚風俗之源嘉與萬方同臻
至治宗祖廟謚稱號所以褒顯功德非所當諱今

後惟廟諱如律迴避廟諱稱號勿諱民間及山林
岩穴有懷才抱德緣達政治廉能幹濟之士有司
明著實跡禮請來京授以祿位共安黎庶軍民男
婦有八十九十者賜米一石肉十斤酒三斗九十
者加賜帛一疋綿一斤若身犯杖以上隸卒倡優
不與所在餽寡孤獨貧無產不能自存者有司歲
給米三石令親戚收養無親戚里鄰養之母令失
所其有田地荒蕪無人耕種者除其徭賦農桑未
食之本有司勿奪民時使得盡力足其衣食學校
風化之源敦養英俊以備任用有司宜加意勸勉

禁其習於浮靡務得真材以輔至治民之休戚係
守令賢否官之清濁在考覈公平在內監察御史
在外布政按察司宜公考察果政績異常及闕茸
不才奏聞黜陟軍民義夫節婦孝子順孫及同居
共爨五世以上鄉黨稱其孝義者有司勘闡旌表
軍民凡有嫁娶喪葬窮窘不能自舉者部伍鄰里
宗族相資助勿使失所水旱災傷速開報踏勘賑
濟軍中孤兒給糧存恤有定例其篤廢殘疾無人
侍養及年老有丁代役者管軍官宜加撫恤願還
鄉者聽民間有篤廢殘疾不能自存者收養清院

例支衣糧使遂其生前代兵後骸骨暴露尚多當
掩骼埋胔之時所在軍民官司即便收運衛所勾
軍有司照名發與果戶絕即與除伍進封江都郡
主爲公主以儀賓耿璿爲駙馬都尉都督僉事宋
晟總兵鎮守甘肅以周是修爲衡府紀善更定官
制陞六部尚書正一品設左右侍中各一人位侍
郎上改戶部四司爲職民度支倉帛倉庾刑部四
司爲詳憲比議職門都官六部司去清吏字罷左
右都御史設都御史一人副僉都御史各一人改
通政司爲寺通政使爲通政卿通政叅議爲少卿

寺丞增置左右補缺左右拾遺各一人復置大理寺改爲司卿爲大理卿左右寺正爲都評事寺副爲副都評事司務爲都典簿改太常寺卿爲太常卿少卿寺丞分左右又改天壇祠祭署爲南郊祠祭署泗州祠祭署爲泗濱祠祭署宿州祠祭署爲新豐祠祭署又增鍾山祠祭署及司圃所改光祿寺卿爲光祿卿少卿寺丞分左右而陞少卿從四品省署丞二人增監事二人改太僕寺卿爲太僕卿增典廩典牧二署設驕驥十五羣遂生三羣分隸二署增少卿寺丞各一人詹事府增少卿寺丞

各一人賓客二人又置資德院設資德一人資善二人其屬贊讀贊書著作郎各二人掌籍典簿各一人增司業二人省博士學正學錄增助教十七人改鴻臚寺卿爲鴻臚卿分少卿寺丞爲左右翰林院增承旨一人學士一人文學博士二人省侍講侍讀學士置文翰文史二館文翰館設侍書而改中書舍人爲侍書文史館設修撰編修檢討改護身殿爲正心殿設學士一人改殿閣坊大學士爲學士文淵閣設典籍二人革六科左右給事中改五城兵馬指揮司爲五城兵馬司指揮副指揮

爲兵馬副兵馬革左右布政使設布政使一人布政司堂上官各陞一級改按察司爲十三道肅政按察司改廣東鹽課司爲都轉運鹽使司革五軍斷事官及稽仁稽義稽禮稽智稽信五司官增親王官賓輔二人正三品件講件讀件書各一人長史一人左右長史各一人審理正典膳正奉祠正良醫正典寶正並去正字審理副等改爲副審理等郡王賓友二人正四品教授一人記室二人直史一人左右直史各一人吏目一人典印典祠典禮三署典印典祠典禮各一人典儀典樂二署典

儀典樂各二人典禮署引禮舍人二人儀仗司吏目一人賓輔三件賓友教授進對侍坐稱名不稱臣見禮如賓師北平按察副使張璉坐藩府事論典史北平右布政使曹顯坐罪削籍是月燕王來朝行皇道入登陞不拜監察御史曾鳳韶劾王不教戶部侍郎卓敬上書論劾皆不報免民貨舍錢革松喬衛二月丁亥帝祀先師於太學盥獻拜跪禮如廟社御彝倫堂見師生賞幣鈔有差以散騎常侍張成等七十一人爲海上巡檢勅布按二司官糾察屬吏革略陽縣是月 成祖還國燕世子

及其弟高勳高繼留京師未幾遣還北平俄北平按察僉事湯宗上變告言按察使陳瑛密受燕府金錢有異謀遣瑛安置廣西燕山左護衛百戶倪諒亦上變告逮府中官旗于諒周鐸等伏誅遂勅都督宋忠率兵三萬及燕府護衛健卒屯開平名備胡都督徐凱練兵臨清都督耿璈練兵山海關召燕府胡騎指揮團童等還京調北平永清兩衛官軍屯彰德順德戶部右侍郎夏原吉給事中徐思勉等二十四人充採訪使巡行天下問民疾苦與廉黜貪得便宜行事京師地震監察御史尹昌

隆上疏斥為福寧知縣夏四月華南丹衛附慶遠召湘王柏於荊州柏自焚卒齊府人會名深上變告召齊王榑至廢為庶人留京師誅其護衛指揮柴真等未幾幽代王桂於大同繫岷王榘於雲南並廢為庶人當是時成祖威名最盛於諸王最長地勢形便兵力又最强朝廷深疑之齊泰黃子澄徐輝祖侍郎卓敬日夜謀所以防燕者會燕長史葛誠教授余逢辰亦稍洩其謀張嵩謝貴馬宣彭二每遇中朝使者至北平亦頗傳語言謂宜早為備成祖固知之自京師歸即托疾久之遂稱



病篤大暑圍火爐搖顛曰寒甚寒甚宮中亦杖而行朝廷稍不為意誠逢辰宥告曷貴曰殿下本無恙公等勿解防恐一旦不可測已而三都督密謀益急五月選補儒學官先是學官缺用舉人及中試監生過經儒士至是詔天下凡在任未入流官及坐法謫成已更者但過經薦試俄又詔衛官舉過經軍士聽布按二司試上吏部銓用岳池教諭程濟上書言有大難起宗室中下獄省連山縣入連州以戴德孺為左拾遺宋徽宗人府經歷錢芹戶部司務王叔英翰林修撰六月省與濟縣入青

縣置千戶所於戎縣以閔平王錫超諒為留守左衛指揮僉事是月召解縉于河州以為翰林待詔秋七月甲戌成祖兵起號靖難北平掌布政司事侍郎張昂都指揮使謝貴彭二燕府長史葛誠教授余逢辰死之遂奪省城九門都指揮使俞瑛走居庸關馬宜走薊州宋忠率師至居庸關退保懷來留瑛守關成祖上書言皇考太祖高皇帝艱難百戰萬死一生定天下成帝業傳之萬世封建諸子鞏固宗社為磐石安不幸皇考賓天陛下嗣承大寶而姦臣齊奏黃子澄輩包蓄禍心

選錄
恣澆奮毒假陛下之威權剪皇家之支葉槁搏柏
桂椹五第不數年間並見削奪雖有愆過未聞不
軌輒削王爵奪王土轉徙流離行路矜惻柏尤可
憫閭室自焚聖仁在上胡寧忍此蓋非出陛下之
心皆姦臣所爲也心尚未足又以加臣臣守藩于
燕二十餘年寅畏小心奉法循分陛下嗣統以來
臣事君之誠明於皎日誠以君臣大分骨肉至親
恒思加慎爲諸王先而姦臣跋扈蔽陛下之聰明
誣直爲枉加禍無辜執臣奏事人筆楚刺葵備極
苦毒迫言臣謀不軌遂分布宋忠謝貴張嵩等於

北平城內外甲馬馳突於街衢鉦鼓喧鞠於遠道
圍守臣府周匝嚴密小大凜凜如臨湯火已而護
衛人執貴嵩始詢知奸臣欺詐之謀號地呼天辯
踊無語竊念臣於 懿文皇太子同父母兄弟也
今事陛下如事天也權姦之心不止害臣譬伐大
樹先剪附枝親藩夾滅朝廷孤立姦臣得志社稷
危矣伏望陛下廓日月之明奮雷霆之斷渙發德
音去此克惡以肅清朝廷以永安宗社以保全親
藩遙仰天門敬據愚懇惟陛下念之臣又竊計姦
權之黨必已蟠結深固恐陛下未易除之伏懇



祖訓有云如朝無正臣內有姦惡則親王訓兵待命天子密詔諸王統領鎮兵討平之臣謹備伏俟命惟陛下念之念之甲戌通州衛指揮房勝以城降燕丙子北平都指揮使馬宣起兵薊州不克死之毛指揮遂以薊州降燕遵化衛指揮蔣玉密雲衛指揮鄭亨又各以其城降燕已卯瑱師潰於居庸退依忠於懷來甲申 成祖攻懷來忠敗績及瑱被獲都指揮彭聚孫泰戰死都指揮莊得敗走丙戌永平指揮趙舜郭亮以城降燕庚寅大寧總兵劉貞都督陳亨都指揮卜萬引大寧兵就十萬

出松亭關駐沙河進攻遵化壬辰 成祖援遵化貞等退保松亭關亨陰輸欵於燕忠萬不敢發成祖聞萬貞亨縛萬下獄聞於朝籍萬家是月以長興侯耿炳文為征虜大將軍駙馬都尉李堅都督輝忠為左右副將軍帥師北進詔天下曰朕奉高皇帝遺詔纂承大統宵衣旰食思圖善以安民豈意國家不幸骨肉之親屢謀僭逆去年周庶人橈潛為不軌辭連燕齊湘三王朕以親親之故不忍暴其過止正橈罪餘皆不問今年齊王榑謀逆事覺推問犯者又言與湘王柏某王某同謀大逆

柏自知罪惡難逃先已自焚死博已廢為庶人朕
以某王於親最近未忍究其事今乃稱兵犯關不
得已遣長興侯耿炳文等率兵三十六萬往討其
罪咨爾中外臣民軍士各宜懷忠守義與國同心
永安至治祭告天地宗廟社稷耆論諸王削燕屬
籍時帝方銳意文治日與孝孺等討論周官法度
以為北兵不足憂黃子澄謂北兵素強且兼有營
薊之旅不早禦之恐河北遂失又請命安陸侯吳
傑江陰侯吳高都督都指揮盛庸潘忠楊松顧成
徐凱李文陳睢平安等各率偏師步騎號百萬數

道並進期直搗北平檄山東河南山西三省合給
軍餉省硃嘉臨西睢寧三縣和曲祿勸二州勅令
京朝官請告歸省給勘合內府以京口驛隸京師
睢陳歸德三州直隸河南布政司徵謫戍指揮僉
事伏願等入京復其官置平燕布政使司于真定
刑部尚書暴昭掌布政司事贈故翰林待制王禕
為翰林學士謚文節徵雲南兵入京備征八月炳
文兵三十萬至真定都督徐凱兵十萬駐河間都
督潘忠楊松先鋒駐鄭州壬子中秋夕 成祖率
衆渡白溝河圍雄縣破其城盡殺守陴卒屠其民

潘忠楊松兵渡月樣橋接戰遇伏大敗被執 成祖遂進至鄭州奪戰馬輜重炳文部將張保降燕言炳文兵三十萬先至者十三萬分營濟沱河南北 成祖厚撫保遣歸詐言兵敗被執幸守者困得脫竊馬歸又令言雄鄭敗狀燕兵旦夕且至令河南兵北移得併力破之易炳文間保言果移南營過河壬戌 成祖至真定炳文出城逆戰敗績兩副將軍李堅霧忠及都督顧成河托都指揮劉燧皆被執成降燕丙寅 成祖攻真定不克還北平是月以曹國公景隆爲征虜大將軍馳至軍中

會諸將北進帝聞炳文敗績始有憂色謂子澄曰奈何子澄對曰勝敗兵家常事無足慮今天下全盛士馬精強兵甲堅利糧餉充足區區一隅豈足當天下之力調兵五十萬四面攻之衆寡不敵必成擒矣曰孰堪將者子澄曰景隆可以當之前不用炳文而用景隆豈有此失遂遣景隆代炳文召二王還京遼王至寧王不至詔削權護衛監察御史韓郁上書乞罷北征兵不聽九月江陰侯吳高都指揮耿職楊文帥遼東兵圍永平大將軍景



隆乘傳至德州山東參政鐵鉉調兵食景隆合兵
五十萬進營河間 成祖率衆援永平高等退保
山海關安陸侯吳傑兵潰於真定傑遁還京諡爲
南寧衛指揮使冬十月 成祖出劉家口襲破大
寧都指揮朱鑑死之都指揮房寬寧王權皆降燕
劉貞陳亨自松亭關引兵來授亨及營州中護衛
指揮徐理陳文裝貞破其營貞遁廣寧浮海還京
景隆聞 成祖攻大寧引兵渡蘆溝橋攻北平築
壘九門景隆攻麗正門幾破城中婦女並乘城擲
瓦石景隆令不嚴驥退北平守益堅景隆別將攻

通州敗績甲寅 成祖盡拔大寧諸軍及兀良哈
三衛胡騎挾寧王入松亭關趣援北平十一月庚
午景隆移營白河西先鋒都督陳暉渡河而東遇
成祖戰敗績景隆七營兵合戰皆潰景隆盡棄其
輜重拔其衆南奔駐德州癸酉九門兵皆潰乙亥
成祖再上書言臣叨奉宗藩見惡權姦橫加大惡
上書自陳今歷三月未蒙垂察疊發大兵討罪不
已竊聞朝廷論臣有不軌之事入謹陳其詳惟陛
下垂察其一謂臣護衛踰額 祖訓職掌條王府
官軍不拘數目各王府皆然此姦臣枉臣一也其

TIFFEN Color Control Patches



二謂臣不當無事操練軍馬 祖訓兵衛條王教練軍士過數不拘此姦臣枉臣二也其三謂臣不當於各衛選用官軍 祖訓軍職條王府武官千戶百戶從王於所部軍職內選用開奏直詣御前頒降誥勅此姦臣枉臣三也其四謂臣私養韃靼健卒本洪武中歸附處於北平 皇考命於護衛歲給衣糧備虜此姦臣枉臣四也其五謂臣招致各處異人術士養於府中日夕論議為非竟無主名此姦臣枉臣五也其六謂臣府中守禦四門不當僭擬皇城守禦之制更番甚嚴 祖訓兵衛條

凡王府守禦宿衛護衛均審此姦臣枉臣六也其七謂臣宮室僭侈此 皇考所賜 祖訓營繕條燕因元之舊非臣僭越此姦臣枉臣七也其八謂臣第二子高照過涿州擅管驛官此臣失教然管一驛官遂指為臣不軌之迹 濫已甚何以服天下後世此姦臣枉臣八也且陛下與臣皆出 太祖高皇帝孝慈高皇后於屬最親姦臣猶得誣以極惡則踈遠小臣天下細民欲寘死地可望雪理耶其不濁亂天下傾危宗社不已也蓋今諸王之中臣序為長周齊湘代蝦五府已去獨臣未去臣

TIFFEN Color Control Patches

Black 3Color White Red Magenta Yellow Green Cyan Blue

去則楚蜀秦晉諸國不難去矣寧王無罪比又削其護衛譬諸人身手足皆去身能全乎伏望陛下鑒臣愚誠思宗社大計斷然不惑去此姦惡臣某頓首頓首罪黜都指揮僉事周成表成張睦皆降蓋是月 成祖傳微言我 父皇奉天承運華夷一統長子立爲皇太子餘子封王各守藩屏以爲子孫萬代計不幸 皇太子薨逝秦晉二王繼頌父皇慈念皇太子遂立其次子爲皇太子孫居東宮洪武三十一年閏五月十日 父皇崩天皇太孫卽帝位我諸王不敢以叔道尊亢臣子之情至矣

盡矣帝年幼冲任用奸邪小人屏棄典刑殘害骨肉天變屢見恬不修省此皆齊尚書黃大卿左班文職等官譏佞于君恣行不道今天下但知有齊尚書等不知有皇帝皇帝被奸臣惑溺 父皇陵土未乾周代湘齊嘔五王相繼竄流齊尚書等又使惡少謝貴等爲北平都司官張曷爲布政司官與本府長史葛誠合謀六月圍我王墻柵我王門殺我守王城卒諸軍披甲執杖鉦鼓叫呼聲震城野七月初旬且引兵入王城以都指揮張信言汝其奸不得已起兵擒獲逆賊謝貴等七月十六日



宋忠毅都指揮孫泰會瑛八月十六日破雄縣
擒都督潘忠楊松二十五日破真定走耿炳文擒
左副將軍駙馬李堅右副將軍寧忠右都督顧成
河托都指揮劉燧江陰侯吳高都督耿璈楊文以
遼東兵圍永平余直抵永平等夜遁還兵大寧
都指揮房寬來降殺朱鑑都督劉貞陳亨守松亭
關不肯來降余襲破其營擒亨貞單騎遁去大寧
遂平未幾齊尚書黃大帥等左班文職又矯詔曹
國公李景隆領兵五十餘萬十月十六日攻北平
圍城甚急余以寡敵衆景隆大敗斬首十萬九千

徐毅景隆夜遁去余本 太祖高皇帝親子母

孝慈高皇后 皇太子親弟恭若諸王之長禮曰

父之仇不共戴天兄弟之仇不反兵今奸臣齊尚

書黃大理等余必不與共戴天也故用 欽遵祖

訓統兵三十萬誅討左班文職奸臣傳檄天下藩

屏諸王暨官吏軍民咸使知朝廷左班文職奸臣

大逆不道我 父皇之仇爲子者義在必報也省

平夷衛十二月燕間遼東守將吳高削爵徙廣西

專命楊文守遼東庚申 成祖攻廣昌守將楊宗

以城降是月岷府典膳李英等伏誅薊州鎮撫曾



瑋起兵攻北平不克死之駙馬都尉王寧謀叛南于其家某衛官張倫等率兩衛官軍南奔結盟報圍以練子寧爲吏部左侍郎茹瑺復爲兵部尚書初令武官兼替兵部會五府取旨是時寧中府事駙馬都尉謝達署左府事孝陵衛指揮使黃鉉右府都督僉事陳春掌前府事駙馬都尉耿璠掌後府事駙馬都尉尹清省躬殿成殿在乾清坤寧二宮間爲退朝燕息之所置古經聖訓其中以尚父丹書之旨夏書聲色宮室之戒命孝孺爲銘以表義爲右府都督僉事應肅王樸於蘭縣選募謀勇

以中牟人楊本爲錦衣衛鎮撫沅州人周拱元爲所鎮撫法司奏今歲論囚視從歲減十三留守左衛指揮同知李_○伏誅籍其家參贊大將軍軍務高巍使燕署_一入府事兵部郎中方宥請戍廣東以錢芹爲_○署都事茅大芳副都御史葉砥翰林編修顏伯璋_○胡儼_○柯_○城_○梁_○潛_○陽_○春_○知_○縣_○成祖攻蔚州守將王忠李遠以城降省翁源縣入英德初置後湖祇候所二月降漢陽府爲州丁酉燕兵攻大同壬寅詔禮部尚書陳迪右侍郎黃觀



知貢舉翰林學士董倫太常少卿高遜志充考試
官右拾遺朱逢吉史官吳勤葉惠仲趙友士徐旭
張秉彝同考試官御史王度俞吉士監試官降南
雄府爲州省保昌縣令蘇松江浙人得官戶部甲
子改都察院爲御史府革十二道置察院一詔曰
頃以治獄煩興易御史臺爲都察院與刑部分理
庶獄今賴宗廟神靈斷獄頗簡其更都察院仍漢
制爲御史府專糾貪殘舉循良匡政事宜教化爲
職省御史員定爲二十八人務爲忠厚以底治平
改都御史景濂爲御史大夫以監察御史戴德彝

爲左拾遺以黃觀爲禮部侍中掌尚寶司事是月
鞋鞞可汗坤帖木兒死刺王猛哥帖木兒款北平
景隆率兵出紫荆關援大同 成祖自居庸關還
北平景隆遺書 成祖請息兵王答書索齊泰黃
子澄三月丙寅朔策試禮部貢士吳溥等一百一
十人制曰諸生蓋聞致治之主論治道之盛必以
唐虞二代爲準堯舜禹湯文武數聖人者其德厚
矣然所以本諸身發於政事施澤於民者其先後
始終亦可得而言歟夫由親以及疏篤近而舉遠
百王之所同也堯舜之時黎民於變時雍矣以親



則有象之傲臣則有共鯨之凶將聖人之化有所
弗及歟抑爲惡之人有不得而化者歟朕紹承大
統每思古先聖帝明王之治何稽何爲而可使家
給人足比屋有可封之俗行何善政而可使囹圄
空虛刑措不用歟圖治莫切於用賢而思賢才之
難致化民莫先於教學而思禮樂之難興果何由
而可使野無遺賢而民皆樂於爲善歟茲欲使海
內皞皞熙熙如唐虞三代時致之必有其道施爲
必有其序諸生習於聖賢之說久矣其具著于篇
朕將親覽焉賜胡靖王良李貴等進士及第出身

有差以靖爲翰林修撰改詹事府爲御史府賜御
史大夫宴於新署又賜監察御史衣人一襲令禮
部乙榜舉人署教諭訓導事者給俸三年入禮部
試試中計所教人得中鄉試就進士出身資格逾
陞一級否從本級其下第而所教人中鄉試者與
實授九年通考稱職平常不稱職黜陟否仍署職
減俸十之五乙榜年未三十不願署教者聽省忻
城縣并入東蘭縣武臣犯法被黜者悉叛走降燕
燕盡復其故官夏四月景隆兵次德州郭英吳傑
等兵次真定約日合兵進攻北平先是上遣中官




賜景隆軍書及斧鉞渡江忽大風雷雨暴至舟破
盡沉諸江至是復賜景隆景隆益專恣紀律不嚴
號令煩數諸將易玩之辛丑成祖率衆渡馬駒
橋南駐武清癸丑景隆軍至河間先鋒益將平安
至白溝河郭英等自真定移營保定期會於白溝
河成祖進至固安乙卯營中大雨平地水深二
尺已未成祖率衆渡白溝河平安伏精兵萬騎
邀擊成祖曰平安豎子往從吾出塞征胡識吾
用兵以故敢爲先鋒今日吾且破之使心膽俱喪
安驍勇善戰互有勝負俄都指揮何清陣動戰敗

被執安取兵還營景隆胡觀郭英吳傑等合兵六
十萬聯營白溝河藏火器一窠蜂搗馬丹地中人
馬遇之輒爛夜與燕兵大戰成祖從三騎殿後
迷失道下馬伏地視河流辨東西始知營在上流
倉卒渡河而北庚申成祖率衆渡河胡騎三百
叛降燕燕胡騎指揮省吉盡掩殺之是日景隆諸
軍進戰破成祖後軍房寬狼狽走成祖率衆
復戰驍將瞿能父子皆戰沒景隆麾諸騎兵乘敵
後成祖見張玉朱能丘福陣動急又見陣後塵
起曰敵統出我後矣馳騎赴之戰甚力左右曰敵

衆我寡難與持久宜退就玉等併力景隆等呼噪
 益進矢石俱發注如雨 成祖馬三易三被創矢
 三服並射盡乃持劍奮擊劍又缺折急走登隄伴
 麾鞭若招後繼者景隆等疑有伏不敢上隄而
 成祖復率衆馳入陣陣動會旋風折大將旗景隆
 軍大亂 成祖乘風縱火燔諸營郭英等潰而西
 景隆潰而南委棄輜重器械草萬萬計景隆軍
 書斧鉞盡爲燕所獲殺溺死者二十萬人 成祖
 復追至月樣橋降十萬餘人景隆單騎走德州壬
 戌 成祖遣人攻德州五月辛未景隆自德州奔

濟南癸酉燕將陳亨張信入德州奪軍餉百萬轉
 掠濟陽儒學教諭王省死之衆贊高巍叅政鐵鉉
 自臨邑入濟南丁丑 成祖率衆趨濟南己卯景
 隆出兵合戰城下敗績奔入城 成祖圍濟南攻
 之急鐵叅政高恭贊徐將軍盛統兵高僉憲宋叅
 軍張都統王太守王府校悉力防禦大挫燕衆辛
 巳 成祖隄水灌濟南濟南人大懼鐵叅政曰無
 恐計且破之不三日遁矣令登陴人皆哭呼曰
 且降盡輟守具出千人城外伏地請降又請退
 兵十里無驚動城中人 成祖大喜是時 成祖



在軍逾年往來戰守甚苦僅得永平保定及北平
三府諸府縣旋破旋堅守不肯降至是聞濟南降
曰濟南中原要會得濟南斷南北卽不下金陵盡
中原自守徐圖江淮遂下令退軍受降軍中大喜
呼萬歲鐵叅政懸鐵板城門上伏壯士圍堵中約
候 成祖入城呼千歲卽下鐵板板橋乃遣人請
成祖入撫諭 成祖乘肩輿張蓋率勁騎數人渡
橋直至城下城門開守陴者皆登城伏堵間 成
祖比入門門中人卽呼千歲鐵板亟下傷 成祖
馬首 成祖棄馬取從馬走走至橋橋下伏兵發

斷橋橋不可動 成祖得過橋復合兵圍濟南鐵
叅政令守陴者罵 成祖燕軍大怒攻益急鐵叅
政隨樓應敵間出兵累敗燕兵是月都督僉事朱
榮棄樂安城遁還京誅之六月增改詹事府官置
資德院八百鳩婦入貢遣監察御史周觀政監徐
州兵是月遣尚寶司丞李得成使燕議罷兵以儀
賓魯瑄楮富署都督僉事秋七月李得成還自濟
南下獄旣而釋之平安率兵二十萬進次單家橋
欲分兵出御河奪燕餉舟復德州高燧出軍良鄉
安兵不敢進省河縣入褒城八月戊申濟南圍解

是月盛庸兵至德州遂燕將陳旭自德州遁歸北平承天門災詔求直言未幾乙字庫災改謹身殿爲正心殿置學士一人罷華蓋文華武英殿文淵東閣大學士各設學士一人改方孝孺爲文學博士九月承天門成改爲阜門遂改午門爲端門端門爲應門前門爲路門乙丑成祖至北平冬十月更定歷事監生選用法凡歷事一年爲滿考分三等上者卽授官次下者再歷一年復考考上者亦卽授官次量材選授下選國子監讀書省兩當縣入徽州置威武中衛募健武克衛壯士兵部右

侍郎宣濟有罪除名清遠戍卒羅義上書下獄旣而釋之詔諸將無使朕負殺叔父名是月平安與燕兵戰華山斬燕將陳亨時安及吳傑駐定州盛庸駐德州徐凱陶銘城滄州相爲犄角因北平滄州城潰凱鎔督士卒修城成祖佯出攻遼東至通州循河而南渡直沽晝夜兼行至滄州城下列營凱等始覺倉卒收築城具出戰敗績入城守成祖攻破其東北凱及都督程運都指揮趙許胡原李英張傑皆被執時降燕者數萬人北將譚淵夜殺降卒三千人凱等皆降赴北平封盛庸歷城



侯以鐵鉉爲山東布政使帝以濟南完守賞鉉等
却敵功命翰林陳檢討賜銀幣吏部督主事頒誥
命封三代尋陞鉉兵部尚書官軍姜貴等五十四
人以濟南功陞官有差召景隆還教不誅以盛庸
爲平燕將軍文總兵官節制諸軍鐵鉉參贊軍務
十一月庸駐德州 成祖移直沽之舟至長蘆載
降獲輜重順流而北 成祖自率衆循河而南庸
出兵襲後不克 成祖遂至臨清移屯館陶掠大
名焚我軍餉十二月甲午 成祖至汶上掠濟寧
庸鉉率兵躡其後營於東昌先鋒將孫霖營滑口

燕將朱榮劉江襲破霖都指揮唐禮被執霖走乙
卯 成祖至東昌庸背城而陣燕擊其左翼不動
退而衝其中堅庸麾兵圍 成祖數重 成祖易
服奮躍馬出西南去燕軍爲火器所乘大敗庸兵
大呼榮奮擊殺燕大將張玉丙辰復戰又敗燕軍
步卒先走庸乘之殺傷萬計北平震動 成祖退
駐館陶庸飛檄真定滄德諸將水陸犄角邀 成
祖歸路是月國子助教王紳卒是歲以徐實爲兵
部署右侍郎以陝西參政劉季篾爲刑部左侍郎
湖廣參議楊砥言事件旨謫遼陽詔舉優通文學



之士以處士唐愚爲翰林侍讀大理卿馬京坐事
謫肅政按察司副使以鄒瑾爲大理右寺丞

已建文三年春正月辛酉朔癸亥命神寶成寶方一

尺六寸九分帝親定其文曰天命明德表正萬方

精一執中宇宙永昌先是帝在儲位嘗夢神人致

上帝命授以重寶元年使者還自西方得青玉於

雪山方踰二尺質理溫栗二年春正月帝郊祀宿

齋宮夕夢若有覩乃驚寤命玉人琢爲大璽冬十

二月工成名寔命神寶至是以告天地祖宗爲文

宣示遐邇百官稱賀大宴於奉天門額賞四夷朝

使辛未大祀天地於南郊明日宴慶成羣臣大歡

會賦詩詔成頒示天下歷城侯庸遣人來獻東昌

之捷詔諭天下丙子成祖至北平丁丑享太廟
告捷二月乙巳成祖復率衆南出已酉至保定
庸合諸軍二十萬駐德州約吳傑平安出真定攻
北平加禮部尚書陳迪太子少保大理左右少卿
汪善聞良輔坐事調河南湖廣肅政按察司副使
以鎮江知府薛嵩左補缺胡閏爲大理左右少卿
三月辛未庸兵至單家橋已卯營於夾河辛巳
成祖率衆至夾河庸結陣甚堅成祖掠庸陣陣



旁火車火銃強弩戰盾固匪不能動 成祖退庸
出千騎追襲 成祖卽率萬騎步兵半之直薄庸
陣庸陣堅不動燕步卒攻左掖騎兵擣中堅庸始
麾諸軍力戰斬燕大將譚淵 成祖復以勁騎掩
庸陣後燕將朱能張武等從 成祖合戰庸軍火
器不及發戰盾又中鐵橫相牽不能先後遂却都
指揮莊得驍將楚智阜旗張等皆陷陣戰沒是夕
戰酣迫暮各飲兵入營 成祖以十餘騎逼庸營
野宿明日引馬鳴角穿營而去以上有詔旨無使
余負殺叔父名也諸將相顧不敢發一矢 成祖

旣還營復嚴陣約戰 成祖軍東北庸軍西南自
辰合戰至未兩軍相勝負屢退屢進將士皆疲各
坐息少頃復起戰相持不退忽東北風大起塵埃
漲天沙礫擊面庸軍中昏暗不辨咫尺燕兵大呼
乘風縱左右翼橫擊庸軍中大敗 成祖追奔至
淖沱河庸走還德州當是時庸恃東昌之捷輕敵
謂此舉必破北平將士咸攜金銀鈿器錦繡衣袍
曰破北平張筵痛飲至是盡爲燕兵所獲癸未真
定諸將率師駐單家橋甲申 成祖率兵徑趨榆
與平安等大戰安擒燕將薛祿祿脫走吳傑平安



初欲與庸合勢比出真定聞庸敗又聞燕散遣徒
兒四出索餉遂進兵藜成祖降欽州爲縣省陽
山縣入連州革鎮番衛是月罷兵部尚書奉太常
卿子澄以謝燕閏三月乙未燕兵掠真定吳傑移
軍瀟沱河成祖令騎兵遏河上流步卒輜重從
下流渡邊傑兵不戰傑移營藜城成祖亦至藜
城戊戌合戰互有勝負己亥傑安列方陣西南燕
攻其東北成祖以驍騎循河出其軍後大戰傑
安發火器大弩射成祖下如雨矢集王旗如蠅
毛安陣間縛樓高數丈安登望燕兵見戰勝大喜

應諸軍力戰成祖見安登樓率精騎直趨攻樓
安見成祖馳至急下樓墜而走會大風發屋拔
樹傑軍亦敗都指揮鄧馥陳鵬等皆被執安傑還
真定己酉燕兵掠順德辛亥掠廣平癸丑掠大名
是日貽書成祖譎斥秦子澄可罷兵不聽上書
曰臣聞虞舜用辟首去四凶放湯之聖不吝改過
昔帝王之盛美萬世所師法也臣奉藩以來今歷
二紀粟粟不敢違越皆緣姦臣齊秦黃子澄懷莽
操之逆圖志傾危於宗社造滔天之禍剪藩輔之
親屢削諸王次及於臣誣直爲枉飾虛爲實加之



大惡冒以深誅發天下之兵殫府庫之財擠臣一家並寘死地臣嘗澁忠懇號噉訴於天天居甚高畧無見聽夫小杖則受大杖則走臣雖至愚豈恐父子俱被無辜之戮而令陛下受枉殺親王之名哉故以兵自防誠非得已上賴天地宗廟之靈鑒臣忠誠憫臣非罪俯垂庇佑大軍之至每自摧衄然臣不敢為善恒用傷悼誠念此皆 皇考所養兵民而姦臣一旦盡驅之白刃之下使激血成川曝骸蔽野嗚呼冤哉彼實何罪故夙夜奉奉乘誠據敬額天地額祖考冀開發聖明助震感斷早戮

姦賊用除禍本庶幾以清朝廷以安宗社以全親族以息兵民而天下有太平之望比聞姦臣秦子澄皆以竄逐于外臣一家長幼皆欣喜舞抃有更生之慶謂陛下日月之明已宣雷霆之威已震朝廷可以遂清宗社可以緩安親族可望保全生靈可望休息天下可望太平帝舜之去四凶成湯之改過不吝陛下兼而有之然臣猶未能盡釋於心者初聞齊黃被黜卽以徧告三軍將士曰明天子已洞察我之非辜而去權姦矣旦夕必下寬貸洗雪之恩吾與若等可以解甲而休帖席而臥矣將



士昔日誠所願見但慮非出誠心而姦臣姑爲退避之計以弭我耳然我豈可輒自弛以束手就擒哉如其果出誠心則吳傑平安盛庸之衆當悉召還而今猶聚境上侵迫不已則是姦臣之身雖出而姦臣之計實行臣思其言恐亦人事之或然者也夫聖人感人至誠而已至誠可孚豚魚而况人乎陛下推誠待下誰不悅從若徒示以去姦臣之名而實仍用姦臣之計此非獨欲撤陛下之藩籬將遂傾陛下之堂室莽操之事前鑒甚明此不待智者而後知也姦臣之計臣前書陳奏已詳如陛

下不信但試察其所行所言果忠於朝廷乎果其自爲乎惟陛下明之於心度之於理參之於古驗之於今力斷而行之無終爲儉邪所蔽天下幸甚宗社幸甚非獨臣一家一國之幸也書至上召孝孺視書對曰今諸軍大集燕兵久羈大名暑雨爲沴不戰自罷急令遼東諸將入山海關攻永平真定諸將渡蘆溝橋倚北平彼顧巢穴歸援我以大軍躡其後必成擒矣我固欲緩之彼奏適至宜且與報書往返逾月彼心解而衆離我謀定而勢合上曰善立命孝孺草詔言罷兵遣大理少卿薛嵩

TIFFEN Color Control Patches

ColorChecker
Blue Cyan Green Yellow Red Magenta White Black
3-Color

持報燕又爲校論數千言刻印萬張校崑令至燕
軍中審散諸將士崑見成祖問上意云何崑曰
朝廷言殿下且釋甲募卽旋師成祖怒曰是給
我也崑惶恐不能對燕將士譁欲殺崑崑戰慄流
汗伏地成祖令護崑南還翰林侍讀唐愚士卒
夏四月崑至自燕軍言燕軍強盛孝孺惡之曰此
爲燕遊說也五月吳傑平安盛庸出兵扼燕餉道
成祖遣其指揮武勝奉書於朝曰比荷聖明允臣
所奏特遣大理少卿薛崑下詔軍中諭以偃兵息
民難臣將士不能無疑於權姦之欺臣之父子蓋

已欣戴陛下之仁矣而崑歸未十日吳傑平安盛
庸頓疊發兵絕臣糧運要殺臣將校數百人臣將
士守臣約束不敢赴闕而彼必欲求釁略不見捨
與比所下詔音背馳誠有以中臣將士之所疑孤
臣父子之所欣幸也如謂朝廷息兵之命傑等有
所不知不聞薛崑之來往復皆經其軍中其可謂
不知不聞耶此皆姦臣之所爲而陛下深居九重
有所不知不聞也臣之所恃者陛下至尊至親也
今爲姦臣所惡陛下雖有憐之心而不能見庇
則臣自救之計敢一日而忽哉臣之忠誠計薛崑

歸必能詳達但前日詔旨如此今日姦臣矯制如
彼外情洶洶不敢不聞伏惟擴明睿斷以固皇業
以安天下斯臣亦有保全之望臣無任戰兢俟命
之至上覽書曰燕王本 皇考孝康皇帝母弟於
朕爲叔父奈何必用兵爲也召諭意孝孺孝孺對
曰陛下卽欲罷兵兵一散卽難復聚彼或長驅犯
闕何以禦之今軍聲大振不日有捷書來聞願陛
下無惑其言勝等縛下錦衣獄改利州直隸廣西
調刑部左侍郎王良爲浙江肅政按察使六月辛
酉 成祖遣李達等南掠餉道壬申達等至濟寧

又至沛縣焚餉舟萬艘河水盡燕魚鼈皆死漕卒
散走京師大震壬午都督袁宇率兵三萬邀擊達
中伏敗績殺觀海衛指揮張壽壽飲中言國事危
急坐妖言論死遣太僕少卿祝孟獻使朝鮮市馬
秋七月己丑彰德守將都督趙清禦燕兵戰敗癸
巳燕兵破尾尖寨丁酉平安邀擊燕將劉江於平
村戊戌遣錦衣衛千戶張安遣燕世子書先是孝
孺門人林嘉猷嘗被 成祖召至北平居邸中久
之知高煦及三郡王不睦於世子屢譏於父內臣
黃僊素奸險世子惡僊僊曲事三郡王三郡王與

世子守北平高煦從 成祖軍中時時傾世子孝
孺言於帝曰兵家貴間燕父子兄弟可間而離也
帝問云何孝孺言其故帝曰奈何間之孝孺曰世
子見疑必北歸而吾餉道通矣帝曰善立命孝孺
草書貽世子令歸朝且許王蒸地世子得書不啓
封并安致 成祖所三郡王儼先已馳使告 成
祖世子且反 成祖疑之問高煦高煦曰世子故
與太孫善厚語未竟世子書至 成祖曰嗟乎幾
殺吾子壬寅大同守將都指揮房昭引兵入紫荆
關掠保定下邑駐易州西水寨約期進攻北平

成祖聞之即日還兵援保定限僧道田人五畝送
勅禮部曰朕聞釋道之教其來久矣本以清淨空
幻爲宗超世離俗爲事近代以來俗僧鄙士貪著
自養殖貨富彙甚至田連阡陌本欲以財自奉然
利害相乘迷不知覺既有饒足之利必受官府之
擾况因此不能自守每罹刑憲非惟身遭慘辱而
教亦墮焉夫佛道本心陰翊王化其助弘多至於
末流所習本乖靈蝕教門致使訕毀肆行貽累朕
初朕甚憫之原其害教之端實自田始今天下寺
菴宮觀除原無田產外其有田者每僧道一人各

存田五畝免其租稅以供香火之費餘田盡入官
有佃戶者佃者自承其業無佃戶者均給平民如
舊田不及今定數者不增若有以祖業及歷代撥
賜爲詞告言者勿理如原係本朝撥賜者不在此
例凡僧道一應丁役並免其有自相告許爭訟非
干軍民者聽其本教衙門自治若致傷人命及干
軍民詞訟者仍聽有司受理其人有司理訟者不
許仍服僧道冠服洪武年間已有清理及聞該教
門榜文當申明遵守教規化緣者不在禁限非奉
朝命不許私竊替剃年未五十者不許爲尼及女

冠嗚呼多識厚亡老氏攸戒除欲去累大覺所珍
利欲滅則善心生善人多則風俗美欽茲定制永
底太平定銓選法通類覆奏附選八月丁巳 成
祖渡滹沱河留其將孟善守保定丙子真定總兵
遣都指揮韋諒率兵餉饋援房昭丁丑 成祖圍
西水寨遣其別將朱榮圍定州是月老嫗入貢放
還不識字人材及年未三十者改泗城州直隸廣
西九月甲辰 成祖攻定州省恭城縣降平樂府
爲州冬十月丙辰真定諸將都指揮花英鄭琦率
步騎三萬援西水寨 成祖自定州馳還英等列

障峨眉山下 成祖潛兵出陣後合戰敗績英琦
及都指揮王恭指揮詹忠等被執虜昭忠諒走西
水寨遂破 成祖還北平是月翰林修撰王良卒
十一月遼東總兵官楊文圍永平燕將郭亮固守
不能克文出兵攻昌黎遇燕將劉江戰敗指揮王
雄等七十一人皆被執平安戰敗燕將李彬於楊
村韃靼通燕寇鐵嶺皇少子文圭生十二月丙寅
成祖復出北平置神武中錦川鎮淮衛勅騎馬都
尉梅敷鎮守淮安初置豐沛軍民指揮司詔禁內
臣出使侵陵吏民吏部試翰林史官楊士奇等以

次錄用復留士奇於翰林以程通為遼府左長史
龔奉為禮科都給事中是歲 太祖高皇帝實錄
成改程本立為江西肅政按察副使以兵部武選
郎中古朴為右侍郎起復陳洽為文選郎中以徐
真馬溥為左右府都督僉事充參將率偏師北進
于建文四年春正月德州裨將都指揮葛進率步
騎萬人為先鋒渡滹沱河遇燕將李達於藁城戰
敗平安率兵十萬復通州不克指揮賈榮等兵敗
于衡水 成祖攻破東阿戊戌遂破東平指揮詹
環被執吏目鄭華死之燕攻汶上都指揮薛鳴波

TIFFEN Color Control Patches

ColorChecker Blue Cyan Green Yellow Red Magenta White 3-Color Black

執庚戌燕兵攻沛縣指揮王顯降燕知縣顏伯璋
及主簿唐子清典史黃謙死之置四川英武前衛
是月晦 成祖至徐州二月諸軍皆營於濟寧餉
卒遇敵于鄆縣潰走甲戌 成祖攻徐州城中兵
出戰敗績改向武都康州直隸廣西省武林縣入
富勞更定勳階尚書為特進資政上卿侍中資政
卿侍郎資政亞卿郎中資政中大夫員外郎贊政
大夫給事中嘉政中士始置京衛武學教授一人
啓忠等齋齋訓導二人三月甲申 成祖自徐州
進攻宿州平安統精兵四萬為先鋒追躡 成祖

壬辰 成祖過河平安兵進至泚河遇伏戰敗胡
騎指揮火耳灰哈三帖木兒皆被執平安等兵駐
宿州燕將譚清斷徐州餉道燕兵攻破蕭縣知縣
鄭恕死之夏四月甲寅平安兵營於小河亘十餘
里張左右翼緣河而東遇 成祖騎兵合戰斬其
將陳文再戰又勝斬其將王真 成祖督戰急幾
為安樂所及安馬蹶弗得前燕番將王麒麟馬入
陣援 成祖得脫裨將丁良朱彬被執是役也燕
軍中大懼議且還北平平安諸軍營小河南燕兵
據河北甲戌大戰齊眉山自午至酉會大霧飲兵

還營乙亥燕諸將欲還北平不敢顯言輒請退屯
小河東就麥觀隙而動 成祖不聽朱能鄭亨又
力言渡河非計諸將多不肯從 成祖曰欲渡河
者左不欲渡河者右諸將多趨左 成祖大怒曰
任汝所之諸將始不敢言何福引兵會平安燕軍
中益懼 成祖數日不解甲矣丁丑平安營於靈
壁 成祖遮其餉道何福等出壁來援敗績辛巳
大戰又敗績左右副總兵都督陳輝平安左右叅
將都督馬溥徐真都指揮孫成等二十七人內臣
四人禮部侍郎陳性善大理寺丞彭與明欽天監

副劉伯完指揮王貴等一百五十皆被執何福走
吐蕃寇陷保寧所五月己丑 成祖至泗州守將
周景初降燕辛卯盛庸率馬步騎數萬戰艦數千
列營淮南 成祖營淮北燕將丘福朱能潛濟出
庸後庸走盡棄其戰艦軍資 成祖遂渡淮至盱
眙諸將分屯鳳陽淮安以遏燕兵 成祖欲從淮
安取道渡江以騎馬都尉梅殷守禦嚴備 以之
不克欲從靈壁出鳳陽渡淮知府徐安毀橋斂舟
不得渡遂徑趨揚州庚子 成祖至天長揚州指
揮王禮千戶徐政張勝江都知縣張本執守將崇

剛監察御史王彬降燕 成祖送至揚州高郵指
揮王傑降燕 成祖至儀真詔天下勤王曰燕
勢將犯關中外臣民坐視予之困苦而不弔救乎
凡文武吏士宜即日勤王共除大 宗社 女子
不敢忘報詔下京城內外臣民慟哭遣刑部侍郎
金 禮部侍中黃觀園子祭酒張顛宗翰林修撰
王叔英等分道徵兵入援召黃子澄還蘇州府知
府姚善寧波府知府王璉率師勤王遣慶成郡主
至 成祖所議割地罷兵不聽是月遼東兵潰於
直沽理問徐讓縣丞衛使使燕還以爲衛鎮撫軍

前差遣新州部尚書侯太轉餉淮安燕兵掠鳳陽
種馬六月癸丑朔 成祖至浦子口諸將盛庸等
迎戰敗之 成祖欲且議和北還會高煦引胡騎
至大喜連起披甲仗鉞見高煦撫其背令努力高
煦殊死戰諸軍小却上急遣都督僉事陳瑄率舟
師援庸瑄乃降燕乙卯 成祖遂渡江成庸率海
艘出高資港嚴陣以待 成祖奮力先登 戰庸
敗走鎮江守將童俊降燕庚申 成祖管龍潭上
遣景隆都督王佐尚書茹瑺至龍潭再議割地罷
兵分遣諸王守京城諸城門景隆等見 成祖伏

地納妖邪首稱臣呼萬歲不已壬戌景隆等歸言
成祖必欲得齊秦黃子澄輩上令景隆等再往言
諸臣皆竄逐外郡俟縛至遣來景隆等惶懼不敢
行上令諸王與景隆等偕行 成祖曰勿言不
得奸臣吾必不已諸王歸上會羣臣慟哭或勸上
且幸浙或曰不若幸湖湘孝孺請堅守京城以待
四方之援議不決遣魏國公徐輝祖開國公常昇
分道出師禦戰甲子遣人齎璽書四出促勤王兵
爲燕遊騎所獲乙丑 成祖至金川門谷王穗開
門 成祖遂入城上手誅徐增壽於左順門又欲

誅景隆不果諸內臣諱言不如遜位去須臾宮中
火起傳言帝崩 成祖爲發喪治葬翰林文學博
士方孝孺等不屈死之夷其族 成祖卽皇帝位
革除建文年仍稱洪武以故洪武有三十五年或
曰帝發火宮中卽削髮爲僧入蜀或曰去蜀未幾
入滇南常往來廣西貴州諸寺中天順中出自滇
南呼寺僧曰我建文皇帝也寺僧大懼白 府迎
至藩堂南面跣足坐地自稱朱允炆曰胡濙名訪
張佩爾實爲我衆聞之悚然聞於朝乘傳之京師
有司皆以王禮見比至入居大內以壽終葬西山


不封不禘帝嘗賦詩曰牢落西南四十秋蕭蕭華髮已盈頭乾坤有恨家何在江漢無情水自流長樂宮中雲氣散朝元閣上雨聲收新蒲細柳年年綠野老吞聲哭未休士庶至今猶罷道之曰帝之生也頂顛頗偏高皇知其必不終嘗世覺繼戒之曰必嬰大難乃發此以故遂爲僧去又曰建又君切秀頰能爲詩高皇使賦新月曰誰將玉指甲抓破碧天痕影落江湖上蛟龍不敢吞帝曰必免於難

論曰余好問先達建文時事皆爲余言建文君寬仁慈厚少好文章禮樂不喜任律法操切人比卽位得方孝孺專意行周官法度輒改高皇帝約東靖難兵起不爲意卽有敗狀來聞亦輒謂直多發兵邊平在旬朔間耳諸大將統重兵北進者又多懷貳心以故成祖至江上不戰而潰余至建業聞之江上老人曰成祖乃天授建文君何尤建文君金陵詩曰是日乘輿看晚晴葱葱鳳滿金陵禮樂再興龍虎地表冠重整鳳凰城致至貴州金竺一長官司羅永菴嘗題詩壁間其一曰風塵一夕忽南侵天命潛移四海心鳳返丹山紅日遠

龍歸滄海碧雲深紫微有象星還拱玉漏無聲水
自沉遙想禁城今夜月六宮猶望翠華臨其二曰
閱罷楞嚴啓懶敲笑看黃屋倚曇標南來_此嶺千
層迤北望天門萬里遙歎段久忘飛鳳簪_衣新
換袞龍袍百官此日知何處惟有羣鳥早晚朝
建文遜國記終

子履華校

孫心材重校






REVISED NATIONAL CENTRAL LIBRARY, TAIWAN, R.O.C.



SET 8080 NATIONAL CENTRAL LIBRARY, TAINAN, R.O.C





20130001 NATIONAL CENTRAL LIBRARY, TAIWAN, R.O.C.





國立中央圖書館, 臺灣, R.O.C.

5-110000




皇明同姓諸王傳序

明興同姓鮮少所謂廟祔十五王者皆追王也當是時開基江左去塞萬里近亦數千里雖嘗圖宅咸陽詔遷汴邑然時有未遑議遂中報

高皇帝驅胡出塞復我中華經始慮終防胡爲急於是大啓宗封錯布萬國擇選諸子周匝三垂

文皇英略蓋世開府北平天險地利甲於諸藩北平以東歷漁陽盧龍出喜峰包大寧控蓀塞山戎爲寧王度榆關跨遼東西並海彼朝鮮聯開原交市東北諸夷爲遼王北平西接古北口瀕於雍河



中更上谷雲中輩居庸蔽馬門為谷代王馬門之南太原其都會也表裏河山為晉王逾河而西歷延慶章靈又逾河北保寧夏倚賀蘭為慶王兼蔽隴之險周秦都圻之地牧圻之野直走金城為秦王金城西渡河領張掖酒泉諸郡西屬嘉峪護西域諸國為肅王此九王者皆近塞下以故城郭富於曹勝兵車雄於魯衛莫不傳以元侯翊以宿將權崇制命勢匹撫軍肅清沙漠則壘帳相望締好宗潢則輶輪不絕若乃周楚齊潭魯蜀諸王並列內郡亦皆秉鉞麾旄部兵耀武蓋草昧利於建侯

板蕩維於宗子斟酌周漢而表食於縣官寧有昆末之憂懲創宋唐而綴旒於下因必無坑沉之禍世平自足以展親時危不難於復振此思王之所以控表宋侯之所以畫策者也迨其弊也盤石雖堅甍解莫解葉高進賈誼之策而齊黃竟是錯之謀凌逼既深猜忤遂積建文數年間雉懼龍躍利害相尋靖難以後矯枉鑿復益篤因心驕恣復朝稍申裁抑書勅再三規誨懇劄而齊谷不悛終負私貸宣德初二叔不靖漢以義滅趙以思完自是以後天子攬網結網尋梟日嚴一不律則奪祿

再不律則奪兵三不律則奪爵賢傳終老於梁園
懿視絕踪於魏闕即使力如晉鄭無假於動周頑
如吳楚何緣而抗漢以故八十餘年間有園土之
叔未聞甸師之戮至正德中寘鑄狂狡卒起窮邊
宸濠凶奸久窺神器不逾旬朝身殞國除

今皇帝峻德明倫每布詔令首念宗人諸王拱辰
宗海好禮樂善難堯親九族周亭萬邦曾何足云
夫聚人莫急於理財宜民莫大於通變洪武時親
王歲祿米五萬石他用亦不下萬石而吉凶之賜
不與焉

高皇帝約已裕人未幾即減六之一今載屬籍者
王二等將軍三等中尉三等主君五等若未名未
封疏庶人罪庶人蓋四萬有奇邸祿歲增民財日
窘至有共蓬而居分餅而膳四旬而未婚十年而
不葬者矣嗟乎驕溢則橫而于紀窘困則濫而思
亂其為禍一也而不早為之所可乎略叙先朝典
制為初王表二卷五太子七十七王五庶人傳三
卷明鑒戒焉

嘉靖甲子六月既望鄭曉識

德祖 懿祖 熙祖

仁祖

壽春王

隋昌王

臨淮王

棠城王

下谷王

霍丘王

安壽王

文耳 靖江王

山陽王

寶應王

英山王

來安王

六安王

都梁王

皇明同姓表圖


國立中央圖書館

TIFFEN Color Control Patches

Blue Cyan Green Yellow Red Magenta White 3/Color Black

皇明同姓表圖二

太祖



太祖

野胎手 招信王



同姓初王表上

號澄子都祿

秦愍王高斌西安世

晉恭王參太原萬石世

周定王伍杭州改開封武萬石除世

楚昭王陸武昌萬石除世


齊庶人崇青州除續封除

潭王柳長沙罪除

趙王玖萬石無子

魯荒王拾交州萬石世

吾學編第十二



同姓初王表上

東元四百四十四



| | | | |
|-------|----------------------|------|-----|
| 蜀獻王拾壹 | 成都 | 萬石 | 世 |
| 湘獻王拾貳 | 荊州 | 無子 | |
| 代簡王拾參 | 大同 | 陸千石 | 除續封 |
| 肅莊王拾肆 | 并州 <small>從朝</small> | 千石 | 世 |
| 遼簡王拾伍 | 廣寧 <small>從朝</small> | 貳千石 | 世 |
| 慶靖王拾陸 | 廣寧 <small>從朝</small> | 萬石 | 世 |
| 寧獻王拾柒 | 大寧 <small>從朝</small> | 萬石 | 道除 |
| 岷莊王拾捌 | 大寧 <small>從朝</small> | 千五百石 | 除續封 |
| 各庶人拾玖 | 宣德 <small>從朝</small> | 除 | |
| 韓憲王貳拾 | 開原 <small>從朝</small> | 參千石 | 世 |

| | | | |
|--------|----|-----|------|
| 藩簡王貳拾壹 | 潞安 | 萬石 | 世 |
| 安惠王貳拾貳 | 平涼 | 無子 | |
| 唐定王貳拾參 | 南陽 | 伍千石 | 世 |
| 鄧靖王貳拾肆 | 安陸 | 無子 | |
| 伊厲王貳拾伍 | 河南 | 貳千石 | 世 |
| 靖恭王貳拾陸 | 桂林 | 千石 | 除續封 |
| 虞懷王貳拾柒 | | 無子 | |
| 吳王參 | 杭州 | 萬石 | 革改封除 |
| 衡王肆 | 衡州 | 萬石 | 革改封除 |
| 徐王伍 | 徐州 | 萬石 | 革改封除 |



漢庶人文武

樂安

萬石 逆除

趙簡王參

彰德

萬石 世

鄭靖王仁求

鳳翔改陵

萬石 世

靳獻王參

萬石 無子

越靖王肆

萬石 無子

襄憲王伍

長沙改襄

萬石 世

荆憲王陸

建昌改臨

萬石 世

淮靖王崇

韶州改韶

萬石 世

滕懷王捌

萬石 無子

梁莊王玖

安陸

萬石 無子

衛恭王拾

萬石 無子

榮王 芙蓉

萬石

許悼王叁

無子

德莊王肆

濟南

萬石 世

秀懷王伍

汝寧

萬石 無子

崇簡王陸

汝寧

萬石 世

忻穆王柒

萬石 無子

吉簡王捌

長沙

萬石 世

徽莊王玖

鈞州


萬石 世

岐惠王憲肆

德安

萬石 無子

TIFFEN Color Control Patches



| | | | | |
|-----|----|----|----|-----|
| 益王 | 伍 | 建昌 | 萬石 | 世 |
| 衛恭王 | 陸 | 青州 | 萬石 | 世 |
| 雍靖王 | 柒 | 衛州 | 萬石 | 無子 |
| 壽王 | 玖 | 保寧 | 萬石 | 世 |
| 汝王 | 拾 | 衛輝 | 萬石 | 世 |
| 潁簡王 | 拾壹 | 沂州 | 萬石 | 無子 |
| 榮莊王 | 拾貳 | 常德 | 萬石 | 世 |
| 申懿王 | 拾叁 | 叙州 | 萬石 | 無子 |
| 蔚悼王 | 孝貳 | | 無子 | |
| 岳懷王 | 唐壹 | | 無子 | 表上終 |

同姓初王表下

吾學編第十三

| | | | | | |
|----|----|----|----|----|----|
| 府號 | 子 | 名 | 諡 | 世 | 進封 |
| 永興 | 愍貳 | 尚烈 | 簡懿 | 世 | |
| 保安 | 叁 | 尚煜 | 懷僖 | 世 | |
| 興平 | 肆 | 尚嬭 | 恭簡 | 世 | |
| 永壽 | 伍 | 尚虹 | 懷簡 | 世 | |
| 安定 | 陸 | 尚玠 | | 罪除 | |
| 南渭 | 隱貳 | 志均 | 懷 | | 嗣王 |
| 富平 | 叁 | 志潔 | 康 | | 嗣王 |
| 宜川 | 肆 | 志楨 | 莊靖 | 世 | |




| | | | | |
|-------|----|----|----|-----|
| 益王 | 伍 | 建昌 | 萬石 | 世 |
| 衛恭王陸 | 青州 | 萬石 | 世 | |
| 雍靖王洙 | 衛州 | 萬石 | 無子 | |
| 壽王 | 玖 | 保寧 | 萬石 | 世 |
| 汝王 | 拾 | 衛輝 | 萬石 | 世 |
| 遷簡王拾壹 | 沂州 | 萬石 | 無子 | |
| 榮莊王拾貳 | 常德 | 萬石 | 世 | |
| 申懿王拾叁 | 叙州 | 萬石 | 無子 | |
| 蔚悼王孝貳 | | | 無子 | |
| 岳懷王唐壹 | | | 無子 | 表上終 |

同姓初王表下

吾學編第十三

| | | | | | |
|----|----|----|----|----|----|
| 府號 | 子 | 名 | 諡 | 世 | 進封 |
| 永興 | 愍貳 | 尚烈 | 簡懿 | 世 | |
| 保安 | 叁 | 尚煜 | 懷僖 | 世 | |
| 興平 | 肆 | 尚嬭 | 恭簡 | 世 | |
| 永壽 | 伍 | 尚虹 | 懷簡 | 世 | |
| 安定 | 陸 | 尚玠 | | 罪除 | |
| 南渭 | 隱貳 | 志均 | 懷 | | 嗣王 |
| 富平 | 叁 | 志潔 | 康 | | 嗣王 |
| 宜川 | 肆 | 志楨 | 莊靖 | 世 | |



同姓王

| | | | | |
|----|----|----|-----|----|
| 臨潼 | 康參 | 公銘 | 惠簡 | 副王 |
| 鄧陽 | 肆 | 公鎧 | 惠恭 | |
| 汧陽 | 伍 | 公鎔 | 端懿 | 世 |
| 鎮安 | 惠壹 | 誠泳 | 簡 | 世 |
| | | | 右秦府 | 副王 |
| 平陽 | 恭床 | 濟熿 | | 罪除 |
| 慶成 | 參 | 濟炫 | 莊惠 | |
| 高平 | 肆 | 濟燁 | 懷簡 | 罪除 |
| 永和 | 伍 | 濟煥 | 昭定 | 世 |
| 寧化 | 陸 | 濟煥 | 懿簡 | 世 |

| | | | | |
|----|----|----|----|---|
| 廣昌 | 崇 | 濟熿 | 惇平 | |
| 交城 | 定貳 | 美垸 | 榮順 | |
| 陽曲 | 參 | 美垸 | 榮靖 | 世 |
| 西河 | 肆 | 美瑋 | 靖恭 | 世 |
| 方山 | 伍 | 美垣 | 莊憲 | |
| 臨泉 | 陸 | 美塔 | 莊簡 | |
| 雲丘 | 柒 | 美塔 | 簡靖 | |
| 寧河 | 捌 | 美塔 | 康億 | 世 |
| 徐溝 | 憲貳 | 鍾鐸 | 悼億 | |
| 河東 | 參 | 鍾總 | 昭靖 | 世 |



| | | | | |
|----|----|----|----|----|
| 汝南 | 定取 | 有勳 | 惇和 | 無子 |
| 順陽 | 參 | 有烜 | 懷莊 | |
| 祥符 | 肆 | 有燿 | 簡 | |
| 新安 | 伍 | 有燿 | | |
| 永寧 | 陸 | 有光 | 靖倍 | |
| 汝陽 | 柒 | 有煊 | 恭倍 | 無子 |
| 鎮平 | 捌 | 有燿 | 恭靖 | |
| 宜陽 | 玖 | 有煊 | 憲穆 | 無子 |
| 遂平 | 拾 | 有頰 | 悼恭 | |
| 封丘 | 拾壹 | 有烜 | 康惠 | |
| | | | | |
| | | | | |
| | | | | |

嗣王

| | | | | |
|----|----|----|----|---|
| 太谷 | 肆 | 鍾鉉 | 懷倍 | |
| 義寧 | 莊貳 | 奇洪 | 榮康 | 世 |
| 河中 | 參 | 奇溶 | 悼懷 | 世 |
| 襄陰 | 肆 | 奇澗 | 安惠 | |
| 新化 | 靖貳 | 表楛 | 恭裕 | |
| 榮澤 | 參 | 表櫻 | 安懿 | 世 |
| 靖安 | 肆 | 表扶 | 端倍 | |
| 安溪 | 伍 | 表棚 | 懷倍 | |
| 旌德 | 陸 | 表指 | 懷安 | |
| | | | | |
| | | | | |
| | | | | |

右晉府

嗣王



| | | | | | | | | | |
|----|----|----|----|----|----|----|----|----|----|
| 河清 | 堵陽 | 臨滿 | 善陽 | 上洛 | 沈丘 | 臨汝 | 汝陰 | 泌陽 | 義陽 |
| 柒 | 陸 | 伍 | 肆 | 叁 | 貳貳 | 拾叁 | 拾貳 | 拾壹 | 拾 |
| 同鏞 | 同鉉 | 同鈞 | 同鏡 | 同錄 | 同鑄 | 子埽 | 子埽 | 子 | 子圪 |
| 昭和 | 安備 | 榮惠 | 恭惠 | 莊惠 | 榮庚 | 端益 | 懷懿 | | 康靖 |
| | | | | | | 無子 | 無子 | 無子 | |

| | | | | | | | | | |
|----|----|----|----|----|----|----|----|----|----|
| 潁川 | 項城 | 河陰 | 鄆陵 | 原武 | 通許 | 固始 | 胙城 | 內鄉 | 羅山 |
| 玖 | 柒 | 伍 | 肆 | 叁 | 簡貳 | 拾伍 | 拾肆 | 拾叁 | 拾貳 |
| 子墟 | 子堰 | 子壩 | 子壘 | 子埽 | 子陔 | 有 | 有燭 | 有烟 | 有煨 |
| 溫信 | 恭和 | 懷信 | 安倍 | 安懿 | 懿 | | 莊簡 | 恭莊 | 悼惠 |
| | 無子 | | | | | 無子 | | | 無子 |

嗣王

| | | | | | | | | | |
|----|----|----|----|----|----|----|----|----|----|
| 邵陵 | 信陵 | 魯山 | 汾西 | 博平 | 曲江 | 海陽 | 崇善 | 義寧 | 新會 |
| 拾玖 | 拾捌 | 拾柒 | 拾肆 | 拾叁 | 拾壹 | 柒 | 陸 | 惠肆 | 捌 |
| 安瀾 | 安津 | 安源 | 安清 | 安波 | 安潔 | 安逢 | 安宿 | 安溪 | 同鏘 |
| 恭順 | 然簡 | 康和 | 靖安 | 恭裕 | 恭和 | 康隱 | 恭順 | 昭安 | 恭簡 |

| | | | | | | | | | |
|----|-----|-----|-----|-----|----|----|----|----|----|
| 萊陽 | 東會 | 富陽 | 會稽 | 浦江 | 應城 | 益陽 | 奉新 | 南陵 | 京山 |
| 貳拾 | 貳拾壹 | 貳拾貳 | 貳拾叁 | 貳拾肆 | 倬肆 | 伍 | 陸 | 玖 | 恭叁 |
| 安瀾 | 安瀉 | 安深 | 安涇 | 安涇 | 睦楛 | 睦楮 | 睦榴 | 睦棧 | 勤炫 |
| 榮康 | 莊信 | 昭穆 | 康敬 | 懷隱 | 恭穆 | 康定 | 榮憲 | 莊裕 | 溫惠 |



| | | | |
|----|----|----|----|
| 華亭 | 肆 | 勤煥 | 榮安 |
| 寶坻 | 伍 | 勤矩 | |
| 湯溪 | 陸 | 勤炬 | 榮憲 |
| 瑞金 | 柒 | 勤煥 | 榮簡 |
| 商城 | 捌 | 勤斌 | |
| 拓城 | 玖 | 勤煥 | 康簡 |
| 修武 | 拾 | 勤煥 | |
| 安吉 | 拾壹 | 勤煥 | |
| 汝寧 | 拾貳 | 勤然 | 端恪 |
| 彰德 | 拾參 | 勤煥 | |

順慶

朝壇

保寧

朝諸

恭簡

右周府

巴陵

昭貳

孟總

悼簡

永安

參

孟炯

懿簡

壽昌

肆

孟焯

安僖

崇陽

伍

孟燁

靖簡

通山

陸

孟燿

靖恭

通城

柒

孟燦

莊靖

景陵

捌

孟昭

順靖

| | | | |
|----|----|----|-----|
| 岳陽 | 玖 | 孟燿 | 悼惠 |
| 江夏 | 拾 | 孟炬 | 康靖 |
| 東安 | 莊貳 | 李塿 | 恭定 |
| 大冶 | 叁 | 李煥 | 悼信 |
| 保康 | 端貳 | 顯緯 | 崇靖 |
| 武岡 | 叁 | 顯槐 | |
| 樂安 | | 賢煒 | 悼隱 |
| 長山 | | 賢煥 | 罪除 |
| 平原 | | 賢燾 | 罪除 |
| | | | 右楚府 |

右齊府

| | | | |
|----|----|----|----|
| 安丘 | 靖貳 | 泰圻 | 靖恭 |
| 鄒平 | 叁 | 泰勝 | 莊靖 |
| 鉅野 | 肆 | 泰 | 信順 |
| 東阿 | 伍 | 泰壁 | 端鈞 |
| 樂陵 | 陸 | 泰塞 | 恭惠 |
| 東甌 | 莊貳 | 當泚 | 端肅 |
| 郟城 | 叁 | 當滋 | 康信 |
| 館陶 | 肆 | 當認 | 宣思 |
| 冀城 | 伍 | 當濞 | 恭安 |



| | | | |
|----|----|----|----|
| 滋陽 | 陸 | 當漬 | 惠和 |
| 陽信 | 柒 | 當潛 | 安僖 |
| 高審 | 捌 | 當潛 | 康穆 |
| 新恭 | 玖 | 當泮 | 端穆 |
| 歸善 | 拾 | 當返 | |
| 華陽 | 獻貳 | 悅曜 | 悼隱 |
| 崇寧 | 叁 | 悅燁 | |
| 崇慶 | 肆 | 悅炳 | |
| 保寧 | 伍 | 悅燦 | 和 |

右魯府

七

嗣王

| | | | |
|----|----|----|----|
| 永川 | 陸 | 悅婦 | 莊簡 |
| 羅江 | 悼恭 | 友壘 | 備 |
| 黔江 | 叁 | 友埒 | 悼慎 |
| 內江 | 和貳 | 友墻 | 莊懿 |
| 德陽 | 叁 | 友城 | 僖安 |
| 石泉 | 肆 | 友瑣 | 榮穆 |
| 汶川 | 伍 | 友瑋 | 懿簡 |
| 慶符 | 陸 | 友燦 | 恭僖 |
| 通江 | 定貳 | 申琴 | 惠 |
| 南川 | 肆 | 申鋸 | 安靖 |

嗣王




| | | | |
|----|----|----|----|
| 廣靈 | 簡武 | 遜焮 | 榮虛 |
| 潞城 | 叁 | 遜焮 | 僖順 |
| 山陰 | 肆 | 遜焮 | 康惠 |
| 襄垣 | 伍 | 遜焮 | 恭簡 |
| 靈丘 | 陸 | 遜焮 | 榮順 |
| 宣寧 | 柒 | 遜焮 | 靖莊 |
| 懷仁 | 捌 | 遜焮 | 榮定 |
| 臨川 | 玖 | 遜焮 | 懿安 |
| 昌化 | 戾武 | 仕燿 | 溫憲 |

右蜀府

黃

| | | | |
|----|----|----|----|
| 饒陽 | 隱貳 | 成參 | 惇昭 |
| 安定 | 叁 | 成鑄 | 惇隱 |
| 棗強 | 肆 | 成舒 | 靖安 |
| 吉陽 | 惠貳 | 聰注 | 恭順 |
| 深陽 | 叁 | 聰 | 榮定 |
| 博野 | 肆 | 聰添 | 端穆 |
| 和川 | 伍 | 聰涓 | 宜懿 |
| 寧津 | 陸 | 聰滴 | 懷莊 |
| 樂昌 | 柒 | 聰涓 | 康懿 |
| 進賢 | 思貳 | 俊積 | 莊惠 |



| | | | |
|----|----|----|----|
| 河內 | 懿貳 | 克煥 | 莊安 |
| 富川 | 叁 | 克煜 | 悼定 |
| 寶豐 | 肆 | 克允 | 悼順 |
| 碭山 | 伍 | 克炯 | 悼懷 |
| 秦興 | | 廷琦 | |
| 洵陽 | 康貳 | 蔭埤 | 簡 |
| 汾川 | 簡貳 | 貢綜 | 恭 |
| 淳化 | 恭貳 | 貞淑 | 端惠 |
| 鉛山 | 叁 | 貞濟 | 榮和 |

右代府

嗣王

嗣王

| | | | |
|----|---|----|----|
| 金壇 | 肆 | 貞洵 | 恭裕 |
| 會寧 | 伍 | 貞潤 | 莊惠 |
| 延長 | 陸 | 貞澆 | |

右肅府

| | | | |
|----|----|----|--|
| 速安 | 簡貳 | 貴燮 | |
|----|----|----|--|

罪除

| | | | |
|----|---|----|--|
| 巴東 | 叁 | 貴煊 | |
|----|---|----|--|

| | | | |
|----|---|----|---|
| 興山 | 肆 | 貴煥 | 肅 |
|----|---|----|---|

嗣王

| | | | |
|----|---|----|--|
| 潛山 | 伍 | 貴妣 | |
|----|---|----|--|

| | | | |
|----|---|----|----|
| 宜都 | 陸 | 貴嫻 | |
| 松滋 | 柒 | 貴炳 | 安惠 |



| | | | | | | | | | |
|----|----|----|----|----|----|----|----|----|----|
| 新水 | 衡山 | 麻陽 | 沅陵 | 枝江 | 宜城 | 應山 | 衡陽 | 湘陰 | 益陽 |
| 拾柒 | 拾陸 | 拾伍 | 拾肆 | 拾叁 | 拾貳 | 拾壹 | 拾 | 玖 | 捌 |
| 貴樓 | 貴城 | 貴嶼 | 貴嶺 | 貴嶺 | 貴嶺 | 貴嶺 | 貴熙 | 貴州 | 貴焯 |
| 靖和 | 恭惠 | 倬偉 | 恭憲 | 莊惠 | 康簡 | 倬恭 | 莊和 | 安信 | 安信 |

| | | | | |
|----|----|----|----|----|
| 句容 | 廣元 | 光澤 | 長垣 | 長陽 |
| 莊貳 | 恭貳 | 惠貳 | 靖貳 | 肅貳 |
| 憲燁 | 致權 | 寵濠 | 恩鉅 | 豪堪 |
| | 康信 | 榮端 | 恭順 | 昭和 |

右邊府

嗣王

| | | | |
|----|----|----|----|
| 岐山 | 安化 | 靖寧 | 真寧 |
| 伍 | 肆 | 叁 | 靖貳 |
| 秩煉 | 秩終 | 秩 | 秩葵 |
| 倬莊 | 惠懿 | | 莊惠 |



| | | | |
|----|----|----|----|
| 安塞 | 陸 | 秩昊 | 宣靖 |
| 平涼 | 康宜 | 遂聖 | 懷 |
| 岐陽 | 肅 | 遂焜 | 莊 |
| 豐林 | 參 | 遂坑 | 溫信 |
| 洛交 | 莊宜 | 寘荃 | 恭 |
| 鞏昌 | 肅 | 寘綱 | |
| 弘農 | 參 | 寘綱 | 榮惠 |
| 壽陽 | 恭肅 | 台濠 | 和靖 |
| 桐鄉 | | 龔坊 | |
| 延川 | | 龔槓 | 端穆 |

右虞府

| | | | |
|----|----|----|----|
| 鎮南 | 莊肅 | 徵焜 | 恭 |
| 江川 | 參 | 徵焜 | 恭惠 |
| 廣通 | 肆 | 徵焜 | 逆除 |
| 渭南 | 伍 | 徵焜 | 罪除 |
| 安昌 | 陸 | 徵 | |
| 沙陽 | | 膺鏗 | 懷信 |
| 唐年 | | 膺鈗 | |
| | | 膺鈗 | 端靖 |
| | | 膺錄 | 恭裕 |



| | | | | |
|----|----|----|----|----|
| 臨川 | 蘇貳 | 盤焯 | 康倍 | 罪除 |
| 宜春 | 叁 | 盤姚 | 安簡 | 逆除 |
| 新昌 | 肆 | 盤柱 | 安倍 | |
| 信豐 | 伍 | 盤煖 | 悼惠 | |
| 弋陽 | 惠貳 | 莫壑 | 惠和 | |
| 樂安 | 叁 | 莫壘 | 昭定 | |
| 瑞昌 | 肆 | 莫壘 | 恭倍 | |
| 石城 | 伍 | 莫堵 | 恭靖 | |
| 建安 | 靖貳 | 觀鍊 | 簡定 | |
| 鍾陵 | 叁 | 觀錐 | | |

| | | | | |
|----|----|----|----|----|
| 江陵 | 簡宜 | 彦汰 | | |
| 南安 | 貳 | 彦泥 | | 罪除 |
| 南豐 | 叁 | 彦激 | | |
| 黎山 | 肆 | 彦溪 | 康靖 | |
| 善化 | | 譽桔 | 康簡 | |
| 建德 | | 譽挺 | 榮安 | |
| 漢川 | | 譽椿 | | |
| 長壽 | | 譽椿 | | |
| 遂安 | | 譽樺 | | |

右岷府

嗣王

TIFFEN Color Control Patches



| | | | | |
|----|----|----|----|----|
| 襄城 | 肆 | 範瑀 | 昭裕 | |
| 通渭 | 伍 | 範瑩 | 莊簡 | |
| 高陵 | 靖壹 | 徵針 | 惠 | 嗣王 |
| 漢陰 | 貳 | 徵銀 | 恭懷 | |
| 廣安 | 惠壹 | 借流 | 惇 | 嗣王 |
| 彰化 | 貳 | 借濤 | 康 | |
| 高平 | 叁 | 借榮 | 榮和 | |
| 西德 | 肆 | 借滯 | 昭倍 | |
| 隴西 | 康貳 | 旭林 | 安懿 | |
| 寧遠 | 叁 | 旭栓 | 宣和 | |

| | | | | |
|----|----|----|-----|----|
| 襄陵 | 憲貳 | 冲焮 | 莊穆 | |
| 臨汾 | 叁 | 冲焮 | | |
| 樂平 | 肆 | 冲焮 | 定肅 | |
| 開城 | 恭壹 | 範圮 | 懷 | 嗣王 |
| 西鄉 | 貳 | 範柳 | 靖 | 嗣王 |
| 平利 | 叁 | 範壑 | 懷簡 | |
| 醴陵 | | 賦煇 | | |
| | | 賦灼 | | |
| | | | 右寧府 | |
| | | | 逆除 | |
| | | | 逆除 | |
| | | | 右谷府 | |

| | | | | | | | | | |
|----|----|----|----|----|----|----|----|----|----|
| 廣宗 | 內丘 | 遼山 | 清源 | 沁源 | 沁水 | 稷山 | 黎城 | 平遙 | 陵川 |
| 柒 | 陸 | 肆 | 康叁 | 捌 | 陸 | 伍 | 肆 | 叁 | 貳 |
| 幼沐 | 幼墳 | 幼登 | 幼圻 | 信焯 | 信焜 | 信焜 | 信焜 | 信焜 | 信焜 |
| 懷靖 | 恭僖 | 宣穆 | 莊簡 | 恭定 | 悼懷 | 悼靖 | 昭僖 | 僖靖 | 康肅 |
| 無子 | | | | | | | | | |


| | | | | | | | | |
|-----|----|----|----|----|----|----|----|----|
| 武鄉 | 休寧 | 高淳 | 長樂 | 崑山 | 長洲 | 建寧 | 永福 | 長泰 |
| 簡壹 | | | 肆 | 叁 | 昭貳 | 陸 | 伍 | 肆 |
| 信焜 | 謀珠 | 謀瑤 | 融焯 | 融焜 | 融焜 | 旭栢 | 旭樟 | 旭橫 |
| 康 | 安靖 | 莊懿 | 康懿 | 榮康 | 定恭 | 恭安 | 端僖 | |
| 右韓府 | | | | | | | | |
| 嗣王 | | | | | | | | |



| | | | | |
|----|----|----|----|----|
| 唐山 | 捌 | 切瑜 | 悼倍 | 副王 |
| 永年 | 玖 | 切恭 | 榮安 | |
| 西陽 | 莊壹 | 詮鈺 | 恭 | 副王 |
| 靈川 | 貳 | 詮鈔 | 榮懿 | |
| 宜山 | 叁 | 詮鏞 | 康倍 | 副王 |
| 宿遷 | 肆 | 詮鏞 | 榮簡 | |
| 吳江 | 伍 | 詮鑑 | 昭和 | 副王 |
| 定陶 | 陸 | 詮鑑 | 恭靖 | |
| 雲和 | 柒 | 詮鑑 | | 副王 |
| 福山 | 捌 | 助泚 | 恭和 | |

右濟府

| | | | | |
|----|----|----|----|----|
| 新野 | 定叁 | 瑗燁 | 悼懷 | 副王 |
| 舞陽 | 憲貳 | 芝址 | 莊 | |
| 三城 | 叁 | 芝堦 | 康榜 | 副王 |
| 新城 | 肆 | 芝 | | |
| 承休 | 伍 | 芝塢 | 榮和 | 副王 |
| 湯陰 | 陸 | 芝坑 | 昭安 | |
| 潁昌 | 莊壹 | 彌錡 | 成 | 副王 |
| 文城 | 貳 | 彌錡 | 恭靖 | |
| 浙陽 | 叁 | 彌鏞 | 溫倍 | 副王 |
| | | | | |



| | | | |
|----|---|----|----|
| 鄆城 | 肆 | 彌銀 | 恭端 |
| 衛輝 | 伍 | 彌銷 | 恭懿 |

右唐府

| | | | |
|----|----|----|---|
| 上洛 | 簡宜 | 勉望 | 安 |
| 光陽 | 永 | 勉 | |

嗣王

| | | | |
|----|----|----|----|
| 鄭城 | 安永 | 誕鈞 | 定 |
| 方城 | 參 | 誕鏞 | 懷僊 |
| 西鄂 | 肆 | 誕鈇 | 安僊 |

嗣王

| | | | |
|----|----|----|----|
| 濟源 | 定武 | 訂淳 | |
| 萬安 | 武 | 典楨 | 康懿 |

| | | | |
|----|----|----|-----|
| 濟陽 | 庶參 | 瞻空 | 右伊府 |
| 臨淄 | 肆 | 瞻域 | 逆除 |
| 昌樂 | 伍 | 瞻埜 | 逆除 |
| 淄川 | 陸 | 瞻塚 | 逆除 |
| 齊東 | 柒 | 瞻坪 | 逆除 |
| 任城 | 捌 | 瞻塢 | 逆除 |
| 海豐 | 玖 | 瞻塢 | 逆除 |
| 新泰 | 拾 | 瞻塢 | 逆除 |



| | | | | | | | | | |
|----|----|----|----|----|----|----|----|----|----|
| 光山 | 秀水 | 昆陽 | 汝源 | 襄邑 | 湯陰 | 平鄉 | 南洛 | 洛川 | 臨漳 |
| 參 | 莊武 | 參 | 悼武 | 宋 | 陸 | 伍 | 肆 | 參 | 惠武 |
| 厚輝 | 厚炳 | 見洽 | 見洪 | 祁經 | 祁鏘 | 祁總 | 祁拱 | 祁銀 | 祁鈞 |
| 康靖 | 憲穆 | 溫穆 | 榮昭 | 恭定 | 莊僖 | 榮順 | 安懿 | 靖懿 | 恭安 |

| | | |
|----|----|----|
| 獲嘉 | 載培 | 昭定 |
| 成阜 | 載坑 | |

| | | | | | |
|----|----|----|----|----|-----|
| 新平 | 靖武 | 祁統 | 懷信 | 無子 | 右趙府 |
|----|----|----|----|----|-----|

| | | | |
|----|---|----|----|
| 涇陽 | 肆 | 祁鎔 | 安靖 |
|----|---|----|----|

| | | | |
|----|---|----|----|
| 朝邑 | 肆 | 祁鎔 | 榮簡 |
|----|---|----|----|

| | | | | |
|----|----|----|----|----|
| 河陽 | 簡壹 | 見馮 | 懷簡 | 無子 |
|----|----|----|----|----|

| | | | | | |
|----|---|----|----|----|----|
| 東垣 | 貳 | 見演 | 端惠 | 無子 | 嗣王 |
|----|---|----|----|----|----|

| | | | | |
|----|---|----|----|----|
| 信陽 | 叁 | 見派 | 悼懷 | 無子 |
|----|---|----|----|----|

嗣王



| | | | | | | | | |
|----|----|----|----|-----|----|----|----|----|
| 鎮寧 | 陽山 | 寧鄉 | 秦陽 | 盟津 | 真丘 | 丹陽 | 廬江 | 繁昌 |
| 參 | 定水 | 憲武 | 參 | 玖 | 捌 | 柒 | 陸 | 伍 |
| 見溪 | 見汾 | 祁鎮 | 祁鎮 | 見澗 | 見 | 見淦 | 見浦 | 見渡 |
| 恭靖 | 恭和 | 安穆 | 莊憲 | 恭懿 | | 靖和 | 懿簡 | 恭定 |
| | | | 無子 | 右鄭府 | | | | |

六

| | | | | | | | |
|-----|----|----|----|----|----|----|-----|
| 鄱陽 | 永定 | 永新 | 富順 | 樊山 | 都梁 | 都昌 | 光化 |
| 靖肅 | | 參 | 和武 | 參 | 靖肅 | 憲武 | 簡武 |
| 祁鎮 | 戴壘 | 厚燠 | 厚焜 | 見瀑 | 見溥 | 祁鑑 | 祐楨 |
| 懷信 | 端穆 | 安莊 | | 温懿 | 悼惠 | 惠靖 | |
| 右荆府 | | | | | | | 右襄府 |
| 罪除 | | | | | 嗣王 | | 嗣王 |



| | | | | | | | |
|----|----|----|----|----|----|----|----|
| 寧海 | 臨清 | 高唐 | 臨朐 | 歷城 | 東平 | 濟寧 | 泰安 |
| | 懷 | 伍 | 肆 | 叁 | 叁貳 | 叁 | 莊貳 |
| 戴圩 | 戴埭 | 厚爛 | 厚熾 | 厚燁 | 厚燉 | 祐得 | 祐槐 |
| 恭和 | | 悼倍 | 榮簡 | 榮和 | 懷順 | 安倍 | 恭簡 |

右淮府

右德府

| | | | | | | | | | |
|----|----|----|----|----|----|----|----|----|----|
| 廣信 | 吉安 | 上饒 | 高安 | 崇安 | 順昌 | 德興 | 南康 | 清江 | 永豐 |
| 伍 | 肆 | 叁 | 莊貳 | 陸 | 伍 | 肆 | 叁 | 康貳 | 叁 |
| 厚爆 | 厚燭 | 厚燭 | 厚吳 | 見洵 | 見潭 | 見澗 | 見澗 | 見澗 | 祁鉞 |
| | 肅簡 | | 恭倍 | 榮穆 | 恭懿 | 莊傷 | 莊惠 | 瑞裕 | 恭和 |

右

嗣王

TIFFEN Color Control Patches



| | | | | | | | |
|----|----|----|-----|----|-----|----|----|
| 景寧 | 陽城 | 遂昌 | 興化 | 光化 | 瑞安 | 懷安 | 慶元 |
| 肆 | 參 | 貳 | 莊壹 | 定壹 | 肆 | 參 | 簡貳 |
| 祐枕 | 祐榮 | 祐楨 | 祐登 | 載均 | 祐 | 祐 | 祐据 |
| 恭裕 | 恭信 | 恭惠 | 簡 | | | | 榮康 |
| | | | | | | | |
| | | | 右吉府 | | | | |
| | | | 嗣王 | | 右崇府 | | |
| | | | | | | | |

| | | | | | | | | | |
|----|----|----|----|----|----|----|----|----|----|
| 陽夏 | 大康 | 浦城 | 伍城 | 隆平 | 慶雲 | 新昌 | 嘉定 | 建德 | 太和 |
| | | | 伍 | 肆 | 叁 | 簡貳 | 陸 | 伍 | |
| 載排 | 載坑 | 載瑜 | 載淳 | 厚炯 | 厚燦 | 厚燁 | 厚姝 | 祐棧 | 祐樞 |
| | | | | 康僖 | 康倍 | 端倍 | 宣惠 | 康和 | 端倍 |
| | | | | | | | | | |
| | | | | | | | | | |



| | | |
|----|----|----|
| 高唐 | 肆 | 厚煨 |
| 齊東 | 伍 | 厚炳 |
| 邵陵 | 陸 | 厚燧 |
| 福寧 | 莊貳 | 厚蕪 |
| 惠安 | 叁 | 厚煦 |
| 永春 | 肆 | 厚烈 |
| 富城 | 伍 | 厚然 |
| 貴溪 | 陸 | 厚魚 |
| | | 康和 |
| | | 懷慎 |

右衡府

右榮府

| | | |
|----|----|----|
| 崇仁 | | 厚炫 |
| 金溪 | | 厚煌 |
| 玉山 | | 厚煨 |
| 江華 | 恭壹 | 厚燧 |
| 玉田 | 貳 | 厚煙 |
| 新崇 | 叁 | 厚旗 |
| | | 端惠 |
| | | 懷簡 |
| | | 恭靖 |
| | | 莊惠 |

右益府

嗣王

右徽府



皇明同姓初王表下卷終


萬曆乙未重校

皇明同姓諸王傳第一卷

吾學編第十四

海鹽鄭曉

吳元年冬 上念七子漸長宜習勞令內侍製麻屨行曆凡出城稍遠馬行十七步十三洪武二年設王相府是年令博士孔克仁授諸子經三年封諸子王詔曰朕荷天地百神之佑祖宗之靈當萃雄尚沸之秋奮興淮右賴將帥宜力創業江左曩者命大將軍徐達總率諸將以定中原不二年間海宇肅清虜遁沙漠大統既正黎庶靖安欲先論武功以行爵賞綠土番之境未入版圖今年春復



皇明同姓初王表下卷終


萬曆乙未重校

皇明同姓諸王傳第一卷

吾學編第十四

海鹽鄭曉

吳元年冬 上念七子漸長宜習勞令內侍製麻屨行曆凡出城稍遠馬行十七步十三洪武二年設王相府是年令博士孔克仁授諸子經三年封諸子王詔曰朕荷天地百神之佑祖宗之靈當萃雄尚沸之秋奮興淮右賴將帥宜力創業江左曩者命大將軍徐達總率諸將以定中原不二年間海宇肅清虜遁沙漠大統既正黎庶靖安欲先論武功以行爵賞綠土番之境未入版圖今年春復



命徐達等西征是以報功之事未及舉行朕聞昔
帝王適子正儲位衆子封王朕今有子十人卽位
之初已立長子標爲皇太子諸子之封本待報
賞功臣之後然尊卑之分所宜早定乃以四月七
日封第二子棖爲秦王次櫚晉王次 燕王次楮
吳王次楨楚王次棟齊王次樟潭王次杞趙王次
檀魯王姪孫守謙靖江王皆授以冊寶設置相傳
官屬及諸禮儀已有定制於戲奉天法古實爲生
民明此彝倫非文武賢能三軍用命江左人民之
助何以致此尚賴各盡心力以成治功六年春賜

諸王昭鑑錄又賜祖訓錄今書殿中宮中八年初
定諸王宗人祿米每歲親王五萬石鈔錦綺絲紗
羅絹布綿豐茶粟又萬計靖江王二萬石郡王六
千石鈔等減十九郡王諸子年十五人賜田六十
頃爲永業除其租是年定王邸殿門名九年中暑
省議親王宮飾彩 上曰惟儉養德惟侈蕩心居
上能儉可以導俗居上而侈必至厲民獨不見茅
茨卑宮堯禹以崇聖德阿房西苑秦隋以失人心
諸子方及冠年去朕左右豈可使靡麗蕩其心是
年申定王府官制語在百官述中再定諸王及公

主歲供之等秦晉燕王將之國 上令辭皇陵曰
若等觀祖宗肇基之地當知王業艱難又命皇太
子率三王祭開國功臣然後行會星變求言平遙
訓導葉伯臣應詔上萬言書言分封太修用刑太
煩求治太速其論分封曰主上有天下掃除羣雄
如陪草莽包絡豪傑如臂使指公卿大臣數十萬
衆戰勝攻取者一介使召拱手聽命無敢後時况
敢有抗衡者乎傳曰都城過百雉國之害也先王
之制大都不過三國之一中五之一小九之一蓋
強幹弱枝遊亂原崇治本也國家裂土分封諸王

各有分地以樞藩屏復古制蓋懲宋元孤立宗室
不競之弊然秦晉燕齊梁楚吳閩諸國各盡其地
而封之都城宮室之制廣狹大小亞於天子之都
賜以甲兵衛士之盛恐數世之後尾大不掉然後
削其地而奪之權則起其怨如漢七國晉諸王否
恃險爭衝擁衆入朝甚則緣間而起防之無及也
議者曰諸王皆天子親子皇太子親骨肉所謂盤
石之宗天下服其強耳禮莫大於分使王侯之國
與京畿同則爲列國矣尚有君臣之分乎今秦晉
燕齊梁楚吳閩諸國連帶數十城而復優之以制



假之以兵何不撫漢晉事觀之乎景帝高帝孫也
七國諸王皆景帝同祖父兄弟子孫也一削其地
遂擄兵西向晉諸王皆武帝親子孫也易世後迭
相擁兵以危王室遂成五胡雲擾之患分封踰制
禍患立生援古證今昭昭然矣昔賈誼勸漢文帝
早分諸國地空之以待諸王子孫請力少易使義
國小無邪心使帝盡從誼言必無七國禍顧及諸
王未之國之先飾其都邑之制減其衛兵限其疆
理亦以待封諸王之子孫此制一定然後諸王有
聖賢德行者入爲輔相其餘世爲藩輔可以與國

同休世世無窮矣 上大怒曰小子敢間吾骨肉
吾見且切齒可使吾兒見乎速取來吾將手射之
且啜其肉逮至夷死刑部獄十九年冬詔王國慶
賀惟國城官致禮在外文武官不得赴府賀有事
遣人啓聞不得遣將官二十年秋詔給親王歲祿
五萬石停茶鹽布絮勿給二十六年賜諸王永鑑
錄二十八年八月更定宗人封爵冊寶之制親王
金冊金寶王妃金冊無寶皇太子之庶子年十歲
封郡王塗金銀冊銀印親王嫡長子年十歲封王
世子塗金銀冊銀印庶子年十歲封郡王冊印亦

如之凡王世子必以適長以庶奪適降庶人重則
遠庶王年三十妃未有子庶子止封郡王侯王與
妃年至五十無適子始封庶長子爲王世子凡嗣
封受封納妃朝廷遣使行冊命禮郡王次子授鎮
國次孫輔國次曾孫奉國皆將軍凡三等次玄孫
鎮國次五世孫輔國次六世孫奉國皆中尉凡三
等親王女曰郡主郡王女縣主郡王孫女郡君郡
王曾孫女縣君郡王玄孫女鄉君凡五等靖江王
府親郡王降一等宗人有文武才能堪任用者宗
人府名聞考驗陞轉如常遵法有犯宗人府訊聞

並罪降等重斥爲庶人罰而不刑貴死是 上謂
戶部尚書郁新曰朕今子孫衆盛原定親王歲祿
五萬石今天下官吏軍士多俸給彌廣其斟酌古
今稍節減以資乏用至是上議更定親王歲祿萬
石郡王三千石鎮國將軍一千石輔國奉國將軍
六百石鎮國中尉四百石輔國中尉三百石奉國
中尉二百石公主及駙馬二千石郡主及儀賓八
百石縣主及儀賓六百石郡君及儀賓四百石縣
君鄉君次減一百石皇太子庶子既封郡王侯出
閣歲賜如親王子封郡王者女侯嫁歲賜如親王

TIFFEN Color Control Patches

Blue Cyan Green Yellow Red Magenta White Black

女已嫁者卽王子嗣郡王者比始封郡王減半祿是時重定祖訓錄名 皇明祖訓遣使召諸王至京諭減祿之故賜 皇明祖訓九月新言親王叢米既有定議請令有司如數給之 上曰晉燕楚蜀湘府給如數代者遼慶寧谷府遠在邊民少賦薄歲且給五百石齊府千石嗣秦王幼應用米有司月進其罷給及多寡異者並出一時權制云十月製二十字命名詩登玉牒三十年勅遼寧諸王據邊場草牧勿侵民田是年令王府官不得二六九年考張建文卽位詔王國所在惟國事聽王文

武吏士聽朝廷王不得節制永樂二年諭天下諸司事關王府遵祖訓啓王有司合行事務不許築啓若王府事馳奏不待報輒行者重罪論三年五月 上以代寧秦晉諸王屢驕恣怨誘賜書戒飭諸宗人宣德元年定將軍主君儀賓品級冠服儀式王府官不得外調陞不知起於何時或曰靖難後事也然宣德中周忱以越府長史陞侍郎巡撫江南鄭府長史王淪改行在戶部郎中洪熙中淮府長史王榮改吏科左給事中荆府長史曹曼齡改翰林修撰矣嘉靖八年大學士楊一清言楊士

奇以審理副選翰林編修周忱亦自長史累陞尚
書成化年雷霖以德府長史爲山西提學副使又
宣布政使雍泰泰府有姻亦陞巡撫都御史乞容
王官與別官一體陞用王親亦選京官吏部議此
祖宗微意如近年江西婁性足爲監丞况王親縱
不得京任得任至左右布政使官與尚書等使非
區區自懷重內輕外之心則展布才猷亦足自見
一清請再議吏部執不可二十二年蜀府長史高
鵬九年考滿至吏部吏部請奪職遂請王府官凡
稱病乞改用者並勒致任輔導失職調者不得授

府州縣說民官時陝西山西河南湖廣積欠王祿
百數十萬有司不能給宗人輒告飢諱有司有司
或杜門或逾墻走每下詔卽念宗人歲祿額歲祿
百倍洪武時有司竟不能給初制定親王歲祿萬
石惟肅熈府千石正統初熈府加二百石後加三
百石伊遼府二千石韓府三千石唐府五千石代
府六千石郡王將軍中尉儀賓之祿幾十倍於國
初於是宗人有上言願停祿如唐宋故事得應舉
效用者有請田力耕自養者竟莫敢決宗人有罪
者獨高墻高墻在中都凡先後入高墻者男女且

十人嘉靖四年釋二百九十八人十二年釋十三人
十三年又釋三十八人十八年又釋四十五人傳
還原邸給薪水自便

廟祔十五王

廟祔十五王初從祀四祖廟東廡壽春下蔡南昌
盱眙寶應梁山英山昭信凡八王西霍丘安豐蒙
城臨淮六安都梁山陽凡七王熙祖皇后生仁祖
及壽春王仁祖陳后生南昌盱眙臨淮三王三王
皆高帝同母兄也十五王惟壽春盱眙霍丘安豐
蒙城臨淮六妃配食南昌王者文正父也妃王氏

附葬皇陵不入配正德中御史徐文華言族無後
者祭終兄弟之孫之身今太廟配享諸王未審於
高皇何親大抵非兄弟即伯叔至於今五世六世
矣禮宜祧禮官議不從嘉靖中建九廟東西廡配
如故九廟災復同堂異室之制祔十五王於兩序
先是洪武二年定從享禮稱壽春王皇伯考南昌
霍丘下蔡安豐蒙城盱眙臨淮七王爲皇兄寶應
六安來安都梁應山山陽昭信七王爲皇姪壽春
王稱皇高伯祖考寶應七王稱皇曾伯祖考若與
宣宗 英宗兄弟行者誤也鳳陽有十王四妃墓

在白塔陳后二女長太原長公主駙馬都尉王七
一次孝親公主追封隴西長公主駙馬都尉思親
侯李貞岐陽王父也南昌王有女福威公主蒙城
女慶陽公主洪武四年定親王女稱郡主禮官請
降二公主 上念二兄早歿惟二女吾不忍降奪
與祿歲五百石駙馬都尉王克恭黃璫為福建淮
安衛指揮使仍稱駙馬食指揮使俸

懿文太子

懿文太子標母 高皇后元乙未九月生于太平
陳迥家 上為吳王立為王世子從來謙受經吳

元年年十三矣 上遣世子及弟詢臨濠基諭曰
世稱商高宗周成王為守成令主高宗舊勞于外
成王早聞無逸之訓皆知小民疾苦故其在位勤
儉不敢驕逸兒生長富貴習於晏安今出旁近郡
縣遊覽山川經歷田野因道途險易以知鞍馬勤
勞觀小民生業以知衣食艱難察民情好惡以知
風俗美惡即祖宗所居訪求父老問吾起兵渡江
時事識之於心以知吾創業不易又命中書省擇
官輔行凡所過郡邑城隍山川之神皆祭少牢過
太平訪迥家賜白金五十兩至泗濠以 上意告

祭祖考妣考妣及兄弟墓是冬從 上觀邪壇令
左右導之慶家徧觀其服食器具又指道旁荆楚
曰古用此爲朴刑以其能去風雖傷不殺人古人
用心仁厚如此兒念之洪武元年正月立爲皇太
子帶刀舍人周宗上書乞教太子 上嘉納中書
省都督府放元制請以太子爲中書令不許曰吾
兒年未長學未充更事未多宜尊禮師傅習經傳
博古通今識達機宜他日軍國重務皆令啓聞何
必爲中書令乃選勳德老成舊人勳有典則及新
進之賢者兼領東宮官於是左丞相善長右丞相

達中書平章餘軍國重事遇春兼太子少師少傅
少保右都督馮宗異兼右詹事中書平章政事胡
廷瑞廖永忠李伯昇兼同知詹事院事中書左右
丞趙庸王溥兼副詹事中書參政楊憲傅瓚兼詹
事丞同知大都督康茂才張興祖兼左右率府使
大都督府副使顧時孫興祖兼同知左右率府事
僉大都督府事吳楨耿炳文兼左右率府副使御
史大夫愈和兼諭德御史中丞基溢兼贊善大夫
治書侍御史文原吉范顯祖兼太子賓客諭之曰
朕東宮不別設府僚而以卿等兼領者蓋軍旅未



息朕若有事於外必太子監國若設府僚卿等在
內事當啓聞太子或聽斷不明與卿等意見不合
卿等必謂府僚導之嫌隙易生朕所以特置賓客
論德等官輔成太子德性且選名儒爲之賓客昔
周公教成王克詰戎兵召公教康王張皇六師此
居安慮危不忘武備蓋繼世之君生長富貴泥於
安逸不諳軍旅一有緩急罔知所措二公所言不
可忘也是年上命選國子生國琦王璞張傑等
十餘人侍讀書禁中琦等入對護身殿姿狀明秀
應對詳雅上喜因謂殿中侍御史安慶儒士郭

洞友等曰吾輩諸生於文藝素習矣然與太子處
當竭其心術養其德性庶不流於浮靡太子之德
亦當有助因厚賜之未幾以梁貞王儀爲太子賓
客秦鏞盧德明張昌太子論德先是建大本堂取
古今圖籍充其中徵四方名儒教太子諸王分番
夜直選才俊之士充伴讀上時時賜宴賦詩商
確古今評論文字無虛日命諸儒作鍾山龍蟠賦
置酒歡甚又自作時雪賦賜東宮官儒官服令三
師賓客論德朝賀東宮東宮答拜二三年命東宮
及王府官編經史古人行事可爲鑒戒者訓諭

Color Control Patches



太子諸王四年春製大本堂玉記賜太子十年六月令自今政事並啓太子處分後奏聞因論曰人君治天下一日萬幾自古創業之君歷涉勤勞達人情周物理故處事咸當守成之君生長富貴若非平昔練達少有不終者故吾特命爾日臨羣臣聽斷諸司啓事以練習國政惟仁不失於踈暴惟明不惑於邪佞惟勤不溺於安逸惟斷不牽於文法凡此苦心為權度凡人雖有明敏之資自非歷練臨事率意而行未免有失知悔而改亦已晚矣吾自有天下以來未嘗暇逸於諸事務惟恐毫髮

失當以負上天付托之意戴星而朝夜分而寢爾所親見爾能體而行之天下之福吾無憂矣時令儒臣為太子講大學衍義二十二年置詹事院

上諭吏部侍郎侯庸曰輔導太子必得忠正賢良之士以兵部尚書唐鐸兼詹事二十四年八月勅太子巡撫陝西 上意欲都陝西遣太子相宅也既行使諭曰爾自幼至長未嘗遠出今命爾巡行陝西方渡江天道赫然有變雷起東南爾征西北以造化言之雷天威也爾前行雷後從威震之兆也然一旬之間久陰不雨占法主陰謀事爾宜慎

TIFFEN Color Control Patches

Blue Cyan Green Yellow Red Magenta White Black

舉動節飲食嚴宿衛親君子遠小人務在存仁養性施仁布惠以回天意雷之嘉兆未可恃也爾其慎之比還獻陝西圖遂病病中上言經畧建都事二十五年四月丙子卒 上愴哭命禮官議喪禮戊寅 上御東角門召諭廷臣吾老矣太子不幸命也大哭而退既公除 上不忍禮官請之始鳴鐘鼓朝京者老上香慟哭 上亦哭諭曰爾念太子意良厚願農事方典諸父善勤生丞歸勿失時諸未至者論朕此意八月庚申祔葬孝陵東謚懿文冊曰朕惟先王之典生既有名歿必有謚名所

以彰德謚所以表行故行有大小則謚有重輕此古今通義雖在至親不敢廢也爾皇太子標居位二十有五年分理庶政裨贊弘多今焉永逝特遵古典從公議賜爾謚曰懿文嗚呼德以名彰行因謚顯公論所在朕何敢私建文元年追尊爲孝康皇帝廟號興宗靖難後復稱懿文皇太子太子元配常氏開平王女太子既立 上念王有大功早卒遂冊其女爲皇太子妃先太子數年卒謚懿敬建文君卽位追尊爲孝康皇后靖難後復稱懿敬皇太子妃太子繼妃呂氏生建文君妃父本壽州



人仕元爲元帥府都事丙午歸附爲中書掾史累
官吏禮二部尚書出爲都轉運鹽使終太常卿本
無子洪武中卒建文君卽位尊妃爲皇太后靖難
兵入金川門遣人迓太后太后至 成祖迷不得
已起兵之故太后還未入宮宮中火起建文君避
去建文四年七月隨其子敷惠王允熲居太子陵

秦王

秦王樸洪武三年年十五受封二十三而之國西
安初聘元河南王王保保女弟繼妃寧河王女也
王生而岐嶷嚴毅英武 上委以關西兵事得專

行賞罰歲秋巡邊大將皆聽節制御軍整肅所過
秋毫無犯未嘗妄戮一人二十七年征降西番賜
璽書賞賚萬計時露宿山野遶疾尋卒在位二十
七年年四十 上命禮部尚書任亨太定喪禮謚
愍愍王六子長尚炳二十八年嗣在位十八年卒
謚隱次承簡懿王尚烈保安懷倍王尚煜興平
恭簡王尚嬭永壽懷簡王尚紅安定王尚嬀尚嬀
承樂十年坐罪降庶人安置涇州宣德末赦守懿
王墳隱王子四人適子志順承樂十年嗣在位十
三年卒謚僖無子庶兄志均承樂二十二年以渭

南王進封王請長與侯故宅處諸弟又請選良家
女入宮令擇護士家女酬直勿掣勒在位三年卒
謚懷妃張氏未婚而寡宣德元年令入宮守王服
王無子弟志堦宣德三年以富平王進封王四年
坐罪解三嚴衛在位二十八年卒謚康志堦宜川
莊靖王也康王五子長公錫天順二年以恭世子
嗣在位二十九年卒王好文驍族知禮謚惠公健
未封卒公銘臨漳惠簡王嘉靖十七年以孫秉攬
嗣王追封泰安王公鏞邵陽惠恭王公鏞汧陽端
懿王惠王四子長誠詠成化四年以鎮安王嗣在

位十一年卒王好書崇儉有禮謚簡誠滄誠河誠
淖皆未封簡王無子安王六子誠深嗣臨漳王謚
和僖嘉靖十七年以子秉攬嗣王追封恭莊王誠
澗誠浩誠澈誠波誠注皆鎮國將軍莊王二子秉
攬以嗣臨漳王弘治十三年進封王在位二年卒
謚昭昭王三子長惟焯正德四年嗣次惟燁次未
名王請漳關以西鳳翔以東河墾地曰 皇祖以
賜臣先王楨也戶部尚書梁材執議曰陝西外供
三鎮內給四王民困已極視國初生產物力千萬
不侔豈得空地更給諸王 上從材言不許王早

失父母育於簡王妃庾氏庾妃卒王喪如禮事其
生母蕭妃孝謹守臣以王謹身修行聞遣勅使持
旌幣旌王嘉靖二十上年黃金千兩白金萬兩助
建宗廟 上喜加祿歲二百石贈玉帶一

晉王

晉王桐年十三受封又七年之國太原已而得罪
廢懿文太子調護得還洪武三十年卒謚恭世子
濟熿嗣靖難後封濟熿弟濟熿平陽王濟炫慶成
王濟熿子美圭封晉世子濟熿恨戾失愛憾其父
并憾濟熿不爲解喉慶成諸王日訴濟熿過於朝

又誘府中官校誣濟熿罪竟奪濟熿爵并廢美圭
爲庶人守恭王因濟熿遂得嗣王益翳橫百方幽
苦濟熿父子恭王有老嫗不能平走訴 文皇立
召獄中晉府承奉左徵問之盡知濟熿構濟熿狀
卽釋徵馳驛召濟熿父子時濟熿囚空室已十年
左徵者濟熿嘗言其佐濟熿爲逆逮治京師府中
言徵死久矣徵至一府大驚徵入空室解濟熿纒
緘相抱持大慟濟熿自是怨望出悖語濟熿父子
見 上行在所濟熿病愈甚 上見之惻然不置
濟熿遂封美圭爲平陽王俾奉父居平陽恭王故

有田在連伯避 文皇與美圭矣濟熾奪不與美

圭聞上 仁宗再三諭濟熾還美圭不從美圭言

連伯灘地隸平陽不效太原因及曩誣構事 仁

宗遣人視灘果隸平陽又書諭濟熾美圭父子困

頓累年詩曰春令在原兄弟急難每用吟詠感念

無已緬惟賢弟同吾此心又書諭美圭朕諭晉王

讓汝田兄弟叔姪本同一氣姪事叔益恭愛久當

憐汝濟熾得書又聞朝廷賜濟熾王冠服遂廣致

妖巫府中造呪詛事 仁宗崩又不服喪 宣宗

卽位憐濟熾父子時時問勞濟熾呪詛事益露踪

跡自度罪不可解遣人結高煦謀不執日夜造兵

器寧化王濟煥告變 上曰勿洩擒高煦又得濟

熾與交通書 上又曰勿洩濟熾固自知益反側

不安其所遣詣高煦人又走京師首服內使劉信

又奏濟熾擅取屯糧十萬餘石給護軍欲反應高

煦并呪詛事寧化王又言濟熾毒弑其母濟熾始

懼辭王爵及護衛不聽遺書及勅符召濟熾至示

以諸所發奸逆狀濟熾伏地頓首言臣罪萬死

上書諭諸王去歲高煦反罪人旣得奸黨人皆言

趙晉二王實與謀予未忍信今晉府人累上告變



徐察之有驗不誣趙王自知事不可掩已辭護衛
濟煩得罪宗社不敢以私親廢大義謹遵祖訓免
爲庶人屏之風陽誅其同謀及妖巫數人恭王妃
在晉府者令美圭迎平陽奉養復濟煇晉王卒謚
定美圭正統初嗣王卒謚憲子鍾鉉嗣卒謚莊奇
源世子未嗣卒以孫嗣王贈晉靖王靖王子表
世孫未嗣王卒以子嗣王贈晉懷王懷王子知焯
以世曾孫嗣卒謚姪新塿以新化王庶長子嗣
王新化王者晉靖王次子表據也謚恭裕恭裕王
子端和王知燁端和王二子新塿新塿端和王卒

晉王請端和王庶長子新塿嗣新化王未封而晉
王卒無子晉靖王庶子榮澤王表據與新化諸王
皆晉王叔兄弟也曰嗣王者非新塿卽新塿然皆
幼攝府事則我長晉王妃王氏曰晉王無後次及
新化王新化王父子卒有孫新塿在也卽召入府
拜几筵爲後行喪榮澤王忿我叔父行顧不得王
新塿端和王長子長子不得爲人後新塿宜嗣新
化王新塿嗣晉王禮也雖下禮部議新塿宜嗣晉
王俟服闋請封又言制親王絕郡王以序繼親王
爵其郡王不得復請繼封次子止封鎮國將軍新

填得嗣晉王贈父晉康王

周王

周王禱秦晉二王昔高皇后子周王育於孫貴妃妃卒服以慈母斬三年主喪事洪武三年封吳王國錢塘工部尚書張允請建諸王府上曰吳府且勿建七年置杭州護衛上以浙江財賦地不可封王罷護衛十一年改封周王國開封卽宋故官爲府二十二年王棄其國來鳳陽遷之雲南未行原還國建文中人告王反建文君命曹國公卽訊景隆大索金寶王不能應坐王反王懼遂竄

雲南諸子並別流放已而召還南京靖難兵入金川門王與齊王見成祖且拜且哭因並誓行登樓相慰又哭遂得復封王加祿五千石以開封地於河改建邸洛陽已而又還開封封其長子有燬爲周世子有勳汝南王有烜順陽王有燁祥符王有燾新安王有光永寧王有煇汝陽王有燾鎮平王有煇宜陽王永樂二年來朝獻騎虞八年請祀太祖園中上書論支子不得祭太祖王國祖始封之君不許已而數有過上輒赦不問有告王反者遣都御史王彭諭意王大懼上還護衛



仁宗即位加祿五千石通前二萬石卒謚定子有
燦嗣宣德元年王請諸國謝諸弟封不許止弟汝
南王有勲數誣王上為書諭王先是有勲與有
喜素惡有燦為與趙王書刻祥符王印記封識置
彰德城外道傍都指揮王友得書聞上宣宗疑
有離間逮友訊無迹召有燦至曰必有勲也為此
書者又召有勲訊服詞連有喜有勲志行故不賊
少與高勳善建文中嘗告父定王反定王竟囚繫
除國靖難後始釋遂乞誅有勲上遣有勲去雲
南居大理後定王老始歸河南有喜喜生食人腦

肝膽薄暮每伺人過門輒誘入殺而食之以故其
邸前日未晡即斷行跡宣宗惡有勲有喜免為
庶人留有喜居京師已復爵有燦卒謚憲弟祥符
王有燦嗣景泰三年卒謚簡子世子子壘嗣卒謚
靖無子弟通許王子墜嗣卒謚懿子同德嗣卒謚
惠子安瀾世子卒以子睦樞嗣贈周倬王睦樞卒
謚恭世子勤愬未嗣卒世孫朝綱迎駕加祿歲三
百石贈金幣嘉靖十八年嗣王二十一年巡撫魏
有本上言河南諸宗人缺祿米三百萬石諸將軍
安福等五百人詳推行臺門凌逼撫臣安潛坐羣

爲庶人二十一年王及宗人獻白金六千兩助修
太廟賜玉帶一圍衣一解

楚王

楚王楨母胡克妃甲辰年生七歲而封國武昌
永樂元年世子孟烷市人河南諭世子世子來朝
請葺府邸諭俟有年三年王出鐵牌開武昌城門
都司開 上不許卒謚昭孟烷嗣宣德元年發楚
魯二王護兵各千人征安南王請湖廣都司給護
兵兵器五年有告王者乞減護衛三之二王宮火
焚諸系符初更給之卒謚莊子季塊嗣卒謚康弟

季墩嗣卒謚惠子均敏嗣卒謚靖子榮濂正德七
年嗣在位二十三年卒謚端子顯繁嘉靖元年以
長樂王封世子十四年嗣子英耀十六年以世孫
封世子嗣王

齊庶人

齊庶人樽洪武三年封青州府十五年 上令出
獵開平且備胡二十四年春勅再出開平時潁國
公傅友德總兵諭勿相恭奏凱勿矜功八月秋高
水冷回京建文時有告變者召至京廢爲庶人時
周王已削爵與樽皆繫禁靖難兵至急遣兵衛二

王二王不知靖難兵也大怖伏地哭已知之乃大喜曰吾屬幸不死矣永樂改元復封又封其子賢煥為樂安王賢煥長山王賢寔平原王博之固驂縱上輟書諭戒來朝又面諭博曰無忘忠難時博益自疑陰蓄亡命養剌客僧帝號為呪詛驛用護衛兵守貴州府城北門自廣智門外接園苑築牆截往來守吏不得登城夜巡李瑛曾名深等上變告博匿其人滅口三年賜書索珙論博改過是月周王橢上書悔罪上封橢書示博明年來朝面謝廷臣劾博罪請論如法博厲聲曰奸臣喋喋

無乃效建文時殺我會當盡殞此輩上聞之益

怒留博京邸奪其護衛指揮柴真等伏誅罷遣罪斥府諸寮盡出王繫囚及諸造不法械器羣臣又請罪教授葉垣等上曰齊王凶悖縱恣性習使

然朕與王君臣兄弟出之囹圄寵以祿爵恩禮渥洽誠心溫詞開諭至六七不悛教授輩奈王何况垣等皆先自歸發其事可勿論博留京益有怨言乃召其子至京父子並奪爵妃吳氏先卒葬貴州宣德三年福建妄男子樓濂詭稱七府小齊王建陽人製王冠服謀不軌縣發其事械至京誅數百

人樽及賢延三子暴卒景泰五年五月初南京守備叅贊齊庶人谷庶人安置廬州者移置南京慎防之時齊庶人賢嬖樽少子也尚幼谷庶人絕而齊庶人請得谷庶人第嘉靖十三年釋高增庶人長纂者樽曾孫也

潭王

潭王梓母達定妃洪武二年纔二歲受封封十五年之國王幼聰敏好學善屬文嘗召府中儒臣設醴賦詩爲品高下出邸中貲爲賞洪武二十三年妃與民家坐事王不自安上遣使慰諭且召王

入見王大懼與妃自焚死無子國除

趙王

趙王杞洪武二年生明年四月封趙王封之日秦晉燕吳楚五王升殿受冊寶齊潭趙魯四王幼內宮保抱抱四王就位保抱抱受冊寶也又明年杞卒

魯王

魯王檀母郭寧妃其妃湯信公女王生兩月而封洪武十八年之國兗州幼聰敏好文學善詩歌好餌金石藥二十二年發病卒命禮部尚書李原名議喪禮上曰父子天性謚法公義朕不得以私



恩廢公義可謚荒子肇輝永樂元年嗣王宣德初
上言長史郝昭賢而老請致仕 上諭蹇義曰魯
王賢禮士宜如請宣德九年卒謚靖子泰堪成化
三年嗣九年卒謚惠子陽鑄成化十二年嗣嘉靖
十二年謚莊世子當深早卒嘉靖十三年以孫觀
焮嗣王贈魯懷王懷王子健杖封世孫早卒以子
觀焮王贈魯悼王

皇明同姓諸王傳第一卷

子履進校

孫心材重校

TIFFEN Color Control Patches


Blue Cyan Green Yellow Red Magenta White Black 31Color



EDV 82882 NATIONAL CENTRAL LIBRARY, TAIWAN, R.O.C.




NT 8086 NATIONAL CENTRAL LIBRARY TAINAN R D-2



2023008 NATIONAL CENTRAL LIBRARY TAIWAN R.O.C





2013.08.08 NATIONAL CENTRAL LIBRARY, TAIWAN, R.O.C

2013.08.08



皇明同姓諸王傳第二卷 吾學編第十五

海鹽鄭曉

蜀王

蜀王椿母郭惠妃滁陽王女也洪武四年生生十一年而封成都惠妃生王及代谷二王永樂汝陽二公主王元妃涼國公女王讀書好善近儒生能文章 高皇呼爲蜀秀才未之國歲清明遣祭滁陽王墓於滁州之國初卽聘漢中教授方孝孺教世子待以賓師禮推恩母族歲時問道不絕常發祿贍郡教授月一石當是時邊王歲出塞征胡王



以雅好學問守西垂安靖與民休息永樂三年來朝二十一年卒謚獻六子長悅謙次悅燿悅燁悅所悅憂悅燁悅謙早卒謚悼莊世子嫡孫友堉末樂二十二年嗣初友堉爲世孫叔華陽王悅燿謀奪適獻王怒斥去不悅囚而禁之又不悅益怨誣友堉罪於朝 文皇召友堉叔姪自明比至 文皇崩 仁宗察悅燿誣世孫得嗣王之國未幾悅燿又走京師誣友堉 仁宗怒抵奏地下曰適庶大倫干分誣親獨不畏鬼神乎謂侍臣曰悅燿虧忠孝懷奸譏使歸蜀終亂其國徙武岡州又徙澧

州宣德五年友堉府中忽舉炮鏡總兵陳懷開上罪府官上還護衛三之一已而請王府官屬留軍中南人爲匠皆從之宣德六年卒謚靖無子宣德七年弟友堉以羅江王嗣友堉獻王孫靖王母弟也宣德九年風疾 上念王賢走醫調視未至卒謚僖無子叔悅翼宣德十年以保寧王嗣儉飭守禮法天順五年卒謚和子友堉善草書天順七年以世子嗣是年卒謚定子申鉉天順八年嗣成化七年卒謚懷無子是年弟申鑿以通江王嗣好學能文弘治六年卒謚惠明年子賓瀚嗣仁厚好

TIFFEN Color Control Patches



儒術正德三年卒謚昭明年子讓相嗣嘉靖十五年守 王忠孝賢良 上特褒賞二十年上黃金千兩白金萬兩修宗廟加祿歲二百石玉帶一王受玉帶辭祿世子承鎬

湘王

湘王柏洪武四年生八年封荊州母胡順妃孫章侯美女也王明敏好學能文章尤喜道家言自號紫虛子膂力過人握弓矢刀槊上馬奮如飛建文元年或告王反建文君遣使即訊王懼縱火宮中奮身投火妃從之闔宮皆死謚戾妃江陰侯高

女無子國除葬江陵西大塚山靖難後改謚獻治其墳祠

代王

代王桂其妃武寧王女洪武十一年封豫王二十四年改封代王明年之國大同建文時廢爲庶人靖難後復封宣德二年王請得樂器制器王妃仁孝文皇后妹也王不悅妃妃病王不視孫仕壘聞於朝乞勅潞城王遜炆啓王善視妃九年王欲享諸子孫來朝不許王又與其子遜斜遜炳襲衣冠遊行市中袖錘斧傷市人 上與書戒飭稍飲載

正統十一年卒諡簡十一子世子遜熾早卒正統十三年以子仕選王贈代戾王仕選正統十一年嗣甯上言總兵郭登有功大同虜欲得大同爲巢穴非登大同不能守朝廷爲勞登天順七年卒諡隱子成鍊嗣弘治二年卒諡惠子聰沐嗣坐罪徙山西省城弘治十一年卒諡思子俊杖嗣嘉靖三年大同軍叛王東走宣府上遣光祿少卿蕭淮問王嘉靖六年卒諡懿九年子克權嗣請郡王庶子祿禮部言郡王庶子無長兄得嗣郡王者封長子不復得支將軍祿長孫亦如之不許十一年大

同軍又叛王東走宣府上又遣官問王王父子再遭禍變忠憤自檢得不爲諸逆涂鐵十八年秋樂昌王乞徙代州禮官周旋得徙朔州禮科都給事中丁湛上疏曰樂昌一府以城域狹隘物價騰貴得徙代王亦以是爲請何以應之天下宗藩類甘聚處一城亦皆以是爲請又何以應之况代藩北控邊鄙南輔圻甸比之他藩尤爲重要數年以來叛者繼起矜惡不悛昔積疑所致近甫少寧正宜休息示以安靜乃今宗親無故改遷搖惑聚志不可已而樂昌王竟徙朔州先是景泰五年昌化



王仕潭言大同地瘠乞移封就祿便養 景帝亦不許

肅王

肅王模洪武十一年封漢王二十四年改封肅王於甘州建文元年乞內徙徙蘭縣永樂十七年卒謚莊庶長子騰煇二十二年嗣正統元年言甘州舊邸改都司而先王墳園尚在乞留近邸林木從之府中嘗被盜劫榜募告捕者賞馬銀御史以聞罪其長史楊威又請加祿 宣宗曰洪武永樂間肅王歲祿五百石莊王不言者以朝廷念地遠輸

轉其難故也


仁考卽位加五百石矣朕遵祖訓

不敢違天願八年卒謚康子祿埋成化四年以洵陽王嗣十五年卒謚簡子貢綜成化二十三年以汾川王嗣正德中爲諸子請萊戶不允嘉靖十五年卒謚恭子真於弘治四年封世子嘉靖五年卒謚安和次子錫枕初封鎮國將軍嘉靖十一年改封世孫十七年嗣王贈其父肅靖王

遼王

遼王植洪武十年生母韓妃也生二年封衛王改遼王國于遼東廣寧五衛盡屯田

給王祿



王得延邊出塞隸簡士馬已而坐罪奪祿衛靖難
兵起渡海歸朝改封荊州 文皇卽位來朝卒謚
簡子貴始嗣正統元年府臣乞加祿 上言簡王
得罪朝廷 太祖特加原貸則其儀衛止與尉校
三百人 仁宗命今王嗣倍加祿得支二千石
宣宗又與旗軍三百人朝廷親親已至王於庶母
諸弟寡恩府臣不聞匡正直爲王請加祿不允四
年坐滅絕天理潰亂人倫廢爲庶人簡王第四子
貴煖以興山王嗣卒謚肅子泰恭嗣世子恩鐫卒
謚榮穆王請以世子妻妾殉葬 憲宗不許卒謚

靖子恩鐫嗣卒謚惠子寵沒嗣卒謚恭子致格嘉
靖三年嗣卒謚莊子憲櫛初封句容王嘉靖十八
年嗣

慶王

慶王梅母余妃洪武十一年生二十四年封慶陽
二十六年徙韋州建文三年冬移寧夏 文皇令
歲一至韋州度夏宣德初上言寧夏卑濕水泉惡
乞仍居韋州不許許歲一往來韋州如 文皇時
未幾議衛人告王閱兵造戎器購天文書 上書
論王小人誣叔祖置之法慎勿疑內臣馬安住歸

自寧夏言王以誘故不自安 上又書慰王五年

王請入朝不許王遂請移家寧夏如永樂洪熙時
往來韋州許之正統十三年卒謚靖子秩燧十四
年嗣景泰元年以虜數入寧夏與其弟安化王秩
終上書乞徙內地不許又言冕服以紗製請易紵
絲 上曰祖制朕不敢易成化五年卒謚康子遠
繼成化七年以平涼王嗣十五年卒謚愷弟遠繼
成化十七年以岐陽王嗣弘治四年卒謚莊子寘
整弘治七年以洛交王嗣十年卒謚恭子台滋弘
治十六年嗣時虜數入塞賊發恭王孳嘉靖四年

謀不軌法司請如代王聽沐側徙西安 上不許
降庶人留邸歲與米三百石已又不悛徙西安其
長子熹檣封世子攝府事十二年世子及懷王妃
王氏乞恩留台滋故邸禮官執議不可十五年兩
宮徽號詔許台滋還邸與冠帶郡王九安化反誅
絕安化王寘鑄者慶靖王曾孫也祖秩終慶靖王
第四子永樂十九年封安化王謚惠懿父遠授封
鎮國將軍弘治六年贈安化榮和王寘鑄成化二
年封長孫弘治五年嗣正德五年奄瑾擅權毒亂
天下寘鑄遂起逆謀告生員孫景文曰日者言我

有帝王骨相王九兒降鸚鵡神妄言禍福每見真
鑄呼老天子真鑄益冀望非分會大理少卿周東
度田寧夏倍益項畝畝索厚值徵馬屯租甚急景
文謂真鑄曰殿下欲圖大事此其時矣真鑄遂爲
酒召都指揮何錦周昂指揮丁廣謀反以誅奄瑾
爲名是年四月五日真鑄爲酒大會巡撫安惟學
總兵姜漢周少卿李守奄奄及漢至延撫少卿辭
不至錦等矯言虜入塞急呼壯士申居敬等捕虜
執兵械跨馬呼噪儀寶韓廷璋等伏府序下錦等
趨安化府樞門入序中伏兵起殺漢及奄走行臺

殺惟學都指揮楊忠又殺周少卿縛侯參議放獄
囚笑官府劫庫藏奪河舟大索慶諸王將軍金幣
萬計呼召逆黨草虜城千戶徐欽引兵入城僞造
印章旗牌又令景文爲僞檄言理壘惑朝廷變亂
祖法屏棄忠良收集兇狡阻塞言路括歛民財籍
沒公卿封拜侯伯數興大獄羅織無辜散遣官校
脅持遠近張綵劉機曹雄毛倫文臣武將內外交
結意謀不軌今特舉義兵清除君側凡我同心並
宜響應傳布邊鎮以錦爲討賊大將軍昂廣左右
副將軍景文軍師張欽先鋒將軍魏鎮等七人都



護朱霞等十二人總管當是時遊擊將軍仇鉞陷賊中欲起擒賊自效恐河東兵未集稱病臥鉞蒼頭潛入城言副總兵楊英都指揮韓斌延綬副總兵侯助遊擊將軍時源各率兵屯河上廣武營都指揮孫隆笑兩壩掃捲河舟盡奪泊東岸矣鉞喜尚稱病臥錦率都指揮鄭卿等三千人出覘渡口留昂守城昂問鉞病猶稱病不起伏諸蒼頭候昂入殺昂鉞卽起開門一呼諸遊兵壯士楊直等聞之卽趨安化府殺朱雲鷲等十一人擒寬鑄及其子台潛遣古興兒密告鄭卿令反正卿遂殺魏鎮

等十人錦廣走追擒之賀蘭山外朝廷聞變遣都御史楊一清太監張永督諸軍討賊未至寧夏賊平一清永至陝械寬鑄錦廣等至京頌繁寬鑄諸王僧錦廣等下錦衣獄廷鞠伏誅弟寘鏡寬鑄坐黨廢庶人將軍彝材俘至京旣論死正德中山僧大和尚者富財凌同類同類殿和尚和尚憤曰我皇帝家人也衆異其言聞於朝逮至京下刑部獄和尚曰我安化府彝材也衆不能辨安化官人左寶瓶在浣衣局召驗和尚寶瓶叱曰此彝材殿下得免死逃高牆竟不能知當時代壽材死者誰

寧庶人

寧庶人宸濠寧獻王權世孫也洪武十四年封獻王於大寧大寧在喜峰關外古會州地洪武初設北平行都司大寧城中東聯遼東西接宣府爲巨鎮 文皇時封北平每歲秋九月會廣寧遼王及寧王宣府各王大同代王太原晉王西安秦王韋州慶王甘肅王出塞捕虜名肅清沙漠以故諸王皆有重兵 文皇靖難初與諸將議曰曩余巡塞上見大寧朵顏諸夷驍勇善戰戍卒皆閩左罪

謫不能寒吾得大寧斷遼東得胡兵助戰吾事濟矣乃令世子居守率銳卒千人倍道趨大寧遣書寧王言窮蹙求救吾弟王邀 文皇單騎入城執手大慟言不得已至此南兵百萬旦夕且破北平非吾弟表奏不可寧王爲草表謝請赦居數日款洽不爲備北平銳卒伏城外諸親密吏士稍稍得入城遂令陰結諸胡酋長及思歸之士皆善定約 文皇辭去寧王候郊外伏兵起執寧王擁入關諸胡戍卒一呼皆集守將朱鑑不能禦戰沒總兵官都督劉貞遷還京師行軍都督陳亨皆降燕於是



靖難兵益強當是時寧王善謀時草檄傳諭靖難
後遣內官書諭王再三王入朝相見甚歡因乞改
南土初欲得蘇州 上曰蘇州圻內不許又欲得
杭州 上曰五弟初封錢塘爲吳王，皇考以爲
不可改開封建文無道封其弟允嬭爲吳王竟不
克享建寧荊州重慶東昌皆善地惟弟擇焉寧王
得書遂出飛旗令有司治馳道 上大怒王不自
安屏從兵從五六老中官走南昌稱病臥城樓乞
封南昌 上不得已卽藩司爲府改封王已而人
告王誹謗巫蠱事 上書諭王王不自安稍稍自

欲戢 仁宗卽位乞朝京師又言江西非其封國
請改封 上諭王叔受封先帝已二十餘年朕不
敢違 宣宗卽位以大父行又復輒恣橫請於封
內選子女不許重違其意賜女婦八十四人王令
省中官服朝服用天子儀仗賀王元旦長至千秋
節習儀鐵柱觀副使石瑛聞於朝乞罪其長史王
堅朝議定宗室將軍祿米視品王抗言宗室安得
有品詞不遜時漢庶人方以反誅 上答書詞甚
厲云將軍中尉有品 祖訓也王不得棄 祖訓
肆頌說王卽不謹非獨羣臣有言不已天下人心



亦不容已徒恃尊屬誣職朝廷典憲具存朕不敢
庇未幾又乞灌城田不許稍欲戢托志神仙正統
十三年卒謚獻于盤斌未嗣卒謚莊惠世子景泰
元年以子真培嗣王追封寧惠王真培以世孫嗣
王景泰七年坐事革護衛弘治四年卒謚靖靖王
長子觀錫天順八年封上高王弘治五年嗣王十
年卒謚康康王庶子宸濠母馮針兒故娼也弘治
八年封上高王十二年嗣王濠輕佻無威儀好弄
喜兵嗜利狗色凌宗室潰亂無禮養死士爲羣盜
江湖間及劫郡邑府庫財萬萬計衛士李自然李

日芳妄言濠骨相天子也濠喜時時謂中朝事聞
謗言輒喜聞言明聖朝廷治卽怒不應正德初邇
逆瑾賂金錢無算得復護衛安化王反瑾誅革護
衛未幾復結錢寧諸權奸又得復護衛益大肆擅
殺都指揮戴宣逐布政使鄭岳御史范輅兩知府
鄭瓛宋以方晝奪諸附王府民廬副使胡世寧言
王橫無道不早裁抑禮樂征伐不復出自朝廷濠
出金壁萬計遣奄余欽入京徧道中朝内外文武
大吏朱寧蕭敬張雄張統江彬陸完石玠欲殺世
寧不果論戍遼東自是益復無顧忌日與李士實



劉養正王春謀不軌又見 武宗巡遊東宮久虛
令典寶萬銃益賂諸奸佞欲召其子大哥入京以
上廟燒香爲名幸事萬一成得自取正德十二年
府典寶閻順內官陳宣劉良上變告濠疑出承奉
周儀意盡殺儀家及典仗查武數百人令承奉劉
吉持金錢又徧遺諸權奸佞幾殺順等於是逆謀
益急妃婁氏累泣諫不聽大集羣盜凌十一關廿
四吳十三等數千人置丁家山諸處四出行劫置
奄單真鎮守浙江約起事爲應又約廣西土官狼
兵及南贛峒蠻是時士實養正春吉銃日夜與濠

謀恐起事以反各人心未服伺一日宴駕大位未
定乘變即起萬一事成益遣奸黠人盧孔章等分
布水陸孔道萬里傳報決旬往返踪跡大露朝野
皆知濠旦夕必反巡撫都御史孫燧日夜防遏濠
托勦賊名置郡邑城郭兵食事甚悉嘗歎曰即賊
起吾不滅賊賊必以吾所處分故速滅又連上七
疏言濠反在旦夕濠諸奸邀諸途即不得諸權奸
得濠金錢多恐事洩并誅又幸冀非望往往匿不
聞十四年言官合詞言濠必反狀 上遣駙馬都
尉崔元都御史顏頤壽太監賴義諭宸濠令改過

府中人以為召濠六月丙子因諸司入謝濠酒遂稱密旨反劫燧及副使許達燧達叱濠無反自速死吾死不從汝為賊遂殺燧達偽授士賈太師養正因師吉太監春尚書凌十一等都指揮急走人令畢真反杭州為應遣涂欽等攻九江南康王春等發旁縣諸賊黨九江南康城破七月壬辰進攻安慶知府張文錦守將崔文楊銳力禦不肯下濠以江西僉事潘鵬安慶人遣鵬招安慶文誅鵬家濠議僧大號改年順德士賈養正言宜至南京正位然後收元布詔是時汀贛都御史王守仁已傳

檄遠近討濠濠不敢離南昌已而聞守仁兵未集士賈養正造偽檄指斥朝廷謂上以苜蓿鄩高皇帝不血食建寺禁內雜處妓女胡僧玩弄邊兵身衣異衣至於市井屠販下流賤品事靡不樂為棄置宗社陵寢而造行宮於宣府稱為家裏贖貨無厭荒遊無度東至永平諸處西遊山陝三邊所過掠民婦女索取贖錢又謂常憲都太監牙牌稱威武大將軍又謂既奪馬指揮妻稱馬皇后復納山西娼婦稱劉娘娘原其為心不能御女又將假此婦人以欺天下抱養異姓之子如前所為也

留萬銳拱條等守南昌偽勅吉提督軍務恭政王
綸恭贊軍務分諸賊為五哨一百四十隊戊戌直
趨安慶庚子攻城不克甲辰以天梯攻又不克安
慶守益堅又聞守仁兵且至濠懼方欲退還南昌
丙午聞守仁辛亥破南昌擒拱條萬銳及濠子三
哥四哥濠大懼解安慶圍甲辰至樵舍乙卯遇守
仁兵黃家渡戰敗丙辰又敗丁巳守仁急督戰火
攻濠大敗妻妃投水死擒濠及其子大哥吉士實
養正等濠曰紂用婦言亡而我不用婦言亡上
初聞濠反江彬等幸出巡遊勸親征遂下詔暴其

罪惡告郊廟革封爵削屬籍親統六師征之詔未
下守仁已擒濠濠六月丙子反七月丁巳就擒濠
反謀雖久意僥倖倚奸人得竊位不欲顯言稱亂
及事急反始掠省城兵器燧已名討賊移外郡倉
卒不能備招賊又為諸下邑過不得去諸偽將皆
賊徒未嘗知戰士實養正徒以區區文詞議論負
時名不知兵諸附者皆富貴子弟聞守仁倡義誅
討未及見兵皆逃避去燧所置初城過賊不得進
盡就縛濠檻車至南京諸權奸得濠金錢者尚在
武宗左右或提兵間通語言濠謂且得釋獨忌守

仁有權術兵精慣戰不敢動回鑿至通州誅濠弋陽王拱橫攝府事初獻王五子二子盤輝臨川王天順五年罪廢爲庶人幽高牆三子盤煥宜春王四子盤炷新昌王五子盤煥信豐王弋陽王者靖王弟莫燧始封弋陽謚榮莊榮莊子觀錄嗣弘治十年卒謚僖顧僖顧三子長二子天季子宸訥弘治十二年嗣正德九年卒謚莊僖莊僖次子拱橫正德六年封鎮國將軍嘉靖元年攝王府事二年嗣弋陽王二十年爲積設官屬子多燧嘉靖五年封鎮國將軍存者八

岷王

岷王根初封岷州洪武二十六年建邸雲南二十八年之國建文初廢爲庶人流漳州靖難初復王王與西平侯沐晟交惡上賜書諭王召戒晟仍還鎮未幾驕橫收印章殺官吏激變夷人沉酒廢禮上怒罪其府僚奪冊寶尋念王建文中久囚繫復與冊寶洪熙元年徙武岡無王宮寄居州治久之始建王宮宣德元年岷世子徽煖輒赴京奏事勅止之遂不止乃徽煖與奄諂其弟徽焯也上爲斬奄遣徽煖歸景泰三年乞移湖廣善地不

許王卒謚莊時徽謀已封鎮南王矣莊王無子鎮南王嗣王王弟廣通王徽謀謀反以蒙能陳仔李祥爲總兵事覺廢爲庶人四年王乞朝明年正月不許卒謚恭子音堃嗣卒謚子膺銜嗣卒謚簡子彥汰弘治十七年以江陵王封世子嗣王嘉靖八年江川王膺燧請加祿戶部尚書梁材言駁府郡王歲祿五百石米鈔兼支制也不許初彥汰與其弟南安王彥泥訐陰事彥泥廢爲庶人彥汰坐荒淫敗度抗制擅權幽囚嫡母焚死逼追多官稱臣亦革爵爲庶人令其子世子譽榮攝理府事

谷庶人


嘉靖十年譽榮爲父乞恩許攝府監官以見潘鏡鏡比奏授彥汰冠帶理府事十二年彥汰乞復王不許十五年上兩宮徽號詔復彥汰王

谷庶人德母郭惠妃滁陽王女也生三王長蜀王次代王次如意王或曰卽谷王也洪武二十六年建邸宣德卽上谷建文初靖難兵起庶人走還京靖難兵至穗守金川門登城望見成祖麾蓋開門迎成祖成祖入卽位賜德樂七奏衛士三百及金銀鈔馬加祿歲二千石官其護衛指揮僉事



張興都督會事儀衛正張成都指揮使已而改封長沙之國騎橫尚書茹璋不謂德下詔獄死德益肆無忌造戰船弓弩器械招匪亡命習兵法戰陣日與都指揮張成宦者吳智劉信等謀呼成師尚父智信因老令公成智信亦輒應偽作讖書以為讖有十八云我 高皇十八子陰傳播感眾製巧燈上獻擇壯士入朝架燈又選壯士習音樂與燈並上乘隙為變奪民田侵公稅殺無罪人長史盧延綱屢諫不聽誣磔殺廷綱張興懼禍及已因奏事北京白其狀 上未信興避南京啓 太子曰

臣月死聞上 上顧不信臣言臣萬死願殿下垂聽憶臣言他日得無連坐滅臣家臣死不朽德又遣劉信持所為讖致書蜀王為隱語曰德蒼時不可言桓文之事桓文時不可言德蒼之施欲結蜀王為援蜀王切責不聽已而蜀王子崇寧王悅燁得罪父校德德納悅燁因讒衆曰往年我開金川門出建文君建文君今在我宮中我將舉事為建文君復辟事將發會蜀王上變告永樂十四年七月 上見蜀王疏歎曰朕待德厚不宜有此心蜀王忠孝又不宜欺我張興嘗為我言我不忍信今



果然立命中官持勅諭德令德遣恍惚還蜀德不
意使猝至不得已就徵十月至京入見上以蜀
王章示德德頓首自伏言死罪死罪成國公朱勇
都御史劉觀諸大臣廷劾德曰周辟管蔡漢殘安
長皆大義滅親陛下縱念德奈天憲何上曰德
朕弟朕且令諸兄弟議明年正月楚王楨等各上
議曰德違祖訓謀不軌踪跡甚著大逆無道罪
誅不赦上曰諸王奉大義國法固爾吾寧生德
二月削德及其二子賦灼賦煇爵爲庶人誅諸通
謀者與以先發庶人罪狀得不坐

韓王

韓王松初封開原洪武二十七年三月上令王
及濟王省秦晉燕周齊王分道而行至秋八月始
還永樂五年卒葬南京謚憲子冲斌永樂八年嗣
二十二年改國平涼宣宗初請徙江南不許言
居第隘道主事毛俊經度并建襄陵樂平二邸及
岷州廣福寺陝西守臣言歲歉詔止勿建王又言
傍廬已撤即冬寒工力愈難宣宗令繕王官罷
廣福寺又允王請蠲歲備三年屯種境內無鹽王
請鹽詔聽王易鹽正統元年上半年上書陳邊防上褒

答正統五年卒謚恭子範圮正統七年以開城王嗣王九年卒謚懷弟範抑正統十一年以西鄉王嗣王景泰元年卒謚靖子微針景泰元年以高陵王嗣王成化五年卒謚惠子借洸成化五年以廣安王嗣王十年卒謚悼弟借滿成化十二年以彰化王嗣王弘治十四年卒謚康無子弟之子旭樞弘治十七年以通渭王嗣王嘉靖十三年卒謚昭子融燧嘉靖十五年嗣請食鹽食茶戶部言茶易戎馬鹽供邊餉不許世子誤填諸王惟韓土瘠祿薄人衆甚貧往往凌劫有司平涼知府吳世良廳

珩任守德王松皆被窘辱旭樞等百五十人至閣總制尚書嘉靖十五年撫巡黃臣周鈇疏於朝榜諭禁戢

藩王

藩王模趙貴妃子洪武二十四年封永樂六年之國潞州 宣宗時王言諸子婚請展府府垣外盡民廬也 上曰毀民廬以展王府不可命工部往閱繪圖來聞宣德六年卒謚簡子佶焯初封武鄉王宣德八年嗣王景泰中王父子與州官數置酒大會巡撫朱鑑上聞 上令諸王非時令萬壽節



不得輒會有司飲酒著爲令天順元年卒謚康康
王九子長天次幼學天順三年嗣正德十三年卒
謚莊莊王七子長銓鉅正德十三年以西陽王封
世子嗣王嘉靖六年卒謚恭無子次銓鉢初封寧
川王謚恭懿以長孫胤柎移嗣藩王贈藩安王恭王
二子長助壯初封福山王謚恭和以子胤植嗣藩
王贈藩靖王靖王二子長未名封次胤楨初管府
事後嗣王卒謚懷無子安王銓鉢四子長助潛初
襲父寧川王卒謚恭裕以子胤柎嗣王贈藩惠王
次助燧助澈皆鎮國將軍四子未名封惠王二子

長胤柎初襲祖寧川王懷王無子嘉靖十年諸郡
王爭嗣王 上冊胤柎嗣王次胤樞封鎮國將軍
管靈川王府事胤柎五子長未名卒次恬燧封世
子

安王

安王楹洪武二十五年封平涼永樂十五年卒謚
惠無子國除盡革府僚及樂戶留典仗校尉百人
守園洪熙初封韓恭王平涼襄陵莊穆王冲烜者
恭王子也支封附王國中 英宗令官校誅韓長
史供安王祀暇日給襄陵王使令景泰五年冲烜



唐王 卷二
乞承祀安王正德十二年嗣襄陵王徵鈴遂請得
樂戶祀安王明年樂平王徵鉦拔鈴例亦請樂戶
禮部言親王有樂戶郡王別城居者有事假鼓吹
有司其附親王國者假樂戶移長史司因併華安
王供祀樂戶嘉靖二年徵鈴及韓王旭樾又請
上以安王故特免徵鈴徵鈴卒韓王融燧又令長
史華祀安王樂戶徵鈴長孫旭樾再請韓王融燧
不許旭樾上言禮樂自天子出韓王不得擅予奪
融燧亦言親王郡王禮樂宜有降殺事下撫巡不
能決條奏請制曰與樂戶爲安王祀也

唐王

唐王樞母李賢妃洪武二十四年封永樂六年建
國南陽十三年卒謚定子瓊煙永樂十九年嗣宣
德元年卒謚靖妃高氏未冊而王卒自經死追封
唐王妃靖王世子芝 卒弟瓊煊宣德三年嗣成
化十一年卒謚憲世子芝 先卒謚悼簡無子弟
芝址成化十三年以舞陽王嗣王二十三年卒謚
莊子彌錡以潁昌王嗣王嘉靖二年卒謚成無子
弟文成王彌鉞之子宇溫嘉靖四年嗣王贈父唐
恭王二十一年宇溫獻金千兩銀萬兩助建太廟

賜玉帶一歲加祿二百石

鄧王 皇子楠

鄧王棟母劉惠妃洪武二十四年封安陸二十七年治邸墾田成之國在國六年卒謚靖無子除留內外官校守國供王祀妃郭氏武定侯英女王卒踰月妃痛哭曰賢王舍我去我寡婦也無子尚誰恃對鏡寫容付宮人又痛哭曰候吾諸女長與之令識母容也遂自經卒王四女宣德四年梁王之國移宮人居南京今諸郡主議婚舊國賜第南京太監王景弘資給女封光化穀城南漳郡主歲加

祿各八百石一天鄧王弟伊王伊王弟楠楠於諸子中最少洪武二十六年十二月生未逾月而卒

伊王

伊王楊母葛麗妃洪武二十一年生永樂六年之國河南歲祿僅二千石卒謚厲子顯煥嗣請選官人不許令選之護軍家爾直勿抑勒卒謚簡子勉望正統八年封上洛王嗣王天順八年卒謚安子誕毓成化二年嗣十一年卒謚悼季弟誕鈺成化四年封郟城王十二年嗣王正德三年卒謚定子許淵弘治三年封世子正德六年嗣嘉靖五年卒



諡莊弟許淳弘治六年封濟源王嘉靖六年嗣王
許淳言祿薄先朝乞得河南課鈔五萬七千七百
貫准祿米八千嘉靖八年革諸王請乞稅租田湖
伊府課鈔亦在革中乞補祿戶部言伊祿二千石
通給本色 英宗加米五百石 憲宗又加麥一
百五十石課鈔本成化弘治正德年請乞非永樂
以前欽賜比况河南一省諸王缺祿八十餘萬不
許二十一年卒諡子典模以世子嗣王

皇明同姓諸王傳第二卷

子履華校

孫心材重校

皇明同姓諸王傳第三卷 吾學編第十六

海鹽鄭曉

虞王

虞王雄英懿文太子長子洪武十五年五月己酉
朔卒追封虞王諡懷葬鍾山令侍臣素服步送

吳王

吳王允燭建文君弟懿文太子第三子洪武十年
十一月生三十一年封杭州未之國建文四年七
月靖難後降封廣澤王居福建漳州是年九月召
還京以不能諫正建文君降庶人永樂十三年卒

TIFFEN Color Control Patches



諡莊弟許淳弘治六年封濟源王嘉靖六年嗣王
許淳言祿薄先朝乞得河南課鈔五萬七千七百
貫准祿米八千嘉靖八年革諸王請乞稅租田湖
伊府課鈔亦在革中乞補祿戶部言伊祿二千石
通給本色 英宗加米五百石 憲宗又加麥一
百五十石課鈔本成化弘治正德年請乞非永樂
以前欽賜比况河南一省諸王缺祿八十餘萬不
許二十一年卒諡子典模以世子嗣王

皇明同姓諸王傳第二卷

子履華校

孫心材重校

皇明同姓諸王傳第三卷 吾學編第十六


海鹽鄭曉

虞王

虞王雄英懿文太子長子洪武十五年五月己酉
朔卒追封虞王諡懷葬鍾山令侍臣素服步送

吳王

吳王允燭建文君弟懿文太子第三子洪武十年
十一月生三十一年封杭州未之國建文四年七
月靖難後降封廣澤王居福建漳州是年九月召
還京以不能諫正建文君降庶人永樂十三年卒



英宗復辟出吳庶人居鳳陽者但有庶母姊姪老婦五六人時年八十矣

衡王

衡王允燧洪武三十一年封未之國建文四年七月降封懷恩王居江西建昌是年同吳王召還京廢爲庶人

徐王

徐王允熾洪武二十四年六月生八年而封未之國建文四年七月降封敷惠王隨母呂太后居太子陵永樂二年改封麗寧王奉太子祀未遣之

簡

建文君太子

太子文奎洪武二十九年十月晦生 上曰十月晦月日皆終不喜三十一年建文君卽位立爲皇太子靖難兵入京年七歲矣莫知所終

建文君少子

少子文圭建文三年生二歲建文君遜位靖難後號爲建庶人者是也幽中都廣安宮 英宗復辟憐庶人無罪久繫禁欲寬庶人李賢贊曰堯舜



心也請於 太后出於風陽歲給薪米聽婚娶出入自便又與鬪者二十人婢妾十餘人給使令遺養牛玉入禁論庶人庶人伏地頓首謝且喜且悲有阻議者 上曰有天命者任自爲之庶人入禁時纔二歲年五十六七始出風陽不識牛馬世傳成祖入宮時建文君有幼子老媪教之牽 成祖衣哭跪前求食曰孩兒餓矣餓殺孩兒矣 成祖亦哭曰汝生帝王家寧有餓死理命善撫之不知此建文君第幾子抑卽太子少子也或曰牽衣哭者 成祖有諸宮中未詳

漢庶人

漢庶人高煦 成祖第二子初 太祖召秦晉燕周四世子及庶人輩學於京師顧不肯學日遊嬉輕躁無行建文卽位初 仁宗及庶人奔喪京師舅氏魏國公徐輝祖密戒之不聽盜輝祖馬不朝辭渡江走歸途中輒殺民吏至涿州又殺驛丞其凶橫淫荒狡黠險狠跋扈不可御久矣靖難兵起仁宗居守庶人有膂力善騎射從行頗有功江上之戰靖難兵稍却庶人適引胡兵至戰勝已而議建儲藩府舊臣淇國公丘福駙馬王寧善庶人時



時稱二殿下功高 成祖曰居守功高於危從儲
貳分定於適長且元子仁賢真社稷主汝等勿復
妄言永樂二年立東宮封庶人漢王國雲南快快
不肯去曰我何罪斥我萬里改青州又快快不肯
去曰我何罪置我潯土留京師又請得天策衛爲
護衛曰唐太宗天策上將吾得之豈偶然又益請
兩護衛曰我英武豈不類秦王 成祖狩北平庶
人益不法陰蓄壯士肆出盜劫兵馬指揮徐野驢
擒之庶人怒手鐵爪撻殺徐指揮衆莫敢言遂僭
用天子車服十四年 成祖巡北京聞不豫逆謀

益著 成祖聞之怒促駕南還召庶人褫冠衣囚
繫西禁門條其罪惡數十事且誅之 仁宗頻首
伏地涕泣力救久之削兩護衛誅其左右狎昵徒
封樂安州促即日行 成祖顧謂東宮及太孫曰
樂安近北京卽聞變朝發可夕擒至樂安怨望異
謀益急東宮數書戒竟不悛 成祖北征晏駕庶
人子瞻圻在北京凡朝廷事潛遣人馳報一晝夜
六七行庶人日亦數十遣人入滑伺京師幸有變
仁宗固知之顧益厚遇書召至倍加歲祿賜齊萬
計先是瞻圻憾父殺其母屢發父過惡 成祖曰



爾父子何忍也至是庶人悉上瞻圻前後覘報中朝事又曰廷議旦夕發兵取樂安 仁宗召示瞻圻曰汝處父子兄弟間護構至此釋子不足誅遣鳳陽守皇陵二十二年十月封庶人嫡子瞻坦爲漢世子次瞻塗濟陽王瞻域臨淄王瞻埈昌樂王瞻埈淄川王瞻埈齊東王瞻埈任城王瞻埈海豐王瞻埈新泰王未幾 仁宗大漸 宣宗自南京奔喪卽位賜二叔視他府特厚庶人日有請及言朝政 上曲徇其意索駝與之駝四十索馬與之馬百二十索袍服又與之袍服庶人益自疑宣德

元年八月壬戌朔遂反遣救青滑來京約英國公張輔內應輔暮夜繫青圍於朝又約山東都指揮靳榮等反濟南爲應又散弓刀旗令真定諸衛所盡奪傍郡縣畜馬立五軍都督府指揮王斌領前軍韋達左軍千戶盛堅右軍知州朱恒後軍諸子各監一軍庶人率中軍世子瞻垣居守指揮韋弘韋興千戶王玉李智領四哨部署已定僞授王斌朱恒等太師都督尙書等官御史李濟樂安人素其家變姓名間道詣京上變言庶人刻日取濟南然後率兵犯闕陞濟行在左僉都御史遣中官侯



奉賜書庶人言昨枚青來言叔督過朝廷予不信
皇考至親惟二叔予所賴亦惟二叔小人離間不
得不教露中怨且傳播驚疑或有乘間竊發者不
得不略爲之備惟叔鑒之奉至崇安庶人盛兵見
奉傲倨不拜勅南面坐跪奉大言曰永樂中信讓
削我護衛徒我樂安 仁宗徒以金帛彈我今又
輒云 祖宗舊制殊令我鬱鬱豈能久居此汝試
觀我士馬豈不橫行天下汝歸報急縛奸臣來徐
議吾所欲泰懼唯唯 上問庶人何言對無所
言又問庶人治兵何如對無所見 上曰泰二心

已而錦衣官從泰往者具陳所見 上大怒泰畏
月丁卯庶人遣百戶陳剛進疏言 仁宗違洪武
永樂舊制與文臣語勅封贈今修理南巡席殿等
事爲朝廷過斥二三大臣夏原吉等爲奸佞並索
誅之又書與公侯大臣驕言巧詆污蔑乘輿 上
歎曰庶人果反立召張輔諭親征輔對曰庶人素
怯懦今所擁非有謀能戰者願假臣兵二萬擒獻
闕下 上曰卿誠足擒賊顧朕新卽位小人或懷
二心行決矣令大索樂安奸謀乙丑勅遣指揮黃
謙同總兵平江伯陳瑄防守淮安勿令賊南走令

指揮芮助守居庸關令法司盡弛軍旗刑徒從征
戊辰命定國公徐景昌彭城伯張昶守皇城安鄉
伯張安廣寧伯劉瑞圻城伯趙榮建平伯高遠守
城已巳命豐城伯李賢侍郎郭璉郭敦李昶督軍
餉命鄭王瞻埈襄王瞻墉留守北京廣平侯袁容
武安侯鄭亨都督張昇山雲尚書黃淮黃福李友
直協守輔少師蹇義少傅楊士奇少保夏原吉太
子少傅楊榮太子少保吳中尚書胡濙張本通政
使顧佐扈行陽武侯薛祿爲先鋒辛未發京師癸
酉過楊村馬上顧問從臣曰試度庶人計安出或

對曰樂安城小彼必先取濟南爲巢窟或對曰彼
翼不肯離南京今必引兵南去 上曰不然濟南
雖近未易攻聞大軍至亦不暇攻護軍家在樂安
不肯棄此去南京庶人外多誇詐內實懦怯臨事
狐疑展轉不能斷今敢反輕朕少年新立衆心未
附又謂朕不能親征卽遣將來得以其言厚利誘
餌事成事今聞朕行已膽落敢出戰乎至卽擒矣
戊寅獲樂安歸正人益知賊中虛實言賊初約靳
榮取濟南山東布按二司官覺之防榮不得發又
聞大軍至不敢出朱恒應天人力言宜引精兵趨



南京得南京大事成矣衆不從曰尔願得赴家奈
我輩何又曰庶人初開陽武侯等將兵攘臂喜曰
此易與及聞規征始懼於是授歸正人官厚賞給
榜令還樂安諭衆 上仍書諭庶人曰張敖失國
本之貫高淮南受誅成於伍被今六師壓境王
檮獻倡謀者朕與王除過恩禮如初不然一戰成
擒或以王爲奇貨縛來獻悔無及矣 上英軫神
武詞旨明壯我師氣盛龍旗鉦鼓千里不絕庚辰
祿馳奏前鋒至樂安庶人約明日出戰 上令大
軍蓐食兼行文大臣請慎重武大臣曰林莽間或

設伏百里趨利不可 上曰兵貴神速我抵城下

營彼阱中虎爪牙安施大軍至烏合之衆方洶洶
何暇設伏遂行夜分至陽信時慶雲陽信吏人皆
入樂安城無一來朝者辛巳昧爽駐蹕樂安城北
城中黑氣黯黯我兵壁其四門賊棄城舉砲我軍
發神機銃箭聲震如雷城中股慄諸將請即攻城
上不許勅諭庶人再遣勅皆不答圍中人多欲執
獻庶人者庶人密遣人詣行幄願假今夕訣妻子
明日出歸罪 上許之是夜庶人盡焚兵器及通
逆謀書壬午移蹕樂安城南庶人將出城王斌等



力止曰寧一戰死無爲人擒庶人給斌等復入宮
遂潛從間道出見上羣臣請正典刑不允以劾
章示庶人頓首言臣罪萬萬死惟陛下命上令
庶人爲書召諸子同歸京師赦城中罪止同謀脇
從者不問遂執王斌等下行御衣獄癸未令祿向
書張本鎮撫榮安改樂安爲武定八月乙酉班師
命中官頌馨庶人父子赴北京錦衣械繫王斌朱
恒盛堅典仗侯海長史錢異教授錢常至京皆伏
誅惟長史李默以嘗諫免死謫口北爲民誅榮榮
子義天津鎮守都督孫勝山西都指揮張傑楊雲

青州左衛指揮使

誠滄洲衛指揮鄭典甘約舉


城應者先納軍馬糧仗數事覺相繼誅六百四十
餘人其故縱與藏匿坐死戍邊者一千五百餘人
編邊氓者七百二十人初庶人被執鎖繫道遙城
一日上欲往視左右止之不聽及至燕視久之
庶人出不意伸一足勾上仆地左右急扶起亟
命壯士昇銅缸覆之缸約重三百斤庶人有力頂
負之輒動積炭缸上如山燃炭逾時火熾銅鎔庶
人死諸子並死

趙王

四皇子

趙王高燧 成祖第三子永樂元年封彰德洪熙
元年就國王預靖難功審與漢庶人謀奪嫡時時
譖東宮傷其宮寮繫獄多死者永樂二年居守北
京信用邪說恣行不法七年 上聞之大怒誅其
長史顧晟褫王衣冠 東宮力解得免釋國子司
業趙亨道董子莊爲長史二人能輔導王稍稍改
行二十一年五月 上不憚漢衛指揮孟賢等結
曆官王射成及內侍養子造僞詔俟晏駕詔從中
下立趙王總旗王瑜有姻家高以正者爲賢等畫
此謀謀定告瑜瑜上變告 上曰豈應有此立補

賢得所造詔誅賢射成以正及內侍諸養子陞瑜
遼海衛千戶王大懼又稍稍斂戢 仁宗即位加
漢趙二王祿歲二萬石通前三萬石封王長子禧
拔爲趙世子次贈瑄爲安陽王 宣宗初即位賜
田園八十頃漢庶人反誅班師至單橋陳山迎駕
遂言曰趙王與漢庶人逆謀久矣今宜藉此兵威
移指彰德擒趙王否趙亦反側不自安異日復勞
聖慮 上不聽楊士奇亦以爲不可山又請尚書
蹇義夏原吉言方略邀二人共請 上意不忍曰
先帝愛二弟漢王自絕於天朕不敢赦趙王反形



未着朕終不忍負先帝也高煦至京又言嘗遣駱
指揮阮內使與趙通謀上以漢庶人詞羣臣章
遣廣平侯持示王王大懼上還常山中護衛及羣
牧所儀衛司官軍校上與儀衛司是年瞻坂卒
年十七謚悼僖王在位二十九年宣德六年卒謚
簡瞻靖宣德七年以安陽王嗣王卒謚惠子祈鑑
嗣卒謚悼子見潘嗣卒謚靖子祐林嗣卒謚莊子
厚煜嗣四皇子未封卒

鄭王

鄭王瞻竣 仁宗仲子母李妃永樂二十二年

封漢庶人反王與襄王居守宣德四年之國風翔
王請安王竹園韓王以安王舊邸得竹園上曰
園在鳳翔去平涼遠與鄭王便正統八年乞徙徙
懷慶留京邸明年之國成化二年卒謚靖子祁鑑
成化四年嗣乞河墘地弘治八年卒謚簡世子見
滋卒以子祐杓封世子弘治十年嗣王贈父鄭僖
王祐杓正德二年卒謚康無子見滋弟東垣端惠
王見演以子祐擇正德四年嗣王贈鄭定王祐擇
十六年卒謚懿子厚煥嘉靖六年嗣車駕南巡王
來廷賜幣物加藤歲三百石

新王

新王瞻垠永樂十九年卒贈新王謚獻葬京師西山

越王

越王瞻墉未之國宣宗賜昌平縣莊田四十頃卒謚靖妃吳氏謚貞惠葬京師西山無子國除已巳之變虜入王墳盧掠祭器去

襄王

襄王瞻塔母昭皇后永樂二十二年封未之國上崩監國漢庶人反留守宜德四年之國長沙正

統元年遷襄陽七年來朝景泰三年乞得山地百頃奪門時石亨等欲殺于謙王文謂謙等通奄王誠盜金符迎王英宗因詔王來朝相見甚歡宴便殿王避席請曰臣過汴汴父老遮道言按察使王槃賢誣下詔獄臣途中詢槃人咸謂槃冤願皇上加察上立命法司雪槃王辭歸上送至午門王伏地不起上曰叔父欲何言王頓首曰萬方望治如飢渴願皇上省刑薄斂上拱手謝曰敬受教四年又來朝上為峴山漢水賦襄陽四景歌賜王成化十四年卒年七十三謚憲長

子祁鏞正統八年封世子成化十五年嗣弘治元年卒謚定王三子長見淑成化十六年封世子弘治二年嗣明年卒謚簡簡王二子祐材弘治三年封世子明年嗣與邸爭地灘遽七十二家獄久不決大理卿汪綸兩解得已十七年卒謚懷無子弟祐楨弘治四年封光化王正德中嗣王嘉靖四年卒謚■棗陽王者名祐摠嘉靖初上疏乞尊崇本生考妣爲帝后入廟祀又上言乞許宗人執業爲士農得自贖免飢寒無煩朝廷歲祿下禮部議不許

荆王

荆王瞻桐母張順妃永樂四年生二十二年封宣德四年之因建昌乞南城縣司獄又乞近開田正統四年改新州景泰元年十二月上疏請朝上皇不許四年卒謚憲二子長祁鏞正統八年封世子景泰六年嗣天順五年卒謚靖靖王三子長見瀟天順中嗣弘治五年坐不法命太監蕭敬駙馬都尉蔡宸都御史戴珊召王至并其長子祐柄降庶人遷置武昌見瀟弟見溥成化二年封都梁王十三年卒謚悼惠其妃何氏賜自盡子祐欄弘治

七年以都梁王進封荆王十七年卒蓋和和王二子長厚烜弘治十六年封世子正德二年嗣嘉靖中病辭祿不允王二子長戴盛嘉靖九年封永定王永定王一子

淮王

淮王瞻墉母李賢妃永樂二十二年封宣德四年之國韶州開府府治正統元年遷饒州十一年卒謚靖子和銓正統十三年嗣卒謚康世子見濂早卒見濂弟清江王見濂以子治祭嗣贈淮端王祐祭弘治十八年嗣王嘉靖三年卒謚定無子弟鎮國將軍祐松嘉靖四年嗣王十六年卒謚莊子厚嘉靖八年封世子十七年嗣

滕王

滕王瞻埈母郭貴妃永樂二十二年十月封宣德改元卒年十七謚懷葬京師西山無子國除其長史姚友直事王王喜其恭謹 宣宗愛王爲隍友直雲南左叅議掌長史司事

梁王

梁王瞻垺母恭肅郭貴妃永樂二十二年封即鄆邸開府宣德四年之國承奉孔勤侮晉王 上曰

梁王朕親弟奴敢如是速勤王又爲解 上曰羣
奴惕王耳竟誅勤未幾上表不恭有可請治長史
上以王故特不問襄獻王自長沙徙襄陽過安陸
王出迎明日獻王入城相見歡甚又明日辭去王
泣曰嗟乎吾兄弟不得更復相見奈何正統元年
上言府卑濕乞更奠壇地 上曰郢中歲屢歉俟
有秋理之竟不果徙六年卒謚莊葬安陸妃紀氏
繼魏氏無子國除景泰二年魏妃卒妾張生女二
皆封郡主封張王夫人掌王宮事成化十六年亦
卒梁故盡得郢田宅園湖後皆賜襄王、廢宗封

安陸得梁郢邸田供二王祀事

衛王

衛王瑋堃未之國 仁宗簡舊宮臣司直金寔爲
王左長史宣德初凡郊社陵廟禮每命王攝事正
統三年卒謚恭妃楊氏謚貞烈無子國除

許王

許王見淳 英宗子母王惠妃王生時 英宗北
狩未還景泰廢太子封沂王也并封沂王弟見清
榮王見淳許王景泰三年十一月許王卒於京師
禮部請費用親王禮內批王幼殺其禮謚悼葬西

山

德王

德王見濬天順元年三月六日復東宮是日立德
秀崇吉四王歲祿各本色萬石德王初封德州改
濟南成化二年就國二十一年請業南旺湖以漕
渠故不許正德十三年卒謚莊子祐懿正德十六
年嗣嘉靖十九年卒謚懿子厚燉十二年封世子
卒謚懷順世子載塔十九年嗣贈厚燉德懷王景
泰元年五月丁未正使都督張軌副使太子太保
吏部尚書何文淵持節封裕陵第二子見清爲榮

王或曰卽德王也又有三皇子未封卒

秀王

秀王見澍母高淑妃景泰三年生王於南城成化
三年封國汝寧左長史劉誠獻王千秋日謄錄王
大喜之國時淹於途民以爲擾左長史爲言王輒
急行抵國宦豎言王居隘請移先師廟廣王居王
不聽一日兩長史講書西伯戲黎左長史主吳氏
說曰戮黎者武王也右長史趙鏡主孔氏說曰文
王寔戮黎兩長史辯大爭王徐曰先皇簡二先生
輔余經義卽未有定論何嫌往復乃爾動色兩長

TIFFEN Color Control Patches


ColorChecker 3000
Blue Cyan Green Yellow Red Magenta White Black

史皆頸首謝王卒益懷葬京師西山妃黃氏無子
國絕王有宮人陳氏召還京成化中特封爲夫人

崇王

崇王見澤天順元年封成化十年之國汝寧弘治
八年 孝肅太后思見王 上勅召王朝禮官倪
岳言二年間三王之國郡縣供需兵民皆困崇王
復來往返勞費何以堪兼水溢旱蝗舟車所經恐
有他虞親王來朝雖有故事然自洪熙宣德以來
已鮮舉行 英宗復辟襄王奉詔來朝雖篤敦叙
之恩實嫌疑讒之際宜勿召王便初 上不允岳

言已而中止十八年卒謚簡簡王四子長祐案弘
治中嗣正德六年謚靖靖王四子長厚耀正德九
年嗣嘉靖十六年卒謚恭長子載境八年封世子
十七年嗣乞修府下巡撫議費銀八萬七千兩工
部言親王修府例役護儀牧人不得輒勞民 上
不允十九年王請父恭王墓表禮部言韓府襄陵
莊穆王卒 憲宗嘗允其子範址請令詞臣撰銘
刻石崇王曾祖皆嘗賜墓表請如王奏 上若曰
宗室薨逝給墳誌此 祖宗典制安得有賜表事
襄陵王立石已非例崇兩王表墓皆先朝誤恩後



有王家乞請禮部宜考累朝體例議覆

忻王

忻王見治母宸妃天順二年生生九歲而封封七年未之國卒謚穆恭京師西山

吉王

吉王見浚國長沙陳友諒初據長沙友諒誅長沙稅畝特重民流移多光棄王因請得賜名鷄鴨食田十三萬畝徵租尤重嘉靖初令減十五嘉靖六年卒謚簡一子祐扶弘治四年封常山王正德四年進封吉世子五年卒謚悼莊二子長厚相正德

十四年封吉世孫嘉靖八年嗣王十年贈父吉悼王明年乞長沙府湘潭商稅邸租不許卒謚定二子長載均嘉靖十五年封光化王十九年嗣王

徽王

徽王見成化十七年之國釣州歲祿本色萬石妃黃氏與秀王妃兄弟也弘治二年乞陞州爲府吏部尚書王怒言肅藩荆岷皆封州釣不得獨陞府從之王卒謚莊子祐極正德三年以興化王進世子嗣嘉靖四年卒謚簡子厚燁嘉靖五年以安邑王進世子嗣厚燁父子繼請陞釣州爲府朝議

TIFFEN Color Control Patches

Blue Cyan Green Yellow Red Magenta White 3/Color Black

不許產婦中車駕南巡王廷送恭加祿歲三百石
侑金幣

懷獻太子

懷獻太子見濟 景帝長子母杭妃景泰二年四
月思明土酋黃玟者初以功授立溫衛指揮歷陞
廣西都指揮使守備潯州思明土知府瑄庶兄也
瑄老子鈞蒙知府玟欲殺鈞奪知府與其子矯軍
門令徵兵思明令其子糾諸心腹號得數千人去
府城三十里結寨夜馳破府城滅判家支解瑄父
子納覓中瘞後圖即引衆還寨明日報至佯不知

驚哭仆地走思明發喪尋瑄父子屍不得又慟哭
仆地揮淚遣人告玟急捕賊復此家門大警方玟
子殺瑄時瑄有僕福童見玟子并識其左右人脫
走憲司訴玟父子殺瑄父子狀郡中人亦皆知賊
本玟父子也左副總兵武毅疏聞于朝玟大懼謀
於侍郎江潮令遣千戶袁洪走京師上奏請廢太
子立見濟為太子疏曰 太祖百戰艱難取天下
期傳之萬世姓年 上皇輕身禦虜文武將吏十
喪八九駕陷虜庭寇至都門幾喪社稷不有皇上
臣民何歸今且踰二年皇儲未建臣惟人心易搖

多言難定爭奪一萌禍亂不息 皇上卽循選讓
之美復全天叙之倫恐事機叵測反覆靡常語曰
天與不取反受其咎近日仰觀天象土星逆行入
太微垣與諸災變皆可畏愕願早留意萬一羽翼
長養勢植轉移委愛于於他人寄空名於大寶階
除之下變爲寇讐肘腋之間自相殘虐此時悔之
晚矣乞與親信文武大臣密定大計以一中外之
心絕覬覦之望疏入 景帝大喜曰萬里外有此
忠臣亟下廷臣會議且令釋玆罪陞都督是月乙
酉禮部尚書胡濙侍郎薛琦鄒餘集文武羣臣廷

議衆相傾莫敢發遲疑久之司禮太監與安厲聲
曰此事不可已卽以爲不可者勿署名無得首鼠
持兩端羣臣皆唯唯署議於是浚等暨魏國公徐
承宗寧陽侯陳懋安遠侯柳溥武清侯石亨成安
侯郭晟定西侯蔣琬駙馬都尉薛桓襄城伯李瑾
武進伯朱瑛平鄉伯陳輔安鄉伯張亨都督孫鏗
張觀劉深張通郭瑛劉鑑張義錦衣衛指揮同知
畢旺曹敬指揮僉事林福尚書王直陳循高穀何
文淵金濂于謙俞士悅左都御史王文王翔楊善
侍郎江淵俞山項文曜劉中敷沈翼蕭鎡王一寧

李賢周瑄趙榮張敏通政使李錫通政崇暉王復
恭議馮貫卿蕭維禎許彬蔣守約齊整李賓少卿
張固習嘉言李宗周蔚能陳誠黃任備張羽齊政
寺丞李茂李希安柴望鄭鐸 詢王溢翰林學士
商輅六科都給事中李讚李侃李春蘇霖林聰張
文質十三道御史王震朱英涂謙丁奉亨強宏劉
瑤陸厚原傑嚴樞沈義楊瑄王翼左昂上言父有
天下必傳於子陛下膺天明命典邦家統緒之
傳宜歸聖子黃玠奏是制曰可朕上請 聖母上
聖皇太后太后言享老矣願宗社安天下得太平

人心既如此不可拂朕敬承慈命禮部具儀擇日
以聞即日簡置東宮官懋亨湊直四人太子太師
溥循毅謙四人太子太傅觀文淵濂南京禮部尚
書儀銘士悅工部尚書兼大理卿石璞都御史溢
文翔九人太子太保淵一寧滋三人太子少師山
太子少傅錫維禎兵部左侍郎俞綱都御史羅通
四人太子少保輅兵部左侍郎兼左春坊大學士
中敷太子賓客嘉言詹事文曜琦少詹事幹左庶
子侍讀彭時侍講劉儼左右春坊大學士周旋趙
恢左右庶子俞樸林文侍講徐理左右諭德修撰

李紹侍講劉定之司經局沈馬侍講楊鼎侃謙呂
原修撰柯潛左右中允李佩御史魏齡詹事丞編
修周洪謨劉俊檢討錢溥編修岳正左右贊善編
修周安李泰林聰典稽鄒循左右司直郎侍書陳
穀徐泌監丞鮑相縣丞高誠左右清紀郎檢討曾
暹傅宗五經博士陸藝典籍李繼左右司諫編修
王傑校書中書舍人劉鈺趙昂正字教諭劉潔錄
事序班楊欽王政周寧傳榮通事舍人凡東宮公
孤皆支二俸五月甲午立見濟爲皇太子廢汪皇
后立見濟母杭妃爲皇后詔曰天佑下民作之君

實遺安於四海又有天下傳之子斯本固於萬年
大赦天下先是一日陳儀仗奉天門有男子執赤
挺直入擊香亭奮呼曰先打東方甲乙木諸內使
急縛男子詔付錦衣獄瘦死乙未以東宮令大賞
文武官吏軍士丙申禮部言太子冲年百官朝朔
望丁未柳溥于謙文正副使持節更封太子爲沂
王癸丑以立太子故賞諸親王公主乙卯賞邊鎮
文武內外羣臣又加賞內閣陳循高穀學士江淵
王一寧蕭鏞商輅各黃金五十兩六月以后兄杭
聚爲錦衣正千戶四年二月乙未太子冠命胡濙

持節掌冠高毅贊冠蓋錫宣戒勅甲辰冠沂王及其弟榮王命陳備于謙持節掌冠何文淵儀銘贊冠商輅宣戒勅十一月以御史張鵬言簡東官師傳講讀官上命胡濙王直陳循高毅王文儀銘江淵蕭錫俞山俞綱商輅日更番侍班彭時日專講書李侃李齡錢鴻劉吉日專侍讀書王謙趙昂更日侍書越四日太子薨謚懷獻葬西山天順元年降稱懷獻世子

悼恭太子

悼恭太子祐極憲宗長子成化七年十一月己

酉立爲皇太子是年十二月上旬彗星見東方未幾皇太子卒葬西山

岐王

岐王祐封德安弘治中請迎母養不許詩諸王子者別居者得迎養其母母有子多亦從一手無子者移別宮者爲令王卒謚惠妃王氏葬西山園除

益王

益王祐楨封江西建昌母張德妃德妃生王及衛王汝王茂陵諸王皆歲祿本色萬石弘治中進馬



嘉靖十五年奸人班明誣昌國公通王有逆謀得
白十八年卒蓋四子長厚燁正德四年封世子
今嗣王弟崇仁王厚炫金溪王厚煌玉山王厚燦
凡三王嘉靖初廷臣請以崇仁王後 睿宗嗣興
王不許厚炫五子載增封長子次載琛載堦載堞
載壤厚煌一子載學載增一子未名

衡王

衡王祐樞成化二十三年封青州卒謚恭子厚燾
初封江華王嘉靖十年卒封世子十八年嗣王有
賢行

雍王


雍王祐封衡州弘治四年之國十一年邸震壞
正德二年卒謚靖妃吳氏葬西山國除 孝惠邵
太后三子 睿宗及岐雍二王也

壽王

壽王祐楛封保寧改常德嘉靖 年卒謚 無
子國除壽王有兄八皇子未封卒

汝王

汝王祐椿封衛輝弘治十四年之國正德十五年
王以婚故請預支食鹽十年年三百引 上曰王



以婚禮請宜別給長廬鹽二千引食鹽如故嘉靖十八年車駕南巡王迓於途甚恭上喜加祿歲五百石賜全幣

湮王

湮王祐樞母楊恭妃弘治四年封十五年之國沂州卒謚簡妃曹氏子厚烜嗣病辭祿不許未幾卒謚無子國除葬西山長史沈燠以王卒故改南京鴻臚少卿

榮王

榮王祐樞母潘端妃弘治四年封常德正德初留

京邸劉瑾惡王與吏部尚書張綏謀逐王就國王嘗爲諸子請得食鹽菜戶嘉靖四年請沅江酉港天心園坪淥池河泊稅八年盡取諸稅供王祿十八年卒謚莊六子長厚勳正德中封世子嘉靖十一年卒謚懷穆子載璫嘉靖十八年封世孫嗣贈其父榮懷王

申王

申王祐楷湮王同母弟也成化二十二年生生五年而封封十一年而冊妃項氏又明年而卒謚懿葬京西蘭山無子國除王邸建於四川叙州未之

同姓諸王傳 卷三
國嘉靖中弼郎僅得銀萬兩

蔚王

蔚王厚 孝宗第三子母 孝康皇后早夭盜悼

葬西山

岳王

岳王 睿宗長子母 慈孝皇太后弘治十三年

六月生五日而卒嘉靖初贈岳王謚懷慕在承天 睿宗子女五長岳王次長寧長公主生四歲卒次善化長公主十歲卒初皆封郡主嘉靖初贈長公主又次郭公主又次謝公主皆婚而卒駙馬

都尉郭景和謫居蘇州謝詔掌宗人府事三十九年四月賜岳王名厚庶

靖江王

靖江王守謙 太祖長兄南昌王之孫也南昌王從祀廟庭子文正少孤其母王氏守節撫文正依太祖太祖愛之比長涉傳記有才略從渡江克太平破陳也先取建康權樞密院同舍辛丑改院爲大都督府文正爲大都督節制中外諸軍事尋統元帥趙德勝等鎮守南昌號令明肅癸卯四月陳友諒圍南昌用雲梯攻具百道進擊文正主晝軍

TIFFEN Color Control Patches



中隨方應敵剪獲甚衆友諒獲吉安守將劉齊朱叔華臨江同知趙天祐狗城下文正不爲動至六月援兵不至文正遣千戶張子明告急建康敵攻城益急文正遣捨命王請友諒管許約降友諒緩攻及新城上旗幟一新至暮不出友諒縛捨命王城下殺之子明從水關潛出夜行查止半月始達建康 上問友諒兵若何對曰彼兵雖盛戰鬪死者亦不少今江水日涸賊巨艦將不利又師久乏糧若援兵至必可破 上謂子明汝歸語文正堅守一月吾當自取之子明還至湖口被執友諒使

呼文正出降子明陽許之至城下呼曰大軍旦夕至諸君宜固守以待友諒殺子明文正守益堅七月 上統舟師二十萬來援友諒始解圍逆賊鄱陽湖竟敗死禁江口甲辰文正遣部將何文輝等討平江西未附州縣吳元年春江西按察使李飲水言文正驕僭不遜有怨言 上詰責大懼謀叛降張士誠 上大驚曰噫此子不才至此非吾自行不可卽日登舟至南昌泊城下召文正文正倉卒出謁 上泣曰汝何爲輒起此意遂載與俱歸群臣劾請伏法 上曰吾兄惟此兒免文正官安

置桐城召其子鐵柱語之曰兒無恐爾父違訓教
忘艱難恣兇狡貽我憂我育汝汝長且封汝我終
不以汝父故廢汝未幾文正卒洪武三年封鐵柱
靖江王改名煒又改名守謙固於桂林桂林獨秀
山前有元順帝潛邸改爲王宮未幾以淫虐廢爲
庶人使田鳳陽闖七年復其王使居雲南賜璽書
戒諭比至雲南益貪暴召還安置鳳陽又憤恚不
法召至京撻而劍之二十五年卒子贊儀尚幼
上憐宗室諸王皆無後命爲世子留京師贊儀恭
慎好學能書洪武三十年春遣省督燕周楚齊蜀

湘代蕭遼慶谷秦諸王先自楚湘入蜀歷陝西出
河南上山西抵大同宣府北平東至大寧遼東轉
於山東擇文武忠厚之士以從以贊儀年幼欲其
知親親之義且令涉山川險易也永樂中遣之國
卒謚悼僖子佐敬嗣卒謚莊簡子相承嗣卒謚悼
順子規諱嗣卒謚昭和子約諱嗣卒諱子經
扶嗣卒諱安肅子邦瑩嘉靖六年嗣先是靖江府
食鹽歲給銀廣東至桂林市鹽至是乞支本色不
許又乞桂林府稅銀亦不許

皇明同姓諸王傳第三卷終

子履準校

TIFFEN Color Control Patches

ColorChecker by Munsell Color Services Lab

30 25 20 15 10 5 0 5 10 15 20 25 30 Density

Blue

Cyan

Green

Yellow

Red

Magenta

White

3-Color

Black



國立中央圖書館, 臺灣, 中華民國



202.0000 NATIONAL CENTRAL LIBRARY TAIWAN R.O.C





EX-22822 NATIONAL CENTRAL LIBRARY, TAIWAN, R.O.C.

1952.10.17




附異姓三王傳

揚王

海豐鄭曉

揚王陳公也建國之初 上念 淳皇后母家贈
后父陳公爲揚王母揚王夫人立祠太廟東歲遺
大臣祀洪武三年中都守臣上言伏惟 皇上肇
紀開天功德殿茂隆周恩於甥舅陋漢禮於靈文
眷惟陳氏本乏胤宗更迷玄窈軫心揮涕日夕靡
遑臣等旁詢父老徧歷村墟得陳公葬地在下縣
盱眙風氣包凝天地之藏如故樵蘇絡繹樊衛之



禁甚疎宜崇華表兼建 廟祠臣又聞諸人言公
本緝揚尺籍當宋詐將傾危蹕南遜師住海島將
頑君崩士卒死滿莫可數計公舟破中濤脫死登
岸招携齋殘匍匐沙嶼累石支筮調糜苟活已而
食盡自分天亡旁有死馬衆欲烹食曰我等餓且
死食死馬肉亦死死等食馬肉死死得爲飽鬼公
夢白衣人謂公勿食馬肉吾舟挈汝沈憶未信俄
夢如初是夜未央櫓聲入耳若寤若寐復有紫衣
人杖屨公騰曰舟且至奈何不起公驚立執鏡視身
在巖中食頃颺發舟如輪轉公屢詰巫呪叩齒揮

神須臾風濤靖恬檣柁寧捷舉背謝公共進酒食
比至通州復饋巨魚歸於故里厭棄弓矢假藉符
衛避地盱眙津里鎮久之始生二女季卽 淳皇
后也作配 仁祖誕育 聖躬公卒年九十有九
臣等無任嗟異伏惟宋元之交華綱塗地戎貫滔
天神胄飲鍾乾靈未殞 淳皇后之有父乃 皇
上之有母也豈偶然之故哉臣等昧死奏 上曰
朕固聞之立命中書省爲朕外王父揚王廟盱眙
墓次置灑掃戶三家設祠祭著有司歲仲春秋祀
召儒臣宋濂爲文神道碑

徐王

徐王馬公 高皇后父也洪武四年六月丙申

上坐皇宮門召禮部尚書陶凱諭曰 皇后德懋

榮辛功高任奴佐朕布衣永清寰海寔惟慶宗發

此靈胤惟后父馬翁世藉宿州鄉聯閔于少力耕

農邠勤魏儉長負督力虎視鷹揚疾惡如讐拊順

如狎墟中敬憚莫敢頽頽元未使氣殺人藏命定

遠已而江淮釋發閭井飢困避地轉徙蓄器俟時

謀諸室人鄭媼乃以愛女託諸好友郭子興子興

定遠豪俠首難稱雄衆推元帥收召民兵朕遣歸

鹿部積者勲庸子興願朕喜曰行且為汝擇配又
曰莫如吾女乃館朕甥盧祥成嘉禮又曰吾女馬
公季女也惟吾夫婦愛如已女音本嗣徵祥由天
定朕時敬諾周旋有年既登大寶遂正軒龍褒贈
翁為徐王媼徐王夫人物色嗣昆並遭闕天朕悲
悼益深情文未備立廟太廟之東歲時奉祀頌族
類有別典禮無稽始卽王塋闕地作廟奉安神靈
歲仲春秋俾有司祇祀事汝凱宗伯典司人鬼
其次第朕言刻石凱再拜頓首受命設宿州祠祭
署以王鄰家武氏世為奉祠守王墳灑掃尸九十

家

濠陽王

濠陽王郭子興其先曹州人父贊定遠生子興子興兄弟三人富有力量淮西元末妖人起子興悉散家財陰結俠客死士友人馬公有李文日者言此女當大貴馬公以屬子興子興妻張夫人極撫愛馬公女壬辰汝穎亂子興召諸所結賓客子弟逐官吏與孫德崖等稱元帥據濠梁時上欲起兵往依子興仗劍走濠梁濠梁人欲殺上子興一見驚曰非常人也留麾下時時召與語益大異

上居數月謂上曰吾為若婚小張夫人亦曰此異人也勿使為他人用遂以馬公女妻上孝慈皇后是也子興勇悍善戰一時四帥孫德崖輩皆坐子興上子興剛直不肯下四帥四帥臨事木強不能出一語子興為決通敵中節四帥固忌子興子興又出非語數侵四帥者會客兵彭早住趙君用駐濠稱王四帥挾二王縛子興下獄欲殺子興上方練兵於外聞變馳入子興家集諸健銳欲且篡子興不濟即殺四帥去子興以故得釋歸故里稍收散卒得三千人二王又挾子興屯泗州

時 上在滁陽獨堅守不從子興去輒賂二王左
右子興又得歸滁陽 上初移兵和陽有譏 上
於子興者子興忽至和陽奪 上兵子興遂卒子
興子四人長二子思 上英武得衆心兵勢日盛
爲毒酒召 上家人渡語 上上見二子果來召
大音並馬行去至半途 上忽躍起跪馬上仰天
若聽語言已又頓首伏馬上頌之勒馬罵二子豎
奴乃欲殺我耶二子曰安有是 上曰適天神云
云二子駭汗洽背下馬伏地曰安敢有是 上竟
馳馬歸自是不復至子興所遂積嫌隙二子者竟

不知所終或曰大舍二舍三舍皆戰歿或曰沉諸
和州江中李子老舍洪武元年贈子興滁陽王建
廟祠以王鄰家宥氏世爲奉祠守王墳已而復老
舍家洪武十六年十一月 太祖面諭太常丞張
來儀爲子興廟碑碑言王無後二十八年 太祖
令旗手衛官李忠召老舍於黑窩殿入四川候蜀
王蜀王母子與女所謂郭惠妃也老舍生謙謙生
昇昇生信信生琥世以王孫朝京師琥乞恩弘治
十五年得爲奉祀琥請乞不休正德中奪官
論曰國制異姓不得王三王者皆贈王也又無後

卽有之文獻不相佐不得沾斗食

附孔氏世家

海鹽鄭曉

孔克堅字環夫先師五十五世孫也性敏學博善詩詞尤精樂府至正元年襲封衍聖公至正八年賜銀章攝太常卿治書侍御史山東廉訪使集賢直學士禮部尚書西臺侍御史國子祭酒世亂不樂居朝謝病歸復起力辭二十六年太祖手詔趣入朝待以賓禮不名不煩以政郊社致齋歲致祿洪武元年上召見面諭守先訓又曰爾有福快活人也洪武三年以疾告遣中使日再存問疾



孫興公傳
篤詔乘傳還賜白金雜緣行至邳新安舜卒子九
人皆有行誼長希學字士行至正五年襲封衍聖
公洪武元年朝京師 上問歷代治理條對甚悉
上喜賜雜緣卽命還守祖庭是年十二月授資善
大夫襲封衍聖公賜屬官管勾典藉司樂各一人
希學歲入朝賜與桐壺元旦之朝特命班亞上相
祖庭兵後廊廡圯壞祭田荒蕪官賦煩迫希學條
請復故又請備禮器樂器樂舞儀式希學子訥字
言伯篤學恭謹能詩書工篆法律身嚴恪始終不
渝洪武十六年外艱以 中官崩赴京祭于 孝

陵竣事入見 上顧謂廷臣曰孔訥真聖人子孫
也館于太學遣尚書劉仲質勞問日繼廡廡復賜
衣服鈔錠充初館舍十七年正月朝京師襲封衍
聖公命禮官以大樂導至太學明日入謝復賜裘
衣宴禮部吏部擬誥用資善大夫階 上曰旣爵
公勿事散官但誥以織文玉軸爲異耳遂著爲令
每歲入覲得給符乘傳班序文臣首子公鑑字昭
文生而岐嶷長益端謹建文二年二十一襲封
衍聖公嗜學尤篤四年卒 成祖卽位遣使諭
祭于彥縉字朝紳名字皆 仁宗所命蚤孤母胡

夫人教育之永樂八年襲封衍聖公 上觀其言
動進退從容喜謂侍臣曰真聖人裔也館之太學
賜讀祖書不懈洪熙元年賜第東安門北景泰二
年 上幸太學特召率三氏子孫觀禮賜冠帶錦
衣越三年朝會賜三臺銀印玉帶麒麟服子承慶
年六歲遭母夏夫人喪奉父及繼母盡孝既長從
三氏學錄族祖孔克宴學所著有禮庭吟藁行于
世未幾爵而卒景泰六年贈襲封衍聖公子二人
弘緒弘奉弘緒字以敬早失怙年八歲 景泰召
見賜冠服於東角門景泰六年襲封衍聖公賜玉

帶以軀小去二筓校之俾藏焉又賜金誥禮崇德
圖書勸族人共保護之 英宗復辟入朝召見便
殿 上握其手置膝上與語久之以賜第湫隘改
賜大宅弘緒嘗奏給三氏教授印開生員歲貢格
獨孔氏田租十七成化六年坐事削爵廷議世嫡
相傳古今通義請如宋若蒙若虛故事命其弟弘
泰襲封後仍歸其子弘治十一年巡按御史上言
弘緒改過乞復爵 上與冠服家居弘泰字以和
成化六年襲封衍聖公弘泰美風儀善論議每評
騭人曲直料事當成敗多奇中 憲宗見弘泰東

玉帶遣人問曰二品焉得玉帶東平對曰臣家門
故事累朝恩數不敢廢也十三年加廟祭禮樂率
族人奉表入謝弘泰嗣公三十有四年而卒弘緒
子聞詔字知德弘治十六年襲封衍聖公未幾而
其父弘緒卒孔氏又有世曲阜知縣三氏學錄洪
武八年始以克伸爲曲阜知縣宣德七年始以克
晏爲三氏學錄克伸克晏皆五十五世孫也又有
諤字貞伯者永樂中舉人歷官左中允遷大理左
評事又爲監察御史陞河南按察僉事有學行公
恂字宗文穎敏絕人能詩善書天順丁丑進士給

事中禮科癸未陞少詹事 茂陵初以訊獄知法
比陞大理左少卿尋復少詹事兼左諭德成化二
年言事出爲漢陽知府適外艱六年復少詹事出
南京卒公恂孝友善事繼母動遵禮度

附孔氏世家

子履華校

孫心材重校



皇明異姓諸侯傳序

我

朝初起淮甸旋定江東收拓疆宇統一華夏滅
漢之功爲最取幽燕次之次汴洛秦晉齊魯
次吳次閩越次蜀又次滇南當是時功臣封
者食租衣稅雖不得分土臨民而鐵券實綸
天盟廟授追崇之禮過于商周世宥之恩寬
于漢魏矣

高皇帝撫運開天刑用重典藍胡詔雪誅鋤萬數
相國慘於繁蕭督府嚴於誅越豈非功高過



大疑積蠶深人主卽欲包荒法吏致其深數
寵祿沒剝宗姓賊夷勢運然也况革除之後
輝祖以守義釋囚景隆以負國淹繫江陰失
律遼西長興喪師真定越爲安陸之流乍承
收復終歸氓隸故其存者魏西平武定三家耳
成祖靖難以九門壩上白溝滄州棊城夾河靈壁
七戰論功已而北驅殘虜南縛交會西靖羌
番東捕倭韓舊恩新績降胡厮養在在登封
洪熙宣德文教漸張九伯皆特較欵塞合騎
從征頗稱不借正統景泰天順間亂戎猾復

奸黨貪天已巳丁丑割符益泉朱幾誅奪存
亦無幾成化時國家治平屯細柳出居胥雖
師律尚嚴而檢覈多濫以故傳世者鮮弘治
熙慶慎名典器封者無聞焉正德間汨廢典
章黷濫極矣

今皇帝洗滌乾坤光復

祖憲

登極之詔首錄擒反者宸濠功已而秉忠宗禮
顧瞻丞佑悼念元勳典誠繼絕五姓績封於
斯善述若乃外戚恩澤封者洪武永樂末之

前開增壽雖

文后介第願靖難密謀殞命

廷闕

長陵悼念子封定國至

獻陵卽位杲始以

昭后恩封

裕陵又封杲弟丹自是進紀褒申更相援引

今皇帝若曰營丘以鷹揚裂土建成以馬馱受盟

后家封爵

皇祖未有典制規定封公雖緣戚里實開國靖難

佐命功臣彭城惠安軍功居半可世如故他
皆宜革徒以

先朝恩命錄之且終其身自是慶陽太和皆罷

封稍稍陳乞或得都督都指揮指揮云今攷

累朝封者公十八人侯八十三人伯八十八人

王一人外戚公一人侯五人伯十一人凡二

百七人乃今世及者纔四十四人其以文臣

封者公一人伯八人不得嗣者乃七人畧考

其狀世次爲異姓諸侯傳令後世得覽云道

德勲庸最著者錄諸名臣記

TIFFEN Color Control Patches

Black 3/Color White 3/Color Red Yellow Green Cyan Blue

嘉靖甲子三月三日鄭曉識

皇朝異姓諸侯表

吾學編第十七

姓名 功 封邑爵 祿 進封 世 續封

徐達 開國信國公 伍千石 魏 世

李善長 開國宣國公 四千石 韓 除

常遇春 開國鄂國公 除 懷遠侯

李文忠 開國曹國公 叁千石 除 臨淮侯

馮勝 開國宋國公 叁千石 除

鄧愈 開國衛國公 叁千石 申 除 定遠侯

常茂 文通 鄭國公 除

湯和 開國中山侯 千伍百石 信國公 除 靈壁侯



唐勝宗開國延安侯

千五百石

除

陸仲亨開國吉安侯

千五百石

除

周德興開國江夏侯

千五百石

除

華雲龍開國淮安侯

千五百石

除

顧時

開國濟寧侯

千五百石

除

耿炳文開國長興侯

千五百石

除

陳德開國臨江侯

千五百石

除

郭子興開國章昌侯

千五百石

除

王志開國六安侯

玖百石

除

鄭遇春開國榮陽侯

玖百石

除

費聚

開國平涼侯

千五百石

除

吳良

開國江陰侯

千五百石

除

吳禎

開國靖海侯

千五百石

除

趙庸

開國南雄侯

千五百石

除

廖永忠

開國德慶侯

千五百石

除

俞通源

開國南安侯

千五百石

除

華高

開國廣德侯

陸百石

無子除

楊璟

開國營陽侯

千五百石

除

康鐸

開國新春侯

千五百石

除

朱亮祖開國永嘉侯

千五百石

除

TIFFEN Color Control Patches



傅友德開國潁川侯 千伍百石 趙國公除

胡美開國豫章侯 千伍百石 臨川侯除

韓政開國東平侯 千伍百石 除

黃彬開國宜春侯 玖百石 除

曹良臣開國宣寧侯 玖百石 除

梅思祖開國汝南侯 玖百石 除

陸聚開國河南侯 玖百石 除

汪廣洋開國忠勤伯 叁千伍百石 除

劉基開國誠意伯 貳百伍拾石 除 續封

薛顯開國永誠侯 千伍百石 除

沐英征西西平侯 貳千伍拾石 世

仇成征西安慶侯 貳千伍拾石 除

藍玉征西永昌侯 貳千伍拾石 除

謝成征西永平侯 貳千石 除

張龍征西鳳翔侯 貳千伍拾石 除

吳復征西安陸侯 貳千伍拾石 除

金朝典征西宣德侯 貳千伍拾石 除

曹興征西懷遠侯 貳千石 除

葉昇征西靖寧侯 貳千石 除

曹震征西景川侯 貳千石 除



| | | | |
|-----|-------|------|---|
| 張溫 | 征西會寧侯 | 貳千石 | 除 |
| 周武 | 征西雄武侯 | 貳千石 | 除 |
| 王弼 | 征西定遠侯 | 貳千石 | 除 |
| 陳桓 | 平南晉定侯 | 貳千石 | 除 |
| 胡海 | 平南東川侯 | 貳千石 | 除 |
| 郭英 | 平南武定侯 | 貳千石 | 除 |
| 張翼 | 平南鶴慶侯 | 貳千石 | 除 |
| 李新 | 平南崇山侯 | 千五百石 | 除 |
| 汪興祖 | 開國東勝侯 | 千五百石 | 除 |
| 張赫 | 海運航海侯 | 貳千石 | 除 |

二百五十九

| | | | |
|-----|-------|------|---|
| 孫惔 | 征胡金寧侯 | 貳千石 | 除 |
| 漢瑱 | 父英西涼侯 | 貳千石 | 除 |
| 桑敬 | 徵先伯 | 千五百石 | 除 |
| 俞通淵 | 征南越雋侯 | 貳千石 | 除 |
| 張銓 | 征蠻永寧侯 | 千五百石 | 除 |
| 胡顯 | 征蠻梁國公 | | 除 |
| 何真 | 歸降東莞伯 | 千五百石 | 除 |
| 陳理 | 降王歸德侯 | | 除 |
| 陳普才 | 友諒承恩侯 | | 除 |

二百六十



陳友富

友富 歸仁伯

除

陳友直

友直 懷恩伯

除

明昇

降王歸義侯

德壽侯

賈訥

訥 崇禮侯

歸北

納哈出降胡海西侯

察罕

納哈出 濟海侯

除

常丹

常丹 開國公

除

盛庸

戰勝歷城侯

千石

除

李堅

戰勝濼城侯

千石

除

右洪武年封

丘福

靖難淇國公

貳千伍百石

除

朱能

靖難成國公

參千伍百石

世

張武

靖難成陽侯

千伍百石

無上除

陳珪

靖難太寧侯

千貳百石

世

鄭亨

靖難武安侯

千伍百石

世

孟善

靖難保定侯

千貳百石

除

火真

靖難同安侯

千伍百石

除

顧成

靖難鎮遠侯

千伍百石

世

王忠

靖難靖安侯

千石

除

右建文年封

TIFFEN Color Control Patches



徐忠 靖難永康侯 千壹百石

張信 靖難隆平侯 千石

李遠 靖難安平侯 千石

郭亮 靖難成安侯 千貳百石

房寬 靖難思恩侯 捌百石

王寧 推戴永春伯 千石 除 舊勳

徐祥 靖難興安伯 千石 世

徐理 靖難武康伯 千石 無除

李濟 靖難襄城伯 千石 流侯世伯

張輔 靖難信安伯 叁千石 新勳侯 英國公 世

唐雲 靖難新昌伯 千石 舊勳

譚忠 父淵新寧伯 千石 世

孫岩 靖難應城伯 千石 世

房勝 靖難富昌伯 千石 世 舊勳

陳旭 靖難雲陽伯 千石 無除

劉才 靖難廣恩伯 玖百石 舊勳

茹瑺 推戴忠誠伯 千石 流

王佐 推戴順昌伯 千石

陳瑄 推戴平江伯 千石 流侯世伯

袁容 靖難廣平侯 千伍百石 舊勳



李讓 靖難富陽侯 千石 世 世指揮

李彬 靖難豐城侯 千石 世

陳懋 靖難寧陽伯 千石 侯 世

王通 父其武義伯 千貳百石 成山侯 世 伯

王友 靖難清遠伯 千伍百石 除

陳賢 靖難榮昌伯 千石 除

張興 靖難安鄉伯 千石 世

陳志 靖難遼安伯 千石 世

徐景昌 文增 定國公 貳千伍百石 世

王聰 靖難武城侯 千伍百石 無子 除

趙昇 靖難忻城伯 千石 世

宋晟 征西西寧侯 千壹百石 世

沐晟 征西益黔國公 叁千石 世

柳升 征西安遠伯 千伍百石 侯 世

郭義 戰勝安陽侯 千壹百石 世 世指揮

何福 征胡寧遠侯 千石 除

薛祿 征胡陽武侯 千壹百石 世

劉榮 捕倭廣寧伯 千貳百石 侯 世 伯

朱榮 征胡武進伯 千貳百石 世

高士文 戰歿建平伯 千叁百石 世

TIFFEN Color Control Patches

Black 3-Color White Magenta Red Yellow Green Cyan Blue

吳文公傳

七

市

金玉

征胡惠安伯

捌百石

世楷獲使

薛斌

征胡承順伯

玖百石

世楷獲使

薛貴

征胡安順伯

玖百石

世楷獲使

吳允誠

征胡恭順伯

千貳百石侯

世

金忠

降胡忠勇王

千石

世

右永樂年封

梁銘

靖難保定伯

千石

世

蔣廷珪

保昌伯

千石

世

吳成

征胡清平伯

千壹百石

世

吳管者征胡廣義伯

千石

世

李賢

征胡忠勤伯

千壹百石

世

右洪熙年封

賈獻

征胡崇信伯

千壹百石

世

李玉

征胡新建伯

捌百石

除

滕定

征胡奉化伯

捌百石

世楷獲使

李英

征胡會寧伯

捌百石

世楷獲使

金順

征胡順義伯

捌百石

世楷獲使

蔣貴

征胡定西伯

千伍百石

右宣德年封

趙安

征胡會川伯

千石

世

世楷獲使

世楷獲使



| | | | | | | | |
|-------|-------|-------|-------|-------|-------|-------|-------|
| 石亨 | 楊洪 | 王驥 | 馬亮 | 陳懷 | 譚廣 | 沈清 | 任禮 |
| 禦胡武清伯 | 禦胡昌平伯 | 征蠻靖遠伯 | 征胡招遠伯 | 征胡平鄉伯 | 征胡永寧伯 | 營建修武伯 | 征胡寧遠伯 |
| 叁千石 | 千石 | 千叁百石 | 千壹百石 | 千壹百石 | 千石 | 千壹百石 | 千貳百石 |
| 除 | 侯 | 世 | 世 | 世 | 世 | 世 | 除 |
| | 右正統年封 | | | | | | |

| | | | | | | | |
|-------|-------|-------|-------|-------|-------|-------|-------|
| 張軌 | 楊善 | 徐有貞 | 毛勝 | 方瑛 | 朱謙 | 郭登 | 石彪 |
| 奪門太平侯 | 奪門興濟伯 | 奪門武功伯 | 征蠻南寧伯 | 征蠻南和伯 | 禦胡撫寧伯 | 禦胡定襄伯 | 禦胡定遠伯 |
| 貳千石 | 千貳百石 | 千壹百石 | 千石 | 千石 | 千貳百石 | 千壹百石 | 千石 |
| 世指揮 | 世指揮 | 除 | 世 | 流侯世伯 | 世侯 | 世 | 除 |
| | | 右景泰年封 | | | | | |



| | | | |
|----|-------|-------|------|
| 孫鏗 | 奪門懷寧伯 | 千卷百石侯 | 世 |
| 衛執 | 奪門宣城伯 | 千卷百石 | 世 |
| 曹欽 | 奪門昭武伯 | 千貳百石 | 除 |
| 楊信 | 禦胡彰武伯 | 千石 | 世 |
| 楊能 | 禦胡武強伯 | 千石 | 世 |
| 陳友 | 征蠻武平伯 | 千石 | 流侯世伯 |
| 曹義 | 禦胡豐潤伯 | 千貳百石 | 世 |
| 施聚 | 禦胡懷柔伯 | 千壹百石 | 世 |
| 焦禮 | 禦胡東寧伯 | 千貳百石 | 世 |
| 董興 | 禦胡海寧伯 | | 除 |

李文 禦胡高陽伯 除

右天順年封

| | | | |
|-----|-------|------|---|
| 劉聚 | 禦胡寧晉伯 | 千石 | 世 |
| 毛忠 | 征番伏羌伯 | 千石 | 世 |
| 趙輔 | 征蠻武靖伯 | 千貳百石 | 世 |
| 趙勝 | 營建昌寧伯 | 千石 | 世 |
| 王越 | 征胡威寧伯 | 千陸百石 | 除 |
| 李震 | 討賊興寧伯 | 千石 | 除 |
| 羅秉忠 | 征蠻順義伯 | 千石 | 除 |
| 和勇 | 征蠻靖安伯 | 千壹百石 | 世 |



皇明異姓諸侯表

陶仲文

恭誠伯

千石

王守仁

千石

右正德年封

許太

義兒永定伯

除

江彬

義兒平虜伯

千石

罪除

谷大亮

永清伯

千石

除

魏英

鎮安伯

千石

除

陸永

鎮平伯

千石

除

馬山

平涼伯

千石

除

谷大寬

高平伯

千石

除

武德

義兒永壽伯

千石

除

張容

安定伯

千石

除

張富

泰安伯

千石

除

神英

禦胡溼陽伯

樹百石

除

仇敏

捕反威寧伯

千石

除

張容

泰安伯

千石

除

右成化年封



皇明恩澤侯表

家名 封邑爵 祿 進封世 續封

孝 昭后 昶 彭城伯 千伍百石 世

孝 昇 惠安伯 千壹百石 世

孝 忠 會昌伯 千貳百石 侯 除

孝 安 安平伯 千石 除


孝 承宗 安昌伯 千石 除

孝 壽 慶雲伯 千石 侯 除

孝 或 長寧伯 千石 除

孝 源 瑞安伯 千石 侯 除

純后 孝貞 源 瑞安伯 千石 侯 除



皇明異姓諸侯傳上卷目錄

| | | | |
|-----|-----|-----|-----|
| 郭英 | 馮勝 | 藍玉 | 汪廣洋 |
| 桑敬 | 廖永忠 | 俞通源 | 俞通淵 |
| 吳良 | 吳復 | 康茂才 | 耿炳文 |
| 唐勝宗 | 陸仲亨 | 周德興 | 華雲龍 |
| 顧時 | 陳德 | 郭子興 | 王志 |
| 鄭遇春 | 費聚 | 吳禎 | 趙庸 |
| 華高 | 朱亮祖 | 胡美 | 韓政 |
| 黃彬 | 曹良臣 | 梅思祖 | 陸聚 |
| 葉昇 | 張溫 | 王弼 | 曹震 |

| | | | |
|----|------|------|---|
| 清 | 崇善伯 | 千石 | 除 |
| 濟 | 安仁伯 | 千石 | 除 |
| 喜 | 昌化伯 | 千石 | 除 |
| 壽 | 壽寧伯 | 千五百石 | 除 |
| 延齡 | 建昌伯 | 千陸百石 | 除 |
| 輪 | 玉田伯 | 千石 | 除 |
| 儒 | 慶陽伯 | 千石 | 除 |
| 萬言 | 太和伯 | 千石 | 除 |
| 銳 | 安平伯 | 千石 | 除 |
| 鄧 | 襄京山侯 | 千五百石 | 除 |



皇明異姓諸侯傳上卷目錄

| | | | |
|-----|-----|-----|-----|
| 郭英 | 馮勝 | 藍玉 | 汪廣洋 |
| 桑敬 | 廖永忠 | 俞通源 | 俞通淵 |
| 吳良 | 吳復 | 康茂才 | 耿炳文 |
| 唐勝宗 | 陸仲亨 | 周德興 | 華雲龍 |
| 顧時 | 陳德 | 郭子興 | 王志 |
| 鄭遇春 | 費聚 | 吳禎 | 趙庸 |
| 華高 | 朱亮祖 | 胡美 | 韓政 |
| 黃彬 | 曹良臣 | 梅思祖 | 陸聚 |
| 葉昇 | 張溫 | 王弼 | 曹震 |

| | | | | |
|-------------------|---|------|------|---|
| <small>孝忠</small> | 清 | 崇善伯 | 千石 | 除 |
| <small>太后</small> | 濟 | 安仁伯 | 千石 | 除 |
| <small>孝康</small> | 喜 | 昌化伯 | 千石 | 除 |
| <small>敬后</small> | 壽 | 壽寧伯 | 千伍百石 | 除 |
| <small>趙孝</small> | 延 | 齡建昌伯 | 千陸百石 | 除 |
| <small>敬后</small> | 輪 | 玉田伯 | 千石 | 除 |
| <small>孝節</small> | 儒 | 慶陽伯 | 千石 | 除 |
| <small>孝潔</small> | 萬 | 言太和伯 | 千石 | 除 |
| <small>孝烈</small> | 銳 | 安平伯 | 千石 | 除 |
| <small>孝康</small> | 鄧 | 襄京山侯 | 千伍百石 | 除 |



曹興 周武 金朝興 薛顯

胡海 張翼 仇成 楊璟

汪典祖 張龍 陳桓 張赫

朱壽 張銓 孫恪 濮瑛

李新 謝成 胡顯 何真

陳理 買的里入刺 納哈出

盛庸 李堅

皇明異姓諸侯傳上卷

皇明異姓諸侯傳上卷 吾學編第十八

海鹽鄭曉

吳元年平吳封李善長宣國公徐達信國公常遇春鄧國公洪武三年冬大封功臣 上御奉天殿皇太子諸王侍左右丞相善長達率文武百官立丹陛下 上諭諸將曰汝等其聽朕今日定封行賞非出已私皆倣古先聖王之典壽之二年以征討未暇故至今日思昔創業之初天下擾亂羣雄並起當時有心於建功立業者往往無法以馭下故皆無成朕本無意天下今日成此大業定天地



神明之眷祐有非人力所致然自起兵以來諸將
從朕披堅執銳以征討四方戰勝攻取其功何可
忘今天下既定用報以爵賞其新附將帥有功者
亦如之凡今爵賞次第皆朕自定至公無私如御
史大夫湯和與朕同里閉結髮相從屢建功勞然
嗜酒妄殺不由法度趙庸從李文忠取應昌其功
不細而乃私其奴婢廢國法廖永忠戰鄱陽時奮
勇忘身與敵舟相拒朕見之可謂奇男子然而使
所善儒士窺朕意向以邀封爵僉都督郭子興不
奉主將之命不守紀律雖有勞未足掩適此四人

止封爲僕平章文忠總兵應昌遂前元太子達迺
沙漠獲其皇孫妃嬪重寶悉歸朝廷此功最大御
史大夫鄧愈自劾相從屢更任使雖經摧挫口無
怨言此二人者宜列公爵左丞相善長雖無汗馬
之勞然事朕最久供給軍食未嘗缺乏右丞相達
與朕同鄉里朕起兵時卽從征討四方摧強撫順
勞勩居多此二人者已列公爵宜進封大國以示
嘉褒餘悉據功定封書云德懋懋官功懋懋賞今
日所定如爵不稱德賞不酬勞卿等宜廷論無後
言諸將咸頌首悅服遂班爵行賞封公六人侯二

十八人是年又封伯二人侯一人四年又封侯一人十年進封公一人侯一人十二年又封侯十二人十九年論雲南功進封公一人侯四人十七年定功臣次第與前稍異功高望重連歲總兵者八人魏曹宋衛信國五公長興江陰西平三侯專簿書而聽指使者韓固公一人以義氣而封者三人營陽六安平涼三侯所在隨軍征討累有戰將之功未有總兵之名而論舊封者江夏肇昌南雄安慶崇山南安永平鳳翔靖海東勝普定航海舳艫德慶臨江濟寧延安吉安淮安侯十九人建功者

賴京國公二人靖寧會寧定遠武定景川懷遠雄武安陸宣德永城東川鶴慶永嘉侯十三人因父功而封者開國公一人斬春金寧西涼侯三人持兵負固於兩間可親望而不親望來歸者東平宣寧崇陽河南汝南宜春豫章侯七人二十三年五月肅清逆黨命刑部尚書楊靖條示天下 上口詔幾四千字是年賜功臣家屯戍百戶印及錢冊功臣人與奴軍百二十人功臣卒罷屯戍入衛建文四年九月 文皇封賞功臣公二人侯伯各十三人加祿一人贈公二人侯二人已而又封侯三



人伯六人徐增壽先贈武陽侯永樂二年贈定國
公異姓諸侯如中山開平岐陽寧河東臨黔寧東
平定興定遠八王李太師劉文成傅頴公陳平江
鄭武安薛陽武宋西寧劉廣寧郭定襄楊昌平王
靖遠王威寧王新建立功傳世在名臣記中

郭英

郭英涿人癸巳年十八從 上起義兵宿帳中從
取滁和渡江克采石太平破陳兆先定金陵下鎮
江廣德寧國江陰征無錫傷脇破常蕪傷足攻安
慶傷臂攻高郵弩傷膝克帶刀舍人援安豐敗吳

六 上征漢大戰都陽湖英盡力疾乘海船塵
飛敗漢人禁江口征武昌戰保安門又傷手足漢
陳僉同者驍將善禦馳入中軍 上方坐胡床呼
曰郭四爲吾殺賊英持鎗躍馬奮臂一呼賊應手
斃 上解赤戰袍衣之曰唐尉遲敬德不汝過也
攻岳州敗潑張援兵擒屠鎮撫充管軍頭目還克
廬江襄陽陞千戶克淮安安豐陞驍騎指揮僉事
從大將軍北定中原還兵渡河北取彰德廣平至
直沽遂破通州克永平轉戰管冀關隴陞指揮副
使攻破王保保營至察罕孛兒歷陞河南都指揮

赴鎮 上寧妃英女弟也遭餓之第英素清儉賜白金二十畧廐馬二十匹移鎮北平召進督府僉事從征雲南功多洪武十九年封武定侯食祿二千五百石與世券克靖海將軍鎮遼東討納哈出進征虜右副將軍仍鎮遼東討虜至捕魚兒海手斬營子太尉獲金寶珍玩圖書馬四萬獲征遼北斬獲功多賜資遣歸鄉召還京統禁兵東征朵顏西討川陝叛寇御史裴承祖劾英養家奴百五十人概殺人 上不問建文時從炳文景隆用兵靖難後罷歸第永樂元年卒贈管國公謚武襄子男

十二人集駙馬都尉尚永嘉公主女二遼鄂二王妃長孫女 仁宗貴妃珉以貴妃弟故得嗣侯宜德中珉署宗人府事奪河間民田廬又奪天津屯田千九十畝罪其奴宥珉十年永嘉公主乞子珍嗣侯 英宗念珍本英嫡孫與錦衣衛指揮僉事已而瑄子聰與珍爭嗣侯並勒停亦與聰錦衣指揮僉事天順元年詔恩嗣侯諸大臣言英適長曾孫昌宜嗣昌者珍長子也聰又與昌爭 上許昌嗣五年昌卒子良優給成化四年聰又言良非昌子停良嗣與指揮僉事錦衣已而良屢乞嗣并奪



指揮開住弘治二年良又乞嗣下刑部獄三年復
良指揮僉事已而郭宗人共乞擇英諸孫一人嗣
侯下廷議皆言良本英適玄孫 上許良嗣正德
二年卒子勛嗣爲團營總兵加保傅嘉靖八年作
威福自恣楊一清惡之會御史趙鏗論劾奪團營
總兵保傅寄祿中府以張孚敬薦九年復保傅總
兵提督郊廟工十六年勛乞進英太廟值享禮官
言官及戶部侍郎唐胥皆言英不當值享胥言尤
明悉勛請益力英竟得值享十八年扈駕巡承天
進封翊國公勛慙直好指斥人貴溪惡之二十年

馮勝


都給事中高時勅勛下部獄移刑部獄諸大臣會
鞫論當死留中勛死於獄已而貴溪死西市時論
死繫臺獄久之勛子守乾嗣侯

馮勝初名國勝又名宗異後更名勝兄國用自有
傳勝兄弟相與講讀兵書夜分不寢智略日充射
百步外輒中甲午同謁 太祖於妙山從克滁和
乙未渡江取太平擒也先 上釋也先勝兄弟察
也先有異志曲防之竟不能爲害丙申敗蠻子海
牙舟師克壘城還軍擊鎮江丹徒寧國摧萬戶丁



西克其露松山望亭戊戌取泰興宜興授元帥守禦會國用卒子幼庚子勝嗣官掌親軍友諒陷太平寇龍灣擊友諒石灰山破其中堅追至采石大戰復太平辛丑攻高郵從上征友諒擣安慶長驅至江州陞都議癸卯士誠圍安豐號二十萬劉福通請援敵殺福通圍益急勝從上奮擊敗陞同知樞密院調擊廬州甲辰平漢克廬州走左君弼乙巳取江西同達遇春取淮東丙午下安豐薄浙西克舊館執呂珍徇湖州城李伯昇降進圍蘇州丁未召還治軍府事叅知政事張昶陰事覺

勝勦詠裊以平吳功陞右都督是冬領偏師北伐下山東洪武元年兼太子右詹事引兵遡河取汴洛趨潼關破守將張德欽穆薛飛等奪關遂取華州還汴謁上授右副將軍留守調征山西克懷慶兵至太行山破子關進取澤州賀宗哲遁克潞太原克平陽授征西將軍克河中陝西鳳翔李思齊西奔臨洮取隴州鞏昌進征臨洮思齊降從大將軍圍慶陽擊敗張良臣復與大將軍謀移軍扼原州絕良臣聲援遂克慶陽承制統兵鎮守下河州不俟命輒還京上詰責勝宥之三年爲右副



將軍帥師自潼關出西安王保保等俱北竄自秦州南出一百八渡至略陽擒元平章蔡琳遂入河州遣金典旺張龍由鳳翔入連雲校合兵攻克興元又西平土番授開國輔運推誠宣力武臣封宋國公叅軍國事食祿三千石賜世券四年鎮陝西五年爲征西將軍與副將軍傅友德陳德等北征敗虜別力篤山分兵取其州破元將失剌罕兵拔肅州至亦集乃六年練兵臨清北平大同八年自大同征散不剌還鎮陝西九年練兵西征十年鎮河南召至京十一年還鎮十二年重建周王宮殿

大將軍征乃兒不花歷爲征虜將軍節制河南勅勝曰今天象有警占在大梁乃爾封地就語都指揮馬兒宜慎防刺客未逾月又勅勝曰天象屢見不可不警秦晉二王還京宜選精銳嚴宿衛二王至宋國公迎都指揮守城即都指揮迎宋國公守官兵三之一迎餘悉城守慎毋忽十八年召授征虜大將軍北征練兵絳橋兩月而還是時納哈出擁衆金山數寇邊二十年爲征虜大將軍總兵三十萬喻金山降其部將觀童納哈出分兵爲三營輜重富盛虜王數招不聽勝進兵逼其營乃刺吾



勅之降猶豫未決勝遣馬指揮往諭納哈出道使
陽納欵覘我兵勝遣藍玉往受降納哈出見玉大
喜與飲酒歡甚酌酒酬玉玉解衣衣之曰請服此
而後飲納哈出不肯服玉持酒不飲爭讓久之納
哈出取酒澆地頌其下咄咄語將脫去時鄭國公
常茂在坐茂麾下趙指揮者解胡語告茂直前搏
納哈出大驚起欲就馬茂拔刀砍傷其臂不得出
都督耿忠遂擁之見勝時納哈出所部妻子將士
凡十餘萬在松花江北聞納哈出傷大驚潰勝遣
覲童往諭降其衆凡二十萬人輜畜亶百餘里納

哈出有二姪不肯降勝復遣諭再三折弓矢擲地
來降勝禮遇納哈出令耿忠與同寢食遣使奏捷
并劾茂驚潰虜衆狀遂班師令都督漢英將騎兵
殿英遇虜伏被執死勝驅降衆二十萬入山海關
茂亦許勝軍中事召還來朝請二十一年領東昌
諸胡兵征雲南胡兵中道叛是冬鎮永寧撫安胡
兵二十三年詔還鄉明年來朝命掣軍山西屯種
大同二十五年加太子太師二十七年諭勝曰天
道以有餘補不足人反其道適以不足本有餘嗚
呼禍福之來皆人自致朕命卿子出鎮西鄙近以



家人違令聞朕朕察言觀色良由不得其所故爾
然小人略無怨言誠可愛惜朕念卿昆弟相從開
國有功且聯姻親不忍不為卿言自後役人俾得
從容足衣食無窘迫自然効力下無怨咨則家道
昌矣二十八年卒勝為偏將時勇悍善戰及為大
將軍稍廢紀律金山之役有大功 上顧不悅卒
之日贈卹不及諸元勳

藍玉

藍玉定遠人長身植面言動異常始以開平王妻
弟從征摧鋒突圍累功至都督洪武十二年以征

西番功封承昌侯食祿二千五百石與世券從賴
川侯征雲南戰捷又出塞征納哈出從馮勝有功
二十一年代勝為征虜大將軍率師十五萬出大
寧進至慶州聞虜主脫古思帖木兒在捕魚海間
道兼程而進至百眼井去海四十里不見虜欲引
還定遠侯王弼曰吾輩提十餘萬眾深入虜地無
所得遽班師勞人費財何以復命玉曰然令諸軍
穴地而燬母令虜見煙火乘夜至海南瞰知虜主
營在海東北八十里玉令弼為前鋒直薄其營虜
始謂我軍乏水草不能深入不設備會大風揚沙

書睡虜不知我兵至虜主方欲北走忽見我兵合
戰殺其大將脫古思帖木兒與其太子天保奴知
院捍怯來丞相失烈門等數十騎遁去玉率精騎
追之不及還獲虜主少兒地保奴等六十四人及
故太子必里禿妃公主等五十九人搜林莽降獲
官酋男婦八萬人玉璽金印圖書牌及馬駝牛羊
十五萬遣人秦捷逐班師又破哈刺章營獲人畜
六萬歸至北平以名馬獻 文皇不受玉懇謝歸
見太子太子妃開平王女也因說太子曰殿下試
觀皇上於諸子中最愛者為誰太子曰鴈鴒之愛

焉有軒輊玉頓首曰臣觀燕王英武得人心威名
日盛皇上所最愛又聞術者言燕地有天子氣臣
幸托肺腑願殿下自愛以北伐功進封涼國公二
十三年晉燕論征胡功太子右晉王玉功高驕橫
上不喜會有訐玉出塞陰事者 上詰玉玉應對
不謹 上大怒念玉功忍未發二十六年遣玉西
征加玉太傅玉不喜曰我功不得為太師乎及奏
事 上輒不允玉曰疑我矣錦衣指揮蔣瓖遂告
玉謀反簿錄其家凡有片紙隻字者並逮獄獄上
集羣臣廷議玉強辯轉展舉涂不肯服吏部尚書

戮於市

汪廣洋

汪廣洋字朝宗高郵人廣洋寬和簡重通經能文善篆隸大書尤工詩歌少從余闕學游太平乙未上渡江召廣洋入見與語大悅留幕下爲元帥府令史行樞密院掾史江南行省提控丁酉除照磨己亥立執法議理司大書四字牌上以廣洋李勝端爲執法官朝政有失執牌直諫又名爲都諫官辛丑遷江南行省都事陞郎中甲辰立中書省改右司郎中尋知驍騎衛事常將軍下贛州廣洋

詹徽叱玉吐實無徒株連人王大呼曰徽卽吾黨遂併殺徽及詩人王行孫黃是歲九月詔曰藍賊爲亂謀泄族誅者已萬五千人自今胡黨藍黨皆赦不問徽素刻薄嘗陷李善長又惡解縉爲度部郎中王朝用草疏申救善長并欲中縉危法懿文太子亦恨徽徽與太子錄囚太子欲開釋徽歟文附重法太子爲白上先入徽言謂太子曰徽執者法也太子因言立國以仁厚爲本上笑曰汝欲遂自爲皇帝耶太子懼因感疾卒謂建文君曰詹徽殺我建文君爲太孫錄藍獄命先斷徽手足

TIFFEN Color Control Patches

Blue Cyan Green Yellow Red Magenta White Black

31 30 29 28 27 26 25 24 23 22 21 20 19 18 17 16 15 14 13 12 11 10 9 8 7 6 5 4 3 2 1

ColorChecker 31

出叅軍事遂守贛州尋陞江西行省叅政洪武元年開省山東廣洋以廉明持正改山東安輯有勞是冬召入中書爲叅政明年出叅政陝西三年李丞相病召入爲左丞特楊憲以山西叅政先召入爲右丞惡廣洋軋已嗾侍御史劉炳劾廣洋不孝上切責斥還鄉憲意未已又嗾炳劾廣洋謫海南李丞相奏憲誣大臣放肆爲奸上誅憲召廣洋還是年冬與劉基同日受封封廣洋護軍忠勤伯食祿三千六百石詔訶比之子房孔明四年善長致仕廣洋爲右丞相叅知政事胡惟庸爲左丞六

年連左丞相惟庸爲右丞相尋廣洋坐畏懼迂獨斥爲廣東叅政逾年召爲左御史大夫十年復爲左丞相上益厚廣洋未幾上以惟庸暴橫廣洋荒於酒色怠棄政機浮沉守位勅戒令洗心補過會占城貢使至不以時引見上下勅切責就政廣洋惶懼十二年御史中丞涂節言劉基死毒廣洋宜知狀上問廣洋對無是事上怒廣洋朋黨又謫海南舟至太平上再遣勅責廣洋事朕十餘年不聞一善言不薦一賢士在江西曲庇文正在中書不發楊憲奸惡惟務沉湎不事事廣



洋得書益慙大懼自縊死十三年惟庸坐罪死遂詔天下罷中書省先是上卜相劉基首問揚憲憲故與基厚善基對曰宰相持心如水憲有相才非相器次問廣洋對曰禍淺又次問惟庸曰此小賢用之將傾轅而被鞏矣上曰吾固知無逾先生者基起頓首謝曰臣疾惡太深又不能煩劇天下何患無才惟明主博求而慎用之幸甚

桑敬

桑敬父世傑無爲州人世傑有園國功戰歿贈承義侯侑享太廟自有傳敬以父故陞督府僉事立

功洪武二十三年封徵先伯諡曰厥當羣雄鼎沸之秋提虎旅東渡大江爾父世傑率舟師來歸由是被堅執鏡數著勤勞旣而歿于戰陣已贈侯爵功在國家朕不能忘遂陞爾中軍都督府僉事俾蒙先業屢從征伐克底成功茲又擒除奸兇豈不彰美前人朕嘉爾忠特封爲推忠協謀武臣龍虎將軍上護軍徵先伯食祿一千七百石子孫世嗣二十四年練兵邊塞召還明年又出南陽信陽練兵繕浚城隍經略屯田明年閱民籍軍屯軍平陽已而屢出山陝北平練兵



廖永忠

廖永忠巢人父旺子五人永清永寧永堅永安永忠旺危 上渡江不仕永清以子昇贈指揮僉事永寧早卒永堅仕陳友諒為參政來歸亦卒永安沒於吳贈楚國公諡武愨永忠少豪邁有大志智勇過人甲午屯巢湖乙未來歸 上見其年少謂曰汝亦欲圖富貴乎以水將屬永安永忠為副從渡江拔宋石太平蕪湖擒陳也先破蠻于海牙陳兆先乘勝定建康克鎮江宣城討江陰海寇皆有功永安陷敵授永忠樞密僉院總永安兵攻昔曆

柵江營追殺賊衆復授陽友諒襲太平犯龍江諸將據險張德勝總兵進擊永忠大呼殺入諸兵從之友諒敗復太平陞同知樞密院事 上率舟師伐友諒至安慶敵固守 上以陸兵疑之敵兵動永忠擊其水寨破敵舟破克安慶追至小孤山次湖口未至江州五里友諒知之窮蹙擊妻子棄城走武昌遂入江州從征南昌南昌降視宗康泰據南昌叛復從徐將軍討復其城援安豐敗士誠兵是時友諒圍南昌 上討友諒永忠以七舟載葦菽置火藥其中乘風縱火焚戰艦數百艘煙焰漲



天湖水盡赤大敗敵兵友諒移舟近湖口永忠邀其歸路友諒中流矢死擒其太子善兒次于理奔武昌復稱帝 上還諭功賜永忠伯 上復征理至武昌永忠等分兵柵四門又於江中聯舟爲長寨絕其出入 上還建康留永忠等守營柵勿與戰 上復往武昌視師督攻城降理陞湖廣行省左丞攻廬州左君弼敗走復援安豐取江西未下州郡從徐將軍常將軍取淮東克海安高郵淮安從拔姑蘇陞中書平章政事湯將軍旣下溫台慶元方國珍遁入海島永忠爲副率師自海道會湯

將軍討降國珍得兵械舟楫萬計取福州洪武元年兼同知詹事院事畧定閩中執陳友定克征南將軍朱亮祖副之率舟師由海道取兩廣永忠自福州遣人諭何真真以廣循惠降師至廣州龍潭元將盧左丞降破偽參政邵宗愚山寨獲宗愚等斬廣州市捕誅諸叛土豪諸郡相繼降檄諭九真日南朱崖儋耳三十餘城皆納印請吏遂進取廣西至梧州降元達魯花赤拜住廣西平章者林時元普顏帖木兒張翔以便宜行事入廣西募兵欲迎戰亮祖勒兵追普顏戰死翔赴水死得貴等州

郡皆降師次貴州遣亮祖會楊環收木下州郡兩
廣悉平明年還京 上命太子率百官迎勞龍灣
入見命太子送還第二年撫定泉漳三年封德慶
侯食祿一千五百石賜世券是年湯將軍克征西
將軍永忠爲副率京衛荆湘舟師由瞿塘趨重慶
伐明昇四年和克歸州駐師大溪口永忠率所部
先進至瞿塘關蜀設鐵鎖橫據關口我舟不得
進永忠密遣數百人昇小舟輪山度關出上流人
持檣幟帶水筒禦飢渴蜀山多草木將士皆衣青
蓑衣魚貫出崖石間蜀人不覺度已至率精銳出


墨葉渡分兩道夜五鼓攻水陸寨將士皆以鐵裹
頭船火器而前黎明蜀人始覺盡銳來拒永忠已
破其陸寨矣既而將士昇舟踰山出江者一時俱
發上流揚旗鼓譟而下蜀人大駭下流之師亦擁
舟前進發火器夾攻大破之斬其將遂焚三橋斷
橫江鐵索斬溺死者無算飛天張鐵頭張等皆遁
去永忠入夔明日湯將軍兵始至永忠乃與湯將
軍分道並進湯將軍率步騎永忠率舟師會重慶
永忠抵重慶次銅鑼峽昇遣使請永忠軍請降永
忠侯湯將軍至受降下令將士不得侵掠撫諭向

大亨戴壽等家令持書往成都招諭遣指揮萬德
送昇等并降表京師蜀平凱還賜第京師又出征
胡捕倭八年卒子權憂湯將軍女爲散騎舍人九
年從馮勝練兵西安十一年從御史大夫丁玉征
松疊十三年嗣侯十四年從傅將軍征雲南十五
年領兵守畢節移守瀘州十六年召還十七年卒
從子丹淮安衛指揮僉事陞同知蘇州衛事

俞通源

俞通源字百川巢人父廷玉凡通海通潤結寨巢
湖自守 上駐兵和陽歸欽時 上方欲渡江得

廷玉水軍甚喜率師至巢湖拔廷玉出寨從渡江
破蠻子海牙又破陳兆先定臺城鎮江復池州陞
廷玉僉樞院事總水軍攻安慶戰趙普勝沒追封
河間郡公通源屢從征與父兄立功通海卒通源
卽軍中領其衆攻蘇州擒士誠嗣通海官從大將
軍征中原下山東河南北山西諸郡督副將馮宗
異等會兵太原取陝西克慶陽慶陽未下也張良
臣再叛扇黨與爲聲援通源率師自臨洮疾趨至
涇州略其西路顧時略其北傳友德略其東南大
將軍兵合圍良臣竟援絕糧盡窘戰死西征王保



保獲畜產萬計出連雲校克興元皆先登洪武三年封南安侯食祿千五百石與世家從康永忠伐蜀又從魏國公出塞征甘肅有功八年從江南蒙十四萬田鳳陽命通源撫輯開水利墾田改鎮雲南征廣南諸蠻俘斬萬數二十二年詔還鄉未行卒卒後逾年坐黨事以死不究

俞通淵

俞通淵以父兄故充參侍舍人從大將軍征秦隴燕趙功陞督府僉事征哈刺哈至捕魚兒海獲酋長人奇班師轉餉二十萬石江西又征都勻龍場

諸蠻峒克辰沉寶應俘獲多 上又念通淵父兄功封越雋侯食祿二千五百石率師討建昌叛賊築城越雋二十六年坐累罷侯以家人還鄉建文元年召通淵爲豹韜衛指揮使戰歿白溝河子翊先卒次靖是年嗣官明年卒次端又明年優給錦衣未幾卒遂無後通源子祖病疾不能嗣孫宗曾孫信信宣德十年乞嗣信子瓏瓏子仲仲弘治五年乞嗣皆不許

吳良

吳良定遠人本名國興賜名良氣岸雄偉性質剛



直與弟頎俱以勇略稱元末良兄弟從取滁和采石姑熟定建康克鎮江下常州歷陞鎮撫守丹陽陞指揮使士誠據姑蘇跨有淮東浙西地大物衆兵食富強江陰當其要衝枕大江姑蘇通州濟渡喉襟之地士誠又多變詐數以金帛啗將士上移良守江陰諭曰彼以其詐我以其誠汝慎守封疆約束士卒毋外交母納通逃母逐小利毋與爭鋒惟保境安民而已復命頎增兵協守敗敵侵兵陞樞密判官寇逼常州良遣兵間道殲其援兵于無錫自是敵舟師不敢沂大江上金焦召入見

上勞曰吳院判保障一方使吾無東顧憂賜車馬珠玉不足旌其能命館閣學士宋濂等贈良詩文良在鎮仁勇不妄刑殺儉素自持食不二味聲色貨利泊無所嗜夜宿城樓枕戈警備獎勵名節興新學宮崇尚士習絃誦相聞官無器訟屯田平徭禁情詰奸居十年封境帖然上屢將兵下江西湖廣而東藩竟無擾者皆良捍蔽之功也既克姑蘇移良蘇州衛武備益修軍民輯睦洪武三年封江陰侯食祿一千五百石與世券廣西右江叛良爲征南將軍討平其地移兵入銅鼓五開踏騰浪

諸溪洞蠻夷畏威懷德輸租奉法令八年上移
江南民十四萬田鳳陽壯京畿今良與李太師周
德興等督田事齊王封青州良管王府十五年卒
于青州贈江國公謚襄烈子高署前軍都督僉事
十七年嗣屢出山陝北平河南練兵從征二十八
年有罪調廣西從征趙宗壽靖難兵起高守遼東
與楊文敷以遼東兵攻永平文皇曰高難怯行
事差密文無謀去高文不足慮也遣人遺二人書
盛譽高極詆文故易其函投二人所二人得書並
聞建文君竟疑高嗣爵徙廣西獨命文守遼東竟

敗文靖難後召高鎮守大同高上言禦虜方略永
樂十二年被劾編氓江陰十七年奪券洪熙元年
上見高名曰高徃年多行無禮謫戍海南高即死
徙其家會赦得釋宣德十年子昇乞嗣不許

吳復

吳復字伯起合肥人甲午率眾歸濠領前驅從克
泗滁采石太平歷陞萬戶定建康授總兵攻鎮江
斬元定定平章守常州吳兵奄至死戰躍馬持矛
追奔數里援宜興戰高橋仍守常州從征陳理圍
廬州先登下漢沔授鎮武衛指揮同知守沔陽克



汝州黃口陞安陸指揮使調征陝西土番克河州
從潁川侯平蜀從雷國公平九溪蠻進督府僉事
從西平侯再征土番洪武十二年封安陸侯世指
揮使從潁川侯征雲南克普定克總兵官勦殺蠻
寇比取廣西轉餉盤江卒追封黔國公謚威毅與
世侯券食祿二千五百石復衛冑矢石體無完膚
平居恂恂至臨陣奮發無堅不潰在普定買妾楊
氏年十七復殮慟哭已沐浴更衣自經死封貞烈
淑人十八年子傑以指揮嗣屢出山陝河南北平
練兵從征二十八年有罪與吳高皆從楊文征龍

康茂才

州建功自贖建文中率師援真定戰白溝河失律
謫南寧衛指揮使永樂元年子璟乞嗣正統間再
三乞皆不許弘治六年璟孫鐸拔詔乞嗣亦不許
康茂才斬人元末結義兵保鄉里立功至都元帥
上渡江時茂才力戰立寨天寧洲諸將以襄陽砲
破茂才寨茂才奔至京口不能脫率兵三千來降
頓首軍門曰前日之戰勦力為主屢敗不振天數
非人力今願歸死效尺寸上喜得茂才立拜泰
淮翼水軍元帥守龍灣敗馬駮沙克樅陽改營田



使 上曰比兵亂失耕乏食特設此官命汝與水利高下旱澇時其蓄洩屯田大獲仍兼帳前總制親兵左副指揮使友諒既破姑熟將窺建康 上密諭茂才曰有事任汝能辦乎應曰惟命曰友諒且入寇吾欲速其來分其力給以虛實非汝莫可使者汝與友諒舊可偽降約爲內應者友諒來吾事濟矣對曰家有老關舊事友諒今持書往必信茂才爲書言上不足與有爲兵弱地蹙四面勦敵僕委身國阱欲奮板蕩冀儼大將軍分道趣進使當納款建康可唾手得也友諒得書大喜問康公

安在曰守江東橋問橋何爲曰木橋遺闕者鷓書答茂才余某日至橋所呼老康公卽我應內外奮擊功成官賞不爾各茂才以書上 上曰虜且墮穀中矣卽命善長日夜易橋鐵石友諒至見鐵石橋愕然又連呼老康不應遣視管中瘠馬敵旗四散落落益大驚曰老賊給我語未畢伏兵四起友諒狼狽走得脫擒殺將士數萬茂才從破斬黃戰都陽湖園武昌有功陞副都護收湖南敗吳巫子門戰尹山橋逼蘇州軍其北門吳平進督府同知兼太子左率府使又從征下齊魯關隴鎮河中節

制太原諸城再征漢中卒追封斷國公益武襄子
鐸洪武三年以茂才功封新春侯食祿千五百石
與世券曰鐸嫡子也嫡終無後及庶長時鐸年十
歲入侍 皇太子讀書大本堂金鑄斷國武襄公
五字牌賜鐸及其庶兄鑑鐸長督民墾田鳳陽征
辰州獠平松慶諸州有功遷並海諸城從徐將軍
征胡傅將軍征雲南皆有功卒於軍追封如父益
忠愍子淵澄皆幼淵優給充散騎舍人已而革冠
服勒居山西卒子勝永樂二十二年宣德二年再
乞嗣爵勝子永弘治七年後詔請嗣皆不許






2025/05/05 NATIONAL CENTRAL LIBRARY, TAIWAN R.O.C.



UNIVERSITY OF TORONTO LIBRARY




© 2008 NATIONAL CENTRAL LIBRARY, TAIWAN, R.O.C.






20250002 NATIONAL CENTRAL LIBRARY, TAIWAN, R.O.C.



耿炳文

耿炳文濠人父君用取滁和積功爲管軍總管克
采石取金陵丙申與士誠戰賈勇先登死炳文代
領其軍明年取廣德長興擒士誠守將降其兵會
立元帥府長興以炳文爲總兵都元帥辛丑敗士
誠將李伯昇追斬五千餘級拜指揮使吳元年破
蘇州陞大都督府僉事洪武初授鎮國上將軍兼
右率府副使二年鎮守陝西三年授秦王府左相
兼陝西行省右丞封長興侯食祿千五百石與世
券十四年破虜北黃河復還陝西二十四年賜鐵



鈔造第鳳陽拜先塋贈君用爲侯二十五年兩當
妖人作亂總兵討平之三十年克征西將軍勦平
蜀盜三十一年鎮守遼東建文元年靖難兵起炳
文爲征虜大將軍率衆二十萬北進至真定都督
徐凱兵十萬駐河間都督潘忠楊松營冀州先鋒
至雄縣 文皇出炳文不虞破其城忠松引衆來
援伏兵起忠等皆被執因得炳文虛實遂長驅至
真定張玉朱能諱淵來戰炳文大敗奔還滹沱河
東炳文衆尙數萬復戰衆潰皆降副將駙馬李堅
都督竇忠顧成指揮劉遂俱被執炳文固守真定

靖難兵攻城二日不能下而去炳文老將善戰至
是敗建文君始有憂色召還遣李景隆代炳文竟
至亡永樂二年刑部尚書鄭賜左都御史陳瑛劾
炳文衣服器皿僭飾龍鳳玉帶僭丹程 上曰炳
文先朝老臣亦爲此其速改洪熙初盡以長興侯
田舍賜留守郭繼云子齊駙馬都尉瓌後軍都督
僉事瑄散騎舍人擢尚寶卿皆獲罪死

唐勝宗

唐勝宗濠人壬辰勝宗年十八挺身來歸從攻常
宣發池高郵安慶九江南昌敗友諒禁江口平潭



澧辰荆諸郡皆有功成潁川從拔延安初勝宗自
中突帥戰歷龍驤驃騎安豐三衛指揮十餘年多
著勲績洪武三年封延安侯食祿千五百石與世
券出守雁門擒胡首還征處借溫山寇巡視陝西
屯田練兵移鎮遼東勅勝宗絕高麗曰舊歲今春
高麗之使水陸兩至此非臣禮暗行侮慢明彰喪
瀆此夷自古侮中國構兵禍可與絕交曩漢四伐
絕滅其國族魏再伐屠其都晉再伐焚其宮室俘
其男女五萬隋再伐城困將亡受降而免唐四伐
斬首五萬獲牛馬八萬餘夷王臧等戮於市遼五

伐焚其宮室新亂臣康摩拔十餘城金一伐元五
伐夷王竄統羅補絞之耽羅以故竟爲元牧馬之
野爾出征遼左使至送來勿令其還以絕彼奸計
未幾高麗使復至勝宗察其奸奏上諭勝宗曰高
麗今春使至賄賂京官甚重內有一羣云上等人
若干中等人若干觀此甚無禮受賂者少有知豈
不報哉今爾知誘而能奏田豫不得獨名千古矣
遼壤東界鴨綠北鄰曠塞非多算不能守慎之勝
宗在鎮威聲惠懷兵民輯睦防奸禦侮邊境肅寧
二十六年卒



陸仲亨

陸仲亨濠人少負武略壬辰從征滁和姑熟平建康攻京口下常宣江陰發越三衢常蕪高郵皆有功從上親征取南昌下合肥拔安豐殲友諒宣力先登加帥職又從大將軍取贛州以驍騎衛指揮使改贛州衛鎮戍節制南安雄韶諸府調兵克梅州會昌洞鄉悉剽諸山寨自將取英德清遠晉江下廣州遂為美東衛指揮使江西行省平章政事移鎮襄陽洪武三年封吉安侯食祿千五百石與世參明年出守雁門十三年胡惟庸事誅誤惟

庸誅法官請併罪仲亨上曰朕初起兵時仲亨年十七喪父母兄弟避亂持一升麥藏草間朕見之呼來從朕長有成就累功封侯此吾初起時朕肱心腹吾不忍罪其勿問十四年鎮成都烏蠻再叛仲亨佐傳將軍討之有功二十三年坐法論死子賢尚五皇女汝寧公主授駙馬都尉或曰仲亨與唐勝宗先坐擅調發無功論罪禁繫久之得赦後坐黨死上曰朕初先知仲亨反每見其居貴位無雍和之色時默默有憂容異態今竟為家奴所發時同坐者侯十四人顧時胡均美勝宗仲亨

陳德賈聚華中王志原楊璟朱亮祖梅思祖陸聚
黃彬金朝典

周德典

周德典潯人甲午來歸從定滁和渡江克采石太
平攻深水破水寨遂收建康京口毘陵宣城江陰
池陽有功歷陞左翼大元帥從取金華安慶高郵
樓安豐征合肥歷陞衛指揮從討蘄州安福永新
有功尋提兵援安吉西安再陞行省湖廣叅政左
丞從征廣東西洪武二年封江夏侯食祿千五百
石與世券爲征西左副將軍入瞿塘討明昇蜀平

移江南民十四萬田風陽上曰南安侯俞通源
關田弗勤役擬二月考算日工一夫闢止四分不
及半畝遣卿督責尋理軍務福建築海上諸城防
倭召還五溪蠻作亂德典請行時德典老上未
許德典請益力上壯而遣之賜手書至五溪蠻
悉散走四川水盡源通塔平散毛諸洞作亂德典
克征南將軍討平之師還賜田庄爲子孫世祿德
典請決荊州岳山壩通水利得漑田歲增官租四
千三百石俄往河南召集故元將校未幾思州五
開諸蠻亂克征虜將軍討之俘斬四萬二十五年

秋坐法論死收其公田

華雲龍

華雲龍定遠人善擊劍結犖少居韭山甲午來歸從攻滁和爲千夫長克采石下姑熟縛將臺城擄堅廣德鎮江陞總管戰舊館擒湯元帥漢人犯龍江鼓勇先登復南昌戰彭蠡功進豹韜指揮使取江陵還取淮東守高郵移掌淮安衛事後收浙西平吳又從大將軍開中原爲都督府僉事鎮北平兼行省叅政燕王左相築城建王邸洪武三年封淮安侯食祿千五百石與世券再出雲州俘獲多

進至上都大石崖攻克劉學士諸寨擊敗驢兒國公北奔去雲龍在鎮七年慎固防守威名大著坐黨誣誤命何文輝代雲龍未至京卒以侯禮葬于忠

顧時

顧時濠人甲午來歸從攻得滁和渡江克姑熟下溧陽平宜州廣陵功以百夫長陞元帥取安慶南昌廬泰州海安陞同知天策衛事守禦臨濠從伐蘇湖先登征中原轉戰關隴皆有功洪武三年封濟寧侯食祿千五百石與世券爲左副將軍圍成

都平蜀又從李將軍北征分道入沙漠迷失道糧
盡過虜軍疲乏不能戰時獨引麾下數百人躍馬
大呼衝擊虜敗走遂掠其輜重糧馬還軍復大振
總諸衛軍鎮北平築堡障練士伍繕甲兵廣牧畜
逾年召還尋復出鎮北平十二年卒贈滕國公謚
襄靖子敬金吾前衛鎮撫十五年副侯爲左副將
軍討平龍泉山寇屢從征有功次英華芳先是坐
黨上特釋時以故子得嗣侯後竟除

陳德

陳德濠人世農家有勇力善騎射壬辰來歸從克

滁和文萬夫長取姑熟定建康下京口爲都先鋒
得寧國衛安陞大元帥從攻吳漢陞指揮使天策
衛平吳爲僉事督府從平中原山東河洛燕晉戰
功多洪武三年封臨江侯食祿千五百石與世券
從傅將軍克成都又從馮將軍征沙漠遇虜別力
篤山力戰擒元岐王克甘肅亦集乃路爲總兵節
制諸軍仍出塞敗虜三岔山還屯陝西再出剋刺
河三戰三捷練兵北平禦胡起四年召還十一年
卒贈祀國公謚定襄十三年胡黨誣誤時德已卒
得有明年子鏞以散騎舍人嗣十六年爲征南將

郭子與傳 卷一
軍討平龍泉山寇廣東徭賊江西順天王召還後
屢從征皆有功十九年從宋國公出塞至金山與
大將軍吳道相失遇虜死

郭子與

郭子與一名與濠人壬辰定遠郭子與所謂滁陽
王者據濠城稱元帥與隸麾下時 上在元帥甥
館專征伐與備宿衛從克滁和渡江拔采石取太
平定金陵先登授管軍總管克鎮江置五翼元帥
府陞統軍元帥圍常州晝夜不解衣甲生蟣蝨下
宣州江陰宜興婺州破南昌進克鄱陽彭蠡之戰

海艘駢進賈勇先登征武昌瀝血馳戰斬獲多陞
鷹揚衛指揮使拔廬州授安豐陷陣大敗姑蘇兵
平襄陽衝澧還蹂高郵略淮安剗吳興往往襄劍
力戰平姑蘇陞僉事督府恭佐大將軍取中原守
潼關潼關三秦門戶李思齊張思道日覬覦與厲
兵積貯隘塞慎固屢敗其兵不敢東向移戍鞏昌
爲秦王府武傅兼陝西行府僉事洪武三年封鞏
昌侯食祿千五百石與世券賜地佃墾戶伐蜀克
成都練兵臨清巡北邊召還十六年卒贈陝國公
謚宣武子四景儀振宗官僧第英自有傳女弟入



官進位寧妃與有弟德成事 上為驍騎舍人性

明美見幾避禍以酒自放 上一日召授某府都

督懇辭不受 上變色曰朕念爾親且舊兄弟皆

登列侯而爾獨未顯故畀爾職何辭為德成免冠

泣拜曰臣性狂愚懶慢耽酒嗜臥不識事情緩急

儻位高祿重必任職司事苟不理 上殺我也人

情不過多得錢飲美酒隨意自適足了一生願卒

賜 上大喜曰善人舉能若此吾刑可措矣立書

勅賜黃封百畧金絲稱是寵待益厚德成嘗侍宴

後苑醉旬旬免冠謝髮禿落且盡 上笑曰醉風

漢毛髮如此非過酒耶德成仰首曰臣猶厭其多

欲盡剝始快意 上嘿然既醒大懼誤觸忌諱遂

盡剝髮披僧衣狂呼唱佛不已 上笑謂寧妃曰

前謂汝兄戲言乃實為之非風而何德成嘗見其

兄弟征鎮四方逾年不得歸輒笑其以虛名受辛


苦曾如我飲中樂耶已而黨事起死者相屬德成

益狂蕩不檢以壽終

王志

王志濠人有謀略壬辰起鄉兵取濠又明年來歸

謁 上滁陽從克和州采石姑熟溧陽金陵鎮江



圍常州屢騰柁先登身犯矢石陞右副元帥從平
常州寧國江陰征高郵擣九江下黃梅降南昌賊
友諒彭蠡從征武昌與賊選曠還克廬州援安豐
陞親軍指揮使守六安改六安指揮使北伐中原
從馮將軍渡河取懷慶澤潞留守平陽移漢中將
屯陝西深入察罕腦兒絕塞却胡還軍平陽累陞
都督同知洪武三年封六安侯食祿九百石與世
券賜田佃墾戶從大將軍統中軍征朔漢又從傅
將軍平雲南繕城隍立屯堡凱還十九年卒贈許
國公益襄簡子四人威域瓊環咸二十二年嗣侯

明年坐林來保事謫安南衛指揮使卒無子或嗣
改清平衛世官後坐志黨事 上以志死不問

鄭遇春

鄭遇春濠人與兄遇霖來附甲午從取滁鐵佛岡
三汊河大柳樹諸寨爲先鋒克和陽渡江拔采石
太平授總管攻蕪湖遇霖戰死遇春領其兵從征
取溧水破方山營定金陵解圍牛塘取宣州陞左
翼元帥從克揚州婺州再擊敗友諒兵下黃梅南
昌大戰禁江口殲友諒平武昌下淮安取安豐賴
六安陞六安衛指揮僉事留守征中原下汴洛陞



朔州衛指揮副使進都督僉事洪武三年封榮陽侯食祿九百石與世券坐累奪爵逾年復侯從平雲南經略城池屯堡凱還督金吾諸衛造舟海運二十三年卒

貴聚

費聚濠人壬辰訶上壯其狀貌留幕下從略定遠取驢牌得壯士三千人又降鬻鼻山寨得八百人取靈璧儀真溧水定金陵下廣德長興爲副元帥副炳文守長興從上戰鄱陽克武昌還攻廬州援安豐爲指揮同知克高郵淮安還攻舊館平

吳陞指揮使討方國珍下溫台慶元由海道進取福州擒陳友定從征中原取山西守禦關陝改西安衛指揮使召爲督府僉事未幾出鎮平涼練兵洪武三年封平涼侯食祿千五百石與世券從傳將軍征雲南克普定置貴州都指揮司聚署司事討平雲南叛夷爲總兵征廣南俘斬萬計還鎮雲南召還鄉賜老二十六年卒子起征方國珍戰死次辦人材起家十八年試江西左叅政孫宏初克叅侍舍人衛鎮撫從征雲南功陞世指揮使二十年坐奏對不實戍金齒又明年召還侍養聚坐胡

黨 上曰聚義征姑蘇朕嘗言青蓬有反謀後竟得釋

吳禎

吳禎初名國寶賜名禎定遠人江陰侯良弟少卓犖有膽畧從 上起兵里中克淦和時郭子興與上並駐和陽濠舊帥孫德崖率衆就食于子興已而有違言令其衆去德崖殿留城中 上獲德崖衆行二舍許忽報子興德崖軍圍城中大譁 上急呼禎還整兵且戰得不亂從克采石破水寨及方山營定金陵橋鎮江池州由帳前都先鋒爲總

管軍爲天興右翼副元帥助良守江陰傷吳與江陰接壤每寇至羣走校親軍指揮使平吳陞督府僉事撫蘇州爲征南副將軍從湯將軍征國珍降進取福州擒陳友定還次昌國勦海寇兼左率府副使吳王左相兼都督僉事大將軍征陝西禎與馮將軍駐慶陽爲援洪武三年封靖海侯食祿千五百石與世券大軍戍定遠禎總舟師數萬由登州轉餉海道險遠禎善調度兵食充足召還未幾海上警聞復領沿海兵出補至琉球大洋獲倭船獻俘自是時時往來海道總理軍務數年海上無

冠詔出兵定遼疾卒贈海國公益襄毅子忠嗣侯
堅西安衛鎮撫

趙庸

趙庸廬州人與兄仲中率舟師來附從渡江拔宋
石太平定金陵克安慶陞仲中僉院守安慶友諒
破安慶上怒欲誅仲中常遇春曰仲中渡江勦
舊幸曲赦上不許竟殺仲中庸以兄故特授僉
院從破安慶九江南昌陞叅知政事鄱陽之戰庸
及通海永忠等以六舟深入陷敵力戰大敗漢兵
死友諒賜庸金帛從平武昌克廬州安豐海安高

郵淮安從伐吳拔蘇州陞中書左丞從大將軍取
山東兼太子副詹事克東昌汴洛渡河取河北州
縣克元都西收晉秦諸郡走張良弼降李思齊還
楊永平過惠州至大寧也速遁破開平追奔至北
河俘元宗王三人元兵攻大同李將軍謀於庸出
雁門至馬邑擣脫剌伯進兵東勝未幾慶陽平出
野狐嶺進兵察罕腦兒擒平章祝真又從李將軍
克應昌獲賈的里八刺至苦脫孫紅羅山朔庭遂
空洪武三年封南雄侯食祿千五百石與世券伐
蜀定漳州海陽程鄉東莞撫籍廣州種戶萬人爲

TIFFEN Color Control Patches



水軍討維平王獲賊黨萬人班師出山西理軍務
巡北邊召還二十六年卒

華高

華高舍山人甲午入巢湖乙未來歸克采石深陽
太平校總管破水寨方山營擒陳兆先從定金陵
鎮江陞泰淮翼元帥下丹陽金壇常州陞僉行樞
密院事擊敗趙普勝漢人犯龍江高與張德勝敗
之石灰山從征友諒克安慶搗九江援長興敗李
伯昇下南昌應戰鄱陽殲友諒克武昌陞湖廣行
省左丞從取海安高郵還攻下舊館進圍蘇州平
吳陞湖廣行省平章政事鎮樂湖廣洪武三年封
廣德侯食祿六百石與世券券成會高使廣東親
海南城池券留內府明年卒於崖州 上命中書
省補支高祿三百石卽無子納券墓中贈巢國公
謚武莊從子岳授指揮僉事

朱亮祖

朱亮祖六合人元義兵元帥乙未 上克寧圍擒
亮祖喜其勇悍賜金帛仍舊官復叛歸元數與我
戰敗我兵七千餘人徐將軍等圍亮祖寧國常將
軍被創還 上自往督戰徐將軍奮攻縛亮祖見



上詰之對曰生則盡力死則死爾 上壯其言觀
而釋之從軍立功歷陞元帥至院判從征友諒克
九江下南昌江西諸郡大戰鄱陽湖平武昌陞廣
信衛指揮使會胡深討陳友定攻桐廬餘杭至杭
州降潘原明陞浙江行省叅知政事副李將軍守
杭帥馬步舟師討方國珍國珍拒戰敗奔黃石亮
祖入城遂徇下仙居諸縣進兵温州國珍子明善
拒戰敗挈妻孥遁去分兵徇瑞安還至黃岩方氏
父子來降遂建康爲廖征南副將軍取兩廣師還
太子率百官迎勞龍濟洪武三年封永嘉侯食祿
千五百石與世參諸將伐蜀久無功亮祖爲征虜
右副將軍濟師比至蜀傳將軍已克階文永忠克
重慶亮祖亦從克崇慶保寧蜀平還師與何文輝
同鎮北平還巡淮陽移鎮廣東亮祖在鎮多不法
番禺知縣道同聞上 上念功臣不下吏罷職令
居江寧又坐胡黨十三年卒 上爲志壙以侯禮
葬于邊從征有功爲府軍衛指揮使先亮祖卒

胡美

胡美汚人初名廷瑞仕友諒爲江西行省丞相守
南昌遣宣使鄭仁傑請九江降 上至南昌廷瑞



迎謁改名美仍故官從克海安太郵淮泗壽頰下
湖州進圍蘇州執士誠爲征南將軍由江西取福
建進中書平章兼同知詹事院事克建寧興化建
陽福州延平統兵守福建 上幸汴召還扈從洪
武三年封豫章侯食祿千五百石與世券改封臨
川侯董建潭王府長沙後坐黨事二十六年卒

韓政

韓政睢人元季爲義兵長 上定江左來歸授江
淮行省平章政事李濟據濠爲僞吳守 上命普
長書招濟不報 上曰濠吾鄉濟爲僞吳守是吾

有固無家可平命攻率指揮顧時等以雲梯砲石
四面攻濟濟出降留時守濠召政攻安豐以兵扼
四門攻不下潛穴城東龍尾壩二十餘丈壞城遂
破安豐忻都竹昌左君弼皆出走追獲忻都昌君
弼走汴竹貞來援又破貞克安豐至穎獲糧懸歸
淮東西悉平從平浙右北伐中原分兵扼黃河斷
山東援兵取益都濟寧濟南東平攻山東行省平
章政事大將軍取元都檄政會東昌鎮撫臨濟元
都定又令政分兵守廣平蠡尖寨者在林慮西北
二十里元右丞相庸等據寨剽劫旁近給軍食徐

將軍收諸山寨蟻尖寨恃險絕未下政進攻庸降
調征陝西還兵守禦河北洪武三年封東平侯食
祿千五百石與世秀移鎮山東未幾復征河北招
撫流移出居庸橋應昌取和林深入土刺進至阿
魯渾河大獲而還出巡河南再巡陝西練兵臨清
十一年卒贈鄆國公子英散騎舍人

黃彬

黃彬未詳何許人從徐壽輝守袁州友諒殺壽輝
歸友諒上拔江州彬來降授江西行省參政從
取新淦復南昌大戰鄱陽湖克武昌上書諭江

西守將鄧將軍曰熊天瑞龍鳳八年降今負初言
理宜聲討令彬從鄧將軍討贛州贛州平留鎮移
袁州置袁州衛洪武三年封宜春侯食祿九百石
與世秀討捕上猶山寇駐臨清練兵後坐胡黨
上念其未嘗失朝廷禮宥之數年卒

曹良臣

曹良臣安豐人壬寅率所部來歸爲江淮行省參
政從征廬州大戰鄱陽湖征陳理進取海安太都
淮濠泗攻湖州平姑蘇陞行省江淮左丞從取中
原克山東濟寧汴梁河南潼關旋師渡河克衛輝



廣平會師臨清取德州長蘆直沽至河西務自通
州進克元都遷古北諸隘口陞山西行省平章政
事下保定河間澤潞守通州從征陝西復守通州
王保保爲西北邊患從征大敗其衆出哨沙漠洪
武三年封宣寧侯食祿九百石與世券征蜀克歸
州至瞿塘關會重慶降明昇蜀平四年從李將軍
征迤北領東道兵出和林深入至阿魯渾河及其
裨將周鎮常榮張耀戰歿贈安國公諡忠壯子太
副侯

梅思祖

梅思祖夏邑人元末父爲王保保所隨張士誠
爲中書省右丞守淮安大將軍下高郵思祖封府
庫籍甲兵來歸士誠殺其兄弟數人 上憐之授
大都督府副使制曰辭項從劉知同曲逆舍賢去
述議擬伏波從取浙西克舊館圍蘇州縛士誠陞
浙江行省右丞從征中原克山東取汴河下潼關
旋師徇河北守彰德檄赴北平征山西入秦汙取
興元洪武三年封汝南侯食祿九百石與世券從
伐蜀征甘肅練士馬北平巡視山東陝西遼東城
池四川水盡源通塔平散毛諸洞叛爲征南副將



軍討平之會平雲南置貴州都指揮司署思祖都
指揮使又置雲南布政司與平章潘原明同守雲
南思祖善撫輯民夷安之十五年卒子義武德衛
指揮陞遼東都指揮使從子殷駉馬都尉自有傳
思祖卒後坐胡黨戮其家

陸聚

陸聚不知何許人元樞密同知守徐州來歸爲江
淮行省叅政仍守徐州元擴廓帖木兒遣兵侵徐
駐陵子村聚令指揮傅友德率兵二千禦戰敗去
益兵復來戰擒其將從取中原克山東歸德汴梁
還鎮改山東行省叅政徙克德州長蘆定元都略
大同保定中山真定攻鳳山成山鐵山三寨復取
故關山寨守井陘征陝西仍鎮徐州討平沂邳叛
人洪武三年封河南侯食祿九百石與世券移鎮
山東承制理軍務福建召還坐胡黨 上念其爲
奸臣所誘宥之尋卒

葉昇

葉昇合肥人歸 上和陽從渡江拔宋石定金陵
京口授管軍總管復太平陞右翼元帥從征友諒
破安慶擒九江下南昌大戰鄱陽克武昌陞指揮



僉事按廬江襄陽淮東克湖州進平吳陞府軍衛
指揮使從取明州還征中原陞督府僉事充叅將
征蜀入重慶陞都指揮使鎮守西安復陞督府僉
事西番叛昇與都督王弼等往征降乞夫迎夾其
部落復討平延安伯顏帖木兒擒洮州番酋洪武
十二年封靖寧侯食祿二千石世指揮使鎮守遼
東諭昇絕高麗修海蓋復三城召征雲南平班師
二十五年坐胡黨論死

張溫

張溫不知何許人從取太平定臺城京口歷陞千

戶應戰鄱陽湖收武昌陞統軍元帥略湖南征淮
東克舊館下湖州平吳從征中原克陝西下蘭州
留守元將王保保襲蘭州圍溫鞏昌守將指揮于
光來援至馬蘭灘卒遇保保兵戰敗被執至蘭州
城下使呼張將軍出降光大呼曰公等堅守徐將
軍將大兵行至矣城中聞光言守益固相持數月
引去陞督府僉事爲叅將伐蜀克階文成都崇慶
討平西番羌戎降朵苴首萬戶乞夫迎洪武十三
年封會寧侯食祿二千石世指揮使理河南軍務
營周邸從征雲南出塞皆有功後坐黨論死



王弼

王弼定遠人膽略過人號雙刀王初結鄉里依三臺山樹柵相保丙申率部下來歸備宿衛克池州石埭婺源授元帥下蘭谿金華諸暨紹興接池州復太平攻武昌大戰鄱陽截擊禁江口平武昌還收廬江授安豐破襄陽安陸還取淮東克舊館湖州陞指揮使圍蘇州軍壘門士誠被圍久突出轉戰整門欲奔常將軍分兵北濠截其後遣兵與戰戰良久未決常將軍拊弼背曰軍中皆稱爾猛將能爲我取此乎弼卽馳鐵騎揮雙刀奮擊却敵常

將軍來之吳兵大敗人馬溺死沙盆澤甚衆士誠馬驚墮水幾不救肩輿奔入城吳平從征中原下山東河南北遂克元都保定中山進兵太原自河中渡取陝西兵至察罕憊兒及紅羅斷頭山進僉督府事討西蕃獲馬牛羊駝二十二萬班師洪武十二年封定遠侯食祿二千石世指揮使從征雲南功與世侯參加祿五百石爲副將軍征大寧東出遼東征納哈出二十二年詔功臣還鄉二十七

年卒

曹震



曹震濠人立功開國時洪武十二年以征西功封景川侯食祿二千石世指揮使十三年與營陽永城二侯屯田北平從傳將軍征雲南取臨安諸路十八年請討施南朵苴上曰以利而動非兵之善慎宜鎮靜遣置四川傳道召還鄉未及行又命嚴征士四川代藍玉還京上便宜五事報可二十四年往四川鑿石通河為灘百九十三為橋五十四永寧至大理建昌至西番皆為驛鋪詢議任勞雨雪不避坐藍黨論死

曹興

曹興一名興才未詳何許人從取姑熟定建康克南徐收武昌陞指揮僉事平吳陞指揮使從征中原定元都陞河南行省參政討西番洮羌征朵苴凱還洪武十二年封懷遠侯食祿二千石世指揮使理軍務山西已而北征有功洪武中卒

周武

周武不知何許人從取江南滅漢攻淮東平吳積戰功歷陞指揮僉事從征中原歷陞都督僉事西番叛為參將與藍玉張龍張溫王弼等從沐將軍討平之取朵苴獲人畜十餘萬洪武十二年封雄

武侯食祿二千五百石世指揮使理軍務河南巡北邊訓練士卒召還京復出巡河南洪武中卒

金朝興

金朝興巢人初結里中少年立若會俞氏父子廖氏兄弟以舟師來歸卽率衆從上渡江克采石定建業下京口廣德宣城常州授都先鋒取江陰湖州復宜興陞左翼元帥上自將取婺州朝興爲奇兵征紹興拔諸營復太平克九江下黃梅臨江吉安大戰康郎山截擊禁江口漢平陞龍驤衛指揮同知取襄陽調鎮武衛收淮東濠泗雅宿從

攻舊館下湖州平吳陞振武衛指揮使又從征中原徇河北擄長蘆直沽河西務通州定元都遂下保定中山征山西略大同衛征宣府取東勝陞督府僉事世指揮使兼秦王傳尋命專爲王傳解都督伐夏破成都征迤北領東道兵取和林至土刺河征西番俘殺數萬獲馬二萬牛羊駝二十萬得納降七站洪武十二年封宣德侯食祿二千石世指揮使從征雲南建昌至會川卒贈沂國公益武毅十七年以雲南功授世券食祿二千五百石子鎮嗣二十三年坐黨降平埔衛指揮累功陞都指

揮卒子潤嗣戰沒潤弟澄澄子桂桂子琮琮子廢
廢子禹世管聲功陞都指揮僉事

薛顯

薛顯蕭人元泗州守將也來降立功陞指揮守南
昌禦陳友諒陞江西行省參政從征淮東又從常
將軍轉戰德清傷五太子及朱進呂珍以舊館降
五太子者士誠養子短小精悍平地躍起高丈餘
又善沒水劫營沉船進珍皆號將能戰士誠失此
三人大窘顯縛珍狗湖州守將李伯昇降陞左丞
行省大將軍北征 上曰薛顯勇冠三軍足當一

百偏師征山東河南北有功克北平俘獲數萬征
山西進攻陝西敗王保保我兵攻慶陽保保爲張
良臣聲援數出撓我顯駐靈州遇保保破慶陽誅
良臣又追破賀宗哲六盤山洪武三年封永城侯
食祿千五百石以專殺千戶吳富奪其俘獲及殺
馬軍謫海南分顯祿爲三二贖千戶馬軍家一與
顯母妻子已而念顯力戰有功召還與世券督兵
屯北平練兵巡北邊征降納哈出還次山海關
卒贈永國公益桓棄無子弟綱幼妻張納券顯後
坐黨事以死不論弘治六年珍自稱顯曾孫乞嗣



不許

胡海

胡海字海洋定遠人來歸授百戶從敗賈魯兵克泗滁爲萬戶從渡江定采石太平拔蠻子海牙水寨鎮江敗謝聖選克先鋒攻宜興壓戰紹興擒賊陞都先鋒攻廬江數傷矢刃戰益力上壯其勇授花鎗上千戶從克荆澧衡潭擢寶慶指揮僉事陞使鎮益陽從楊璟征湖南廣西抵廣西爲左副總兵勦左江上思蠻從克雲南俘斬多調征蜀克湟湯開殺其守將洪武十九年以平雲南功封東

川侯食祿二千五百石與世券卒子斌立功陞都督同知征雲南戰歿無子次子觀尚南康公主爲駙馬都尉未嗣卒宣德十年公主乞子忠嗣授孝陵指揮僉事陞都指揮同知正統元年公主乞忠嗣斌都指揮同知

張翼

張翼臨淮人父聚來歸立功授前翼元帥從平江南淮東累遷指揮同知致仕翼隨父軍中勇而善戰嗣父職從北伐及征陝西擒戮諸叛賊陞都司僉事再陞督府僉事從征雲南克普定曲靖取鶴



慶洪武十九年封鶴慶侯食祿二千五百石與世
券坐藍黨論死

仇成

仇成合山人乙未從渡江克宋石太平定金陵下
鎮江爲領軍先鋒收吳陵寧國池婺擢統軍大元
帥從取安慶破江州援安豐大戰鄱陽湖陞指揮
僉事平吳陞指揮使守安慶陞督府僉事洪武十
二年封安慶侯食祿二千石世指揮使克征南副
將軍征容美諸洞還至常德從征雲南克普定普
安曲靖與世侯券加祿五百石二十一年卒贈皖

國益莊裏又明年子太嗣太子宗宗子銘銘子璋
不得嗣

楊璟

楊璟合肥人本儒家子少沉毅讀書不喜章句好
武略來歸授管軍萬戶溧水句容金陵功陞管軍
總管鎮江江陰功陞親軍副都指揮使娶諸暨功
陞樞密判官從征友諒克九江黃梅廣濟立湖廣
行省璟爲叅政移鎮江陵討斬叛寇進攻湖南平
蠻駐師三江口招討功陞平章政事克征南將軍
取廣西降土官黃英衍岑伯顏還京爲偏將軍征

山西平唐鄧南陽留鎮未幾招諭明昇昇不從琿
還復書與昇曰昔據蜀者最盛莫如昭烈孔明佐
之訓練士卒財用不足取之南中然猶朝不謀夕
僅能自保足下疆場南不過播州北不及漢中而
欲以一隅之地綿頃刻之命可謂智乎若謂險阻
可恃驚叢魚鳧之鄉不至足下矣都陽一戰友諒
授首旋師東討張氏面縛此非人力實天命也友
諒子竄歸江夏王師致伐勢窮出降 主上宥罪
封侯恩榮之盛天下所知足下惛然覺悟自求多
福豈不賢智哉今爲足下謀者他日或以郡獻或

以城降各自爲身計取富貴當此時老母弱子將
安歸乎卽足下年幼未諳時勢語及老母獨不痛
心乎禍福利害瞭然可觀逆順之途在足下審之
而已昇不能從湖廣慈利土酋覃廬諸蠻爲亂琿
討之賊遁溪洞還兵洪武三年封營陽侯食祿千
五百石與世券從伐蜀次夔州進攻瞿塘琛戰不
利赤甲白鹽之師亦退還歸州蜀旣平 上以琿
無功不賞沅辰蠻亂爲副將軍討平之師還佐大
將軍鎮北平召還又赴北平練兵兼領遼東訓練
士卒十五年卒贈芮國公諡武信子通十七年嗣

TIFFEN Color Control Patches

Blue Cyan Green Yellow Red Magenta White 3/Color Black

侯十九年與靖寧侯葉井捕象廣西左江十萬山
二十年領健輜官軍往戍雲南多道亡降昔定衛
指揮使次達散騎舍人

汪興祖

汪興祖果人初為張德勝養子德勝戰歿子宣初
興祖嗣職從張姓征友諒與俞通海趙德勝擣木
寨抵江州克其城進拔蘄州從取南昌士誠圍劉
福通安豐興祖從上拔取其衆還攻廬州鄒陽
之賊興祖等六舟深入搏戰又邀擊禁江口敗死
友諒擢湖廣行省叅政陞督府副使克淮東下湖

州平吳陞同知督府從大將軍北征取山東州縣
孔子五十六世孫衍聖公孔希學聞大軍至率曲
阜尹希舉鄉主簿孟思諒謁軍門興祖禮之克東
州縣皆降兼領右率府事克汴梁還濟寧取元都
徇永平下山西收大同時宣已長嗣父職興祖乃
復姓克武朔為晉王武傳兼山西行督府僉事洪
武四年封東勝侯人有言其過者上弗問亦弗
與語券令自效圖實封從傳將軍克階文蜀平章
丁世真據險距我興祖躍馬直前中飛石死詔都
督興祖沒王事授原封侯爵世券食祿千五百石

典祖子幼以所賜田五頃令與宣同居後疾卒

李新

李新濠人癸巳束歸從克餘和渡江拔采石取姑
熟鎮江江陰發諸豎彭蠡大戰平武昌取江陵累
功陞正千戶下湖州圍平江平吳陞指揮僉事守
茶陵爲督府僉事營孝陵有功洪武十五年封崇
山侯食祿千五百石二十八年坐事死

謝成

謝成濠人從克餘和渡江拔采石太平金陵功授
總管南徐功陞管軍千戶屢戰彭蠡平武昌淮東
轉攻湖州克姑熟陞指揮僉事從征中原平元都
收趙燕魏諸郡遂取山西破陝西平涼莊浪陞指
揮使爲晉王府相征朵耳其降萬戶乞失迎討平
流番十八族洪武十二年封永平侯食祿二千石
世指揮使巡北邊訓練士卒召還二十七年坐累
卒田宅並賜汪嬰

張龍

張龍濠人從渡江立功陞都督先鋒改花鎗千戶
吳元年陞威武衛指揮僉事領偏師立功陞都督
征西番斬獲招附功多洪武十二年封鳳翔侯食



祿二千五百石與世券子麟尚福清公主爲駙馬
都尉龍卒麟歸葬父還京卒孫傑侍母公主京師
永樂中卒因失侯傑子綱宣德十年授詔恩乞嗣
侯吏部言龍侯不嗣者四十年不許

陳桓

陳桓濠人略定遠克滁和渡江取采石太平克副
先鋒收寧國戰彭蠡定荆湖淮揚下湖州平吳討
方國珍陞指揮副使平中原陞督府僉事征雲南
桓與胡海郭英率兵五萬由永寧趨烏撒克曲靖
城烏撒得七星關通畢節進克大理洪武十九年

封普定侯食祿二千五百石與世券與靖寧侯征
東川龍海俘獲還二十年又與靖寧侯總制雲南
諸軍立營屯田後坐黨論死

張赫

張赫濠人歸附授千戶從克定遠泗滁和州拔采
石太平陞總管收集慶鎮江常州進常春翼元帥
守常州大戰鄱陽湖禁江口征武昌降陳理下湖
州平吳討方國珍克慶元温台降國珍陞福州衛
都指揮副使補倭功陞同知署都司事坐捕倭無
功奪俸統哨出海入牛山洋遇倭追至琉球大洋

擒倭酋調興化衛還係召陞督府僉事時遼東糧
食命赫督海運庚申辛酉歲一行捕東椒山寇仍
督遼運癸亥甲子乙丑丁卯歲一行二十年封統
海侯食祿二千石與世券復三督海運二十三年
卒贈恩國公謚莊簡子榮累功至指揮使未副侯
孫繼指揮使陞福建都指揮使巡海捕倭擒賊楊
總從成國公征廣西留鎮文趾曾孫寧

朱壽

朱壽未詳何許人從征爲萬戶渡江取江左郡邑
陞總管收常發克武昌平蘇湖轉戰南北積功歷
陞督府僉事與張赫轉餉有功二十年封勳繼侯
食祿二千石與世券後坐黨論死

張銓

張銓定遠人從取太平定建康南徐毗陵婺州討
僞漢擣江州戰鄱陽湖收鄂渚攻淮東平吳累戰
功歷陞指揮僉事從取中原下濟南克汴洛燕督
三秦四川累陞都督僉事兼建齊邸青州征退五
溪蠻討平水盡源通塔平散毛諸洞從征雲南有
功洪武二十三年封永定侯食祿千五百石與世
券子嗣指揮使

孫恪

孫恪父典祖恪以父功嗣指揮使嘗在 上左右
謹斂小心未嘗有過歷戰功陞都督僉事洪武二
十一年爲右叅將從藍玉征胡至捕魚兒海先登
陷陣野戰有功二十二年封金寧侯食祿二千石

濮瑛

濮瑛父英盧人少勇敢開國累功爲西安指揮陞
都督僉事洪武二十年馮將軍征納哈出既受降
餘衆驚潰竄匿盡驅其降衆入山海關諸降人大
恨餘衆諷伏於途邀襲大軍英爲殿虜伏發衆寡

不敵英復爲蹄被執英絕食不言乘間自剖腹而
死二十年贈金山侯謚忠襄明年贈樂浪公時瑛
生數月 上念英忠卽襁褓封瑛西涼侯食祿二
千五百石瑛年幼趨朝踴傷命鑄玉字牌懸瑛冠
俾人遙避嘗從大將軍征討有功又出練兵臨清
二十六年坐黨戍五開生子真女適寧河王子鑄
永樂元年鑄爲瑛子陳情赦真賜鑄爲子

胡顯

胡顯臨淮人父泉立功開國時歷官定遠都指揮
同知昭教皇妃泉妹也妃生楚王封武昌改顯武

昌護衛洪武十四年從王之國顯隨父陸辭上
曰泉老矣致仕顯嗣官從王征銅鼓諸蠻功陞督
府僉事侍王二十一年從普定侯靖寧侯征東川
龍海諸蠻得城邑馬畜珍寶獻上明年封梁國
公食祿若干石與世券出入朝禁者十年建文三
年坐交通楚王華昺父子並徙臨襄山安置泉竟
死山中永樂元年楚王言母兄弟胡泉泉子顯無
罪廢屏臨襄泉死矣乞赦顯召顯授皇陵衛指揮
僉事改鳳陽陞同知楚王又言顯母在武昌乞還
顯養母顯還武昌卒至曾孫深調都勻衛僉事

何真

何真東莞人少英偉好書劔元末歷河源縣務副
使嶺海騷動棄官歸鄉里率眾保障遂併有循惠
二州元授江西分省左丞洪武元年廖將軍率舟
師取廣東至福州遣人書諭真師至潮真遣都事
劉克佐詣軍門上印章籍郡縣戶口兵糧奉表降
廖將軍遂表請京師賜詔褒真實李英讓驛召
來庭真遂乘傳入朝授江西行省參政轉山東陞
山東右布政使十六年致仕又命收集廣東兵民
十八年遷浙江右布政使明年來朝陞湖廣左又

明年致仕封東莞伯食祿千五百石二十一年卒
子榮嗣伯先是子貴侍太子為兵馬指揮陞鎮南
衛指揮僉事文尚寶司丞榮後坐黨論死真弟迪
反南海遁入海島捕至京伏誅

陳理

陳理父友諒死兄善兒被擒理稱漢皇帝 上至
武昌出降封歸德侯又封友諒父普才為承恩侯
兄友富歸仁伯友直懷恩伯弟友仁贈南康王理
居京師鬱不樂出怨言 上曰此童孺小過不足
問恐為小人蠱惑不得全朕恩宜處之遠方洪武

五年徙高麗遣元樞密使延安答理護行賜高麗
王羅綺令善理理時蜀明玉珍子昇降封歸義侯
與理同徙高麗普才徙滁

買的里八剌

買的里八剌元順帝孫也洪武三年征虜左副將
軍文忠克應昌元太子愛猷識理達剌遁去獲買
的里八剌送至京 上免獻俘封為崇禮侯奉元
祀五年 上貽元主書又與元臣劉重德朱彥德
書令遣使迎買的里八剌七年遣北歸

納哈出

納哈出者元木華黎裔孫也爲萬戶 上初獲納
哈出待之如子居常不樂 上令降萬戶黃疇察
其去就納哈出求歸 上欲從之徐將軍從旁力
阻 上曰人臣各念其主况有父母妻子之恩竟
資遣去納哈出既歸出沒遼東塞下殺掠吏民洪
武十九年馮將軍率兵三十萬擣金山降納哈出
及其部落二十餘萬明年至京師封海西侯食祿
二千石賜其官屬衣冠有差仍授指揮千百戶食
祿不任事分其衆隸雲南兩廣福建諸都司從征
稍有功二十一年隨傅將軍征雲南至武昌卒納

哈出嗜飲燒酒盛夏水浴因得疾 上每戒其過
飲不聽竟以是死賜葬南京是年改封其子察罕
濟陽侯坐黨死

盛庸

盛庸不知何許人亦未詳其始自起建文時充叅
將隨耿炳文軍失利又隨李景隆戰燕齊間互有
勝負已而與鐵鉉守濟南靖難兵圍甚盛庸夜出
劫戰晝憑城禦防盡毀靖難兵諸攻具捷聞陞鉉
兵部尚書封庸歷城侯食祿千石克平燕將軍總
兵官代景隆北進與靖難兵大戰東昌夾河殺承



玉譚淵靖難兵長驅至淮上庸進戰靈壁齊眉山
皆敗迺還駐高資港又敗成祖卽位庸歸命勃
曰比以山東未定命卿鎮守淮安今鐵鉉就獲諸
郡悉平朕念山東久困兵革愆於轉輸卿宜輯兵
養民以稱朕意永樂元年致仕千戶王欽發庸罪
狀陞欽指揮同知賞銀百兩未幾都御史陳瑛劾
庸口出怨言漢異圖請誅庸遂削爵庸恭卒

李堅

李堅武涉人父英開國有功爲驍騎右衛指揮會
奉力戰死烏樞贈指揮使堅尚太祖第七女大

名公主爲駙馬都尉守與駙馬歐陽倫梅放陸賢
賑北平建文君卽位進公主大長公主堅素負才
勇克左副將軍佐耿炳文北進遇靖難兵炳文謹
備西北靖難兵突擊出不意破東南炳文敗丘福
又攻子城堅出接戰互有勝負封濠城侯食祿若
千石與券已而兵敗游沱河薛祿引渠中堅墮馬
祿揮刀斫堅堅大呼我李駙馬勿殺祿擒堅見
成祖謂爾至親今至此奈何械送北平道卒于莊
以公主故特宥富嗣侯公主懼禍繳誥券莊流寓
南京詩酒終其身公主至宣德初卒或曰堅子莊

皇明異姓諸侯傳上卷終

子履率校

孫心村重校

嗣侯澄威莊弟成爲中都留守改山東都指揮成

子陞世南京衛指揮使






20250525 NATIONAL CENTRAL LIBRARY, TAIWAN, R.O.C.



20230001 NATIONAL CENTRAL LIBRARY, TAIWAN, R.O.C





皇明異姓諸侯傳下卷目錄

譚淵 顧成 陳懋 徐忠

張信 郭亮 王通 李彬

陳珪 徐祥 李濟 孫岩

趙昇 張興 陳志 徐增壽


柳升 朱榮 高士文 梁銘

吳允誠 吳成 費癩 蔣貴

方瑛 毛勝 楊信 朱謙

孫鏗 衛穎 陳友 曹義

施聚 焦禮 劉聚 毛忠





| | | | |
|----|-----|-----|----|
| 趙輔 | 仇鉞 | 丘福 | 李遠 |
| 王忠 | 王聰 | 何福 | 郭義 |
| 王友 | 陳賢 | 房勝 | 陳旭 |
| 劉才 | 房寬 | 張武 | 徐理 |
| 孟善 | 唐雲 | 茹瑋 | 王佐 |
| 王寧 | 袁容 | 李讓 | 火真 |
| 金忠 | 金玉 | 薛斌 | 薛貴 |
| 李賢 | 吳管者 | 勝定 | 金順 |
| 李英 | 蔣信 | 羅秉忠 | 和男 |
| 李玉 | 蔣廷珪 | 趙安 | 任禮 |

| | | | |
|----|----|----|----|
| 沈清 | 譚廣 | 陳懷 | 馬亮 |
| 楊能 | 石亨 | 楊善 | 張輓 |
| 董興 | 李文 | 趙勝 | 李震 |
| 神英 | | | |

恩澤侯目錄

| | | | |
|-----|----|-----|-----|
| 張昶 | 張昇 | 孫忠 | 吳安 |
| 錢承宗 | 周壽 | 王源 | 張巒 |
| 邵喜 | 蔣翰 | 夏儒 | 陳萬言 |
| 方鏡 | 崔元 | 陶仲文 | |

皇明異姓諸侯傳卷下

吾學編第十九

譚淵

海鹽鄭曉

譚淵清流人父勝開國功爲燕山副千戶淵嗣官從靖難奪九門永平大寧真定薺城滄州功陞都指揮同知建文三年三月夾河戰歿子忠嗣官從靖難有功建文四年贈淵崇安侯謚壯節立祠香山陽京尹春秋少宰祭忠以淵故得封新寧伯食祿千石與世券宣德二年征交趾失律下獄赦出八年卒子璟乞嗣伯吏部言忠失律論死子不得



嗣 上曰券有免死文與璟嗣正統十三年卒子裕嗣景泰三年卒庶子祐年九歲優給天順元年嗣祐恭慎守法好禮為京營總兵最久累加太保太傅嘉靖五年卒諡莊儉子綸嗣

顧成

顧成字景昭其先湘潭人成往來江淮間遂居江都容貌魁梧壯勇質直有膽略喜習武事自文其身誇異人或謂成黠徒者非也丙申來歸充帳前親兵常擊蓋侍 上出入忠謹無過初授百戶從征陞金吾副千戶宿衛陞指揮僉事從平蜀破貴

州蠻克普定功陞指揮使普定衛進都指揮同知已而征雲南成扼普定斷後進督府僉事克征南將軍鎮貴州征五開六洞破一百三十七寨斬首三千建文初令錦衣指揮談全諭成班師二年進同知三年進右都督是年閏三月從盛庸至真定戰敗被執 成祖解成縛曰吾且用汝遣至北平侍 仁宗居守有功建文四年以左都督封鎮遠侯食祿一千五百石與世券又出鎮貴州申嚴號令威信並行討撫諸蠻搗臺羅寨斬叛酋普亮滅其家羣蠻震懼卒年八十五贈夏國公諡武毅靈

TIFFEN Color Control Patches

Blue Green Yellow Red Magenta White Black

中皆祠祀成八子長統爲普定指揮使先卒孫典
祖承崇十二年嗣侯贈父統侯爲總兵宣德中坐
交趾事徵下獄正統十四年從征失律降都督同
知 景帝初守備紫荆關詔與伯爵 英宗復辟
詔復侯出鎮貴州有戰功加祿三百石守南京宣
德中鎮廣西坐貪財好色失地表師逮下獄既而
釋之子翰先卒翰子淳天順八年嗣侯卒無子淳
從弟溥者成諸元孫也成化九年嗣侯溥初學國
學解文學嘗總兵團營爲平蠻將軍鎮湖廣擒貴
苗僞王通滇蜀道還流移五千家復爛土長官司

設都勻府增祿二百石溥清慎無餘貲英國公
張懋爲率布帛供飲事謚襄恪子仕隆弘治十七
年嗣侯仕隆好文諳武爲京營總兵寬弘簡質得
士心充漕運總兵鎮守淮安廉幹不苟擾卒贈太
傅謚榮靖子寰嘉靖七年嗣侯出爲漕運總兵二
十三年言官劾罷伏羌伯毛漢代寰旨下數日又
劾罷漢用都督劉璽璽致仕居南京萬表代璽寰
端靖廉明溫榮孝友時論歸之言官竟被考察去
寰復爲漕運總兵鎮守淮安尋總督京營戎政

陳懋

TIFFEN Color Control Patches

Blue Cyan Green Yellow Red Magenta White Black

陳懋壽州人父亨居和州開國功陞大寧都指揮使征虜功陞都督僉事建文初為大寧行軍都督從靖難戰塌上先登建文二年十月取鐸山為平安所殺贈涇國公諡襄敏懋結髮從父兵為前行廣昌濟南單橋西水寨東平力戰有功累官都督尋以父功封寧陽伯食祿千石與世券出鎮寧夏永樂七年捕虜赤保連即軍中進侯立號加祿三百石三從上北征女入宮冊麗妃特與歸寧二十一年總陝西三鎮兵征胡直禱賀蘭山盡收也先土于部落及馬駝數萬明年又從北征還復殿

仁宗加太保與世侯券宜宗初從討漢庶人宣德二年復鎮寧夏明年徙靈州城六年還朝十年移鎮西正統元年劾罷削祿五年奉朝請十二年充總兵討鄯茂七有功班師領宗人府景泰中加太子太師天順元年加祿二百石七年卒贈濟國公諡武靖懋偉貌修髯洪聲禮敬文士長子晟勲衛坐罪謫戍晟弟濶嗣侯成化二年卒無子弟瑛嗣侯晟爭瑛不宜嗣革瑛祿十五年晟子輔生二年夫晟言臣罪廢臣男宜優給瑛本借臣爵宜還臣男內批候輔壯二十二年輔嗣侯與瑛為

勳衛弘治元年輔坐殺人會赦革爵編氓八年瑛子思之子繼祖繼祖懋曾孫也年七歲與米月十石正德元年嗣侯

徐忠

徐忠字仲達合肥人父用開國功陞副千戶忠嗣官征虜功陞濟陽衛指揮僉事鎮開平靖難時歸附立功燕趙齊楚間白溝之戰敵揮刃斬忠兩指未殊忠自斷指擲地裂衣帛裹創發憤進戰大捷歷陞都指揮僉事建文四年封永康侯食祿千一百石與世券 仁宗監國留忠南京掌兵政卒贈

恭國公謚忠烈忠三庶子安敬職事襲永樂十六年 上令長庶子安嗣侯卒子昌先卒昌子綺嗣侯卒子溥乞優給旨下戶部戶部以非職掌移吏部吏部為溥請月給米十石卒庶長子源嗣與優給長嗣侯

張信

張信臨淮人父興開國功為永寧指揮僉事信嗣官紫江草塘功陞都指揮僉事洪武三十一年建文君即位疑北平大臣薦信有謀勇名朝北平都司受密勅令與謝貴張瑄合力盡縛藩府人信日

夕憂惜母怪而問之信詭對曰兒統兵邊關焉能無憂母曰汝非此愛其語我故信屏左右對曰密旨欲得親王奈何母大驚曰不可汝父每言王氣在燕汝無妄為禍家族信益憂懼未幾勅促信益急信艱然起曰何恐已甚至此三造燕邸 文皇辭不見乃乘婦人與求見 文皇召入拜 文皇床下時 文皇稱風病不能言久矣信頓首曰殿下無恙卽有恙當急諭臣 文皇曰余誠病且因待死爾信復曰殿下不以情語臣朝廷密勅信執殿下殿下意果無他幸從臣歸命京師卽有意宜

告臣 文皇見信辭臣又意甚誠惻泣下告信密謀立召姚廣孝朱能張玉定計奪九門信遂從靖難兵戰大寧真定鄭村壩還軍攻九門管西克大同轉戰夾河葦城渡淮破盛庸兵入金川門陞都督僉事建文四年封隆平侯食祿一千石與劬世伯 文皇時時呼信爲恩張凡召太子北京察藩王勳靜諸密妻事皆命信永樂二十年征胡功加少師洪熙元年與世侯劬支兩俸子鏞自立功爲指揮僉事先卒鏞子淳嗣官正統七年信卒贈鄖國公謚襄僖淳以指揮僉事嗣侯卒子福嗣侯無

無如... 卷一
子弟祐嗣侯卒無子弟祿與禰爭嗣下法司理正
德三年祿嗣侯卒子偉優給十二年嗣侯

郭亮

郭亮合肥人父聚開國功陞流百戶亮嗣官征胡
功歷陞永平指揮從靖難與都督耿獻戰又與都
督楊文職皆有功當是時靖難兵南下亮獨守永
平與北平為聲援建文四年封成安流侯世伯食
祿千二百石出守開平築烽堠永樂二十一年卒
贈興國公諡忠壯庶長子晟嗣侯宣德五年扈蹕
先入德勝門歸私第勅下錦衣獄天順二年卒無

子第恭乞嗣 上曰如誥恭與伯壽卒子鑽嗣伯
卒子寧嗣伯卒寧子璋早卒璋從弟瓚嗣伯

王通

王通陝咸寧人父真開國功為燕山護衛百戶從
靖難攻九門戰永平真定功陞都指揮使建文四
年泚河戰歿 文皇卽位贈金鄉侯諡忠壯進贈
寧國公通亦從靖難有功又以父故封武義伯食
祿千二百石與世券永樂七年作天壽山十三年
進封成山侯二十三年與世券又以父故加祿歲
一千石 仁宗時以真從祀 文皇宣德元年充



征夷將軍總兵鎮交趾未幾通言交趾反勅通勅
賊都督方政坐罪誅麾下立功二年斬僞司徒利
賊大懼通怯不敢追又爲奄山壽所窘賊復聚寧
橋戰通敗績柳升兵又未至通輒與利賊書和許
畀清化等州地按察使楊時習以爲不可力爭通
勵聲叱時習比升兵至隘留關又大敗升死通遂
與利賊盟班師陸行出廣西山壽陳智由水道出
欽州凡文武吏士得還者八萬六千六百四十人
利賊閉留不遣者尚數萬人三年廷臣劾通論當
死繫獄奪券籍其家會赦宥死爲民正統元年通

子宗乞得祖塋葬通母十四年北虜南侵廷薦通
爲都督僉事與楊善守京城禦虜功陞都督同知
尋守山陵景泰三年卒宗爲景陵指揮僉事天順
元年詔恩琮得嗣成山伯卒子鏞嗣伯弘治十一
年乞券 孝宗念真靖難功又脩食 太廟出原
券賜鏞卒子洪嗣吏部言通罪廢琮嗣伯以詔恩
鏞時未許世嗣執不許洪嗣伯 上以洪祖真券
故在許洪嗣伯

李彬

李彬定遠人或曰和州人父信權指揮僉事彬善

騎射嗣父官爲真從傳將軍征朵顏經略宣府興和雲州築萬全懷來城從靖難率騎兵攻薊州轉戰雄漢真定襲大亨壓鄭村白溝濟南滄州掠彰德皆有功歷陞督府僉事建文四年謫仁孝皇后至京明年封豐城侯食祿千石與世泰出鎮西陲六年以交趾功加祿五百石永樂二十年卒贈茂園公謚剛毅明年子賢嗣侯鎮守大同守備南京景泰二年卒贈豐園公謚忠憲四年子勇嗣侯卒無子弟昇之子烈嗣

陳珪

陳珪秦州人開國功陞百戶調燕山護衛擒虜乃兒不花陞副千戶靖難奪九門雄鄭功陞指揮又擢上方戰陞都指揮大戰楊村陞僉事督府建文四年封太寧侯食祿一千二百石與世券卒贈靖國公謚忠襄子璽先以靖難功爲武成左衛指揮使璽子鍾已嗣指揮使珪次子愉遂得嗣侯二十年北征失律下錦衣獄死鍾與愉子鏞爭嗣仁宗以鍾庶長孫二十二年嗣侯卒子灝宣德五年嗣卒無子八年弟瀛乞嗣宣宗曰陳愉失律念璽有功璽孫瀛與嗣侯給半祿十年吏部言璽年



十五與全祿已巳陣歿是年弟涇嗣侯成化元年
失律坐斬赦還侯倅祿卒子桓八年嗣侯十二年
桓坐與僧娼飲酒淫酗奪俸一年子璩弘治七年
嗣侯卒子儒正德七年嗣侯卒

徐祥

徐祥大冶人漢高戶歸附從軍功陞燕山護衛千
戶靖難兵起攻奪九門轉戰漁陽真定永平彰德
白溝河滄州保定小河齊眉山渡淮江入金川門
有功建文四年九月封伯十三人祥第一爲興安
伯食祿千石與世券祥在靖難諸將中年稍長及

封益勤慎不敢驕怠永樂二年卒子永未嗣伯卒
永子亨嗣伯正統元年征胡功進流侯加祿百石
卒謚武襄子賢嗣伯病歿與半祿免朝請卒子盛
優給十六年嗣伯卒無子從子良正德三年嗣伯
卒子勳嗣伯卒子夢賜優給嘉靖二十年嗣伯

李濟

李濟和州人父旺開國功爲燕山獲衛千戶濟嗣
官從靖難執謝貴張萬奪九門克居庸轉戰永平
真定功陞指揮僉事鄭村壩大捷陞都指揮僉事
白溝濟南功陞同知建文四年封襄城伯食祿一

千石與世券永樂元年出鎮江西召還三年卒子
隆年十五嗣伯八年從上北征有功十四年留
守南京仁宗時出鎮山海未幾復守南京先後
凡十八年正統五年入總禁兵十一年巡邊明年
卒隆有才畧頗好文恭慎不敢驕守法度明年子
珍嗣伯又明年沒於土木無子弟連病不能嗣連
弟瑾景泰元年嗣伯成化三年總兵與程信在川
貴蠻大戰渡船舖攀崖焚其巢賊退保大壩貴人
倚之川人角之賊敗奔入洞室而圍之逾月皆死
四年進流侯弘治二年卒贈萬國公諡莊武子嗣

嗣伯卒無子連子鄒嗣伯正德四年卒子全禮嗣
伯嘉靖十八年卒明年子應臣嗣伯

孫巖

孫巖鳳陽人開國功為流百戶改護衛十三年從
藩王之燕山久之致仕子亨嗣官陞正千戶建文
元年巖以致仕官從靖難守通州突門力戰追奔
至張家灣掠餉舟三百復還守城又敗遼東兵歷
陞都指揮建文四年封應城伯食祿千石與世券
永樂十六年卒贈翼城侯諡威武亨先以靖難立
功薊州永平鄭村壩大同白溝河滄州彰德靈壁



入金川門陞陞河南都指揮嗣父伯亭子英嗣伯
卒無子弟傑嗣伯正統元年坐不敬劾罷卒子繼
先嗣伯卒子欽嗣伯嘉靖十八年卒

趙彝

趙彝虹人洪武初虎賁百戶調燕山右衛從賴國
公征沙漠城宣府萬全懷來歷陞永平衛指揮僉
事靖難兵至永平彝以城降從徐忠等轉戰有功
陞北平都指揮使 文皇即位封忻城伯食祿一
千石與世券永樂十三年鎮徐州 仁宗召還卒
子榮嗣伯卒子溥嗣伯卒姪權嗣伯卒子武正德

十三年嗣伯

張典

張典壽州人開國功歷陞燕山護衛指揮僉事靖
難時奪九門戰漁陽永平大寧廣昌白溝河濟南
夾河西水寨功歷陞都指揮同知從子勇年壯有
膂力從興行間先登典嘗單騎追敵被十餘創病
勇領其兵嗣護衛指揮使戰淮泗渡江入金川門
陞都指揮同知 文皇即位封興安鄉伯食祿千
石與世券五年卒贈侯七年勇嗣伯明年從征胡
失律謫交趾總旗立功十年赦還復伯道病卒十



五年子安嗣伯正統十三年出鎮廣東十四年賊黃蕭養敗歿子錦優給卒無子安弟寧嗣伯卒子珣嗣伯卒子勳末嗣卒孫坤嗣伯

陳志

陳志巴人開國功累陞燕山中護衛指揮僉事後靖難戰真定白溝河濟南再陞都指揮同知永樂元年封遂安伯食祿千石與世恭卒志二子長良坐法謫戍死次春立功爲指揮便先志卒春子瑛嗣僉事指揮矣至是良子瑄與瑛爭嗣伯吏部上請 文皇曰瑄父洪武中獲罪無勞於國然志適

孫也春有功授指揮瑛已嗣父官今與瑛伯奈適孫何瑛又不肯讓下廷臣議議上瑄適孫宜嗣 文皇曰瑄與瑛也令陛見朕二人者見 文皇曰二人者皆可嗣朕與汝鬪鬪得伯者嗣瑛得鬪

文皇笑曰乃汝瑛也竟得伯者瑛卒子瑄幼與半祿優給正統十一年嗣十四年隨 上北征陣沒無子瑄叔詔與瑄又爭嗣 景帝曰先朝言二人者皆得嗣今國家急人總兵石亨楊洪尚書于謙擇嗣一人必有功也與世嗣謙等上言瑄老詔壯 景帝令詔嗣伯天順八年部坐干撓軍政奪坐營

成化三年又坐事謫立功遼東明年赦還七年乞恩與半祿朝請卒孫德乞嗣下廷臣再議德始得嗣伯正德中爲薊州總兵朵顏入塞召還嘉靖中爲京營總兵


徐增壽

徐增壽武寧王第三子少隨父入見 太祖太祖喜其秀朗機警賜名增壽長勇敢立戰功陞右軍都督嘗從 文皇出塞征乃兒不花有功班師入見 仁孝皇后還朝數與 文皇往來靖難兵起建文君疑增壽繫禁中 文皇兵入金川門建文

君梓增壽至左順門殺之廡下即發火燒宮 文皇卽位念增壽首贈武陽侯諡忠愍永樂二年加贈定國公子景昌嗣公食祿二千五百石與世券卒子顯忠嗣公卒子承寧優給嗣公卒子世美未嗣卒孫光祚嗣公嘉靖五年加太師八年卒子廷德嗣公

柳升

柳升懷遠人父崇或名德立功洪武時爲燕山護衛百戶升嗣官事 成祖靖難攻懷來密雲白溝河東平大小二十餘戰皆有功歷官都司督府承



樂四年征交趾功六年封安遠伯食祿千石與世
券八年北征至玄冥河功進流侯加祿五百石仍
世伯出鎮寧夏還總京營兵又從 上北征至蒼
崖峽鬼力河慶州有功得世侯十八年討唐賽兒
失律下吏尋宥二十年又從征胡宣德四年王通
言交人反升為征虜副將軍充總兵保定侯梁銘
左副總兵都督崔聚左叅將率兵會沐晟討利二
年兵至隘留關利上書請立陳氏後升受書不
發封馳奏上賊已剋柵拒我兵追升連破賊直抵
鎮夷關賊歛迹無禦我者升喜謂賊窘范備銘及

叅贊尚書李慶又病慶力言賊詐升不聽至倒馬
坡入賊伏升中鏢死是月銘病卒明日慶又卒聚
收散卒進至昌江遇賊衆寡不敵聚死戰賊驍衆
大至我兵遂亂聚被執賊欲降聚不屈死之聚懷
遠人靖難征胡累功至督府僉事升質直簡靖臨
敵勇敢敗死贈融國公謚襄愍子溥宣德十年嗣
侯鎮守廣西天順初年加太傳出守甘涼虜殺掠
人畜不能禦御史劉濟劾溥失律 上怒御史言
溥下獄落職外除比溥還 上悟欲罪溥勒溥罷
太傅溥輒乞進駝馬 上怒却其獻未幾內臣牛

TIFFEN Color Control Patches



玉傳首令溥總兵神機營卒子承慶瘁不能嗣孫景天順五年嗣侯成化末鎮守兩廣弘治四年生法奪職下獄七年與冠服閑住景先後屢乞思十二年得復侯與祿三之一卒子文嗣侯卒子珣嗣侯鎮守兩廣以撫莫登庸功加太傅

朱榮

朱榮沂人洪武初起驍騎舍人從征雲南功授百戶出塞征胡功陞大寧副千戶文皇至大寧榮率眾降陞指揮僉事從還北平戰鄒村壩白溝河蒸城功三遷至都指揮使伏兵泥河大戰又戰小

河靈壁渡淮下揚州入金川門陞都督僉事任交趾功陞右都督永樂八年從上出塞征胡敗本雅失里阿魯台轉左都督再從上出塞至和林爲先鋒破虜又從上出塞敗虜殺胡原二十年封武進伯食祿一千三百石與世券洪熙元年卒贈侯諡忠靖是年子冕嗣伯正統四年出鎮大同十四年禦虜戰歿贈侯諡忠愍是年子英嗣伯卒子雲嗣伯卒無子弟霖嗣伯卒子潔嗣伯卒子嗣卒無子叔江嗣伯卒無子從弟海嗣伯

高士文



高士文陝西咸寧人洪武中雲南塞北功陞燕山
護衛百戶從靖難戰大寧廣昌白溝夾河東平汶
上每出入陷陣先登累陞都督僉事永樂四年征
交趾五年交趾平餘寇奔入七源諸川山谷中出
沒寇掠張將軍遣士文捕賊晝夜急攻賊突出走
士文又進追賊中飛砲死部兵復追賊賊又竄入
七源州以士文力戰故賊竟潰亂張將軍繼遣都
指揮程錫平賊贈士文建平伯令子福嗣伯食祿
千三百石與世券卒子遠嗣伯宣德五年與成安
侯卮暉不敬下獄得釋卒子震病不能嗣遠弟進

嗣伯卒無子弟遠之子震嗣伯卒子繼宗嗣伯

梁銘

梁銘汝陽人洪武中嗣父燕山護衛百戶事 成
祖靖難時南兵攻北平又攻通州銘守戰甚力積
功至督府僉事侍 太子監國坐事下獄永樂十
九年赦令捕倭廣東 仁宗卽位進督府同知充
參將出鎮寧夏 上念銘舊有守城功封保定伯
食祿一千石與世券宣德初御史石瑛劾銘守寧
夏罪狀 上特原銘遣銘副柳升征交趾卒軍中
銘坦夷寬簡勇敢當敵能撫循士卒銘不死崔聚



亦未至敗沒于瑤宣德十年嗣伯正統十四年坐失律謫從石亨立功尋與牟祿復其爵斬虜首復與全祿景泰元年克平蠻將軍代王驥征貴州又征福建皆有功三年進流侯加祿五百石世伯天順元年與世侯卒贈蓋國公溢襄靖子傳嗣伯坐不敬逮獄冒禮國子監卒于宗幼與祿歲百石優給卒次子任嗣伯卒子永福嗣伯嘉靖中爲京營總兵

吳允誠

吳允誠本胡人賜姓名永樂三年父子率衆來降

爲督府僉事出塞爲鄉導征胡至卜哈思擒哈刺乞台進同知八年扈駕敗阿魯台進都督九年又出塞逐虜至潤脫赤斬首虜中律封恭順伯食祿一千二百石先是允誠父子從成祖出塞留家涼州虎保脅允誠部衆劫允誠妻及其少子管者叛去妻急召部將都指揮保住卜顏不花等出兵盡擒殺諸叛者上遣行人勅勞允誠妻賜繖木羊鈔陞管者指揮僉事允誠卒贈祁國公溢忠壯子伯客十六年嗣伯賜名克忠二十二年扈駕出塞有功洪熙元年以戚里恩又有功進侯與世泰



加祿二百石宣德中副總兵巡邊正統九年統兵
出喜峰塞征兀良哈有功加太子太保十四年沒
於土木贈鄒國公謚壯勇第克勤都督亦戰殘贈
遵化伯謚愷敏克忠子瑾嗣伯曹欽反劫瑾瑾不
從死贈涼國公謚忠壯與世侯子鑑優給與半祿
天順六年嗣侯卒子世典嗣侯

吳成

吳成本名買驢遼陽人父通伯元遼陽省右丞洪
武中隨觀童來降買驢克總旗出塞征胡功陞水
平衛百戶從靖難攻真定大寧鄭村壩功陞指揮

僉事廣昌白溝館陶功再陞指揮使夾河葉城西
水寨功陞都指揮僉事敵泥河小河齊眉山靈壁
先登渡淮克揚州入金川門再陞都指揮使永樂
八年從 上出塞征胡功陞都督僉事已而三出
塞斬獲多洪熙元年陞左都督是年大松嶺破虜
封清平伯食祿千一百石與世券宣德初從擒漢
庶人三年出喜峰塞敗虜寬河斬獲進封侯祿如
故八年卒贈梁國公謚壯勇子忠先卒又明年孫
英嗣伯卒子璽嗣伯卒無子第琮嗣伯卒子傑優
給嗣伯卒子家彥優給嗣伯



賈瓛

賈瓛定遠人祖遇洪武中爲燕府左相已華府相
改護衛指揮使父肅嗣官肅卒瓛嗣官事 成祖
靖難功累官都指揮同知鎮守山海關永樂五年
召僉事後府六年充副總兵備倭海上七年征湖
廣叛寇八年充總兵鎮寧夏其肅討平叛虜亦令
真巴十年又出其肅防禦 仁宗卽位克平羌將
軍鎮甘肅尋陞右軍都督宣德元年入朝 上念
瓛舊臣累著功名封崇信伯食祿千一百石與世
券復出鎮瓛和易善撫循士卒守邊二十年塞境

寧靜征漢庶人嘗爲先鋒將佐薛祿有功子劍宣
德三年嗣伯景泰中鎮守福建卒天順八年子淮
溥爭嗣 憲宗曰淮母朱氏以劍故封夫人淮卽
適子溥不得與淮爭成化元年與淮祿一百石優
給嗣伯習學國子監十二年祭酒周洪謨言淮不
務學奪半祿冠平巾以母乞恩故原淮卒子柱嗣
伯

蔣貴

蔣貴江都人靖難初起小卒累戰功世昌國衛指揮
同知又從征北虜九龍口大松嶺功陞都指揮



僉事充參將擊番賊任昌深入奪橋斬關進同知鎮守松番番夷再叛討平之陞都督僉事充副總兵盡平諸番陞總兵平蠻將軍鎮守正統元年召還陞右都督總兵討戎王阿台擒乃顏刻忽李羅等三年封定西伯食祿千二百石與世券貴奮起卒伍木麓川功進侯加祿三百石與世券貴奮起卒伍能與士卒同甘苦凡出境備賊衣糧器仗身自囊負不後一人臨陣冒險衝敵敵皆披靡子弟士卒追隨向敵雖目不識字短於謀略然天性朴實忘已下人以故所向有功登上將爵通侯爲一時名

將卒贈溼國公益武勇子義病不能嗣十四年義子琬嗣侯成化初克平羌將軍總兵甘肅勅巡按御史罪狀曰臺官豈盡桓典耶八年南京操江上言六事極言江防控扼要害保護南京根本十年召還充團營總兵上言六事二十年克平胡將軍出雲中塞禦虜并統制宣府山西諸軍虜入偏頭關斬捕有功時談徙鵬鸞坐於滴水崖琬曰獨石八堡聲勢相首尾滴水崖速盜難救援不可徙卒贈涼國公益敏毅庶子驥嗣侯嘉靖三年守備南京道卒子傳優給嗣侯



方瑛

方瑛全椒人大父銘開國功爲百戶父政靖難功爲都指揮正統三年都督總奇兵征木麓川戰殘贈威遠伯謚忠毅四年瑛以父功爲金吾指揮使憤發報父讐乞領父支兵從定西伯効死先登破賊寨進都指揮使七年從靖遠伯征賊功陞督府僉事充叅將守雲南已而從侯侍郎征貴州功進右都督充總兵移守貴州景泰元年香爐山功轉左召總五軍管諭先後平賊功多封南和伯食祿千石與世券明年征銅鼓留鎮湖廣貴州天順元年進流侯加祿三百石四年卒謚忠襄子毅嗣伯卒子壽祥嗣伯卒以嘗論大禮得贈太子太保子東嗣伯卒

毛勝


毛勝初名福壽京師人伯父邵海元舊官歸附爲燕山中議衛閑牧官從靖難歷陞都指揮同知建文四年卒無子福壽父安太邵海母弟也嗣羽林指揮使永樂七年卒福壽兄濟嗣官卒無子福壽嗣官以兄濟九龍口殺胡鎮功進都指揮使正統六年征木麓川功陞都督僉事充右叅將復征木



麓川功進同知十四年禦虜宜府功陞左府都督
是年冬守宣武門又哨虜紫荆關景泰元年充左
副總兵率河間東昌達兵征湖廣峒苗韋同烈戶
部主事陳汝言言福壽本虜人奸黠不可信勅王
驥侯福壽至善御之無使驚疑已乃有功三年封
南寧伯食祿千石五年進屯金川斬賊功與世券
改名勝移金齒彈壓諸蠻天順二年卒贈侯謚忠
壯子榮嗣伯八年坐法調廣西立功卒子文嗣伯
卒子良嗣伯卒子重器嗣伯卒

楊信

楊信伯父洪信幼武悍正統初從洪征興州虜轉
戰西涼亭白塔兒斬首功累陞指揮僉事十四年
薦陞都指揮僉事守柴溝堡從洪戰虜紫荆倒馬
五郎河有功景泰二年出宣府歷陞督府僉事充
叅將再守懷來會洪病移信協守宣府五年充副
總兵天順元年召還京陞同知移鎮延綏延綏總
兵佩將軍印自信始明年虜孛來毛里孩入塞擊
退又明年虜入寧夏塞信合武平伯陳友兵於安
邊營夾擊虜遁去四年封彰武伯食祿千石與世
券五年移鎮大同成化二年毛里孩入河套出沒



塞上召信至京問方略信言兵難遠度乞精騎疾
走至榆林圖上上從信言命爲平虜將軍總諸
鎮兵至延綏屬兵秣馬待虜烽火嚴虜奸不得入
覘我輒突入塞信縱兵邀擊小龍州鐵青原虜錯
愕盡棄掠我人畜悉渡河去明年還鎮大同六年
虜又入延綏塞信西接信曰虜覘我大同兵渡河
必乘虛東掠設伏胡柴溝虜果至伏發擊斬獲功
多八年又敗虜伯顏哈答自是虜不敢輒入塞與
世伯券十三年卒贈侯謚武毅子瑋嗣伯卒子質
優給嗣伯卒子儒嗣伯

朱謙

朱謙夏邑人父真靖難功授世留守指揮僉事謙
嗣官累征遼北功陞萬全都指揮使充右叅將分
守宣府功陞都督克鎮朔將軍總兵宣府裕陵北
狩過宣府率其子永出謁頓首哭獻犒軍勞虜金
帛屢出兵截虜有功景泰元年虜入石峰口又入
龍門關不能禦禦輒敗都督江福援謙又敗詔詰
責謙已而與虜戰斬首中律封撫寧伯卒永嗣伯
與世券天順初永陳父宣府謁上事贈侯因稍
進用永永慎重不洩法令嚴整四年虜入宣府永



出禦虜退班師六年總兵三千營八年兼總神機
營時定襄伯郭登出鎮甘肅永厲留登與同事復
圍營充總兵兼領三千營成化二年充踏虜將軍
征荆襄有功進流侯乞謚謙武襄未幾虜亂加思
蘭入大同塞克平胡將軍禦虜虜退去與世伯尋
克平虜將軍出榆林禦虜有功即軍中進封侯立
號總制陝西三邊與世券七年虜入屯柳樹澗永
出奇邀戰有功十二年召還加太子太保十四年
建州夾結朵顏入遼東塞明年永出塞破其營加
太子太傅進封保國公十六年出廷綏禦虜十七

年大同禦虜亦思馬因戰海東山功賜券世公十
九年虜大入塞克鎮朔將軍總制宣大二路二十
三年孝宗即位召還加太師掌後府總國管如
故九年卒進封宣平王謚武襄子暉言與祖謙差
同改武毅是歲暉請嗣公下廷議上待令暉嗣
公一世暉嘗克京營總兵與英國公懋新寧伯祐
同事卒子麒請嗣公下廷議嗣侯

孫鏜

孫鏜康勝州人永樂二十年嗣父指揮同知從出
塞征胡功再陞都指揮僉事正統十四年克左塞



將補定州賊功陞督府僉事殿也先都城先登有功景泰元年薦都指揮李奇楊洪勅其徇私下御史獄武清侯石亨刑部右侍郎江淵薦鐘勇敢得釋已而爲大同副總兵與郭登不協時忿爭乞罷兵柄不許四年請盡統精兵出塞襲虜勅止鐘以奪門功封懷寧伯明年與世券五年充陝西總兵與兵部尚書馬昂出禦虜期七月二日出師先一日夜初指揮馬亮走告鐘曹欽反謀先殺鐘及昂奪其軍攻皇城鐘披衣起急草奏呼長安左門闕人曰與爾奏疾造 上前告急變稍遲軍法且斬

又走右門亦如之內廷始得集兵縛吉祥鐘獲服至太平侯張璉家議討賊賊已呼噪四出劫殺文武大臣 上出密帖隙中令百戶楊能至璉家伺鐘云何能報鐘普殺此賊 上喜手勅鐘父子爲朕用心滅賊賊攻長安右門不得入走攻左門又不得入欽兄弟率胡兵直趨東安門發火力攻上又勅鐘賊犯關急鐘等努力殺賊俄又勅鐘昂盡統各營兵殺賊鐘子輔子軌追賊至東市大戰軌奮力入陣砍欽兩臂傷賊并力圍軌攢鎗殺軌鐘急調神砲與諸營兵夾攻欽傷遁歸家投井中



并其宣靈擒伏誅進封侯食祿千三百石與世象
成化改元盡革奪門鐘亦在革中 上曰鐘有勞
於國老且無恙可食祿奉朝請七年卒贈涿國公
謚武敏子輔乞嗣 上曰鐘伯以奪門功封然滅
曹賊功大輔可嗣侯卒子應爵嗣侯卒子瑛嗣侯
卒無子弟明嗣

衛穎

衛穎華亭人世官濟南指揮使正統九年陞署都
指揮僉事京營練兵十四年禦虜功陞同知是年
冬出守黃花鎮敵西直門紫荊關功陞都督同知

景泰三年總兵守宣府天順元年陞左都督以奪
門功封宜成伯食祿千一百石與世券移鎮甘肅
五年破虜鎮番八年捕番賊斬獲功多召還成化
元年盡革奪門功穎亦在革中兵部言穎有軍功
得不革增祿百石四年被劾奪祿七年乞宥與祿
朝請弘治十一年卒贈侯謚壯勇子璋嗣伯卒子
鐸嗣伯嘉靖中爲京營總兵卒子守正嗣伯

陳友

陳友全椒人永樂初起騎卒從征胡功歷陞千戶
正統初逼使順寧王脫歡附降再陞都指揮僉事



十九年充遊擊將軍捕虜寧夏功陞都督僉事十四年龍門口捕虜功進同知文左參將南征香爐山功陞右都督鎮守湖廣天順元年捕苗賊五開銅鼓功召還封武平伯食祿千石與世秀二年出鎮番斬虜功多充總兵捕虜延綏塞功封流侯加祿百石四年卒贈沔國公諡武僖子能嗣伯卒子綱嗣伯卒子勳嗣伯卒無子第熹嗣伯卒子大策嗣伯

曹義

曹義儀真人嗣父官燕山指揮永樂中出塞至半

壁山有功宣德中征梅花洞功累陞督府僉事充遼東總兵破虜開原進左都督天順元年封豐潤伯食祿千二百石與世秀卒贈侯諡莊武子麟先卒麟庶子振嗣伯坐法革衣冠冒禮國子監逾年復爵又坐法奪祿一年卒庶子愷嗣伯卒嘉靖中子棟乞嗣吏科駁棟義非開國靖難功不得嗣上與棟嗣伯卒庶子松乞嗣吏部言義以邊將立功封伯傳三世子奉請上裁松得嗣伯

施聚

施聚北通州人父忠立功洪武永樂間陞金吾右



衛指揮使出塞征胡戰沒聚嗣官累有戰功正統九年以都指揮征兀良哈功最陞督府僉事恭將遼東進總兵都督英宗北狩聚慟哭即日引兵西禪將爭進牛酒聚曰主上安在忍受此數日抵京師天順元年以禦胡功封愷采伯食祿千一百石明年以守邊久與世券聚智勇朴直與士卒同甘若在遼東訓練有法增繕障塞興修儒教虜人畏服卒贈侯謚威靖子榮嗣伯卒子鑑嗣伯坐法謫貴州立功赦復伯不得任軍政卒于璫嗣伯卒無子弟璫嗣伯卒

焦禮

焦禮山後人父焦八思台洪武中降除薊州衛指揮僉事禮以舍人從軍有功太祖喜禮與禮官禮辭宣德初嗣父官累立功遼東陞都督左軍克總兵守遼東景泰元年破虜小圍山斬獲數千天順初封東寧伯食祿千二百石與世券禮守遼東二十餘年年八十二卒贈侯謚襄毅適孫壽嗣伯卒無子壽弟俊嗣伯卒子洪嗣伯卒子一風優給卒無子洪弟詢嗣伯卒無子再從姪棟嗣伯棟者詢從兄澄之子禮元孫也



劉聚

劉聚清豐人聚叔永誠太監出鎮甘肅聚號勇有智略隨永誠塞上立功歷陞都督同知天順五年捕曹賊功陞右都督成化六年充總兵出延綏塞遇虜身被七創濺血力戰大破虜也烈忽斬首百級獲二千封寧晉伯食祿千石八年爲征虜將軍總陝西諸兵捕虜榆林塞斬首四百五十獲馬畜千與世伯券是年捕虜鎮靖堡未幾虜大入塞聚設伏破虜斬首百五十奪獲人畜數萬十年卒贈侯益威武子祿嗣伯卒無子弟福嗣伯福爲京營

總兵加太子太保弘治十三年上召輔臣平臺議諸將去留福與成山伯王鏞皆勸罷卒子岳嗣伯卒無子從子文嗣伯卒子良重侵給

毛忠

毛忠涼州人曾大父判及洪武初歸附從軍戰沒大父拜都征哈密又戰沒父寶永樂中從出塞功授百戶老忠嗣官立功其涼歷陞都督成化三年征番忠先登手斬番賊轉戰俘獲功多封伏羌伯食祿千石總兵鎮甘肅固原土胡滿四反猖獗勦忠討之力戰先登後援不能繼中流矢沒于海孫

TIFFEN Color Control Patches

Blue Cyan Green Yellow Red Magenta White 3-Color Black



鑑皆沒於陣贈忠侯諡武勇與世伯秀忠子佺先
卒孫銳嗣伯有祖風弘治十三年鎮兩廣再加太
子太傅正德三年逆瑾索銳金錢不能應落太子
太傅奪祿十五勒罷瑾誅銳自陳得還祿復官傳
嘉靖三年卒贈太傅諡感襄子江嗣伯

趙輔

趙輔鳳陽人曾大父端開國功累官都指揮世指
揮使父本從征漢庶人陞都指揮輔嗣官正統十
四年大臣薦陞都指揮練兵禦虜有功克恭將出
居庸守懷來禦虜天順八年陞都督同知成化元

年總兵征兩廣營俘斬二萬二年封武靖伯食祿
千二百石三年征建州夾斬俘千人四年進侯與
流侯劬十六年輔辭流侯乞世伯與伯世劬減祿
二百石二十二年卒贈容國公諡恭肅子承慶嗣
伯卒子弘澤嗣伯卒子世爵嗣伯

仇鈇

仇鈇江都人世指揮同知立功陞使充游擊將軍
寧夏驍勇敢戰正德五年寘鐸反陷賊中京師訛
言公從賊與武營守備保助者又與賊聯姻爲外
應李文正公曰鈇必不從賊助以賊故姻遂疑助



不用諸與賊通者皆懼不復歸正白 上用勛爲
參將公爲副總兵討賊命下纔數日勛跪上言臣
母及妻子俱在賊中臣義不顧家恨不飛渡黃河
食賊肉謝朝廷公亦稱病臥陞約遊兵壯士候保
勛楊英諸兵至河上從中發爲內應俄蒼頭書童
浚河潛入見公言諸兵至河上列營公嗾人謂賊
何錦宜急出守渡口防決河灌城過東岸兵勿使
渡河錦果出留賊周昂守城公又稱病亟昂來問
公猶堅臥呻吟言旦夕且死蒼頭卒起擗發昂斬
首公起披甲杖劍跨馬出門一呼諸遊兵壯士皆

至連奪城門擒宣鋪克總兵寧夏封威寧伯食祿
千石與世券仍總兵七年克平賊將軍征流賊功
進侯與世券加祿百石十六年子思病恩子鸞嗣
侯

丘福

丘福鳳陽人以小卒事 成祖藩邸積年勞授護
衛千戶靖難兵初起與朱張二王首建議奪九門
轉戰真定夾河滄州靈壁先登有功累陞中軍都
督建文四年封淇國公食祿二千五百石與世券
當是時修功詔福第一福善爲勳數勳 上立高

照爲太子 上不許福管直無文有勇力善戰輒
輕敵深入永樂七年爲征虜大將軍總兵武城侯
王聰同安侯火真左右副總兵靖安侯王忠安平
侯李遠左右裨將並出塞擊虜 上曰本雅失理
逆天道囑信使令爾徂征自開平以北即不見虜
時時如對敵日夜嚴斥望遇虜設奇奮擊否則密
察事機便宜進止又密授方略臨遣福出塞率千
餘人先至鹽胸河南遇虜遊兵與戰敗虜遂乘勝
渡河又獲虜聞我者尚書一人福顧飲虜尚書酒
問本雅失理今安在虜尚書言本雅失理聞兵來

北遁去此未遠可三十里福大喜曰當疾馳擒此
虜時諸軍未集皆曰此虜誘我不可信侯諸軍畢
集遣精騎四偵徐議進擊否且墮虜計福不從又
令虜尚書爲鄉導率衆直薄虜營與戰相持二日
每戰虜輒佯敗引我兵深入福意銳欲乘虜遠力
言虜示弱給我退則乘我進則伏我惟結營自固
晝揚旗伐鼓出奇兵與挑戰夜多燃炬鳴炮以張
軍聲勞困虜使虜莫測不二日我軍畢至併力奮
擊必大捷否亦可全師而還將軍奈何不慮此聰
亦力阻福皆不從欲遣火真使虜詐求和解虜謀

TIFFEN Color Control Patches

Blue Cyan Green Yellow Red Magenta White Black

ColorChecker 3000

率精騎劫虜真猶豫未決福勦聲曰違命者斬卽
上馬先馳麾下卒控馬者皆泣下諸將見元帥去
不得已從行不數里虜伏四起奄至圍我遠聰率
五百騎突虜陣斬虜數百人聰戰死遠馬蹶與福
真忠皆被執沒虜中一成祖聞敗大怒諭東宮
明春朕且親征雪耻又遣使諭順寧王馬哈木丘
福敗績或本雅失理得福軍旗幟衣甲詐劫攻爾
慎防此虜以故福後不得嗣

李遠

李遠懷遠人父實開國功累陞蔚州衛指揮僉事

遠嗣官靖難初率所部及萬全衛兵從攻大同破
滄州狗東平汶上沛沙河渡淮斷南兵餉道累功
陞都指揮建文四年封安平侯食祿千石流侯世
伯永樂七年出塞戰沒追封莒國公謚忠壯遠沉
毅有膽力善騎射在諸將中言論侃侃自許忠義
子安嗣侯洪熙元年爲交趾叅將失律宣德二年
下錦衣獄奪參十年赦謫赤城備禦尋陞督府僉
事征鎮番阿古脫兒只伯功進同知克總兵征松
番及木麓川又失律正統七年下御史獄謫獨石
立功贖罪卒于清十四年請嗣吏部言安再失律

立功病死清不得嗣天順元年詔與都指揮同知

王忠

王忠孝感人建文時以指揮守蔚州運勇自負詰難初與李遠歸欵北平戰白溝濟南滄州藁城率精騎爲奇兵多斬獲累功陞督府僉事建文四年封靖安侯食祿千石與世券永樂七年戰沒塞北無子弟禮斌姪全累請嗣吏部言券文子孫世襲無弟姪襲文不允宣德十年忠妻援武城侯姪孫王玘例授京衛指揮僉事奉忠祀

王聰

王聰新水人起燕山總旗陞百戶從靖難取瀋陽遵化徇涿州轉戰南皮平滑口獲馬千五百還守保定復南宮冀南徇淮泗首獲舟渡江累陞督府僉事封武城侯食祿千五百石與世券永樂七年戰沒虜中追封漳國公益武毅上以李遠及聰嘗諫福故得褒卹無子姪孫玘請嗣吏部言聰券許子孫襲文姪孫不得嗣侯宣德十年特與玘京衛指揮僉事已而玘又累乞嗣侯不許

何福


何福未詳何許人國初以武功爲指揮使洪武十

四年從三將軍征雲南有功來獻捷再遷督府僉
事二十一年出塞至捕魚兒海俘獲萬計二十四
年克平羌將軍伐西平侯討阿資三十一年擒永
寧酋十八加如誅木麓川亂魁刀千孟降其衆又
討平里節都勾諸囉進征五開自是南蠻馴順建
文初進同知靖難兵起歷戰淮南北輒敗走
建文明八月爲征虜前將軍總兵鎮陝西寧夏
節制其南山西諸兵永樂三年上以福屯
田積穀多請定屯田賞罰爲經久計賜勅勞
福六年福

臣協守其肅

上曰汝久總

漢兵恐勢重致譏爲此言耳汝老將朕推誠倚任
勿復顧慮七年本雅失理殺我使臣給事中郭彞
糾阿魯台數入塞殺掠吏民已而二酋爲瓦剌所
敗走臚胸河欲収合散潰寇河西物福防禦福言
韃靼脫脫不花王把秃王都督伯克帖木兒都指
揮哈剌火敦國公賽因帖木兒司徒撒兒桃賽罕
知院都秃阿魯把撒兒等來歸率衆駐亦集乃
上勅楊榮諭福曰脫脫不花等來歸止亦集乃恐
遲回生變爾與榮深議其哈剌火敦伯克帖木兒
初與把都帖木兒同來已而叛去故得徊近塞欲



進未果朕聞誠柔遠不計前過卽遣把都帖木兒
往亦集乃諭朕意或與俱來或令居亦集乃斟酌
權宜在榮與爾是年九月諭福早事 皇考多歷
歲年典兵督府小心謹愆朕初卽祚遂聯戚好寄
任干城撫附首虜命楊榮卽軍中封福寧達侯祿
千石又密諭福近日縫製來歸者且勿給土田令
來北京扈從漸徙之南散處畜牧脫不花之事
可鑑也軍中事宜先發後聞無失機會八年從征
沙漠數違節度羣臣交劾 上念福舊人有才略
曲救福已而有怨言都察院又劾上福懼自經死

郭義

進奉侯

郭義太安州人丙午歸附立功山東河南及征王
保保破雪山等寨克四川出塞征胡陞燕山護衛
副千戶靖難時取懷來進指揮僉事調濟陽衛又
立戰功真定永平陞北平都指揮僉事永樂五年
陞中軍都督十八年封安陽侯食祿一千一百石
世指揮使

王友

王友荊州人父榮燕山護衛百戶友嗣官事 成



祖靖難時屢戰有功累陞都指揮僉事永樂二年
丘福等言友前鋒摧敵功比劉才封清遠伯食祿
千五百石六年征交趾功進爵侯與世榮七年出
塞築殺胡城飲馬河上與劉才並率衆轉餉車至
擒胡山餉車不至士卒餓死 上大怒奪其兵付
張輔八年從出來坐縱虜失律罪死繫錦衣獄十
三年以病釋出獄卒明年子順乞嗣不許令從安
遠侯征胡自劾二十二年陞羽林前衛正千戶立
功陞指揮僉事卒宣德三年子通病庶子鑑優給
候通有子還通子官十年鑑又乞嗣侯不許正統

元年又乞嗣 上曰友異坐斬不得嗣侯與指揮
僉事景泰三年又乞嗣不許天順元年詔與都指
揮使

陳賢

陳賢壽州人立功開國時為指揮僉事從靖難九
門雄鄭真定東平功累陞督府僉事永樂二年
文皇以靖難時武臣賞未酬功者下丘福等議福
等言賢及都指揮同知張興陳志王友皆以前鋒
摧敵功與廣恩伯劉才等封賢祭昌伯食祿千石
與世券十三年卒子智先以靖難功為指揮使府

軍後銜至是嗣伯出鎮交趾敗績李蔚隸王通爲
先鋒官立功贈葬正統元年調永寧四年會赦爲
指揮使宣府左衛景泰元年卒子鑑先卒鑑子勇
爲指揮使天順元年詔恩得都指揮同知二年卒
子雄爲指揮使功陞都指揮同知乞嗣伯不許

房勝

房勝未詳始所自起建文時爲通州衛指揮靖難
兵起勝首率衆降附通州近北平 文皇得通州
兵遂東出薊州襲大寧戰鄭村塢無復版蕩之憂
甚喜勝累功陞都指揮使建文四年封富昌伯食

蔣千石世指揮使

陳旭

陳旭全椒人父彬開國功爲指揮僉事旭以父征
傷從靖難戰真定山東渡淮歷功累陞都督僉事
建文四年封雲陽伯食祿千石與世券永樂七年
征交趾八年卒軍中無子景泰六年旭義孫銘納
券

劉才

劉才字子才霍丘人故元元帥國初率衆歸附授
百戶歷營州中護衛指揮僉事從靖難有功建文

四年封廣恩伯食祿九百石永樂中修山海關又
從征沙漠至懷來卒才恂懦無華恭介自守 仁
宗在東宮喜才世指揮使

房寬

房寬未詳何許人洪武四年以濟南左衛指揮帥
兵五千人從魏國公北平練兵繕城爲北平行都
司都指揮靖難兵至大寧守將朱鑑力戰寬忽引
軍降鑑力不支死之建文二年寬戰白清河敗再
戰有功已而轉戰濟沛江淮皆有功歷陞督府僉
事四年封思思侯食祿八百石世指揮使






20250805 NATIONAL CENTRAL LIBRARY, TAIWAN, R.O.C.



2025000 NATIONAL CENTRAL LIBRARY TAIWAN R.O.C



2025.0000 NATIONAL CENTRAL LIBRARY, TAIWAN, R.O.C.





國立中央圖書館, 臺灣, R.O.C.

40250 20





張武

張武瀏陽人豁達有勇力稍涉書史爲燕山護衛
百戶戰真定破耿炳文兵於滹沱河設伏戰勝夾
河要敵西水寨累功陞都督同知建文四年封成
陽侯食祿千五百石與世券當時武功第三前二
人丘福朱能封公武侯第一卒 成祖出內廐馬
贈武贈路國公謚忠毅無子婿臧子聚義兒張旺
匿語券天順二年奪入官

徐理

徐理西平人甲午從軍累戰功歷陞永清衛指揮



孟善海鹽人立功洪武初爲定遠百戶十九年從征雲南又後征金山捕納哈出歷陞燕山護衛正千戶出塞取虜哈刺齒獲多又以號勇著名時召宿衛藩邸靖難初攻九門執薛參議破松亭關進會事指揮戰真定破齊尚書兵陞北平都指揮僉事白溝濟南常山戰勝進同知夾河濠城敗盛庸兵進使保定收官軍萬三千人陞督府僉事進同知建文四年封保定侯食祿千二百石與世券卒贈滕國公謚忠勇子瑛嗣侯洪熙元年瑛弟賢連坐奪爵毀券謫雲南安置宣德十年赦與京衛指揮

孟善

嗣伯

孟善海鹽人立功洪武初爲定遠百戶十九年從征雲南又後征金山捕納哈出歷陞燕山護衛正千戶出塞取虜哈刺齒獲多又以號勇著名時召宿衛藩邸靖難初攻九門執薛參議破松亭關進會事指揮戰真定破齊尚書兵陞北平都指揮僉事白溝濟南常山戰勝進同知夾河濠城敗盛庸兵進使保定收官軍萬三千人陞督府僉事進同知建文四年封保定侯食祿千二百石與世券卒贈滕國公謚忠勇子瑛嗣侯洪熙元年瑛弟賢連坐奪爵毀券謫雲南安置宣德十年赦與京衛指揮



異姓封侯傳 卷下 四十一
揮使卒子俊嗣官天順元年詔與嗣伯爵卒四年
子昂乞嗣伯吏部以詔無世襲文執不許內批昂
嗣伯卒子達成化八年乞伯優給不允十一年又
乞嗣下吏部議仍與指揮使京衛弘治元年又乞
嗣伯不許

唐雲

唐雲未詳何許人 成祖藩邸最久俱恪果毅
侍衛左右出入未嘗離雲於諸將中年最高且勇
智爲人所信服軍中一日有異意雲察知之諭以
天命衆遂定 上由是益信任之每出師必命雲

勦世子守城敵至出兵禦之未嘗失利累陞都指
揮俊建文四年封新昌伯食祿一千石世指揮使
茹瑄

茹瑄衛山人洪武初年十六貢入太學擢承勅郎
陞左通政歷通政使副都御史試兵部尚書二十
六年加太子少保爲真 上嘗稱茹瑄蔡瑄楊靖泰
達復其家事建文君政吏部尚書與太常卿黃子
澄不相能刑部尚書恭昭發瑄贓罪未入吏部出
領河南布政司事未幾召還復尚書兵部叢武官
襲替隸兵部五府不得預至是令瑄會掌中前後

府事駙馬都尉謝達耿聯尹清署左府事孝陵指
揮使黃鉞右府都督僉事陳春並請旨選授靖難
兵至江上遣瑤及景隆都督王佐見 成祖請割
地講和瑤等見 成祖伏地頓首惶恐流汗浹背
稱萬死不敢仰視 成祖勞瑤等又頓首不能發
一言 成祖曰公等有言即言無甚恐久之又頓
首言建文君願割地講和 成祖笑曰公等訖客
耶始吾無罪削為庶人輒云大義滅親吾今救死
不暇何以地為况 皇考封建諸子各有分地但
縛奸臣來吾解甲謝罪謁孝陵歸藩瑤等唯唯頓

首退 成祖入京召問瑤瑤頓首首勸進建文四
年詔言景隆瑤佐及陳瑄忠孝 太祖扶持社稷
默相事機其功甚重封瑤忠誠伯食祿一千石終
其身仍兵部尚書特見信用密預諮議傷厚不淺
永樂七年請告歸道出長沙不謁谷王谷王以為
言時方重藩王禮都察院遂劾瑤違 祖訓谷王
又嘗開金川門有功 成祖重違王意不得已下
瑤錫衣獄頌繫竟卒獄中子鑑泰府儀賓銓鏞及
家口二十七人皆沒官謫戍廣西河池 仁宗釋
還 宣宗與所沒田廬瑤狀貌魁奇雍容凝重謙



和有容不妄言笑事必依於寬厚事 太祖十餘
年小心無過 太祖嘗稱瑞賢人君子

王佐

王佐不知始所自起歷官都督同知靖難兵至金
川門建文君遣曹剛公茹尚書及佐見 文皇龍
潭議割地講和不聽三人者遂望風納款且獻密
謀比至城金川門遂開建文四年封廟昌伯食祿
千石與世券

王寧

王寧壽州人尚懷慶公主爲駙馬都尉公主 太

祖第六女母成穆孫貴妃建文中寧通語言 成

祖洩中禁事籍其家繫寧錦衣獄建文四年詔封
功臣稱寧孝子 太祖忠于國家正直無私不阿


權勢遂遭誣陷幾致殞身建孝推恩允宜褒答封

永春侯食祿一千石與世券永樂元年又官其子
貞亮羽林前衛指揮僉事寧嘗侍 上言及 太

祖時事 上愴然寧即勸 上謂經飯僧爲 皇

考福利 上不悅五年寧坐事下詔獄已而釋之

卒貞亮先卒宣德七年貞亮子彝乞嗣衛僉事不
允再乞亦不允十年彝又援詔言公主適孫請嗣



侯 英宗授昇衛僉事帶俸奉公主祀

表容

表容壽州人父洪開國功官至都督容初選燕府儀賓配永安郡主靖難時城守從征皆有功成祖即位進郡主為公主容騎馬都尉食祿千石永樂元年再論功封廣平侯食祿一千五百石與世券凡大駕出入皆命容居守公主卒 昭皇停容侯祿與騎馬祿一千石 宣宗即位與侯祿容端謹謙和通敏有才智卒贈沂國公謚忠穆于順宣德四年嗣侯孝友廉慎卒無子庶弟瑄正統元年

乞嗣 上曰容封以公主恩植嗣以公主子瑄庶子可長陵衛指揮僉事帶俸奉公主容祀天順元年詔與瑄侯卒弟瑋成化十五年嗣官長陵衛卒姪輅二十二年冬乞嗣侯內批允輅言官駁議上曰詔書許子孫嗣輅容孫也輅後停嗣仍世衛僉事卒于慶弘治三年乞嗣侯不許

李讓

李讓舒城人父申留守左衛指揮同知讓燕邸儀賓靖難兵起率府兵執謝貴等取大寧戰白溝河有功署掌北平布政司事佐 昭皇居守防禦有

功建文君聞之大怒欲誘致讓且宥申讓不肯顧其家力戰破平安兵九門建文君遂殺申沒其產并殺諸男子族居人沒其幼子婦女異姓姻屬盡謫戍邊讓聞之慟哭誓死戰益力永樂元年遣駙馬都尉封富陽侯食祿千石字北京刑部事卒贈景園公謚恭敏子茂芳八年嗣侯二十二年坐事上曰茂芳早失父不知禮停祿掌冠服讀書國子監十年能改過復爵祿否且削奪爲編氓是年奪券卒子與正統二年授長陵衛指揮僉事天順元年詔與伯爵卒子欽成化十五年乞嗣伯吏部言與伯出詔恩詔無世伯文欽嗣官長陵衛

火真

火真韃靼人名火里火真居開平紫乾嶺洪武初歸附爲燕山護衛千戶靖難時取大寧克真定戰白溝河馳馬突陣手斬數十人長興侯兵敗走真領騎兵每出輒有新獲呼噪歸營敵皆憚其悍勇歷官督府僉事建文四年封同安侯食祿千五百石與世券永樂八年戰沒虜中

金忠

金忠本名也先土于元太保不花孫虜中呼爲王



子永樂二十一年冬 上出塞駐王莊堡也先土
干率妻子種落千人來歸 上喜立封忠勇王賜
姓名金忠詔諭天下與鐵券金印玉帶綺衣金幣
鞍馬半廩房第器用歲祿千石并官其部百時時
侍從 仁宗卽位加太子太保支二俸諭塞義曰
朕嗣位文武大臣進官忠得無冀恩澤亦以慰其
心爾義對曰胡人降附者衆皆視朝廷待忠何如
聖慮及此柔遠之道也宣德二年扈巡邊出喜峰
口 會州請深入袖虜自効或言忠非我族類去
之 上曰朕推心待人何疑於忠同此覆轍

任渠去留竟與兵數千遣去數日忠俘斬首虜及
畜產歸 上大喜曰忠朕之金日殫也捐其背飲
之酒明年進太保忠勇悍好謀恭慎不伐感 三
聖恩遇矢心竭力至死不懈

金玉

金玉未詳始所自起永樂七年以督府僉事從出
塞至長秀川護輜重十八年封惠安流伯食祿八
百石世指揮使

薛斌

薛斌昌平人父薛台元洪武二十一年歸附賜薛

姓陞燕山右護衛指揮僉事斌嗣官從靖難累功
歷陞都督僉事北征功陞同知永樂十八年封永
順流伯食祿九百石世指揮使十九年卒子壽童
年五歲二十二年叔安順伯引見 仁宗西角門
諭塞義立命壽童嗣伯賜名綬正統十四年歿于
土木贈侯謚武毅子翰乞嗣吏部言斌奏世指揮
使綬嗣伯本特恩執不與景泰元年內批翰嗣伯
成化十二年卒子勳乞嗣吏部執如初內批勳嗣
伯後如券與官正德六年卒子璽乞嗣伯吏部又
執如初與璽指揮使

薛貴

薛貴昌平人舊名脫火赤兄歡爲燕山護衛指揮
貴以舍人有膽力從靖難脫 文皇於險累功陞
都指揮使再從征胡功陞督府僉事封安順伯食
祿九百石洪熙元年與世伯宣德元年進侯加祿
三百石與世券卒贈濱國公諡忠勇

李賢

李賢韃靼人名丑驢故元兵部尚書洪武中歸附
賜姓名李賢譯虜書燕府侍 仁宗東宮最恭慎
擢紀善靖難有功陞都指揮僉事 仁宗卽位進

右都督年八十請老封忠勤伯食祿千一百石賢
嘗薦種人七十通蒙古書勝國舊臣 成祖命敕
譯書以爲鴻臚寺丞又有把敦杭者海山人降附
賜姓名吳守義從北征累功至督府僉事卒贈西
和伯謚僖順

吳管者

吳管者本胡種從父允誠降父封恭順伯管者屢
從征有功出塞斬虜降附部落屢功陞都督洪熙
元年封廣義伯食祿千石與世券宣德元年管者
妻早奴來朝貢馬曹賊反廣義伯琮與兄恭順侯
瑾推長安門上變告琮不知謹子或曰管者子或
曰孫也

滕定

滕定山後人父瓚住元樞密知院洪武二十二年
來降授會州衛指揮僉事二十六年賜姓滕靖難
功歷陞燕山右衛指揮使建文三年卒兄安嗣官
明年陞大寧都指揮同知永樂四年卒定嗣官改
金吾左衛八年出塞征胡有功陞都指揮使洪熙
元年陞督府僉事出塞征胡累有功宣德四年封
奉化伯食祿八百石與世券五年與武進伯朱冕

充左右參將從鎮朔大將軍薛祿巡邊還與豐城侯李賢修永寧隆慶城正統五年卒子福乞嗣吏部言奏無世嗣文不許福得爲指揮使


金順

金順瓦剌人名阿魯哥失里永樂七年來降授大寧都指揮僉事八年從北征至威胡鎮追敗本雅失理靜虜鎮又敗阿魯台進同知洪熙元年陞僉事督府宣德三年又從巡北邊有擒虜功明年上以順遠歸効勞動事 皇祖封順義伯食祿八百石卒子忠護五歲優給候長與指揮僉事

李英

李英父南哥西垂人洪武初率衆降授西寧州同知累功陞西寧衛指揮僉事英嗣官事 成祖征胡出塞有功宣德四年以擒寇清邊通使封會寧伯食祿八百石鎮守西寧七年史昭陳通構譏下詔獄 上特詔諭英父子赦其罪削爵封伯纔二年英健武有成名既沒妻夏氏愬英功 英宗憐之官其子昶錦衣指揮同知天順元年詔錄功臣後進都指揮使累官至督府子孫世錦衣使

蔣信




蔣信故降胡也名把台從舅氏忠勇王來降歷戰塞北有功陞都督與全體正統中封忠勇伯食祿千石土木敗降也先也先令信居其弟賽罕王部下景泰初信舊部曲達官伯顏答里從皮兒馬黑麻來請和告于謙曰把台欲南歸久矣不得間每南望揮涕感國思愆死無地謙因奏言信從虜肆惡 皇上曲全其家信或未知况因謀用間取勝之術宜令伯顏答里審諭信家人無志令其設策破虜入寇之計或擒殺也先來歸即授王爵李露以疑虜心即成亦足彌亂 上從謙言信從 上

皇至大同大同諸將吏不肯出喜罕嗾虜殺袁彬得信告 上皇獲免信竟從 上皇歸時已僖信祿至是補給卒贈侯證信順

羅秉忠

羅秉忠父因即來沙河衛指揮承樂中討平肅州叛回哈喇馬牙陞都督同知二年秉忠征阿台朶兒功陞千戶累功陞指揮使十年調平山衛十四年征辰沅擒苗首韋同烈功陞都督同知天順初陞都督成化三年克游擊征貴州有功四年封順義流伯食祿千石十六年卒謚榮壯子珍不得嗣



伯

和勇

和勇祖阿魯台降 文皇封和寧王父阿卜只奄
授左都督勇以父故爲錦衣指揮使正統十四年
紫荊關斬首虜功歷陞都督僉事天順元年進同
知五年充遊擊將軍征廣蠻成化元年又征廣蠻
功歷陞左都督加祿歲百石已而潯州獲叛首斬
首功多封靖安流伯食祿千一百石十年卒謚武
敏子忠自歷職功爲錦衣指揮僉事乞嗣伯不許
得爲指揮使錦衣

李玉

李玉交河人靖難初自大寧歸附立功陞都督宣
德四年封新建伯歲祿八百石賜券世指揮使歷
官四十年典領宿衛小心敬畏質約自居

蔣廷珪

蔣廷珪未詳始所自起衛聖夫人楊氏夫也洪熙
元年封保昌伯卒謚莊靖

趙安

趙安狄道人從兄琦土指揮同知坐罪死安謫戍
甘州永樂元年進馬除臨洮百戶使西域從北征

歷功陞指揮同知宣德二年陞都指揮同知充奉
將征松壘番散剌有功陞督府僉事五年充參將
從史昭討曲先十年授甘涼鎮番有功正統元年
進同知充副總兵守甘肅出塞降虜捕斬有功封
會川流伯食祿千石九年卒子英為指揮使立功
陞督府同知卒子鉉嗣官乞嗣伯不許

任禮

任禮臨漳人起燕山護卒從靖難歷戰懷來白溝
河東昌黎城順德入金川門有功陞都指揮同知
永樂庚寅甲午壬寅癸卯因從出塞征本雅失理

阿魯台有功陞督府僉事洪熙元年進同知宣德
元年從征漢庶人有功陞都督正統元年總兵備
甘肅三年轉戰石城兒泉斬捕首虜中律封寧遠
流伯食祿千二百石十二年鎮守甘肅降沙州都
督喃哥等十三年與世伯景泰中守備南京成化
元年卒贈侯謚僖武子壽嗣伯鎮守陝西征滿四
失律論死宥戍邊卒子弘乞嗣吏部言壽總兵失
律脫死幸諡成弘不得嗣伯與指揮使京衛弘治
中屢乞嗣伯不許

沈清

沈清滁人世官燕山百戶靖難時累功陞指揮同
知出塞征胡陞督府食事洪熙元年充參將守居
庸開宣德初勅下御史獄從征漢庶人恩駕出大
寧再進都督正統元年與太監阮安工部尚書吳
中修建京師九門城樓六年以營建宮殿功封修
武伯食祿千一百石逾年卒謚襄榮八年子榮嗣
伯沒於土木荆爵景泰三年詔恩子煜得嗣伯減
祿三百天順初贈榮侯謚倍愍成化十三年煜浮
於酒色奪爵十八年卒子祺嗣伯卒無子弟坊嗣
伯卒子瑞初月與壽米弘治十四年吏部言修武

伯初封非軍功下廷議瑞得世指揮使瑞乞比昌
寧伯趙勝孫繼得銓錫衣衛

譚廣

譚廣丹徒人開國功爲燕山百戶從靖難起兵首
縛中朝人陳榮等三十人名奸細榮等皆沉澗不
可考矣戰敗齊尚書兵又戰白溝真定夾河功陞
指揮使又戰敗都督韓觀兵陞大寧都指揮再從
出塞征胡至九龍口先鋒破賊陞都督鎮守宣府
正統元年以泉州知府蔡錫爲山東副使參理廣
軍機文書六年捕虜獲胡馬中律封永寧流伯食



祿千石九年卒廣在鎮二十年勤儉忠勇威行胡虜恩結人心明年子亨得爲指揮使屢乞嗣伯吏部言非世券不許

陳懷

陳懷合肥人父瓌開國功爲真定副千戶懷嗣官陞通州千戶正靖難從戰雄鄭滄德小河泗州渡江功陞陞都指揮僉事遼東永樂六年白堂海口功陞使從出塞功陞都督同知未幾總兵勦松番斬捕功多陞都督正統九年總兵出古北口至虎頭山捕斬首功封平鄉流伯食祿千一百石十四

年歿土木贈侯益忠毅子輔乞嗣吏部言懷非世券內批懷父子三人陣沒與輔嗣伯景泰五年卒子政乞嗣吏部執如初移兵部兵部爲請內批懷累朝有功與政嗣伯政用兵兩廣久之自言兩廣功多乞世伯吏部執如初內批政自陳邊功與子信嗣伯弘治六年卒子俊乞嗣伯吏部執如初會兵部議上與俊指揮使屢乞嗣伯不許

馬亮

馬亮其人燕山騎卒從靖難奪九門戰密雲大寧白溝河西水寨渡江功陞陞都指揮僉事永樂中

四從征胡出塞宣德初從征漢庶人又從出塞至
會州歷陞左都督正統九年流沙河斬虜獲輜畜
功封招遠流伯食祿千一百石十一年卒諡榮毅
子驛為指揮使屢乞嗣伯吏部言非世券不許

楊能

楊能六合人世開平指揮使已巳之變拔為將號
雄善戰有功陞督府同知景泰初總兵鎮宣府與
李秉共事天順元年陞都督仍充總兵鎮宣府拔
大同有功封武強流伯食祿千石四年卒無子父
林乞以能弟倫嗣伯吏部言武強本流伯倫得世

指揮使


石亨

石彪 曹欽

石亨渭南人方面豐鬚美善及勝從姪彪體貌亦
雄偉髯亦過膺亨嘗與彪賈酒相工過之酒肆大
奇之曰今當平世奈何二人有封侯相亨家本軍
官伯父巖無子亨嗣為寬河衛指揮僉事亨不學
然識字英果壯毅善騎射有膽略提大刀輪舞如
飛每從征挺刃當先輒立奇功累陞都指揮使彪
亦驍勇能挽強弓善揮斧始以官舍從亨有功授
大同衛鎮撫正統十二年亨遷都督僉事為大同

左叅將守萬全路彪亦陞至指揮使從亨叅謀十
四年八月王師敗績亨與總兵官楊洪等並械繫
錦衣衛獄十月虜酋也先犯京城有言亨勇者
景帝出亨獄令立功贖罪亨統兵出安定門即與
虜遇挺刃單馬進左右馳突獨殺數十人彪又持
斧率親兵從之諸軍惟呼踴躍聲震天地虜却而
西亨等追戰城西虜復却而南亨令彪率精兵千
人誘虜南至彰義門虜見彪軍少逼之亨率衆乘
之蹂虜大潰南奔亨日夜追虜三日至清風店北
虜將出紫荊倒馬關懼我躡後亨遣謀者給虜亨

且未至陣中將者假亨名耳虜信之來攻亨率彪
與精銳數十騎奮擊大呼直貫虜陣刀斧齊下殺
虜數百人虜始知亨在驚亂相蹂踐亨悉衆乘之
大捷虜所掠羊馬財物盡棄餌我兵虜得遁去亨
既敗虜威名益震虜自是不敢復踰塞深入輒請
和虜見邊人呼石亨爺爺論功亨第一封武清伯
尋進封侯兼太子太師總京營彪陞都督僉事爲
大同左叅將諸子姪潤溟濬仁並陞千戶鎮撫潤
戰沒彪爲叅將虜畏之稱石王于少保請勅亨巡
邊至大同召還爲團營總兵于少保忠義清直不



避強禦 景帝倚任之亨恃功驕橫于少保又時
時裁抑亨亨畏于少保不敢動然積恨之天順元
年正月 景帝不豫亨與都督張軌都御史徐有
貞內官曹吉祥蔣冕等定謀奉 上皇復辟爲飛
語謂于少保及王文矯取金牌勅符迎襄世子矣
又曰 上令內官張永等捕亨數人掌兵者矣庚
辰遂因吉祥矯稱得 皇太后懿旨曰天子疾大
漸殆弗與天位久虛 上皇居南內春秋尚盛于
今八年聖德無虧天意有在人心所屬傾以奸臣
擅謀闕而不聞欲迎立藩王以承大統將不利於

國家亨等其率兵以迎 上皇是月壬午四更亨
與軌吉祥等暨羣從子弟家兵叩南內宮門請
上皇升輿從東華門入奉天殿即位侍衛都督范
廣禦戰死闕下亨遂言于少保有反謀不欲立
皇上請殺于少保 上意未決亨有貞力言不殺
謙今日事無名 上不得已殺謙及文陳循商輅
尚書江淵俞士悅等戍邊歸田廩 景泰皇帝爲
邸王亨以奪門功第一進封忠國公歲祿三千石
與世券有貞封武功伯入內閣彪封定遠伯爲大
同副總兵諸從弟子姪及諸義婿子孫皆以奪門

功得官錦衣都指揮指揮者三十二人千戶鎮撫者二十一人其諸竄名奪門官員者四千餘人亨矜功恃寵日與吉祥出入禁廷在上左右弄權進退文武大臣盡革邊鎮撫奪民間婦女田廬財物無算彪亦益驕橫凌鎮守文武大臣御史楊瑄等聯章劾亨亨疑有貞李賢等嫉言官見上泣訴強上下賢有貞并都御史御史耿九疇瑄等于獄會天大變異得釋賢留有貞九疇竟逐去諸御史論戍調除有差及賢再入閣亨亦有力賢竟不悅亨亨益干朝政乞請無忌上亦惡亨左右

怒亨者伺隙數言亨短上漸疑亨一日上登翔鳳樓見亨新第極偉麗顧同恭順侯吳瑾撫寧伯朱永曰此何人居永謝不知瑾曰此必王府上笑曰非也瑾頷首曰非王府誰敢借如此上不應顧內臣裴當曰汝聞若言乎亨橫睚眦中傷人莫敢告亨者上又諭賢曰總兵官豈可無故輒入內廷令左順門閤者非宜召不得輒入總兵又以軍官貪暴復設巡撫亨慚憤必欲上復革巡撫上不許會兵部尚書陳汝言奸賊得罪上歎息思好箇于謙亨益不自安又知衆不容已

薦處士吳與弼 上又諭賢左右干預奈何賢請
上獨斷 上嘗與賢論及奪門功賢曰迎駕可奪
門不可又曰郕王不諱天命人心咸屬陛下何必
奪門且內府門豈可奪奪字尤非顧不可示後世
賴天靈佑助事幸成脫郕王左右先知亨輩不足
惜不審置陛下何地 上愕然又曰臣彼時極知
此舉之非亦有邀臣與謀者臣不從臣愚謂郕王
果不起率文武羣臣請陛下復位安用如此勞攘
誰功陞賞誰復敢招權納賂者 上曰善由是益
薄亨亨生子男未滿月 上見亨喜令亨負兒見

朕 上見兒又喜摩其頂曰處兒也往善撫之朕
行與卿結姻 上意寵欲亨子駙馬且探亨意亨
不喻輒對不敢不敢臣兒無福 上笑而頷之命
左右取金鎖繫兒項賜封鎖定侯亨頓首謝負出
上益疑亨彪在大同肆會暴誣劾都御史年富逮
至京 上疑問賢賢乞遣官即訊果不實彪又數
侮其總兵總兵因彪嘗奏城威寧海子遂為流言
誣彪有異志 上固疑彪欲召彪還大同人又乞
彪為總兵 上遂大怒或又曰彪結死黨必欲留
據大同為亨外援 上亦疑出亨意尋進彪侯召



還京侍衛亨覺 上疑令人促彪疾馳入京彪既
至會北虜入貢見彪於朝羅拜稱石王 上聞益
疑不可解天順四年二月 上密詔御史按劾即
日縛彪棄市籍其家亨逮繫錦衣獄死亨既死法
司請瘞亨尸 上念亨功欲從之問賢賢請盡法
斬首 上不肯竟瘞亨都御史寇深等素忌亨論
彪大逆取亨家籍其財產亨從孫進士後亦被收
死獨亨從姪錦衣都指揮使溟得成彬州少子溥
鎖定侯者幼未收溟在彬累功陞指揮潛至正德
末尚游食京師亨孫人孫弘初以舉人歷肥鄉洛

陽令歷陞太僕寺丞少卿以迎駕功陞工部右侍郎
亨再薦弘爲尚書 上陞吏部左侍郎曰再陞
當爲尚書亨曰即尚書何不可何再陞耐煩和亨
既敗弘亦罷爲大理通判亨粗豪直爽軒豁無機
巧嘗薦馬昂爲兵部尚書又力薦賢有貞入內閣
已逐有貞留賢賢大恨亨亨權日重軋賢賢日見
上親信亨威名震主不知謙頽竟及於難五年七
月朔言祥及其姪昭武伯欽反言亨功與我同亨
死我安得不反吉祥欽並伏誅吉祥不知其始所
以進負奪門功與國政欽以故封昭武伯登兄弟



子姪皆冒武官吉祥不通文墨恐事歸司禮監稍
附內閣有員賈龍絡行已意至薦文武臣僚輒受
金錢引用非人內閣或相左不能盡如吉祥意遂
積不平會御史楊瑄劾吉祥等罪狀 上善瑄等
言吉祥在旁初甚慚懼已見 上寬不問即請罪
瑄等 上未許亨謂吉祥曰今在內惟公在外惟
我彼陷我二人者意叵測吉祥初亦惡亨不相下
每訐其短至是遂相結合訴 上內閣專權與言
官應和 上不得已下有貞等獄又逐岳正積威
市恩漸有異志吉祥嘗率番將往雲南福建殺賊

月功固收為牙爪奪門時寔姓名隱大官為將校
亨敗盡輩諸月功者吉祥又曲庇諸番將 上積
聞吉祥凶橫稍裁抑踈吉祥益憤逆謀益決會兵
部尚書馬昂懷寧伯孫鏗出師西征欽約兄都督
鐸從兄都督鐸弟都指揮鉉早朝殺昂等奪其兵
入內為亂推其黨點為謀主吉祥誘禁兵為內援
故所結番將都督伯顏也先等數十人各以番兵
從是日夜漏二鼓恭順伯及都指揮完者禿亮請
長安門告變 上令疊石塞諸禁門召中官急縛
吉祥四鼓賊兵合番漢五百騎直抵禁城殺錦衣



指揮送果擊賢傷首并執吏部王尚書東朝郎銜
帥數騎西殺左都御史寇深斬傷廣寧侯劉安欽
縱火焚東西皇城門適大雨火滅比明詔會昌侯
孫繼宗統諸兵討賊鐘先登力戰諸將分道逆擊
昂以精兵賊欽退屯東安門鑄以衆接戰自辰至
午敗鎰斬之欽中流矢創甚還駐東大市街相拒
至酉鎰以百餘騎往來馳突我師環結不動自相
枕籍鎰斬先潰者徇師督戰益急追斬鎰欽懼令
百餘騎還攻朝陽門出奔不克諸軍進薄大破其
衆鎰爲亂兵所殺欽匿其家管井中伯顏也先等
絕城道遣兵追之皆獲是晚 上御午門朝百官
下吉祥伯顏也先等御史獄伏誅仍棄鎰市礫欽
屍籍其家賞將士餘黨並落職流嶺南明日下詔
暴欽罪

楊善

楊善大興人學增廣生靖難時守城功爲引禮舍
人歷官鴻臚卿陞禮部侍郎掌鴻臚事扈 英宗
北征還改副都御史虜至守城功陞右都御史仍
掌鴻臚時通政司參議王復陞禮部侍郎中書舍
人趙榮陞鴻臚卿往使虜不答已而禮部侍郎李

實大理少卿羅綺指揮馬欽再使實反覆辨析虜
悔禍許送 上皇還京景泰元年七月善及侍郎
趙榮使竟奉迎 上皇歸陞左都御史天順元年
奪門功封興濟伯食祿千二百石與世券卒贈侯
謚忠敏子宗二年嗣伯成化元年奪奪門功官爵
宗寄祿錦衣為指揮同知宗累乞嗣伯不允徐有
貞亦以奪門功封武功伯入內閣

張觀

張觀

張觀忠武王第三子以功臣子累戰功為中軍右
都督奪門功封文安伯食祿千二百石與世券石

卒誅盡奪奪門封觀以勲戚故得不奪天順六年
卒贈侯謚忠僖子斌嗣伯坐詛呪論死宥閹住斌
子羽乞恩得指揮使寄祿錦衣衛奪券觀以勲戚
入宿衛永樂末稍有軍功陞錦衣衛指揮僉事洪
熙元年進同知宣德元年從征漢庶人正統元年
征虜有功陞指揮使又陞都指揮僉事十一年驟
陞督府僉事充副總兵征貴州景泰元年陞右都
督與石亨曹吉祥厚善天順元年以奪門功封太
平侯食祿二千石卒贈裕園公謚勇襄子瑾二年
嗣侯成化元年革奪門功與瑾指揮使寄祿錦衣



衛奪世券瑾卒子淳弘治五年乞嗣侯不允

董興

董興未詳何許人其封海寧伯亦未詳功所自起天順元年封二年爲遼東總兵與曹吉祥家爲姻戚交結在遼東不能禦虜頗益科刻卒伍又比昵都指揮及霖上下爲奸利巡撫程信屢裁抑典伍年曹賊反誅興坐流廣西成化元年倅伯不得嗣

李文

李文不知何許人未詳其所自起爲陝西都指揮督練西寧土兵封高陽伯天順四年秋虜字來大

舉入寇自大同成遠西擁衆南侵文接兵不動虜遂直抵馬門代朔忻掠人畜無算烽火達於京師郊甸大驚業家走入京城莫能止急遣顏彪馮宗出兵駐紫荆倒馬二關虜退復至移二軍馬門文竟不能截虜後文本流伯

趙勝

趙勝遷安人宣德中世官景泰元年累功陞都指揮僉事天順五年討曹賊功陞督府同知已而克參將出固原捕虜有功成化四年陞都督充總兵官鎮遼東七年捕斬朵顏有功召還十二年修京



城加太子太保三千營總兵十九年封昌寧流伯
食祿千石又明年加太保卒贈侯謚壯敏子先卒
弘治元年孫鑑乞嗣伯吏部言昌寧初封流伯鑑
嗣世指揮使銓錦衣

李震

李震南陽人父謙督府僉事震嗣指揮使正統中
征兀良哈木麓川香爐山榜嶺寨功歷陞督府僉
事天順四年充總兵官征武岡黎平賊五年進攻
兩廣貴州蠻陞同知成化元年還兵湖廣征荆襄
賊功歷陞左都督十一年清水江斬捕功多封典
寧流伯食祿千石十四年薨爵同住震鎮湖廣時
與恭將吳經有隙經弟綬從汪直刺事欲甘心震
適有道人以黃白術得罪即附會震嘗匿道人私
習識諱且有反謀道人籍逮之途遇直震呼冤言
一介武夫蒙恩僉爵父子富貴已極更欲何爲此
仇家經所爲直不聽下震錦衣獄鞫問無驗得不
死二十年復伯爵乞誥券不許子昂不得嗣

神英

神英京師人高祖保立功洪武時爲大同指揮僉
事父傑雲南功進指揮使陞陝西都指揮天順初

英嗣指揮使延安衛號勇敢戰先登累有斬虜功
成化弘治間充總兵官守寧夏延綏宣府大同歷
四鎮累官署都督正德五年給事中歐陽劾英年
老不任金華致任是年賂瑾全寶萬計矯旨英居
官五十餘年有戰功欲封英爵下兵部議尚書曹
元阿瑾卽稱英功傳會登錄上英前後首功中律
瑾又欲筭衆口下廷臣再議英敢異同是年四月
封英涇陽伯食祿八百石與世券數月瑾敗言官
交章劾英奪爵繳詔券爲右都督時有張富保定
折城人少力耕自給弟承太監正德時與劉瑾導

上非幾得倖用事大臣請誅八黨者有永名永初
與瑾好相結左右富得爲錦衣指揮使已而瑾勢
盛益橫永不能堪正德五年安化王寘鐸反寧夏
承督軍與楊一清西討兵未至仇鉞等已擒諸反
者班師還京入見上發瑾罪狀誅瑾遂論功封
富泰安伯永弟容安定伯並食祿千石與世券時
容已爲錦衣都指揮僉事矣嘉靖初詔盡革正德
間傳陞乞陞員陞者官爵永出奉康陵富容並革
爵奪券與容都督富錦衣指揮使已而霍韜又論
容賄一清坐罪減級安化之役未嘗一接戰倭幸



封者六人武德未詳始所以進爲義兒冒國姓封永壽伯太監谷大用兄大寬高平伯馬永成兄山平涼伯魏彬弟英鎮安伯並食祿千石與世券大用弟大亮又以平流賊功冒封永清伯五人者皆已官錦末指揮封一詔盡勦罷奪券英獨以彬在得爲都督同知又有江彬蔚州衛指揮使驍勇狡險狠忍不可測正德七年從宣府總兵官張俊征流賊山東善戰頗有功班師入京賂錢寧引入豹房得見上彬機警善迎人意上喜留侍左右時出奸謀盡惑陞左都督冒國姓爲義兒時時在

上前講說兵事因請盡調遼東宣府大同延綏四鎮精兵入京雜引入大內操練號外四家又冒上振羅國威劍西官廳爲提督十一年益樹奸黨乘上喜時妄言萬全都指揮李琮陝西都指揮神周勇略得召入豹房侍上琮周亦冒國姓爲義兒十二年誘上至宣府大起宮殿號家裏迷留朝廷明年始回鑿封彬平虜伯琮周皆都督彬子勳錦衣都指揮是年導上又出宣府至大同至偏頭關至榆林至山西索金壁裘馬數十萬贖令邊官各獻虎豹犬馬通金錢又萬萬計縛辱官



吏縱放死囚強奪民婦女無忌憚十四年又導

上幸山東至太山下江淮百官伏闕諫矯旨杖殺
員外郎陸震等餘編氓士伍削籍謫降朝士忠梗
者驅逐一空是年彬子杰勲然錦衣都指揮會寧
庶人反彬欲盡歛江南財專上親征百官不敢
諫率諸兇徒官校四出南抵蘇杭西至武昌劫脅
吏民金錢萬萬計至邳州縛知州高巖詔獄幾死
至南京專事柔蔽題奏一百三十六封皆虜報獄
詞大事一切廢閣不上十五年宸濠縛至南京百
官跪行宮請上回鑾矯旨叱辱大臣禁儲王憲

百官班退彬知權重勢逼恐禍至謀不軌盡歛南
京諸城門鎖鑰中府經歷楊美瓚執不與彬誣美
瓚賍縛下刑部獄八月十五日誘上遊牛首山
三宿不返禁衛兵夜無故大呼噪起彬懼不敢送
尋奉駕還至通州逆謀益急盡召諸文武大臣至
通州惶懼不敢發比上入京竟不豫臥豹房崩
大學士楊廷和計擒彬并琮周伏誅籍其家時又
有許太者起指揮號勇通文義為遊擊將軍征流
賊河南山東淮沛間有功陞都督冒罔姓為義兒
從上巡邊矯斬虜功封安邊伯太頗知法度不



敢挾威福肆毒以故得不誅嗣戍邊

張昶

張昶永城人父麟洪武二十年以女爲燕世子妃授兵馬副指揮食俸京師二十八年從世子還北平三十二年冬昶從 文皇靖難戰永平大寧有功至鄭村壩遇齊尚書兵大戰先登陞義勇中衛指揮同知建文四年與內臣瑛東接薊州還又從梁銘戰沈都司兵白河上陷陣斬首有功陞都指揮永樂中調金吾再調錦衣旗手二十二年妃正位中官陞昶左都督洪熙元年封彭城伯食祿千

五百石與世券贈麟彭城侯諡恭靖 宣宗奉

母后謁二陵昶兄弟從 太后特召見行宮諭令

謹飭保家祚 宣宗厚母家禮昶兄弟正統三年

卒子輔病廢孫瑾嗣伯成化十六年卒子信嗣伯

正德三年卒子欽嗣伯嘉靖八年釐恩澤侯惟彭

城惠安以軍功半得世嗣如故十六年卒明年子

勳嗣伯昶家本謹厚又 孝誠昭皇后有功德

仁宗在東官非 孝誠禍且不測宣德正統間天

下治平皆 昭皇后力也以故其恩澤兩封至今

傳世



張丹

張丹昶弟靖難時以舍人守北平有功陞義勇中衛正千戶永樂三年陞指揮僉事十二年從上出塞至忽刺忽失溫遇虜有戰功稍進官二十二年冬陞都督同知明年陞左都督正統五年秋封惠安伯食祿千一百石與世券六年卒子賦爲典寶先卒孫琮嗣伯成化三年卒無子弟瑛嗣伯無子庶兄瓚嗣伯弘治六年卒子偉嗣伯正德中爲總兵征流賊失律下獄論死會赦得釋嘉靖初復爲京營總兵十四年卒贈侯太傅諡靖襄子綱嗣

孫忠

伯二十二年坐郭勛劾當下詔獄未減得出

孫忠字子敬鄉平人初名愚貢入太學歷介休永城主簿率人供役天壽山陞鴻臚序班宣德初以女配 宣宗賜名忠陞督府僉事又明年封會昌伯食祿千石與世券忠長厚好施年八十五卒贈侯諡康靖五子長繼宗次紹宗顯宗續宗皆都指揮純宗錦衣僉事孫十人皆錦衣千戶顯宗稍驍橫忠不喜景泰三年繼宗嗣伯 英宗復辟進繼宗侯加祿二百石與世券逾年贈忠安國公改諡



恭憲已而革奪門功繼宗家子弟蒼頭冒功得官者二十餘人疏謝罪請免 英宗念繼宗母家輩諸蒼頭官官諸子弟如故五年總兵討曹賊加太保第顯宗蒼頭坐法繼宗爲請 上不悅繼宗頓首以母九十老爲辭 上終不允一日諭輔臣曰祖宗求外戚不得預政今繼宗得典兵 太后願不樂初爲內庭寺人言防閑須戚里惑其言至今猶悔李賢對曰孫侯醇謹無他腸後更不可爲例耳成化元年又革奪門官傳言繼宗出特恩如故卒贈鄭國公諡榮襄子璉錦衣指揮使先卒十六

年璉子鎮嗣侯避先帝諱改名銘正德十五年卒明年子呆嗣侯嘉靖初坐營八年以安昌伯故盡革外戚恩澤封十六年呆卒子應乾不得嗣

吳安

吳安丹徒人父彥名有女入宮洪熙初召彥名子忠爲錦衣百戶宣德三年卒安以忠弟嗣官正統十四年十二月陞忠府軍前衛指揮使是月 景帝尊生母爲 皇太后詔天下 太后即彥名女也太監興安傳旨改安錦衣衛景泰四年陞左都督前府安弟信陞南京前軍都督七年太監王誠



傳旨封安安平伯食祿千石天順元年 太后復
爲貴妃安削爵

錢承宗

錢承宗海州人五世祖整從靖難克懷來大寧鄭
村壩功陞燕山右護衛副千戶老子通嗣官白溝
河滄州泥河功陞指揮使老子貴嗣官從 文皇
北征宣德十年陞都指揮僉事正統七年 府皇
后恩陞中軍都督同知卒子欽嗣錦衣帶俸指揮
使正統十四年欽與弟鍾北征沒於土木欽無子
鍾子維天順元年陞都指揮使成化二年累陞後

府都督同知成化十五年卒承宗幼陞都指揮使
錦衣帶俸優給弘治二年比王源乞恩封安昌伯
食祿千石與世券嘉靖四年卒諡榮僖明年子維
圻嗣伯是年卒弟維垣乞嗣伯吏部請與維垣錫
衣帶俸指揮使如欽官 今皇帝制曰可已而維
垣又乞嗣伯制曰外戚無功坐享重職非古帝王
報功之典朕甚不取廷臣屢建議爰因重名器也
下會九卿言官議議上 今皇帝曰戚里濫膺重
爵名器既輕人不知勸維垣停伯不得嗣著爲令

周壽



周壽昌平人父能 孝肅太后父也 太后初入

宮侍 英宗為貴嬪冊為貴妃生 太子天順元

年授錦衣正千戶卒子壽嗣官八年陞左府都督

僉事 憲宗即位尊貴妃為 皇太后陞壽督府

同知成化三年封慶雲伯食祿千石與世券贈能

慶雲侯十七年進壽侯加祿二百石是年加贈能

寧國公益榮靖弘治元年加壽大保祿一百石正

德二年卒贈宣國公益恭和又明年子瑛嗣侯壽

第或初以恩授錦衣正千戶成化三年陞指揮使

十七年傳陞都督同知二十一年封長寧伯食祿

千石與世券弘治元年加祿百石正德三年卒明
年子瑋嗣伯十四年卒子大經嗣

王源

王源上元人父鎮 孝貞皇后父也天順六年為

中府都督同知成化二十年源以嗣都督封瑞安

伯食祿千石與世券弘治元年增祿五年進侯又

增祿與世券加贈鎮阜國公益康穆十年源弟清

以都督同知封崇善伯食祿千石與世券十六年

加源太保又明年加太傅又增祿正德二年源弟

游以左都督封安仁伯食祿如清是年游卒子桓



嗣伯十三年又增源祿嘉靖三年卒贈太師諡榮
靖子榆嗣伯

張密

張密典濟人 孝康皇后父也成化中 皇后爲
東宮妃授密鴻臚卿弘治三年陞督府同知是年
冬封壽寧伯食祿千石與世券五年立 東宮密
得進侯加祿二百石是秋卒贈太保昌國公諡莊
肅密本儒家從兄岐舉進士爲按察副使以感恩
召入臺爲僉都御史官交劾岐岐亦有吏才密
子鶴齡是年嗣侯十六年秋太監李榮傳旨加太

保增歲祿正德中進太保嘉靖二年三月加太師
又加祿三百石是秋以定策功進封昌國公鶴齡
第延齡弘治八年以都督同知封建昌伯食祿千
石與世券十六年進侯加太保祿六百石嘉靖初
加太傅祿一百石嘉靖八年盡革外戚封不得世
嗣二張亦在革中未幾小張坐法并大張逮獄幾
決戾矣自古外戚貴盛莫如西漢慘禍亦莫如西
漢如衛青以女產子數年父子四封侯又二十四
年子孫遂無噍類然竊謂趙馬者竟外戚也我朝
孝慈馬后有賢德兵亂外家無存者公與公追封



徐王歲時祀

仁孝徐后中山王長女本功臣家

無封爵其餘官止都督至稱舅氏有封爵外戚封
不俟繼世寔始於秦陵秦陵時二張甚橫時時入
禁中內臣何文高素忠直二張窺御帷文高持
大瓜筆之幾死秦陵亦不罪文高當是時二張奪
民田廬請官寺舍又妾奴姻親凌官府篡獄囚莫
敢詰金玉積如山不服市津龍斷往往皆二張人
揚州府同知葉元嘗辱張儼人元至京羣儼入吏
部撰元尚書馬文昇護元得免言官時論劾朝廷
亦不問近世外戚莫橫於二張至正德時稍稍輟

歛乃嘉靖以來益戢戢自謹大張雖以定策功封
公然亦不敢視邵蔣務謙退自保尚書胡世寧上
言宜保全外戚不宜復後世謂外戚封公自陛下
始顧二張內倚昭聖外多瑕蒙嗜利之人奔走
其門生長短朝廷頗疑二張奸徒劉東山遂奏二
張有逆謀朝廷遂決意考問薄昭故事旨會法司
多官議衆亦恐傷太后意又其事無踪跡且皆
先朝事奏從末減上不喜延齡坐斬鶴齡與南
京錦衣指揮閑任延齡又有詞刑書聶賢等稍為
開釋上怒停書俸一年司官下詔獄錦衣都指

TIFFEN Color Control Patches

Blue Cyan Green Yellow Red Magenta White 3 Color Black

禪王佐力爲推鞠反坐東山等重罪下法司唐龍
王延相屠脩等言東山情罪深重竟荷校死鶴齡
子宗說延齡子宗儉調南京盡沒賜產延齡繫御
史獄嘉靖二十五年死於西市

邵喜

邵喜昌化人寓杭州文林 孝惠太后父也太后
初入宮爲貴妃生 獻皇帝及岐雍二王喜歷陞
錦衣指揮使嘉靖初尊貴妃爲 皇太后封喜昌
化伯食祿千石與世券明年卒諡榮和子慈嗣伯
五年卒無子族人爭嗣 今皇帝下吏部議又令

郭勛張璉方獻夫胡世寧李承勛議世寧言 皇
上必欲邵氏嗣封蓋推 皇考獻皇帝之所自出
于 孝惠皇太后又推 皇太后之所自出于其
父母邵林楊氏而欲榮富其子孫也不幸林子孫
皆絕今爭襲者乃其旁枝非林子孫其不當嗣明
矣臣恐賜彼一代之爵而或亂彼百代之宗誤我
皇上明倫之智達孝之仁可不慎乎臣觀江南蘇
松諸郡浙江諸省未見有侯伯世嗣者喜封伯未
逾年遂卒傳其子慈僅再世而遂絕輔陞指揮弟
婿卽天玳三子長次二人皆以疾廢其不幸門祚

之薄如此蓋亦地氣使然故臣愚以為與之嗣伯則宜考覈倫序若濫及旁枝誤及異姓彼弟曰弟彼姪曰姪 太后兄弟不得以之為子父母不得以之為孫他人富貴而本親告絕幽明之間各生嫌隙生者不得安其養死者不得歆其祀况門祚薄而福隆隆恐非邵氏之利莫若停其封爵量與恩澤陰甲流遠乃久長之福七年春 上特令永嗣伯八年薨外戚封停嗣

蔣翰

蔣翰其先徐州人尺籍隸京師父墩以 獻皇后

家授兵馬指揮從之安陸老無子以翰為後嘉靖元年翰以錦衣指揮僉事封玉田伯食祿千石與世券萃從山錦衣指揮同知壽僉事太正千戶四年翰卒贈太保諡榮僖明年子榮初為奉祀顯陵嗣伯榮弟華為奉祀今為都督守顯陵

夏儒

夏儒上元人 毅皇后父也始以錦衣指揮使陞都督同知正德二年封慶陽伯食祿千石與世券十年卒子臣十六年嗣伯嘉靖二年加太子太保卒八年停嗣



陳萬言

陳萬言元城人 孝潔皇后父也初爲諸生頗解
科舉文字嘉靖元年立 中宮以萬言爲鴻臚卿
陞都督同知二年封太和伯食祿千石與世券官
其子紹祖尚寶司丞八年盡革外戚封十四年萬
言卒太和伯不得嗣萬言孫書乞恩得錦衣都指揮
同知帶俸

崔元

崔元代州人尚 憲宗女永康公主爲駙馬都尉
嘉靖初以奉迎車駕封京山侯食祿千五百石與
世券已而坐張皇親事下詔獄得釋元好交文士
流聲譽 上喜元寵信得與內閣大臣及郭勛朱
希忠並召見燕語元得乘間發劾奸惡助坐死元
弟允嘉靖二年進士官至按察副使元卒其子不
肖盡破其家死

方銳

方銳江寧人 孝烈皇后父也嘉靖九年十一月
皇后選入掖庭充九嬪明年二月陞銳錦衣署鎮
撫八月 上諭兵部朕慎選淑女爲嬪御用廣嗣
續九嬪之父授署職似於人情有未盡銳可與錫



表正千戶十三年正月 皇后正位中宮 上諭
兵部陞登 衛都指揮使十八年二月隨幸承天至
衛輝陞 統後府左都督十九年正月封安平伯食
祿一千石二十一年二月初吏兵二部朕恭奉
皇妣慈孝獻皇后几筵痛憶遺音周足三期贊成
朕孝后妃列御宜加恩遇銳進封侯二十五年二
月卒五月子承裕嗣伯三十三年十一月加太子
太保

陶仲文

陶仲文湖廣黃岡人初以吏員為遼東海州衛大

使嘉靖十七年九年滿陞正九品守選會 上求
方士有薦仲文者得召入見一歲屢遷至神霄保
因宣教高士未幾進神霄保國弘烈宣教振法通
真思孝秉一真人領道教事總各宮觀住持知道
錄事食正二品俸尋加少保禮部尚書又加少傅
餘若故食正一品俸俄進少師少傅兼少保禮部
尚書神霄云
云知道錄事若故我朝開國靖難勳
戚內閣五楊吏宰三王皆未有兼總三孤者仲文
獨以真人踏宗伯領三孤云尋又改神霄紫府關
範保國弘烈云
云知道錄事少師少傅兼少保禮

TIFFEN Color Control Patches




部尚書若故勳階特進光祿大夫柱國又兼支大
學士休尋進支伯俸二十九年四月召吏部尚書
夏邦謨至迎和門授勅禮部尚書兼真人陶仲文
轄兩濟旱力贊平獄特封為恭誠伯賜誥歲祿一
千二百石八月內降歲加祿米一百石仲文疏辭
上曰卿祝釐保國禱祈雨暘累累効職若鞠獄非
卿職也果專恭太上盡誠玄修雖數爵亦未克酬
今以平獄謝似非宜且准辭

皇明吳姓諸侯傳下終

子履準校

孫心材重校






國立中央圖書館, 臺灣, 中華民國



PL 2 8286 NATIONAL CENTRAL LIBRARY, TAIWAN R D C



NET 5000 NATIONAL CENTRAL LIBRARY, TAIWAN, P.R.C.





EX-2882 NATIONAL CENTRAL LIBRARY, TAIWAN, R.O.C.


essay 111



皇明直文淵閣諸臣表序

明典設中書省韓魏二國公以太師太傅兼左
右丞相汪胡繼之不得領三公黨獄起死徙數
萬人遂 詔天下罷中書丞相而以五府九卿
分理庶務監察御史許士廉請復三公府

高皇帝不聽然藍玉以涼國公尚領太傅當是時
翰林春坊官看詳諸司奏啓署翰林院兼平駁
諸司文章事某官某雖殿閣大學士如宋訥吳
伯宗皆侍左右備顧問不得平章國事如丞相
成祖省公孤而召解縉黃淮胡廣楊榮楊士奇胡



儼金幼孜七人直文淵閣內閣之預機務也自建文四年始也閣中有文淵閣印印文獨異諸司凡封進詔草登答章疏用之不得下諸司卽下諸司以翰林院印諸司欲上內閣亦稱翰林院翰林院之入內閣也自解始也已而解出爲交趾叅議胡爲祭酒文簡下詔獄文穆早卒楊金三公事 長陵二十三年官不過五品 獻陵復設公孤西楊始加少保內閣之登三孤也自西楊始也東楊以榆木川有大功特置大學士謹身殿謹身殿之有大學士也自東楊始也

景泰時乃有孤卿入內閣者蓋自王文始也先朝重冢宰雖內閣元輔歷二三十年亦不得領吏部尚書內閣之領吏部尚書也亦自文始也內閣未有兼四官者有之亦自文始也陳循高穀遂至領五官徐有貞以武功伯兼大學士自署掌文淵閣事益無謂矣有貞後二十人惟萬丘以卿孤入內閣餘皆修撰贊善通叅少卿少詹事侍郎自焦芳至於今非孤卿則六卿惟翟鑾以待郎兼學士以故內閣職業重於中書省體統尊於三公府省府之名雖廢而內閣之權

益隆矣先是內閣亦外調宣德中陳山張瑛以
于請諸司出山教小內使書瑛爲南京禮部尚
書景泰中亦出江湖爲工部尚書不獨解與胡
也其入內閣也亦未必盡出翰林也西楊齊府
審理也文簡中書舍人也文靖戶科給事中
文清監察御史也文達吏部主事也近日丹徒
永嘉安仁南海貴溪亦中書舍人主事給事中
也

列聖嚴於防奸而廣於求賢以故內閣諸臣類多
效職三楊參合歷事四朝鎮定危疑消弭讒隙

文經武緯內振外寧四十餘年號稱平治 昭
后既崩 裕陵親政一時五相才器尋常權歸
奄振國社幾搖景泰諸臣因人碌碌強者恣睢
弱者黜黜或陰主邪謀或曲從睿旨 儲官易
位官賞紛然天順復辟誅竄削逐臺閣一空自
是輔臣乍進乍退恩數輕微至有囊頭詔獄荷
戟邊隅者南陽既斥復留最專且久造膝陳謨
露章抗論六卿得人萬幾無叢成化間文憲文
毅事關綱常扣關力諫時值佞幸請劍行誅弘
治初年大奸距脫海內欣然宜興洛陽端靖寬

綽長沙餘姚文雅諒直 太陵晝接再三虛懷
霽色屬精訪落將大有爲而諸君子志在包荒
意存裕彙多思少斷坐失良期然十八年間財
以足民爲富兵以薄伐爲威刑以緩死爲恩仕
以嚴進爲耻可謂與民休息培植元氣者矣正
德初逆瑾用事盡逐方正大臣芳宇本衣冠之
盜厠跡禁屏數年間濁亂天下新都守正應變
綽有餘才碩果尚存巨川攸濟雖 大禮之議
未協

宸闈而救時之功登於鼎鉉矣

今皇帝龍飛虎變獨秉乾綱輔臣仰承休德夙夜
匪暇肯能資飾絲綸興制禮樂豈非膺巷之遇
賢於夢卜都俞之風幾於獻替乎茲表直文淵
閣者凡若干人擇其尤者入名臣記餘皆略次
其行事以備覽考云爾

嘉靖丙寅七月既望鄭曉識

TIFFEN Color Control Patches

Blue Cyan Green Yellow Red Magenta White 3-Color Black

皇明直文淵閣諸臣表

吾學編第二十

海鹽鄭曉

姓名 初官 終官 改官 遷謫 贈諡

成祖文皇帝洪武三十五年即建文四年六月己巳即位

解縉 翰林待詔 左春坊天祥主 廣西叅議 文莊論議



黃淮 中書舍人政左春坊天祥主 詔獄

胡廣 翰林修撰 文淵閣大學士主 禮部尚書

楊榮 編修 文淵閣大學士主 少師文勝

楊士奇 著理副政 兼翰林學士

金幼孜 給事中政 兼翰林學士



胡儼

知縣以終

奏德慶待讀

出內閣

仁宗昭皇帝永樂二十二年八月丁巳卽位

楊士奇

成化五年以學士領翰林院書

楊榮

太子少保以學士領翰林院書

金幼孜

太子少保以學士領翰林院書

黃淮

太子少保以學士領翰林院書

楊溥

太子少保以學士領翰林院書

宣宗章皇帝洪熙元年六月庚戌卽位

楊士奇

少傅尚書學士

楊榮

少傅尚書學士

金幼孜

卒官

少保文靖

黃淮

致仕

文簡

楊溥

內艱

張瑛

行在神京行在神京在禮部尚書

陳洪

英宗睿皇帝宣德十年正月癸未卽位

楊士奇

少師尚書學士

卒官

太師文貞

楊榮

少師尚書學士

卒武林

太師文敏

楊溥

少師尚書學士

卒武林

太師文定

陳循

少師尚書學士

卒武林

太師文定

TIFFEN Color Control Patches



吏部左侍郎

翰林學士

翰林學士

曹鶴

翰林學士

吏部左侍郎

翰林學士

翰林學士

馬愉

侍講學士

兵部右侍郎

翰林學士

翰林學士

苗衷

侍讀學士

兵部右侍郎

翰林學士

翰林學士

高穀

侍講學士

工部右侍郎

翰林學士

翰林學士

張益

侍講學士

翰林學士

翰林學士

翰林學士

景皇帝正統十四年九月丙子即位

陳循

翰林學士

翰林學士

翰林學士

翰林學士

苗衷

翰林學士

翰林學士

翰林學士

翰林學士

高穀

翰林學士

翰林學士

翰林學士

翰林學士

彭時

翰林侍讀內

翰林學士

翰林學士

翰林學士

商輅

翰林侍讀

翰林學士

翰林學士

翰林學士

江淵

翰林侍讀

翰林學士

翰林學士

翰林學士

王一寧

翰林侍讀

翰林學士

翰林學士

翰林學士

蕭鉉

祭酒翰林學士

翰林學士

翰林學士

翰林學士

王文

翰林學士

翰林學士

翰林學士

翰林學士

英宗睿皇帝天順元年正月壬午復位

陳循

翰林學士

翰林學士

翰林學士

翰林學士

高穀

翰林學士

翰林學士

翰林學士

翰林學士

王文

翰林學士

翰林學士

翰林學士

翰林學士

商輅

翰林學士

翰林學士

翰林學士

翰林學士

TIFFEN Color Control Patches



| | | |
|-----|------------------------------------|--------------|
| 蕭鑑 | 翰林學士 禮部尚書 翰林學士 翰林學士 | 刑籍 |
| 徐有貞 | 兵部尚書兼武功伯世華 翰林學士 禮部尚書 翰林學士 | 廣東參政從選 |
| 許彬 | 翰林學士 禮部尚書 翰林學士 | 南京參政 刑部尚書 |
| 薩瑄 | 翰林學士 禮部尚書 翰林學士 | 文淵 |
| 李賢 | 翰林學士 禮部尚書 翰林學士 | 禮部尚書 |
| 呂原 | 翰林學士 禮部尚書 翰林學士 | 文淵 |
| 岳正 | 翰林學士 禮部尚書 翰林學士 | 文淵 |
| 彭時 | 翰林學士 禮部尚書 翰林學士 | 文淵 |
| 陳文 | 翰林學士 禮部尚書 翰林學士 | 文淵 |

憲宗純皇帝天順八年正月甲戌卽位

李賢 卒官

陳文 太師文選

彭時 少傅莊靖

劉定之 太師文憲

商輅 太傅文毅

萬安 太保文和

劉翊 太子少傅

劉吉 太子少傅

彭華 太子少傅

尹直 太子少傅



孝宗敬皇帝成化二十三年九月壬寅卽位

萬安 少師太子太師 致仕

劉吉 尚書太師 致仕

尹直 尚書左丞 致仕

徐溥 吏部侍郎 致仕

劉健 翰林學士 致仕

丘濬 太子太保 致仕

李東陽 翰林學士 致仕

謝遷 翰林學士 致仕

武宗毅皇帝弘治十八年五月壬寅卽位

劉健 翰林學士 致仕 太師文靖

李東陽 翰林學士 致仕 太師文正

謝遷 翰林學士 致仕 削籍

焦芳 吏部尚書 致仕 削籍 太傅文恪

王鏊 兵部尚書 致仕 削籍

楊廷和 戶部尚書 致仕 削籍

劉宇 尚書左丞 致仕 削籍

曹元 尚書右丞 致仕 削籍 太保文肅

劉忠 尚書左丞 致仕 太保文肅

梁儲 尚書左丞 致仕 太保文肅




| | | | | |
|------------------|-----------------|--|----|------|
| 費宏 | 禮部尚書文 奉天 太僕 致仕 | | | |
| 靳貴 | 禮部尚書文 奉天 太僕 致仕 | | | 太傅文禧 |
| 楊一清 | 少師太子太僕 奉天 太僕 致仕 | | | |
| 蔣冕 | 禮部尚書文 奉天 太僕 致仕 | | | |
| 楊廷和 | 少師太子太僕 奉天 太僕 致仕 | | | |
| 毛紀 | 少師太子太僕 奉天 太僕 致仕 | | | |
| 費宏 | 少師太子太僕 奉天 太僕 致仕 | | | |
| 世宗肅皇帝正德十六年四月癸卯即位 | | | | |
| 楊廷和 | 少師太子太僕 奉天 太僕 致仕 | | 削籍 | 太師文康 |
| 梁儲 | 少師太子太僕 奉天 太僕 致仕 | | | |

| | | | | |
|-----|-----------------|--|----|-------------|
| 蔣冕 | 少師太子太僕 奉天 太僕 致仕 | | | |
| 毛紀 | 少師太子太僕 奉天 太僕 致仕 | | | 後贈少師 諡文成 太僕 |
| 費宏 | 少師太子太僕 奉天 太僕 致仕 | | | 文簡 |
| 袁宗阜 | 禮部尚書文 奉天 太僕 致仕 | | | 後贈太子太 保 諡忠肅 |
| 石瑄 | 吏部尚書文 奉天 太僕 致仕 | | | 文惠侯 |
| 賈詠 | 太子太僕 奉天 太僕 致仕 | | | 文升 |
| 楊一清 | 少師太子太僕 奉天 太僕 致仕 | | 削籍 | 太僕 |
| 席書 | 少師太子太僕 奉天 太僕 致仕 | | | 文襄 |
| 翟鑾 | 少師太子太僕 奉天 太僕 致仕 | | | 太傅文襄 |
| 張璉 | 少師太子太僕 奉天 太僕 致仕 | | | |



| | | |
|-----|----|------|
| 謝選 | 致仕 | 太師文正 |
| 桂考 | 致仕 | 太傅文襄 |
| 張字敬 | 致仕 | 太保文襄 |
| 方獻夫 | | 太師文忠 |
| 李時 | | 太傅文康 |
| 張字敬 | | 太保文忠 |
| 費宏 | 卒官 | 太孫文憲 |
| 夏言 | 閑住 | |
| 顧尚臣 | | 太孫文康 |
| 崔鑒 | 削籍 | |

| | | |
|-----|------|-------------|
| 嚴嵩 | 削籍 | 後贈少保 謚文簡 |
| 許讚 | 閑住 | 後贈少師 謚文簡 |
| 張登 | | 後贈少師 謚文簡 |
| 夏言 | 死於西市 | 後贈文忠 謚文忠 |
| 張治 | | 後贈太傅 謚文忠 |
| 李本 | | 後贈太傅 謚文忠 |
| 徐階 | | 後贈太傅 謚文忠 |
| 袁燁 | | 後贈太傅 謚文忠 |
| 嚴訥 | | 後贈太傅 謚文忠 |
| 李春芳 | | 後贈太傅 謚文忠 |



| | | | | | | | | | |
|-----|-----|-----|----|----|-----|----|--------------------|----|----|
| 趙貞吉 | 張居正 | 陳以勤 | 高拱 | 郭朴 | 李春芳 | 徐階 | 穆宗莊皇帝嘉靖四十五年十二月壬子卽位 | 高拱 | 郭朴 |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |

啟士儂
高儀
呂調陽
今上皇帝隆慶六年六月甲子卽位

高拱
張居正
呂調陽
張四維
馬自強
申時行



余有丁

許國

王錫爵

王家屏

趙志阜

張位

陳于陞

沈一貫

沈鯉

朱賡

皇明副臣附錄

海鹽鄭曉

成
洪武元年正月乙亥

太祖高皇帝御皇帝位改國號曰大明改中書省
左右相國為左右丞相左右丞各一人叅知政事
二人以宣國公左相國李善長為左丞相兼少師
統六部事

庚
洪武二年召山西叅政楊憲為右丞陝西叅政
汪廣洋為左丞十一月進封李善長為韓國公加
太師封汪廣洋護軍忠勤伯尋殺憲



庚辛洪武四年正月太師左丞相韓國公李善長致仕以汪廣洋為右丞相胡惟庸為左丞

癸丑洪武六年正月出汪廣洋為廣東參政七月以胡惟庸為右丞相

丁巳洪武十年五月令太師韓國公李善長曹國公李文忠共議軍國重事總中書省都督府御史臺是年召汪廣洋復為左丞相

未巳洪武十二年十二月汪廣洋謫海南至太平暴卒

庚申洪武十二年正月殺右丞相胡惟庸詔罷中書

省官陞六部尚書為正二品不隸中書省分大都督府為五軍都督府二十八年上坐奉天門勅文武羣臣自古三公論道六卿分職自秦始置丞相而亡漢唐宋因之雖有賢相然多小人專權亂政我朝罷相設五府六部都察院通政司大理寺分理天下庶務彼此頡頏不敢相壓事皆朝廷總之所以穩當以後嗣君並不許立丞相臣下敢有奏請設立者文武羣臣即時劾奏處以重刑



皇明直文淵閣表

海鹽鄭曉

壬午洪武三十五年六月己巳

成祖文皇帝卽位七月初建內閣以翰林待詔解縉爲侍讀中書舍人黃淮編修撰胡廣侍講編修楊榮修撰王府審理副楊士奇編修戶科給事中金幼孜桐城知縣胡儼檢討並直文淵閣十一月進解縉侍讀學士胡廣黃淮胡儼侍讀楊榮楊士奇金幼孜侍講

癸未永樂元年

直文淵閣表



甲永樂二年四月進解縉翰林學士兼右春坊大學士黃淮胡廣左右庶子胡儼楊榮左右諭德楊士奇左中允兼侍讀侍講
九月出胡儼爲國子祭酒

乙永樂三年

丙永樂四年三月出解縉爲廣西叅議

丁永樂五年十一月進胡廣翰林學士兼左春坊大學士黃淮右春坊大學士楊榮右庶子楊士奇金幼孜左右諭德仍兼侍讀侍講

戊永樂六年六月楊榮薨去

己永樂七年正月楊榮起復

庚永樂八年

辛永樂九年

壬永樂十年

癸永樂十一年

甲永樂十二年閏九月黃淮楊士奇繫錦衣獄尋釋士奇

乙永樂十三年

丙永樂十四年四月進胡廣文淵閣大學士兼左春坊大學士楊榮金幼孜翰林學士兼庶子諭德

TIFFEN Color Control Patches

Black 3 Color White 3 Color Red Magenta Yellow Green Cyan Blue

丁永樂十五年二月楊士奇爲翰林學士兼諭德

戊永樂十六年五月胡廣卒

己永樂十七年

庚永樂十八年正月進楊榮金幼孜並文淵閣大

學士兼翰林學士

辛永樂十九年正月改楊士奇爲左春坊大學士

壬永樂二十年九月楊士奇繫錦衣獄尋釋之

癸永樂二十一年

甲永樂二十二年八月丁巳

仁宗昭皇帝卽位是月進楊士奇爲禮部左侍郎

兼華蓋殿大學士楊榮太常卿金幼孜戶部右侍

郎並兼文淵閣大學士釋黃淮以爲通政使兼武

英殿大學士

九月加楊士奇少保楊榮太子少傅兼謹身殿大

學士金幼孜太子少保兼武英殿大學士

十一月進士奇少傅

十二月進楊榮工部尚書

乙洪熙元年正月進楊士奇兵部尚書

六月庚戌

宣宗章皇帝卽位閏七月太常卿兼翰林學士楊

TIFFEN Color Control Patches



溥內閣辦事

丙宣德元年正月金幼孜憂去尋起復以張瑛為禮部左侍郎兼華蓋殿大學士內閣辦事

丁宣德二年二月以陳山為戶部尚書兼謹身殿大學士內閣辦事進張瑛為禮部尚書

八月黃淮致仕

庚申宣德三年

酉宣德四年十月出張瑛為南京禮部尚書陳山教小內使書是年楊溥憂去尋起復直弘文閣

癸亥宣德五年四月進楊榮少傅

辛未宣德六年十二月金幼孜卒

壬申宣德七年

癸酉宣德八年

甲寅宣德九年八月進楊溥禮部尚書

九月張瑛仍內閣辦事

乙卯宣德十年正月癸未

英宗睿皇帝即位是年楊溥仍直文淵閣

丙辰正統元年九月張瑛卒

丁巳正統二年

戊午正統三年四月進楊士奇楊榮並少師楊溥少

TIFFEN Color Control Patches

Blue Cyan Green Yellow Red Magenta White 3-Color Black

保武英殿大學士

巳正統四年

庚正統五年二月以翰林侍講學士馬愉侍講曹

鶴並內閣辦事

七月少師工部尚書兼護身殿大學士楊宗辛

辛正統六年

壬正統七年

癸正統八年

甲正統九年正月進曹鶴翰林學士

三月少師工部尚書兼華蓋殿大學士楊士奇卒

四月以翰林學士陳循內閣辦事

乙正統十年十月進曹鶴吏部左侍郎陳循戶部

右侍郎馬愉禮部右侍郎並兼學士以待講學士

苗衷爲兵部右侍郎侍講學士高穀爲工部右侍郎

兼侍講學士並內閣辦事

丙正統十一年七月少師禮部尚書兼武英殿大

學士楊溥卒

丁正統十二年九月馬愉卒

戊正統十三年

巳正統十四年五月以侍讀學士張益內閣辦事

TIFFEN Color Control Patches

Blue Cyan Green Yellow Red Magenta White Black

八月曹鶴張益歿於土木九月丙子

景皇帝卽位尊

英宗爲太上皇帝進陳循高穀戶工部尚書侍讀

彭時修撰商輅並內閣辦事

庚午景泰元年正月彭時憂去

二月進苗衷兵部尚書兼翰林學士

三月以兵部右侍郎俞綱內閣辦事尋出理部事

八月以刑部右侍郎江淵兼翰林學士內閣辦事

苗衷致仕

九月改江淵戶部右侍郎進商輅翰林學士

辛景泰二年十二月加陳循少保進文淵閣大學

士高穀少保東閣大學士以禮部左侍郎王一寧

國子祭酒蕭鑑並兼翰林學士內閣辦事

壬景泰三年進江淵吏部左侍郎蕭鑑戶部右侍

郎

四月加陳循高穀太子太傅江淵王一寧蕭鑑太

子少師商輅兵部左侍郎兼左春坊大學士

七月王一寧卒 九月江淵憂去

癸景泰四年二月以太子太保左都御史王文爲

吏部尚書兼翰林學士內閣辦事

TIFFEN Color Control Patches

Blue Cyan Green Yellow Red Magenta White 3-Color Black

五月王文憂去九月起復

甲戌景泰五年正月遣江淵撫安山東河南尋還京

六月加王文少保東閣大學士

乙亥景泰六年正月出江淵爲工部尚書

丙寅景泰七年五月進陳循華蓋殿大學士仍兼文

淵閣大學士高穀王文並謹身殿大學士仍兼東

閣大學士穀進少保蕭鑑戶部尚書商輅兼太常

卿

初天順元年正月壬午

太上皇帝復位是月王文死於西市陳循謫戍蕭

鑑商輅削籍以左副都御史徐有貞爲兵部尚書
太常卿許彬大理卿薛瑄禮部右侍郎並兼翰林
學士內閣辦事少保兼太子太傅工部尚書謹身
殿大學士高穀致仕

二月以吏部右侍郎李賢兼翰林學士內閣辦事
四月封徐有貞爲武功伯兼華蓋殿大學士掌文
淵閣事進李賢吏部尚書許彬薛瑄禮部左侍郎
六月禮部左侍郎兼翰林學士薛瑄致仕降徐有
貞李賢爲廣東福建叅政以通政司右叅議兼侍
講呂原左贊善兼修撰岳正並內閣辦事



七月李賢仍內閣辦事進吏部尚書改許彬爲南京禮部左侍郎尋降陝西叅政降贊善兼修撰岳正爲欽州同知尋滿戍

八月以太常少卿兼侍講彭時仍內閣辦事

十二月進彭時呂原並翰林學士

庚辰天順二年

辛巳天順三年

壬午天順四年

癸未天順五年八月加李賢太子少保

甲申天順六年八月通政司右叅議兼翰林學士呂

原愛去

癸未天順七年二月以詹事陳文爲禮部右侍郎兼翰林學士內閣辦事

甲申天順八年正月乙亥

憲宗純皇帝卽位二月加李賢少保進華蓋殿大學士陳文彭時吏部左右侍郎

乙酉成化元年三月進陳文禮部尚書

十月進彭時兵部尚書

丙戌成化二年三月李賢愛去五月起復

十二月少保吏部尚書兼華蓋殿大學士李賢卒



以太常少卿兼侍讀學士劉定之內閣辦事

丁成化三年三月以商輅爲兵部左侍郎兼翰林學士仍內閣辦事

八月加陳文彭時太子少保文淵閣大學士劉定之工部右侍郎兼翰林學士

戊子成化四年四月陳文辛

十月進彭時吏部尚書商輅兵部尚書劉定之禮部左侍郎

丑成化五年五月以禮部左侍郎萬安兼翰林學士內閣辦事

八月劉定之卒

庚寅成化六年

辛卯成化七年

壬辰成化八年

癸巳成化九年五月進商輅萬安戶禮部尚書

甲午成化十年

乙未成化十一年正月加彭時少保

三月少保吏部尚書文淵閣大學士彭時卒

四月進商輅文淵閣大學士萬安禮部尚書以吏禮部左侍郎劉翊劉吉翰林學士內閣辦事

丙成化十二年二月加商輅太子少保吏部尚書
萬安戶部尚書

丁成化十三年四月進商輅謹身殿大學士萬安
太子少保劉珣劉吉戶禮部尚書

六月太子少保吏部尚書謹身殿大學士商輅加
少保致仕進萬安文淵閣大學士

戊成化十四年三月進萬安吏部尚書謹身殿大
學士劉珣劉吉太子少保文淵閣大學士

十月加萬安太子太保
己成化十五年

庚成化十六年

辛成化十七年

壬成化十八年正月劉吉憂去七月起復

十二月進萬安太子太傅華蓋殿大學士劉珣劉
吉太子太保謹身武英殿大學士

癸成化十九年

甲成化二十年

乙成化二十一年九月劉珣致仕

十二月進劉吉戶部尚書謹身殿大學士以詹事
彭華爲吏部左侍郎兼翰林學士內閣辦事



丙成化二十二年九月以兵部左侍郎尹直爲戶部左侍郎兼翰林學士內閣辦事

十月加萬安少傅兼太子太師劉吉少保兼太子太傅彭華尹直禮兵部尚書太子少保

未成化二十三年二月彭華致仕

七月進萬安少師

九月壬寅

孝宗敬皇帝卽位十月萬安致仕以吏部左侍郎兼翰林學士徐溥內閣辦事

十二月進劉吉少傅兼太子太師吏部尚書徐溥

禮部尚書兼文淵閣大學士尹直致仕以少詹事劉健爲禮部右侍郎兼翰林學士內閣辦事

戊弘治元年

己弘治二年

庚弘治三年

辛弘治四年八月進劉吉少師華蓋殿大學士徐溥太子太傅戶部尚書兼武英殿大學士劉健禮部尚書文淵閣大學士

十月以太子太保禮部尚書掌詹事府事丘濬兼文淵閣大學士內閣辦事

壬弘治五年八月劉吉致仕

癸弘治六年

甲弘治七年八月加徐溥少傅吏部尚書謹身殿大學士丘濬少保戶部尚書劉健太子太保並兼武英殿大學士

乙弘治八年二月少保兼太子太保戶部尚書武英殿大學士丘濬卒以禮部右侍郎兼侍讀學士李東陽少詹事兼侍講學士謝遷並內閣辦事

十月進謝遷詹事

丙弘治九年

丁弘治十年

戊弘治十一年二月進徐溥少師兼太子太師華蓋殿大學士劉健少傅太子太傅戶部尚書謹身殿大學士李東陽太子少保禮部尚書文淵閣大學士謝遷太子少保兵部尚書東閣大學士

十月少師兼太子太師吏部尚書華蓋殿大學士徐溥致仕

己弘治十二年

庚弘治十三年

辛弘治十四年

TIFFEN Color Control Patches

Black 3/Color White 3/Color Red Magenta Yellow Green Cyan Blue

王弘治十五年

癸弘治十六年二月進劉健少師兼太子太師吏部尚書華蓋殿大學士李東陽太子太保戶部尚書謹身殿大學士謝遷太子太保禮部尚書武英殿大學士

壬弘治十七年

壬弘治十八年五月壬寅

武宗毅皇帝即位七月加李東陽謝遷並少師兼太子太傅

正德元年十月少師兼太子太師吏部尚書華

蓋殿大學士劉健少師兼太子太傅禮部尚書武英殿大學士謝遷並致仕以吏部尚書焦芳兼文淵閣大學士吏部左侍郎王葵兼翰林學士並內閣辦事芳仍掌部事

十一月焦芳解部事

十二月進李東陽少師兼太子太師吏部尚書華蓋殿大學士焦芳太子太保武英殿大學士王葵戶部尚書文淵閣大學士

丁正德二年八月加焦芳少師兼太子太傅謹身殿大學士王葵少傅兼太子太傅武英殿大學士



十月以南京戶部尚書楊廷和爲戶部尚書兼文淵閣大學士內閣辦事

戊辰正德三年八月進楊廷和少保兼太子太保

己巳正德四年四月少傳兼太子太傅戶部尚書武英殿大學士王鏊致仕

五月進焦芳少師兼太子太師華蓋殿大學士

六月以少傳兼太子太傅吏部尚書劉宇兼文淵閣大學士內閣辦事

庚午正德五年二月進楊廷和吏部尚書武英殿大學士以太子太保兵部尚書曹元爲吏部尚書兼

文淵閣大學士內閣辦事

五月焦芳致仕

六月劉宇致仕

八月曹元致仕

九月以太子少保南京吏部尚書梁儲爲吏部尚書兼翰林學士掌詹事府事劉忠並兼文淵閣大學士內閣辦事進楊廷和少傳兼太子太傅謹身殿大學士劉忠少傳兼太子太傅梁儲少保兼太子太保並武英殿大學士

辛未正德六年十一月少傳兼太子太傅吏部尚書



武英殿大學士劉忠致仕

十二月以禮部尚書費宏兼文淵閣大學士內閣辦事

壬正德七年十月進楊廷和少師兼太子太師

蓋殿大學士梁儲少傅兼太子太傅謹身殿大學士費宏太子太保武英殿大學士

十一月李東陽致仕

癸正德八年

甲正德九年二月以掌詹事府事禮部尚書兼翰林學士新貴爲文淵閣大學士內閣辦事

五月太子太保禮部尚書兼武英殿大學士費宏致仕

乙正德十年三月楊廷和薨去

閏四月以少傅兼太子太傅吏部尚書楊一清爲武英殿大學士

丙正德十一年七月進梁儲少師兼太子太師華蓋殿大學士

八月楊一清致仕以掌詹事府事禮部尚書兼翰林學士蔣冕爲文淵閣大學士內閣辦事

丁正德十二年四月新貴致仕

五月以禮部尚書毛紀兼東閣大學士內閣辦事
七月加蔣冕太子太傅武英殿大學士毛紀太子
太保文淵閣大學士

十一月楊廷和仍內閣辦事

戊寅正德十三年

己卯正德十四年

庚辰正德十五年

辛巳正德十六年正月加蔣冕少傳戶部尚書謹身
殿大學士毛紀少保戶部尚書武英殿大學士貴

宏少保戶部尚書仍內閣辦事

四月癸卯

今皇帝卽位梁儲致仕以吏部左侍郎兼翰林學
士袁宗阜爲禮部尚書兼文淵閣大學士內閣辦
事

九月袁宗阜卒

壬午嘉靖元年

癸未嘉靖二年七月進楊廷和太傅辭不拜

十一月少師兼太子太師吏部尚書華蓋殿大學
士楊廷和致仕

甲申嘉靖三年六月少傅兼太子太傅戶部尚書謹



身殿大學士將見致仕進毛紀費宏並吏部尚書紀尋致仕以吏部尚書兼翰林學士掌詹事府事石瑋爲文淵閣大學士內閣辦事

八月以吏部左侍郎兼翰林學士掌詹事府事賈詠爲禮部尚書兼文淵閣大學士內閣辦事

嘉靖四年十一月以提督陝西軍務少傅兼太子太傅兵部尚書左都御史楊一清爲少師兼太子太傅吏部尚書武英殿大學士仍內閣辦事

十二月進費宏少師兼太子太師謹身殿大學士石瑋賈詠並太子太保武英殿大學士

嘉靖五年六月進賈宏華蓋殿大學士楊一清太子太師謹身殿大學士石瑋賈詠並少保

嘉靖六年二月少保兼太子太保吏部尚書武英殿大學士石瑋致仕是月加少保兼太子太保禮部尚書席書武英殿大學士致仕卒

四月賈宏致仕以禮部右侍郎翟鑾爲吏部左侍郎兼翰林學士內閣辦事

八月進楊一清華蓋殿大學士賈詠致仕以掌都察院事兵部左侍郎兼翰林學士張璉爲禮部尚書兼文淵閣辦事兼掌都察院事



十月進謝遷吏部尚書謹身殿大學士仍內閣辦事

成嘉靖七年四月少傅兼太子太傅吏部尚書謹身殿大學士謝遷致仕加張璉太子太保辭遂加少保解院事

六月進張璉少傅兼太子太傅吏部尚書謹身殿大學士

正嘉靖八年七月以少保兼太子太傅吏部尚書翰林學士桂萼為武英殿大學士內閣辦事

八月張璉桂萼並致仕九月召遷少師兼太子太

傅吏部尚書華蓋殿大學士楊一清致仕

庚嘉靖九年十二月桂萼致仕是年張璉更名張孚敬

辛嘉靖十年六月以少保兼太子太傅吏部尚書翰林學士方獻夫為武英殿大學士內閣辦事閏六月張孚敬致仕

九月太子太保禮部尚書兼翰林學士李時進太子太傅武英殿大學士內閣辦事

壬嘉靖十一年二月進張孚敬華蓋殿大學士仍內閣辦事



五月進李時吏部尚書

八月張字敬致仕

嘉靖十二年正月進張字敬少師仍內閣辦事

方獻夫致仕

嘉靖十三年月崔鑾憂去

八月加李時少保

嘉靖十四年四月張字敬致仕貴宏仍內閣辦

事

嘉靖十五年七月進李時太子太傅

九月進李時少傅謹身殿大學士

十一月費宏卒

十二月進李時太子太師華蓋殿大學士以少傅

兼太子太傅禮部尚書翰林學士夏言爲武英殿

大學士內閣辦事

嘉靖十六年

嘉靖十七年八月以太子太保禮部尚書兼翰

林學士掌詹事府事顧鼎臣爲文淵閣大學士內

閣辦事

十二月李時卒進夏言太子太師吏部尚書華蓋

殿大學士



嘉靖十八年正月進夏言少師領尚書少保兼太子太傅武英殿大學士

五月以太子少保兵部尚書兼都察院右都御史行邊使翟鑾爲禮部尚書兼武英殿大學士仍內閣辦事

庚嘉靖十九年十月領尚書臣卒

辛嘉靖二十年

壬嘉靖二十一年七月夏言罷進翟鑾少傅謹身殿大學士

八月少保兼太子太保禮部尚書翰林學士嚴嵩

進武英殿大學士內閣辦事仍掌部事

癸嘉靖二十二年四月嚴嵩解部事

甲嘉靖二十三年八月翟鑾削籍進嚴嵩少傅兼太子太傅

八月以少保兼太子太傅吏部尚書許讚爲文淵閣大學士禮部尚書兼翰林學士張璧爲東閣大學士並內閣辦事

乙嘉靖二十四年七月進嚴嵩太子太傅許讚少傅張璧太子太保

十月少傅兼太子太傅吏部尚書文淵閣大學士

TIFFEN Color Control Patches

Blue Cyan Green Yellow Red Magenta White 3-Coat Black

許讚乞致仕削籍張登卒

十二月夏言仍內閣辦事進嚴嵩少師

丙午嘉靖二十五年

丁未嘉靖二十六年

戊申嘉靖二十七年正月夏言落職致仕

己酉嘉靖二十八年二月以南京吏部尚書張治爲

禮部尚書兼文淵閣大學士國子祭酒李本少詹

事兼翰林學士並內閣辦事

庚戌嘉靖二十九年加張治太子太保李本吏部右

侍郎兼東閣大學士

十月太子太保禮部尚書文淵閣大學士張治卒

辛亥嘉靖三十年十月進李本禮部尚書

壬子嘉靖三十一年三月以少保兼太子太保禮部

尚書翰林學士徐階爲東閣大學士內閣辦事仍

掌部事

十月徐階解部事

癸丑嘉靖三十二年

甲寅嘉靖三十三年八月進徐階太子太傅武英殿

大學士李本太子太保文淵閣大學士

乙卯嘉靖三十四年

TIFFEN Color Control Patches

Blue Cyan Green Yellow Red Magenta White Black

3/Color

丙嘉靖三十五年三月加李本少保武英殿大學

士

丁嘉靖三十六年八月進徐階少傅李本太子太

傅

戊嘉靖三十七年

己嘉靖三十八年五月徐階改兼吏部尚書

皇明直文淵表終

子履華校

孫心材重校

皇明兩京典銓尚書表序

國初中書省統六部省有左右丞相中山武寧
王以國公領丞相充大將軍統兵四征不預省
事李汪胡相繼爲丞相十三年間李病乞致仕
去汪謫嶺南道死胡坐黨死於是罷省丞相而
詔六部都察院通政司大理寺名九卿頡頏理
務吏部尚書實冢宰即天子之相也故我朝文
職至六曹極矣洪武中吏部真試署尚書二十
七人儻公斯召自山西參政入吏部爲尚書始
不隸中書省當是時



丙嘉靖三十五年三月加李本少保武英殿大學

士

丁嘉靖三十六年八月進徐階少傅李本太子太

傅

戊嘉靖三十七年

己嘉靖三十八年五月徐階改兼吏部尚書

皇明直文淵表終

子履華校

孫心材重校

皇明兩京典銓尚書表序

國初中書省統六部省有左右丞相中山武寧
王以國公領丞相充大將軍統兵四征不預省
事李汪胡相繼爲丞相十三年間李病乞致仕
去汪謫嶺南道死胡坐黨死於是罷省丞相而
詔六部都察院通政司大理寺名九卿頡頏理
務吏部尚書實冢宰即天子之相也故我朝文
職至六曹極矣洪武中吏部真試署尚書二十
七人傑公斯召自山西參政入吏部爲尚書始
不隸中書省當是時



高皇帝開天治人求賢爲急雖富民稅戶與阜悅
徒苟有才藝並躋高華吏部受成將美日不暇
給承樂洪熙宣德間蹇公爲尚書者幾三十年
內贊宸謀外康流品疇詢審斷莫敢侵官蹇公
既輟部務新安代之望輕寡學始開保薦之途
寓請寄之術以故言官張子初練綱林聰輩相
繼論列循職分者則曰虞咨百揆宰統百官輟
假推轂徒增壘斷况識面呈身勢難植立養交
曲譽情易阿私附要津者則曰唐以明揚周以
推讓專任銓軸何異聖書况耳目有限未易周

知色狀故存竟爲文具議論既多政體旋革間
稱得人類多失實正統以後太和鹽山始同房
杜終效蕭曹秉正懸公官評清兌繼之李崔姚
尹或方毅守文或敏達應務雖有煩言亦能稱
職弘治初逐豐城而起三原三原素負時望羣
情欣悅盧氏金陵鉤陽並稱名碩以故四五十年
之間朝多壽俊之臣野無廢錮之彥士修端
靖之節人懷競躁之耻吏鮮苛黷之風民懷樂
利之澤洋洋乎蔚蔚乎有豐芑械樸之化焉正
德中邪正雜進淆亂官方尚賴遺老共濟時艱

今皇帝應期紹統光蒞寶極知人哲於放勳額俊
勤於神禹管劑不遺瑕瑜並蓄慎重名器未嘗
一月九遷收稅才賢奚啻拔十得五今表典銓
尚書凡若干人自滕公毅至蹇公二十九人官
南京蹇公至今官京師稍詮次其事爲傳其表
著者語在各臣記中
嘉靖丙寅七月望日鄭曉識

兩京典銓尚書表

吾學編第二十一

海鹽鄭曉

| 姓名 | 初官 | 終官 | 改官 | 遷請 | 贈諡 |
|-----|----|----|----|----|----|
| 滕毅 | | | | | |
| 趙明 | | | | | |
| 高嵩 | | | | | |
| 李信 | | | | | |
| 詹同 | | | | | |
| 呂熙 | | | | | |
| 趙好德 | | | | | |

兼翰林學士承旨



| | | | | | | | | | |
|-----|----|-----|-----|------|----|----|----|----|------|
| 周時中 | 陳敬 | 郎本中 | 王興福 | 呂本 | 王敏 | 陳修 | 阮峻 | 劉崧 | 侯斯 |
| | 試 | | | | | | | 署 | |
| | 真 | | | 都轉運使 | | | | 致仕 | |
| | | | | | | | | | 禮部尚書 |

| | | | | | | | | | |
|----|--------------------|----|-----------|----|----|----|-----|-----|----|
| 杖澤 | 翟善 | 洪彝 | 詹徽 | 張銘 | 吳琳 | 李仁 | 趙厚堅 | 劉仲質 | 余煥 |
| | <small>吳興華</small> | | 兼左都御史太子少保 | | | | | | 試 |
| | 真 | | | | | | | | 真 |
| | | | | | | | | | 死 |
| | 宣化知縣 | | 死 | | | | | | |



右洪武年

杜澤

張統

右建文年

張統

自經

寒義

兼詹事

右永樂年

寒義

少保

少師

右洪熙年

寒義

少師

輟部務

大附
忠定

郭進

右宣德年

郭進

致仕

右正統年

王直

少師兼太子太師

何文淵

太子太保

右景泰年

王直

致仕

後贈太師
諡文節
一百零六年

TIFFEN Color Control Patches

Blue Cyan Green Yellow Red Magenta White 3/Color Black

© 1996 Tiffen Inc.

王翱 太子太保

右天順年

李秉 太子太保 卒

致仕

崔恭

致仕

姚夔 太子少保 卒

尹旻 太子少保 卒

耿裕 太子少保 卒

李裕 太子少保 卒

右成化年

李裕 致仕

王恕 太子太保 卒

耿裕 太子太保 卒

屠滿 太子少保 卒

倪岳 太子少保 卒

馬文升 太子少保 卒

右弘治年

馬文升 太子少保 卒

焦芳 入內閣

許進 太子少保 卒

太子保

太子少

太子少

太子少

太子少

太子少

太子保

太子少

太子少

太子少

太子少

太子少

太子少

太子少

太子少



| | | | |
|-----|--------|----------------------|------------|
| 劉宇 | 太子少保 | 入內閣 | 伏誅 |
| 張綵 | 太子少保 | | |
| 劉機 | 太子少保致仕 | | |
| 楊一清 | 太子少保 | 入內閣 | |
| 陸完 | 太子少保 | 太子太保 | 謫戍 |
| 王瓊 | 少師李翰 | 右正德年 | |
| 王瓊 | | | 謫戍 |
| 石珣 | | 字唐事府 後入內閣 | 文憲後 改文介 |
| 喬宇 | 太子少保 | 太子少保 太子太保 太子少保 | 後贈太傅 謫戍 |

| | | | |
|-----|------|--------------|------------|
| 羅欽順 | 未任 | 致仕 | 撰李太 保文註 |
| 楊旦 | 未任 | | |
| 李承勛 | 未任 | 太子少保 刑部尚書 | 後贈少保 謫戍 |
| 廖紀 | | 李太保 | 少傅 保靖 |
| 桂萼 | 太子太保 | 崔季禱 | 太傅 |
| 方獻夫 | 太子太保 | 翰林學士 | 文襄 |
| 王瓊 | 太子太保 | 卒 | 少保 |
| 汪鉉 | 太子太保 | 致仕 | 少保 |
| 許讚 | 太子太保 | 致仕 | 少保 |
| 熊浹 | 太子太保 | 少保 | 後贈少保 謫戍 |





國立中央圖書館藏






2025/05/20 NATIONAL CENTRAL LIBRARY, TAIWAN, R.O.C.




© 2006 NATIONAL CENTRAL LIBRARY TAIWAN R.O.C





© 2008 NATIONAL CENTRAL LIBRARY, TAIWAN, R.O.C


20081022 4.14



皇明名臣記序

名臣有述久矣陸袁呂宋迄於近代蓋十數家咸足以裒前修而式後進但頌言其美者瓊瑜之義微摘書其事者始終之跡晦故今所記略倣史傳庶幾歲月可稽而先後不紊短長互見而法戒具存爾願見闕寡陋遺缺者多尚有俟於後之君子云

嘉靖丙寅八月朔鄭曉識



皇明名臣記目錄

一卷

中山徐武寧王

廷

開平常忠武王

遇春

岐陽李武靖王

文忠

寧河鄧武順王

愈

東甌湯襄武王

和

黔寧沐昭靖王

英

誠意伯劉文成公

基

二卷

TIFFEN Color Control Patches

Blue Cyan Green Yellow Red Magenta White 3/Color Black

ColorChecker by Munsell Color Services Lab

學士宋文憲公

諱

學士王忠文公

諱

參政陶姑孰郡公

安

御史中丞章公

諱

祭酒宋文恪公

諱

大學士朱文恪公

諱

三卷

魏國俞忠烈公

諱

越國胡武莊公

諱

蔡國張忠毅公

諱

梁國趙武莊公

諱

泗國耿武莊公

諱

永義侯彞公

諱

太師丞相韓國李公

諱

太子太師穎國傅公

諱

四卷

靜誠陳公

諱

祭酒樂公

諱

祭酒劉公

諱

祭酒陶公

諱

TIFFEN Color Control Patches

Blue Cyan Green Yellow Red Magenta White 3-Color Black

太子少保唐公

尚書郁公

尚書詹公

尚書開公

大學士吳公

大學士吳公

學士劉公

五卷

河間張忠武王

東平朱武烈王

定典張忠烈王

平江侯陳恭襄公

漳國鄭忠毅公

鄧國薛忠武公

鄂國宋忠順公

廣寧侯劉忠武公

六卷

太師楊文貞公

太師楊文敏公

太師楊文定公



七卷

太師蹇忠定公

長

太師夏忠靖公

原吉

太保黃忠宣公

福

太子太師胡忠安公

漢

尚書周文襄公

悅

八卷

春坊大學士解公

縉

少保黃文簡公

淮

少師胡文穆公

廣

少保金文靖公

吉 即勿致

太保高文義公

叔

太常岳文肅公

正

九卷

太子賓客胡公

儼

侍郎薛文靖公

瑄

侍郎呂文懿公

原

十卷

榮國姚恭靖公

廣孝

尚書宋公

履

湯陰伯那忠襄公資

少師金忠襄公忠

太子少師儀文簡公智

尚書郭公珽

知府况公鑑

都御史羅公通

太子太保陳偕敏公鑑

武功伯徐公夕

少保馬恭襄公昂

十一卷

太子少傅劉節愍公勇

少保陳節愍公洽

太傅曹文忠公夢

少保鄭文肅公奎

十二卷

侍郎段公民

都御史顧公佐

尚書耿清惠公九疇

尚書年恭定公宣

都御史軒公親

TIFFEN Color Control Patches

Blue Cyan Green Yellow Red Magenta White Black

都御史魯公

穆

尚書林恭肅公

翼

都御史楊公

維宗

太子少保樊清簡公

瑩

都御史熊莊簡公

燾

尚書陳公

壽

十三卷

侍郎李忠文公

時勉

祭酒陳公

敬宗

尚書魏文靖公

謙

都御史吳文恪公

第

侍郎葉文莊公

盛

尚書楊文懿公

守陳

太子太保張莊簡公

悅

尚書謝文肅公

錫

太子少保章文懿公

懋

太子太保吳文定公

寬

十四卷

學士劉忠愍公

球

寺丞鍾恭愍公

同

TIFFEN Color Control Patches

Blue Cyan Green Yellow Red Magenta White 3/Color Black

尚書廖恭毅公

尚書章恭毅公

知府劉公

按察使楊公

光祿卿陳恭愍公

十五卷

太師李文達公

太傅商文毅公

太傅彭文憲公

太傅徐文靖公

太師劉文靖公

前少師大學士楊公

十六卷

太保王文端公

太保王忠肅公

太師王端毅公

少保倪文毅公

太傅馬端肅公

太保耿文恪公

少保許襄毅公



十七卷

太傅于肅愷公

諱

尚書王莊毅公

諱

太子太保項襄毅公

忠

太保余肅敏公

子俊

太子少保程襄毅公

信

少保秦襄毅公

統

少保胡端敏公

世罕

少保李康惠公

承勛

十八卷

侍郎錢文肅公

曾禮

太子少保鄒文敏公

濟

侍郎劉文介公

諱

侍郎儲文懿公

璉

太子少保邵文莊公

實

太子少保楊文恪公

康

祭酒魯文恪公

諱

尚書崔文敏公

諱

侍郎呂公

楫

十九卷

TIFFEN Color Control Patches

Blue Cyan Green Yellow Red Magenta White 3-Color Black

聘君吳公

吳阿

翰林檢討陳公

蘇章

翰林修撰羅公

倫

給事中賀公

欽

郎中莊公

昶

吏目鄒公

智

祭酒蔡公

清

二十卷

尚書王文忠公

美

太子少保周文安公

洪諤

太常卿張公

元霸

太子太保林文安公

淵

尚書王文莊公

鴻儒

太子少保傅文毅公

珪

少保毛文簡公

滂

二十一卷

太子少保李襄敏公

秉

太子少保崔莊敏公

恭

少保姚文敏公

夔

太保尹恭簡公

旻

TIFFEN Color Control Patches

Blue Cyan Green Yellow Red Magenta White 3/Color Black

二十二卷

太子少保彭惠安公

尚書何文肅公

太保周文端公

太保劉忠宣公

太傅韓忠定公

太子太保戴恭簡公

太子少保張簡肅公

二十三卷

尚書劉文安公

太傅丘文莊公

太保劉文和公

太傅謝文正公

太傅王文恪公

太保劉文肅公

少保石文隱公

二十四卷

懷遠伯山襄毅公

定襄侯郭忠武公

穎國楊武襄公

TIFFEN Color Control Patches

Blue Cyan Green Yellow Red Magenta White 3/Color Black

靖遠侯王忠毅公

順

都督王公

信

威寧伯王襄敏公

越

錦衣奉公

成

都督馬公

永

太保梁武壯公

雲廣

二十五卷

都御史楊恭惠公

德茂

都御史韓襄毅公

襄

太子少保鄧襄敏公

廷瑞

尚書雍公

太

尚書吳公

廷舉

二十六卷

少保林莊敏公

聰

尚書王恭毅公

傑

尚書陳康懿公

俊

都御史黃公

敏

尚書黃文毅公

孔昭

二十七卷

布政使夏公

寅

TIFFEN Color Control Patches

Blue Cyan Green Yellow Red Magenta White Black

都御史高公

明

大理卿夏公

時正

知府張公

寧

都御史王公

雲鳳

二十八卷

新建伯王公

守仁

尚書孫忠烈公

述

尚書許忠節公

達

二十九卷

少卿黃公

章

御史陳公

茂烈

三十卷

太師李文正公

東渠

太保楊文襄公

一清

太傅席文襄公

書

太師張文忠公

子敬

皇明名臣記目錄

終

子履準校

孫心材重校

TIFFEN Color Control Patches

Blue Cyan Green Yellow Red Magenta White 3/Color Black

皇明名臣記卷第一

吾學編第二十二

中山徐武寧王

海鹽鄭曉

王名達鳳陽人幼倜儻沉雄有智略年二十二從
上起兵授鎮撫周旋二年進諸將上乙未脫
上急從克和陽渡江下采石定太平擒陳也先丙
申從定建康下京口授鎮江翼大元帥轉江南樞
密同僉國毗陵擒張九六敵復圍毗陵又破其援
兵丁酉克毗陵陞僉院轉攻下寧國戊戌取宜興
是年上征婺州留王守建康己亥池州捷聞升



奉國上將軍同知樞密院 上還遣西征統城敗
趙普勝兵庚子伏敗漢兵池州吳陷宜興戰復宜
興辛丑升江南中書右丞從征江州友諒棄城走
武昌屯兵漢陽夏口過友諒還守江州召歸友諒
即破江州中途遣王復守江州破友諒兵壬寅下
豫章西攻武昌豫章內變旋師討平之癸卯從
上拔壽春破吳兵圍廬州會友諒大舉寇豫章從
上至彭蠡友諒逆戰王先諸將敗敵 上慮友諒
襲建康命王還守 上西征武昌甲辰升左相國
武昌平遂取廬州江陵常德夷陵衡州乙巳下淮

東郡縣丙午征吳屢戰阜林擒吳兵六萬直抵蘇
州築長圍架木塔與城中浮屠等築臺三層下瞰
城上設火筒發連中又設襄陽礮礮風着人皆死
城中震恐丁未遣人請事建康 上曰將軍天性
忠義沉毅有謀端重有武顧軍中稟命此賢臣事
君之道吾甚嘉將軍然將在外君不御自後軍中
緩急將軍便宜行吾不中制蘇城堅難猝破無錫
莫天祐又與士誠為聲援其部將楊茂善遊水天
祐遣為偵邏卒獲茂王解茂縛待以腹心屢遣茂
遊水往來盡其書報知城中困乏督兵急攻破

TIFFEN Color Control Patches

Black 3/Color White 3/Color Red Magenta Yellow Green Cyan Blue

其城縛士誠送建康得兵二十五萬班師封信國
公是年冬爲征虜大將軍帥諸將取中原 上曰
諸將非不健鬪然能持重師有紀律得爲將之體
者莫如大將軍宜專中軍策勵羣帥運籌決勝不
可輕動遂克沂州降王宣取益都東郡濟南規畫
芻糧兵不民擾洪武元年正月 上即皇帝位加
中書右丞相信國公兼太子少傅是年克樂安迺
河入汴洛長驅嶠函抵潼關五月 上幸汴謁行
在所定計取元都渡河北收衛輝彰德廣平深趙
出臨清取德滄至直沽獲海舟聯橋濟師常將軍

都督張興祖率舟師並進步騎遵陸而前元丞相
也速等捍海口望風走遂克河西務入通州元主
北走八月至元都齊化門填壕登城王坐門樓執
其監國宗室淮王帖木兒不花及太尉左丞相慶
童平章迭而必失朴賽因不花右丞張康伯御史
中丞蒲川等戮之獲諸玉璽封府庫圖籍故宮殿
分兵守妃主宮人令故奄護視秋毫無犯市肆不
移旣而順德諸守將皆自山西來降承制立燕山
六衛守禦北平略保定中山河間懷慶轉入山西
所過擇守要害進圖太原謂諸將曰聞虜虜帖木

TIFFEN Color Control Patches



卷之二
三十八
兒出太原道保安經居庸攻北平孫都督總六衛
兵足鎮禦我乘其不備直抵太原領其巢穴彼進
不得戰退無所依所謂批亢擣虛也若彼還軍救
太原已爲我牽制進退失利必成擒矣諸將皆曰
善引兵徑進橫麻帖木兒至保安聞之果還兵鋒
甚銳王遣精兵夜襲其營橫麻帖木兒聞變倉卒
急踰帳乘騾馬遁去遂克太原遣薛顯傳友德擊
賀宗哲于石州平忻霍平陽二年取鹿臺河中
西安鳳翔會諸將議兵所向諸將皆曰張良臣才不
如李思齊慶陽易於臨洮先取慶陽從隴西攻臨

洮便王曰不然慶陽城險兵得未易猝拔臨洮西
通蕃夷北界河湟人足備戰鬪土足以供軍儲今
以大軍蹙之思齊不西走胡束手就降矣臨洮旣
克旁郡自下諸將曰善進至鞏昌遣副將馮宗異
征臨洮思齊不戰降良臣懼亦以慶陽降王西征
平涼良臣復叛王趨至涇原遣將率精騎抄其出
入絕聲援別將圍其城良臣開門挑戰王麾兵擊
敗之其下關門納我兵王入城良臣投井引出斬
之陝西悉平三年總兵征沙漠至於定西遣將取
興元西平土蕃征哨極於西北始還是冬大封功

臣進魏國公校開國輔運推誠宣力功臣特進光祿大夫左柱國太傅中書右丞相參軍國事食祿五千石與世祿四年賜王及常李鄧馮四公佃墾儀仗戶表王里曰大功五年北征還命沿邊輯守十七年鎮燕召還冬疾作明年二月卒年五十四贈中山王謚武寧 上爲神道碑文王言簡慮精當提兵時令出不二諸將敬若神明受命而出功成而旋不自矜伐至於封姑蘇府庫置胡宮美人財寶無所取婦女無所愛可謂忠志無疵昭光天日者也 備享 太廟肖像功臣廟位皆第一子四

輝祖添福增壽庠緒長女 仁孝皇后次代王妃次安王妃輝祖初名九恭 上賜名輝祖身長八尺五寸洪武二十一年嗣二十六年遣諭燕防胡明年練浙江海上兵防倭二十九年會禮部翰林院試國子師生第優劣移吏部以次錄用輝祖嘗侍 懿文太子學通經書大義從詹希元學書善大字建文君卽位特見信任靖難兵起與齊黃盧振張昂葛誠通謀議督諸兵北進屢有功召還文皇卽位勅罷尋幽繫永樂三年勅禮部歲五祀王著令五年輝祖卒年四十 上曰輝祖與齊黃



筆謀危社稷齊黃董論死念中山王平定天下有大功於國家曲赦輝祖輝祖病死中山王功不可無後令輝祖子嗣魏國公通給中山王歿後祿輝祖子釋迦保見 上賜名欽乞守墓南京 上怒謫居中都二十二年卒洪熙元年子顯宗嗣正統十二年卒弟承宗嗣天順元年守備南京七年卒明年子備嗣守備南京正德十二年卒贈太傅諡莊靖長子奎壁未嗣卒十三年奎璧子鵬舉嗣

開平常忠武王

王名遇春懷遠人性剛直膂力絕人乙未來歸乞

前部先鋒自効 上曰爾來就我食我安得爾留王請再三泫泣伏地不起 上曰從我渡江俟克太平委身事我未晚比抵采石元兵陣殲上下聯大舟距三丈許相顧莫敢先登王後至 上麾之前即捨舟挺戈大呼一躍而登衆披靡遂拔采石取太平授總管先鋒陞管軍總管丙申營于海牙屯江上王設疑兵分其勢正兵合戰出奇敗其中堅守深陽攻建康先登從徐將軍克鎮江爲先鋒再攻常州會青軍叛與吳合圍徐將軍牛塘急王力戰解圍擒吳健將張德陞統軍大元帥明年

克常州遷中翼大元帥從下寧國池州又明年擢
都督馬步水軍大元帥又明年轉鎮國上將軍同
僉書行樞密院事守婺城攻降衢州陞僉院又攻
杭州庾子召還從拔安慶趙普勝水寨漢人言且
援安慶王曰必攻池州賊誤我留羸弱守城出銳
士伏九華山漢兵果攻池州伏起俘斬萬人又敗
友諒兵龍灣 上禦友諒王留守辛丑陞江南行
省叅知政事從 上取安慶破江州還守龍灣吳
寇長興援之敗吳兵壬寅羅友賢據神山寨逼吳
勳杭欽癸卯討斬友賢吳圍劉福道安豐從 上

擊吳突入陣三戰三勝敵大敗去遂圍廬州漢攻
南昌解圍還從 上援南昌遇彭蠡湖連舟力戰
擘聲動天地縱火焚僞平章舟風急火熾湖水盡
赤敵棗將張定邊前迎戰王射中定邊走友諒退
保鞋山諸將曰漢兵尚強且縱去圖再舉王在
上旁獨不言我師出湖口皆言江流急欲放舟下
上知諸將怯令舟盡扼上流王獨應曰善率諸
將遡流並上控湖口旬有五日友諒食乏出求戰
王遣火舟火筏禦之敵奔潰追北數十里酣戰自
辰至未不解 上乘舟及王舟皆膠沙王力脫

上舟舟被圍又復力戰得脫是役也竟殲友諒進圍陳理武昌甲辰理降陞平章政事從取廬州自將平臨江攻潯州擒熊天瑞乙巳定南安南雄韶州尋取安陸襄陽從徐將軍克秦州丙午克高郵淮安濠泗徐宿安豐會諸將攻浙西次太湖擒逆戰尹萬戶趨湖州水陸鏖戰敵潰抵城下晝夜環攻吳張士信屯舊館出我師背王統奇兵由大全港入結營東阡復出敵背士誠急出親兵拒關輒敗復遣將徐義統赤龍船來援又敗降烏鎮舊館下湖州進圍平江丁未圍益急士誠背城戰敗縛

士誠加授平章軍國重事封鄂國公爲征虜副將軍從大將軍北伐上即位之歲加上柱國兼太子少保從下山東汴梁進攻河南敵兵五萬屯洛北迎戰王布陣既定單騎執弓矢馳入陣敵二十騎攢槩刺王王一箭中其前鋒大呼殺入悉獲其衆河南諸城先後皆平上幸汴計取燕都從下河北諸郡遂定燕都下保定中山真定師次太原守將擴廓帖木兒帥銳兵逆戰王曰我騎兵雖集步卒未至若遣精騎夜劫其營衆可亂主將可縛也大將軍從王言擴廓帖木兒中傷遁二年攻大

同平河東遂西入秦張良臣遁李思齊迎降盡平
關隴元將也速侵通州王還兵拒戰遂擄永平過
惠州至大寧也速遁破開平元君北奔追至北河
倂宗王三人及平章彝住等全師還燕次柳河川
卒年四十贈翊運推誠宣德靖遠功臣開府儀同
三司上柱國太保中書右丞相開平王謚忠武喪
至龍江 上爲文往祭曰朕開拓之功遇春十居
七八召宋濂爲神道碑文侑享 太廟王謙慎不
矜有功無過運籌決勝不學而能其從大將還誠
聽約束及乘鉞專征卽能制節將校所向克捷時

在 上前屢有直諫其妻藍玉兄弟也長子茂洪
武三年以父功封鄭國公與世祿二十年從馮勝
出塞征納哈出勝赫茂至京茂本勝婿勝言茂驚
潰納哈出衆降人茂亦言勝短 上召勝還奪總
兵印罷朝請茂安置龍州次昇二十一年封開國
公次森皆 上所賜名長女爲 皇太子妃二十
四年茂卒於龍州無子靖難兵至浦子口昇及魏
國公分遁力戰已而昇見 文皇得釋昇子繼祖
坐事謫雲南臨安永樂二年召至京賞鈔幣遣歸
諡所繼祖六子長子寧寧子復弘治五年詔錄



太廟元祀功臣後曰此其人佐 太祖平定天下
有大功今其子孫不沾寸祿夾於毗隸朕不忍焉
其加恩承祀於是復及李鄧湯三家後皆得爲南
京錦衣衛世指揮使復卒子經嗣經老子鳳嗣鳳
卒子玄振嗣嘉靖十年進劉基侑享 太廟弁議
常李鄧湯四王後十一年吏部會議遇春文忠愈
和皆勦力中原廓清方夏曾不再傳而子孫微替
歲月彌久莫敢訟功逮我 孝宗憫焉下詔錄其
裔孫四人爲錦衣衛指揮使 皇上神聖天啓勅
遵 祖漢特詔誠意伯劉基裔孫世爵又推念四

臣之功俾悉如基議從事廣祖宗崇德報功之仁
修聖王典滅繼絕之典臣等愚昧謂四臣宜世其
爵 制曰可封常玄振懷遠侯李性臨淮侯鄧繼
坤定遠侯湯紹宗靈璧侯各食祿千石與世券嘉
靖二十七年玄振卒

岐陽李武靖王

王名文忠盱眙人初名保保父貞尚隴西長公主
以駙馬都尉封思親侯贈隴西王謚恭獻王生十
二喪母甲午駙馬携至滌見 上上見甥喜且泣
賜姓名朱文忠丁酉以舍人統兵援池州戊戌攻



下太平破苗獫于於潛昌化王恐士卒驕莫肯關
因激衆怒盡焚輜重進次淳安夜襲破賊管取嚴
州授帳前總制親兵都指揮使兼領元帥府事守
嚴州吳率苗獫水陸奄至出奇大敗之置斬賊巨
筏上放中流下礮水賊賊遁去取浦江禁焚剝示
恩信民大悅同僉貞成率苗將蔣英劉鎮三萬人
降己亥會胡大海攻拔紹興諸暨吳又攻嚴州王
縱兵出小北門過鮑婆嶺破賊碧溪塢又破之胥
口遣元帥何世明克分水吳陸元帥者復據分水
遣世明斬陸元帥陞同僉行樞密院事守嚴州辛

丑漢李明道攻廣信王授之擒明道降漢建昌守
將王溥壬寅蔣英劉鎮反金華王馳赴關谿賊遁
入武林遂定金華處州苗將又反王調兵屯緡雲
遇侵軼陞浙江行省左丞總制嚴衢信處諸會諸
軍王調胡德濟往援賊敗去癸卯謝再興叛降吳
引之寇東陽王晝夜馳百六十里逆敗賊義烏遂
築新城五指巖下留德濟城守未幾吳將李伯昇
攻城城堅不可拔去甲辰陞右丞乙巳伯昇復寇
新城王未至新城十里營龍潭新城守將遣人間
道言吳寡不敵且避賊鋒俟大軍王曰以衆則我


非彼敵以謀則彼非我敵吾未戰輒退賊勢益熾
莫若與戰遂下令曰彼衆而騎我少而銃以銳當
騎可一戰擒也賊擒輜重皆汝等有明日合戰王
特舉引數十騎乘高駝下直出賊後衝其中堅敵
列騎迎戰王格殺數人出入陣中披靡督衆乘之
敵潰城中將士出夾擊斬首數萬溪水盡赤丙午
總水陸兵下江浙克桐廬新城富陽至餘杭謝再
興子五人嬰城固守合圍一日而拔守將潘原明
遣方爨請降王引入臥內款接因命條畫入城次
第遣歸原明封府庫籍兵餉執劉鎮壽英出降王

宿城上今日敢有擅入民居者斬有一卒借民釜
立磔狗即軍中加浙江行中書省平章政事復李
姓洪武元年平閩賊二年爲偏將軍副常將軍北
征出遵化度鹿兒嶺敗江文清錦川次會寧元將
也連逆戰敗追至樂河斬其宗王慶生遂進攻大
興設伏斬其將冉住克上都常將軍卒詔王爲大
將領其衆西援慶陽至太原聞元兵攻大同急遂
移兵至鴈門馬邑元邏卒數千猝至王接戰擒平
章劉帖本進次白楊門又擒虜四大王時天雨雪
王疑有伏引數騎入山覘虜前軍營去敵五十里



王至令前徙五里阻水爲營是夜元將脫列伯果
悉銳劫我王令將士秣馬蓐食堅壁不動先以兩
營誘敵督令死戰自寅至辰度其飢疲分軍爲左
右翼自爲前鋒奮擊大破虜擒脫列伯進兵東勝
州莽哥倉不見虜而還三年授征虜左副將軍總
兵北伐出野狐嶺降其守將至察罕憫兒擒平章
祝貞敗太尉蠻子平章沙不兒朶兒只八剌遂進
次開平獲平章上都罕克應昌獲元君孫買的里
八剌及后妃諸王達官宋元璽金寶玉圖書玉冊
鎮圭大圭玉竿玉斧元太子愛猷識理達臘脫身

遁還過中興擒江唐國公進攻紅螺山降楊思祖
班師至龍江駕出勞江上王上平沙漠表是年大
封功臣授開國輔運推誠宣力武臣特進榮祿大
夫右柱國大都督府左都督曹國公同知軍國事
食祿三千石與世券四年鎮撫成都五年佐大將
軍北征王總東道兵取和林師進可溫至哈刺莽
來虜過去王曰兵貴神速千里蒙人難多重負乃
留韓政駐輜重驢駒河持二旬糧兼程至土剌河
元哈刺張瑩子起營渡河列騎待我王力戰馬中
矢急持短兵接俄得指揮李榮馬王橫槊馳麾諸



兵殊死戰虜敗走又追至騁海虜來益衆王據險
爲營示弱疑虜遁去軍還失故道乏水多渴死大
窘王出哥兒麻思野草水脉愆所乘馬足跑地泉
湧出六年蔣屯朔州擒元太尉伯顏不花七年總
兵北伐駐代達將分道出擒虜擒元平章國公攻
大寧高州大石崖斬其宗王朶朶失里至豐州進
斬魯王十二年理軍河峴洪肇十三年召還參贊
軍國重事十六年兼領國子監事十七年卒年四
十六贈岐陽王謚武靖侑享 太廟王器量沉闊
人莫測其際臨陣蹈厲奮發遇大敵膽氣益壯好

學飭行釋兵家居恂恂若儒士子三人皆 上賜
名長景隆小字九江次都督增枝次正留守芳英
洪武十九年景隆嗣 上嘗書體甯祖禩忠孝不
忘字賜景隆使讀書友儒生一時草布有名天台
林右輩皆與遊二十五年兼太子太傅建文君卽
位與嗣魏國公以元勳子並見倚任靖難兵起代
耿炳文爲征虜大將軍乘傳至德州收集炳文將
卒盡調各路兵五十萬進營河間 文皇語諸將
曰李九江養養少年未嘗習兵見戰陣祇付兵五
十萬是自坑也景隆率衆三十萬圍北平再戰鄭

TIFFEN Color Control Patches

Blue Cyan Green Yellow Red Magenta White Black

沂卒

寧河鄧武順王

王名愈虹人狀貌魁梧有勇力智略過人父順與
兄隆聚衆臨濠相繼卒衆推事王時年十六每戰
必挺身破敵乙未率衆來歸充管軍總管從渡江
克采石太平與徐將軍以奇兵擒陳也先丙申從
定金陵破鎮江陞元帥守廣德丁酉移戍宣州取
徽州破敵兵戊戌取婺源嚴州淳安轉僉書行樞
密院事己亥略浙西臨安大破吳人閻林寨庚子
鄒陽院判于光左丞余椿擊走偽漢部將辛同知
千石尋修太祖實錄充總裁官永樂二年周王
發其建文君時嘗至邸即訊受賂羣臣又劾景隆
與弟增枝匿亡命宥不問又劾革爵沒其家錮下
獄四十五年而卒景隆子佑佑子萼萼子璠弘治
中得爲南錦永指揮使辛子濂嗣濂辛子性優給
續封臨淮侯嘉靖十二年卒無子明年濂弟沂嗣

村甯皆敗匿不聞明年又聚兵號百萬軍德州郭
英吳傑等嘗真定逼北平又敗退戰白溝河又連
敗兵將潰散南奔滄德州皆失守景隆遂奔還不
誅靖難兵次江上景隆歸附得進太子太師增祿



取饒州來附王移鎮饒饒濱彭蠡湖接漢界漢數
遣舟師攻城王輒出戰殲其衆辛丑除江南行省
參政兼僉院總制各翼軍馬襲浮梁取樂平敗蕭
總管擒彭萬戶饒境悉定壬寅鄧克明據撫州偽
降款我王卷甲夜趨旦入城克明單騎遁王號令
嚴秋毫無犯民爭獻酒食悉却不受是時 上討
友諒江州敗友諒走遂下江西至南昌授王江西
行省叅知政事鎮洪都癸卯友諒圍洪都王固守
挫賊相持三月 上率援兵至湖口友諒懼解圍
退大戰康郎山友諒竟敗死甲辰新淦叛擒其首

賊從常將軍平臨江諸山寨圍贛州乙巳降熊天
瑞平南安南雄韶州討熊鼎臣於安福軍掠民子
女判官潘景告王王下令禁輯進江西右丞加湖
廣行省平章移鎮襄陽西抵巴蜀北控河洛烽火
相望新附之民未有定志 上賜王書曰汝謹法
度施惠愛無罪者勿妄殺有罪者宜詳審古良將
以仁義爲先勇略次之汝能勉焉我無西顧之憂
矣吳元年陞右御史大夫洪武元年兼太子左諭
德充征戎將軍取江淮未附州郡攻唐州取南陽
擒蔡國公史克新降隋州取金商鈞房三年爲征



虜左副將軍從大將軍平秦隴降河州朶甘烏斯
藏封衛國公授開國輔運推誠宣力武臣特進榮
祿大夫右柱國參軍因事食祿三千石與世泰五
年爲征南將軍討溪洞蠻夷九年土蕃川藏遮掠
烏斯藏使者改征西將軍進討十年督副將分兵
三道併力覆巢穴窮追至崑崙山斬首功多獲馬
牛羊二十餘萬召還至壽春卒年四十一贈寧河
王謚武順簡享 太廟極至三山門 上臨奠爲
視葬地歎曰愈事朕二十二年歷鎮八州有功無
過命朱夢炎爲文刻神道碑王器量宏偉沉毅簡

重謙恭慎睿孝友純備臨敵不懼有功不矜禮賢
下士寬惠愛人長子鎮羽林鎮撫改封申國公十
八年征江西有功卒無子次銘西安護衛指揮鏘
旗手指揮使女妃秦王銘征蠻卒子源永崇元年
乞嗣以年二十爲散騎舍人七年征胡有功遷卒
子挺亦卒挺子炳成化十六年乞嗣不許弘治中
始得爲南錦衣指揮使老子繼坤嗣續封定遠侯

東甌湯襄武王

王名和風陽人幼有奇志嬉戲常習騎射指揮群
兒及身長七尺偶儻饒智略壬辰率壯士從滁



各目誌

卷之二

七

陽王時 上在甥館王委心推翊爲萬夫長攻滁授管軍總管乙未 上取和州諸將多滁陽貴客部曲騎願望不肯用命王獨恭謹受約束下采石定太平陳也先康將軍水陸分道寇太平王擊其水軍矢中左臂益奮大戰擒也先分兵取溧水句容丙申 上定建業王從徐將軍取鎮江陞統兵元帥轉同僉樞密院事丁酉守常州取江陰明年吳寇常州力戰却敵壬寅從攻無錫癸卯大破士識兵錫山斬其梟將還拜中書左丞甲辰吳士信圍長興會常將軍兵合戰大敗士信遷中書平章

乙巳擊斬江西劇盜姚大膽取永新還守常州丙午與諸將伐士誠畧太湖營舊館降吳呂左丞轉戰湖州守將張右丞降進擊吳江克姑蘇陞左御史大夫兼太子諭德方谷珍據台溫慶元王督諸軍征之谷珍匿海島王遣人持書諭降谷珍乘勝下福州洪武元年延平陳友定令副校降我觀望持兩端王虜以歸是歲從駕幸汴與馮勝取懷慶澤潞晉絳三年從大將軍拔河中入潼關趨鳳翔越六盤盡平關隴明年與諸將至定西襲擴廓帖木兒取寧夏至察罕惱兒獲其猛將虎陳定東勝



大同宣府封中山侯授開國輔運宣力武臣榮祿
大夫柱國食祿千五百石賜券四年討明昇王與
傅將軍統諸將西征蜀王破瞿塘峽擄傷都降明
昇五年從大將軍北征窮追至和林還駐通州八
年鎮彰德是冬追伯顏帖木兒察罕惱兒十年加
號推誠位特進左都督左柱國進封信國公議軍
國事加祿至三千石賜世券明年巡撫西河州十
四年從大將軍北伐下灰山又明年經理四川永
寧璠壕士馬十八年討平五開山獠還朝乞骸骨
賜寶鈔造第鳳陽尋諭王曰日本小夷屢擾東海

上雖雖老強爲朕行視要地築城增戍固守備王
行荼海上城起登萊抵江浙凡五十九城民丁四
調一爲戍兵二十年還京二十一年新第成率妻
子辭去二十三年賀元旦京師感疾遣歸里是年
召至京歸二十七年上思王特詔與入覲明年
卒年七十贈東甌王謚襄武侑享 太廟王沉毅
質直勇而善斷不妄發言入關因論一語不泄行
師受任奉詔即行不少顧家臨敵果敢堅忍未嘗
挫衄有語及兵書者輒笑曰臨陣決機在智識敏
達何泥古爲家書賸妾百餘暮年皆資遣歸實賜

TIFFEN Color Control Patches

Blue Cyan Green Yellow Red Magenta White Black

多惠鄉鄰父老及孤寡無告者子五人萬立功陞
督府僉事征雲南卒贈信世子觀太原護衛鎮撫
礮燹早卒禮督府同知征五開卒女妃魯王禹子
晟幼優給永樂元年卒子文瑜文瑜子傑皆病廢
不得嗣傑子倫倫子紹宗弘治中得爲南錦永指
揮使續封靈壁侯嘉靖十四年卒子佑賢嗣王孫
胤勛居丹徒景泰元年巡撫周忱薦其才授錦永
百戶尋陞正千戶從楊善趙榮使瓦剌還陞指揮
僉事充叅將守延綏虜寇邊遇害胤勛才志敏捷
知兵善議論能文詞

黔寧沐昭靖王

王名英定遠人八歲喪母無所歸 上憐之撫爲
子賜姓朱王天資忠孝厚重簡默齟齬不喜狎戲
壬寅年十八授帳前都尉守京口甲辰轉廣武衛
親軍指揮使改廣信衛洪武元年取鉛山崇安遂
從大將克延平擒陳友定拔閩溪十八寨縛馮谷
保復沐姓守建寧節制邵武延平三年僉大都督
府事四年陞都督同知九年鎮撫關西十年克征
西副將軍總京畿兵伐蕃部川蕞抵崑崙山俘十
三萬封西平侯賜號開國輔運推誠宣力武臣食



祿二千五百石授券十一年授征西將軍征西番
朵茸降其萬戶迄失迦夷其部落擒洮州番酋獲
馬牛半二十萬還鎮關中十三年元脫火赤愛數
擾邊總兵畧亦集乃路渡河經寧夏歷賀蘭山涉
流沙至虜營五十里分軍襲其背掩其左右王當
其前夜銜枚合進擒脫火赤愛還鎮關中十四年
出古井口克灰山會寧過驢駒河獲知院李宣還
京充征南將軍副傅將軍討元孽梁王把匝刺瓦
爾彌于雲南每戰先登衝中堅下烏撒畢節十五
年畧建昌潯江臨安沅江尋甸楚雄洱海大理二

龍關取鶴慶麗江金齒車里平緬來附未幾烏撒
東川建昌叛雲南諸蠻乘之亦叛王赴援賊遁是
年諸將班師留王鎮雲南定貢賦均力役疎其節
目寧便其人十七年平廣南蠻二十年誅浪穹鶴
慶劔川通寇二十一年平緬象三十萬寇定遠率
兵進討馮誠領前軍寧正湯昭爲左右大戰左軍
小却王令左右斬左軍帥首左帥遙見一人拔刀
馳下卽麾衆復前王責戰益急不移時寇大敗東
川蠻叛據烏路山山極險峻上下三百里遣寧正
討降之復叛悉誅之廣西阿赤部結越州首阿資

各目
卷之二
三十一
軍食盈足恩威並施愛讀通鑑綱目大學衍義不釋卷子四人春晟昂斯昶馬都尉昂嘗以都督守雲南卒贈定邊伯謚武襄春年十七從父征討有功授督府僉事大臣請且試春 上曰兒本我家人畀官授嘗錄囚烈山審逆黨蔚州開釋各數百人二十五年奔父喪還嗣侯鎮雲南留意屯田水利平緬甸東川叛夷復平越雋阿資刀千孟諸砦三十一年卒年三十六建文君憐春謚惠襄春無子是年九月第晟以都督嗣永樂六年晟平交趾功封黔國公食祿三千石與世券留鎮宜德元

叛討誅阿赤降阿資明年春阿資復叛遣寧正討之降阿資母是冬入朝宴奉天殿還鎮二十三年遣兵討平教化三部及普安酋密即二十四年平順寧蠻阿資復叛帥兵進討阿資走諭還鎮以僉都督平羌將軍寧正爲參將領王兵阿資遣子降初王留鎮之明年哭 孝慈皇后再鎮之二年哭懿文太子極哀感疾卒年四十八贈黔寧王謚昭靖侑享 太廟王寬弘沈毅謀慮深遠臨事果斷凡得 上賜悉給將士鎮雲南簡官僚剔姦蠹撫農興學墾田治水嚴城堡護斥堠 井來商旅

TIFFEN Color Control Patches



年王適言交人復反晟總兵與安伯徐亨新寧伯譚忠左右副總兵會柳升討賊三年廷臣劾晟上封劾章示晟正統三年征麓川明年班師至楚雄卒贈定遠王謚忠敬又明年子儼賜名斌嗣晟征思任發斌在行景泰元年斌卒謚榮康三年子琮幼優給以其從兄都指揮璘為都督同知總兵鎮雲南胡誌左叅將協守璘卒第璘繼之成化元年琮嗣弘治九年卒謚武僖無子明年姪孫崑為後十年請嗣公廷議崑始祖英封西平侯侯仲子晟嗣侯以平交趾功封黔國公子斌孫琮嗣公琮

無子以崑為後崑高祖昂寔英之子晟之弟崑宜嗣西平侯不得嗣黔國公下雲南守臣議皆言百餘年來雲南人冒知黔國公一旦改西平侯似非所以定民志而憐夷情也朝廷從之崑得嗣公留鎮正德十四年卒謚莊襄又明年子紹勛嗣留鎮嘉靖十四年卒子朝輔嗣留鎮二十六年朝輔卒孝陵初起多畜養子每郡邑下輒遣養子出守蓋二十餘人而昭靖王功最大有徐司馬者揚州人九歲棄道旁上得之名馬兒既長出入侍左右征行守禦有功歷陞都督僉事司馬好文學謙恭

禮下士大夫浙東河南尤著惠政得人歡心公暇
退居一室蕭然如韋布及卒家無餘貲稱賢將云
又有何文輝滁人初名道舍守宣城潼關成都北
平雁門從征淮東姑蘇福建陝西四川尤有功建
寧時建寧人降文輝主帥胡廷瑞怒欲屠其城文
輝力止之曰吾與公奉命安百姓乃以私忿殺人
耶遂止朱文通者從定江左淮南有功授元帥拒
漢兵戰死朱文剛初名榮舍從定江左授元帥與
耿再成守處州苗帥叛文剛急收兵出戰揮劍斫
賊大罵死文通文剛未詳何詩人

誠意伯劉文成公

公名基字伯溫青田人年十四通春秋能文章長
務理學尤精於天文兵法舉進士丞高安以廉節
名揭傒斯見而奇之曰此魏徵之流而英特過之
濟時器也江西行省辟掾史議不合去隱居力學
嘗遊武林西湖有異雲起西北魯道原宇文公諒
皆謂此慶雲公獨縱飲不顧曰此天子氣應在金
陵十年後有王者起其下我當輔之方各珍反海
上省憲舉公爲行省都事公議方氏首亂宜捕斬
行省請撫谷珍授官駁公擅作威福羈管紹興已

而方氏橫莫能制行省悟是公議上軍功爲行樞
密院經歷經略使李谷鳳奏授處州提管府判公
薄其官棄歸田著郁離子十卷客或說公今天下
撥授以公才畧據括蒼併金華明越可折簡而定
方氏將浮海避公因盡江自守此句踐之業也公
曰吾平生念谷珍士誠輩所爲謝客去會 上定
括蒼指乾象曰此天命也豈人力耶孫炎以 上
命遣使來聘遂間道詣金陵陳時務十八策適陳
氏入寇獻計者或曰降便或曰鍾山有王氣奔據
山便或曰決死一戰不勝而走未晚公獨不言

上召問公對曰先斬主降議及奔鍾山者乃可破
賊 上曰先生計將安出曰臣計莫若領府庫開
志誠以固士心且天道後舉者勝宜伏兵伺隙擊
之取威制敵成王業在此時也 上喜用公言奮
擊大破之 上賞公辭不受中書省設座奉小明
王公大怒罵不拜曰何爲奉牧豎者爲因上陳天
命所在 上大感悟遂定計取天下攻皖城不拔
公言宜運拔江州 上悉軍西上友諒走洪都將
胡廷美遣子約降請禁止若干事 上初有難色
公躡坐 上悟許廷美竟降洪都初公聞母喪



上再三書慰留公不得已從征至是辭歸違官護
行時苗賊反金華括蒼殺守將衢州謀翻城應賊
守將夏穀大懼會公至迎公卽發書金處諸下邑
固守指授諸軍復處州擒賊方氏素畏公遣致書
禮不受使人白上上令公與通問公宣示國家
威德方氏遂納土貢公上京出嚴州適吳寇至李
將軍欲奮擊公曰勿擊不出二日賊自走追而擊
之此成擒也比三日黨明公登城望曰賊走矣輒
使進兵追擒賊于東陽當是時漢吳爲敵衆謂蘇
湖地肥饒宜先取公曰士誠自守虜友諒居上流

且名聲不正宜先伐漢漢滅吳直囊中物耳會漢
再攻洪都上遂西征大戰彭蠡湖勝負未決公
密言移軍湖口期以金木相犯日決勝上皆從
之滅漢還上議取吳取中原公密謀居多以公
爲太史令尋改爲太史院使上戊申大統曆變感
守心羣臣懼公密奏宜罪已回天意上爲引咎
論廷臣又疏請早定法制吳平後張昶使人上書
頌功德勸及時娛樂公曰是欲爲趙高者上領
公言昶憾公嫉齊巽岩中傷公未及發昶誅已而
司天臺災巽岩上公天文事不知其本出上命

TIFFEN Color Control Patches

Blue Cyan Green Yellow Red Magenta White 3/Color Black

名臣言行錄卷之十一

也 上怒窮治得與昶交通秋殺翼岩 上督責

李丞相憲使凌悅遂彈丞相公為 上言善長勲

舊且能輯和諸將 上曰善長欲害汝者數矣汝

乃為之地耶汝忠勲足任此公頌首曰是如易柱

必得大木乃可若東小木為之將速顛覆臣驚鈍

豈堪此大任吳元年拜御史中丞議律會章溢秦

上處州下縣賦比宋敵加五合 上令青田科止

五合曰使劉伯溫鄉里子孫世世為美談或言有

殺運三十年者公慨然曰使我任其責掃除弊俗

一二年後寬政可復 上幸鳳陽公居守公志在

澄清天下言於 上曰宋元以來寬縱日久當使

紀綱振肅而後惠政可施命憲司糾察諸道彈劾

無所避因發中書省都事李彬罪狀誅彬中書省

大恨 上還京公曰鳳陽雖帝鄉非建都地王保

保雖可取然為力甚難是秋請告歸後定西失利

王保保竟走沙漠 上手詔叙公勲伐召至京稱

公孔明之儔累欲封公謝曰 陛下乃天授臣何

敢貪天功固辭 上因卜相楊憲汪廣洋胡惟庸

公對三人皆不可相三人者聞之皆恨公三年加

弘文館學士封誠意伯授開國翊運守正文臣護



軍食祿二百四十石四年賜老 上手書問天象
公條答言霜雪之後必有陽春今國威已立自宜
少濟以寬先是公遣子璉論談洋廷檢司事得旨
竟下政府胡左丞署省事劾公請捕璉 上不問
會海豪通政府許言公欲得王氣地輒移巡檢署
談洋有異圖下政府議刑部論坐公死 上不報
移書諭公曰君子絕交惡言不出忠臣去國不潔
其名又曰明哲保身親覲作孽今念卿功僅奪卿
祿伯爵如故公得書大懼走詣闕謝罪乞留京師
已而 上疑稍釋八年賜告歸又手書慰藉未幾

卒年六十五公病時集諸天文書鑰置中授子璉
勿開緘且戒勿習俟服闋即馳上又曰 上或思
我問遺言願修德省刑祈天永命諸形勝要害宜
與京師聲勢聯絡比公計至 上急遣御史李鐸
至青田索公天文諸書璉奉匱出授使者隨見
上授考功監丞久之御史中丞涂節言公死遇毒
汪丞相宜知狀 上問廣洋謝不知 上以罪胡
丞相貶廣洋公剛毅慷慨有大節論天下安危義
形于色與人交開心見誠至義所不可無少假借
上察公誠任以心膂公自謂不世之遇知無不

言每遇急難勇氣奮發計畫立就人莫能測其機
家居飲酒弈碁未嘗言功上天威嚴重惟公抗
言直議上亦禮重公常稱爲老先生不名又曰
卿吾子房也公與同郡葉琛胡深章溢金華宋濂
友善同出處各行其志並以功名顯於世公與濂
文章尤著楊文懿公曰子房不見詞章玄齡僅辦
符檄公勲業造邦文章傳世可謂千古人豪或疑
公逮仕胡元專門象數何異管伊尹之屢就限周
公之多才也所著文集五十卷行於世二子長璉
考功監丞試監察御史陞江西叅政有文行次璣

爲關門使陞谷府左長史璉子虜二十四年嗣伯
加祿五百石明年卒子法與璣子貂永樂二年進
太祖書詔宣德二年授新刑部照磨卒法子柜
柜子曇曇子祿景泰三年命錄公後守臣言連七
世孫祿初不堪授官璣四世孫文謙可詔用祿七
年授世襲翰林五經博士天順二年勅祠公成化
十八年勅取公像祿子憲未嗣官卒弘治十三年
給事中吳士偉言公子孫宜世爵憲子瑜得爲處
州衛指揮使正德九年賜誥曰劉基學爲帝師才
稱王佐孔明之任豈間人言敬輿之謀不負所學

占事考祥明有徵驗運籌畫計勳中機宜渡江策
士無雙開國文臣第一受爵能讓懷辭金蹈海之
風成功不居從辟穀封留之請可謂明哲允矣清
貞特贈爾爲太師謚文成嘉靖十八年刑部郎中
李瑜言 皇上明聖斥姚廣孝 太廟侑享臣鄉
人劉基宜侑享 高廟世其封爵如徐達 上是
瑜言下廷議皆言 高帝收攬賢豪創造基業一
時佐命功臣並執宜莫而帷幄奇謀中原大計每
每屬基故在軍有子房之稱剖封發孔明之喻基
亡之後孫薦實嗣之 太祖嘗召論再三鐵券丹

書誓言世祿薦嗣爵未幾旋卽隕世祇圭裳於未
裔委礪帶於空言或謂後胤孤貧弗克荷負或謂
長陵紹統遂至踈嫌雖一辱塗泥傳聞多謬而載
書盟府績效具存昔者武王興滅天下歸心成季
無後爲善何勒基宜侑享 太廟其九世孫指揮
使瑜宜嗣伯爵伏惟 聖明裁定制曰可公入祀
太廟庶中瑜嗣誠意伯食祿七百石與世券二
十年瑜卒

論曰中山淮陰之流亞而善保其功名誠意幾於
子房矣開平勇冠三軍岐陽恂恂若儒生閩浙皆




服其恩信寧河著績湖湘東甌守毘陵言雖不愷
而心靡二豨寧守滇南夷民懷之功不後于傳將
軍也

皇明名臣記第一卷

子履華校

孫心材重校





EDUCATION NATIONAL CENTRAL LIBRARY, TAIWAN, R.O.C.




20120008 NATIONAL CENTRAL LIBRARY TAIWAN R320





國立中央圖書館, 臺灣, R.O.C.

218507 1/2



皇明名臣記第二卷

吾學編第二十三

學士宋文憲公

海鹽鄭曉

公名濂字景濂浦江人姪七月而生六歲能爲詩
歌稍長文學名益著初爲翰林國史編修官辭入
龍門山著書庚子徵至金陵見 上問世亂奈何
對曰願明公不嗜殺人除江南儒學提舉授太子
經壬寅召講春秋左氏傳公曰春秋孔子褒善貶
惡之善遵而行之賞罰適中天下可定甲辰改起
居注侍左右明年侍 上論黃石公三畧濂曰尚



書典謨帝王大經大法靡不畢具願 陛下留意
又明年乞歸省賜金帛太子贈有加還家筴謝
上書奉太子願進修德業 上覽書喜召語太子
書意洪武二年徵總修元史除翰林學士知制誥
兼修國史時甘露屢降 上問災祥之故對曰受
命不干其天于其人休符不干其祥于其仁 上
嘗言古帝王當宴安之餘多好神仙朕謂國治民
安心神恬康即神仙也對曰漢武帝好神仙而方
士至梁武帝好佛而異僧集使移此心以求賢才
天下有不治乎三年坐議孔廟禮滿安

幾召爲禮部主事五年陞太子贊善大夫 上問
帝王宜讀何書公請讀真德秀大學衍義 上立
取覽說之令大書揭兩廡壁六年 上坐西廡賜
大臣坐令公講大學衍義司馬遷論黃老事講畢
復言曰漢武帝嗜神仙好邊功民力既竭能以重
刑幾至大亂人主能義理養性則邪說不能侵興
學教民則禍亂不能作刑罰非所先也 上曰朕
上畏天下畏兆民兢兢業業不敢自逸公離席
頓首曰願 皇上慎終如始天下幸甚陞侍講學
士兼贊善大夫令集歷代姦臣事爲辦姦錄分賜



太子諸王又命序 祖訓纂 大明日曆七年日曆成一百卷又擇言行之大者爲寶訓五卷爲序上之公侍 上久多所陳說直諫不務文飾 上喜曰卿可參大政對曰臣少無他長徒以文墨議論事 上一旦受職任事不效負 陛下頓首力辭每燕見坐賜茶詢舊章講治道甚條析至問廷臣臧否第言其善者詩文每寓忠告 上喜公善諫公深密不洩禁中語有奏輒焚稿嘗大書溫樹二字室中或問朝廷事指二字不對 上嘗強公飲醉歡笑賦楚辭一章命侍臣咸賦醉學士歌曰

後世知朕君臣同樂也九年除翰林學士承旨知制誥兼修國史 上曰朕自布衣爲天子卿自草萊列侍從爲開國文臣之首俾世世與國同休不亦美乎令太子選賜公良馬又爲良馬歌賜公時有上萬言疏者 上怒其迂衍罪且不測問羣臣阿意者輒指其疏此不敬此詆謗罪當誅召公問對曰彼應詔上疏本效忠無他烏可深罪 上復覽疏顧有足采者召罵阿意者曰若等激吾怒何異以膏沃火向非宋景濂幾不誤罪言者 上嘗嘗廷譽公曰古人太上爲聖其次爲賢爲君子若景

濂事朕十九年口無毀言身無飾行寵辱不驚始
終無異不謂君子人乎匪惟君子抑可謂賢矣十
年致仕賜緡綺御製文集太子贈衣三襲 上曰
朕最慎賞嘉卿忠誠貫金石故以賜卿卿今年幾
何曰六十八 上曰藏此綺三十二年作百歲永
公頻首謝公辭請歲一朝是年九月入朝 上廷
問公屢矣及至大喜日侍 上遊歷觀闕盤旋禁
藥便殿侍食日晏始退 上歎曰純臣哉爾濂方
今四夷皆知卿名卿自愛公遜謝不敢當歲暮辭
還既行數日 上問公子璉曰朕嗜昔之夜夢爾

父笑談如曩時璉曰非 陛下垂念臣父切至何
以形諸夢寐公嘗曰古人爲學使心正身修措之
行事俯仰無愧而已繁辭復說道之蔽也尤篤於
倫品與人交和易任真內誠外恕一見信服汲引
後學如恐不及平居布衣蔬食無異貧士或勸爲
子孫計曰富貴一家物哉我乃所以遺之也自少
至老未嘗一時去書致仕居青蘿山閉門纂述人
不見其面日本使奉勅請文獻百金卻不受 上
問公對曰天朝侍從受小夾金非所以崇國體十
三年冬孫慎坐法論死公罪且不測太子力救得

釋安置茂州十四年五月行至夔卒年七十二門
人方太史曰當元之衰國朝始興也地大兵強據
名號雄視中國者十餘人皆莫能得士 太祖定
都金陵獨能聘禮太史公公始見即勸不嗜殺人
論道上前授經太子未嘗不言仁義天下旣定

上方稽古制治凡郊廟山川祠祀律曆禮樂夷裔
貢賚諸禮文大政皆太史公裁定太子寬大仁明
天下歸心愛戴太史公之功居多海外諸國朝貢
接國門至必問太史公安否公墓初在夔永樂十
一年孫恪以蜀獻王命遷葬華陽置祀田正德中

謚文憲蘇二子長瓚瓚子三人慎愷恂皆無後次
瓚爲中書舍人子三人懌愷恪居華陽懌字子
夷奉母孝獻王時賜粟帛懌力學攻書建文君召
懌入翰林爲侍書

學士王忠文公

公名禕字子克義烏人幼秀爽奇敏及長長身山
立屹有偉度習古學師事黃潛戊子元政亂公爲
書七八千言上時宰嫌其切直格不聞危素張起
岩並薦不報隱青巖山著書戊戌徵公署中書省
掾商略機務 上每稱子克不名間與論文章稱

善因命采故實爲四言詩授太子辛丑遷平江西
頌 上覽頌喜曰吾固知浙東有二儒卿與宋濂
耳學問之博卿不如濂才思之雄濂不如卿癸卯
授江南儒學提舉司校理外艱乙巳除侍禮郎兼
引進使定議禮制遷起居注丙午陞同知南康府
稔被榛莽建府署撫瘡殘集徒散取廉賢士搜除
姦蠹經理廢壞郡得安輯賜黃金帶丁未召議即
位禮忤旨洪武元年降漳州府通判尋上疏曰臣
聞帝王祈天永命以爲萬世無疆之計在乎修德
而已人君修德之要有二忠厚以存心寬大以爲

政二者其大端也是故周家以忠厚開國垂八百
年之基漢室以寬大爲政成四百載之業欽惟
皇上艱難十載大業已成今日急務宜法天道順
人心夫上天以生物爲心雷霆霜雪有時而搏擊
焉有時而肅殺焉然皆暫而不常向使雷霆霜雪
無時不有則上天生物之心息矣人君體上天生
物之心故動靜之間務合乎天不然則天必示之
變異以儆戒之君能修德天意自回天眷自永臣
願 陛下法天道者此也夫君民一體古者藏富
於民取之有節近發德音減茶課免軍需民心咸

名蹟記 卷之二 六一
悅庶幾得遂有生之樂今浙西既平租稅既廣科
歛之當減猶有可議者臣願 陛下順人心者此
也法天道順人心則存於心者自然忠厚施於政
者自然廣大祈天永命之道未有起此者也二年
召修元史爲總裁官徵逸士汪克寬胡翰宋僖陶
覲陳基趙增曾魯高啓趙訪張文海徐尊生黃憲
傅恕王綺傳著謝懋十六人爲纂修官開局天界
寺公史事擅長裁繁剔穢力任筆削書成拜翰林
侍制同知制誥兼國史院編修官三年預教大本
堂公經明理達善開道召對殿廷必賜坐從容宴

語未久奉使土蕃尋召還五年往諭雲南六月至
諭梁王 皇上聰明神聖天人所歸惟爾僻在西
南久阻聲教故遣使者來諭意亟宜奉版圖歸職
方官封如故身名俱全不然天討旦夕且至梁王
不聽館別室數日又諭曰朝廷以雲南百萬生聚
不欲殲于鋒刃曾不聞元綱解紐天兵西征不五
六年天下大定爾恃險遠屢拒明命龍驤鶴驪會
戰昆明悔無及矣梁王裝服有降意卽爲改館會
元遣使脫脫至雲南覘梁王有二心迫殺我使以
固其意梁王持兩可不決區公民間脫脫聞之請

梁王不得已出公與脫脫相見脫脫欲屈公公罵曰天訖汝元命我朝實代之汝如燭火餘燼尚欲與日月爭光耶我將命遠來豈爲汝屈有死而已傾梁王曰汝朝殺我大兵旦夕至六年十二月竟被害瘞地藏寺北年五十二子紳字仲縉博學能文洪武二十九年走雲南求父遺骸不得述滇兩慟哭記建文君卽位給事中涂誠御史黃凱薦召爲國子博士預修高皇帝錄與方太史友善嘗尊太史爲百代儒宗勸著書淑來學太史不應紳悟遂略文藝潛心道德建文元年四月紳上言父

死節狀且曰陛下方隆孝治而明詔又有旌表節義之條正微臣得展情事之時先臣志節獲伸之日也下翰林議贈公翰林院學士奉議大夫溢文節閩國以來文臣有謚者寔自公始二年紳卒紳子稔亦有學行門人私謚爲孝莊先生正統六年又贈公翰林學士謚忠文公歿之明年宜興吳雲使雲南雲字友雲敏達善詞賦洪武初以故官召授弘文館校書郎改渭南丞有善政歷陞刑部郎中磨勘司令刑部尚書出爲湖廣參政坐事被逮上憐其才釋之謂雲曰雲南未奉正朔卿能

TIFFEN Color Control Patches



爲朕作陸賈乎對曰天命所在誰能違之臣奉威德告以大義彼必附順若冥頑不從典師未晚七年九月遣行會雲南使鐵知院等二十人使漠北爲我獲上釋二十人與雲俱至沙塘口二十人者謀曰吾屬奉使不達中道被執而還罪必死共說誘雲令胡服辦髮詐爲元使者又逼令改制書雲骨瘞蜀給孤寺子敷以雲死事得入國子監弘治中徐文靖公言於朝贈刑部尚書諡忠節與公並祠雲南嘉靖中又官其曾孫承宗中書舍人

參政陶姑執郡公

公名安字主教當塗人少敏悟有大志博涉經史元書院山長乙未與耆儒李習率父老出城迎上召語時事公曰今豪傑爭雄志在子女玉帛非有撥亂救民安天下之心明公率衆渡江神武不殺人心悅服以此順天人行弔伐天下不足平也上曰善吾欲取金陵何如對曰金陵古帝都龍蟠虎踞限以長江據其形勝出臨四方何向不克上又曰善留參幕府習知府太平未幾公爲都事丙申從克金陵陞左司郎中贊機務既而得劉

TIFFEN Color Control Patches

31 30 29 28 27 26 25 24 23 22 21 20 19 18 17 16 15 14 13 12 11 10 9 8 7 6 5 4 3 2 1

Black

3 Color

White

Magenta

Red

Yellow

Green

Cyan

Blue

宋章葉四公 上問四人者何如對曰臣謀略不
如基學問不如濂治民之才不如溢瑋辛丑知黃
州寬賦省徭招徠流亡民庶悅服甲辰移知饒州
賜詩行時方征伐用急公善論民樂輸軍興不乏
乙巳信州賊攻城公與千戶宋炳率吏民分城拒
守選勇卒為游兵晝夜巡捍請救江西行省公登
城諭賊曰爾皆吾民反為賊用得無失計乎衆曰
使皆如太守豈有今日城即破不相害會援兵至
賊大敗遁去諸將怒請盡屠諸從賊者公曰民為
賊脅非本心奈何殺之不許明年入朝吳元年初

置翰林院召為學士知制誥修國史時召四方宿
儒集議禮制公總裁定修律為議律官洪武元年
上與儒臣論學術安對曰道之不明邪說害之
也 上曰邪說害道猶美色眩目鮮不為惑自非
豪傑不能決去夫邪說不去則正道不興正道不
興天下烏得而治公頌首曰主臣標本至論 上
嘗賜公對國朝謀略無雙士翰林文章第一家御
史有言公隱過者 上曰朕素知安安豈有此且
爾何從知對曰聞之道路 上曰御史取道路言
譽人以此為盡職乎立黜御史初置山東行中

書省調江西參政汪廣洋山東公出江西爲參政
上曰朕渡江初卿首率父老見軍門爲朕陳王
道論時務深合朕心朝夕幕府裨益良多繼入翰
林益聞謏論江西上游都會擇卿撫治對曰臣微
陋恐付託不效負聖恩公寬仁達吏事政績益著
四年卒年五十七疾劇猶草上時務十二事贈姑
孰郡公國初諸禮多公裁定大祀禮專用公議給
禱禮定於詹同齋戒禮朱升五祀禮崔亮朝會禮
劉基祝祭禮魏觀軍禮陶凱

御史中丞章公

公名溢字三益龍泉人壬辰新黃妖寇犯龍泉執
公從子存仁公憐存仁幼願代賊聞公名大喜問
計公正色曰若等皆有父母妻子願爲此滅族事
賊怒并執公公夜給守者乘間脫歸集里兵擊却
賊石林宜孫平盜公有力上功行省授龍泉主簿
辭屢有功鄉邑歷官武德將軍僉浙東都元帥府
事皆辭結廬匡山又辟地入閩庚子 上徵公及
劉宋某三公至建業問曰我爲天下屈四先生今
四海紛紛何時定乎公對曰惟不嗜殺人者能一
之擢僉營田司事巡行江東兩淮公乞省母病賜

金綺歸留子存厚京師浙東始設提刑按察司公
爲僉事處州總制胡深出師温州還公守處州給
餉平荆楚移僉事湖廣荆襄多廢地議分兵屯田
且控制中原 上善公言河內按察使宋思顏浙
東按察使孔克仁僉事王璿坐法辭連公憂懼

上曰子素知溢守法毋恐胡深兵入閩陷浚處州
幾變陞公浙東按察副使鎮處州公辭曰臣往任
浙東無狀蒙恩獨原卽陞臣官罪過益重疆場之
事臣死不避副臬之命敢辭 上從之比至諸山
寨已叛公宣布詔旨軍民感悅誅首叛者餘悉解

散青田福建寇令攻慶元龍泉公守禦却賊茗陽
賊寇鄰邑遠平陽瑞安傳道公令子存道合平璠
兵擒賊水軍千戶任惟淵朱仲欽成青田賊至仲
欽逆戰惟淵走仲欽以無援故敗公斬惟淵徇溫
州平請朝京師 上曰卿在邊良苦俟平吳卽召
卿浙西諸郡平召公且命分兵征閩以存道守處
公入見 上諭羣臣曰溢雖儒臣父子宣力一方

寇盜盡平功不在諸將後因問征閩諸將對曰湯
和由海道進胡廷瑞自江西入此必勝然閩中尤
服李文忠威信若令文忠帥師從浦城取建寧此



萬全計 上立詔文忠出師如公策溫賊降校元帥還守我師征溫失利輒叛去溫既平又請降公曰叛而復降納之無法奏斬賊洪武元年拜御史中丞尋兼太子贊善大夫公務存大體不屑細故或以爲言曰憲臺百司儀表居其職者當先養人廉耻使避而不犯豈直恃裨卒爲哉 上祀社稷大風雨暹坐外朝大怒議禮者得罪且不測公曰風雨連朝無足爲怪即禮官失議 皇上誠敬自足昭格顯賜寬宥寧事遂已存道部鄉兵萬五千從李將 上圖詔存道兵從海道北征公曰鄉兵本

農人始令征閩許事平歸農復調征莫信不可上不應公又曰兵已入閩者俾還州里昔嘗叛逆者宜籍爲軍使北征自贖一舉而思威著矣 上曰孰謂儒者迂先生強爲朕一行公至處乞終母喪不許遣存厚選治喪公集鄉兵令存道部出永嘉浮海北行三上章乞終喪得允存道出崑山走京師見 上按處州衛指揮副使戌上黨尋移平陽指揮同知公喪母哀毀疾作二年卒公性孝友誠確宏偉外若和緩至臨大事議論爭是非不避權勢必折衷於理存道征陽和遇虜斷頭山力戰

死

祭酒宋文恪公

公名訥字仲敏滑人父壽卿仕元封魏國公諡忠肅公少承家教矩矱自檢性遲重不妄言笑齒貴胃館師友切磋學問該博益有造詣初舉進士爲鹽山知縣中更舞藝懷寶自晦洪武十三年徵詣公車除國子助教積經發難擊節席家學者歸嚮嘗侍上爲詩文渾健古雅同遊諸儒皆推公十五年夏陞翰林學士時建太學上幸學博士龔致統經祭酒吳頤進講上喜召公至奉天門令

爲文立碑太學是冬初置殿閣大學士公以翰林學士爲文淵閣大學士嘗寒附火燎臚下表傷膚上聞之爲文警訥曰臚者協也聞火焚汝臚將非汝居內相不能協助人主爲政神怒耶公頓首謝明年顯罷公自文淵閣遷祭酒會初開太學學徒日衆師生相訐教尼不行上簡用公特與勅又令曹國公領監事公嚴繩準推恩義身言並教鏗礪不遺餘力寢食學廂不復家宿一時士皆遵用上親爲制詞褒公公嘗應詔陳安邊策言屯兵屯田之法上嘉納公病遣中使諭御稟天命

之性發仲尼之誠施已之幽德修道教人所以病
不病而速差以其有神也又嘗言宋祭酒骨格必
壽適有畫工至命繪公像甚肖上喜吏部尚書
余焯不喜公以事逐公去上怒誅焯已念公老
召其子望江主簿麟侍奏二十三年卒於官年八
十一上爲文遣官致祭故事文臣四品無給喪費
者給自公始又遣行人祭于家爲治墳塋官其次
子鄉邑訓導復祖爲司業三十年秋以張顯宗韓
克忠署祭酒司業事上因思公坐奉天門諭太
學生曰宋訥作祭酒學規嚴肅秀才循蹈規矩向

學中用朝廷以故得人訥善終朕禮送回鄉葬又
今途有司祭訥近年老秀才做祭酒懷異心不肯
教誨改廢訥學規今命年少秀才署學事違犯學
規重罪投沒頭帖謗師長者首人賞銀百兩犯者
凌遲沒產正德中謚公文恪

大學士朱文恪公

公名善字備萬豐城人少穎敏好學九歲通經史
大義能屬文元末兵亂隱山中益奮力讀書著詩
經解願史輯事繼母孝壬寅江西亂奉繼母展匿
山中洪武初爲郡學教授八年召廷試第一授翰

林修撰十二年奏對失旨謫教遼東未至放還鄉
十七年召爲翰林待詔上疏論婚姻律曰固重世
臣家重世婚今民間婚姻之訟甚多非姑舅之子
若女則兩姨之子若女蓋法不得爲婚以故警家
誣訟或已聘見絕或既婚復離或成婚有年兒女
成行有司逼奪使夫婦分離子母永隔冤憤抑鬱
無所控訴悲歎道路感恻人心議律不精禍乃至
此按舊律尊長卑幼相與爲婚者有禁若謂母之
姊妹與已之身是謂姑舅兩姨不可以卑幼上匹
尊屬若已爲姑舅兩姨子彼爲姑舅兩姨女無尊

卑之嫌爲子擇婦爲女擇婿古人不以爲非成周
之時王朝所與婚者不過齊宋陳杞四國而已故
當時稱異姓大國曰伯舅小國曰叔舅其世爲婚
姻可知至於列國齊宋魯秦晉亦各自爲甥舅之
國後世如晉之王謝唐之崔盧潘楊之睦宋陳之
好皆世爲婚媾其顯然可證者如溫嶠之玉鏡臺
以舅之子娶姑之女呂榮公夫人張氏乃待制張
昱之女待制夫人卽榮公母申國夫人之姊也今
江浙此事尤多以致訟獄繁興賄賂公行風俗凋
弊願以臣章下羣臣議弛其禁庶幾刑清訟簡風



俗可厚朝廷是之 上嘗諭公曰人君能以天下之好惡為好惡則公以天下之智識為智識則明又曰人之常情多矜己能好言人過君子則不然揚人之善不矜己之善貧人之過不貸己之過又曰萬事不可以耳目察惟虛心以應之萬方不可以智力服惟誠心以待之公頓首稱善十八年陞文淵閣大學士 上御文華殿公進讀心箴畢上曰人心道心有倚伏之幾人嘗持此心不為情欲所蔽則至公無私自無物我之累公頓首稱善是年九月辛年七十二正德中謚文恪是時崇德

飽恂有名禮部主事劉庸薦恂余詮張紳張長年皆明經老儒達治體可備顧問 上遣使驛召洪武十五年冬恂詮長年三人先至恂年八十餘詮長年逾七十 上見之甚喜賜坐顧問退就舍一日 上召三人面命為文華殿大學士力辭老不任役使 上曰念卿等皆年高授此職煩輔道東宮免卿等早朝日晏而入侍對不久當聽卿等致仕還終餘年底不負卿等平生學術卿等鄉里亦為美談何為固辭皆言老且疾辭益力明日放還鄉紳後至授陝西鄜學教諭恂純心篤行好學能



文耕桑自食不求聞達嘗受易吳澄所著有大易傳義西漢集證安吉人長年高郵人紳登州人皆以學行稱崇德又有貝瓊隱居爰山博通經史尤工於詩洪武初徵修元史累官國子助教博士上嘗坐奉天殿召四助教及會稽趙俶錢宰金華鄭濤諭曰汝一以孔子所定書誨諸生若蘇秦張儀由戰國尚詐故得行其說宜戒勿讀論曰文憲學行純固教太子諸王功最大忠文效節南徵姑熟首陳勘定之策中丞持憲善治民宋文恪內行修能立師道朱文恪有經術練達政體

皆宿儒長厚君子也

皇明名臣記第二卷

子履華校

孫心材重




皇明名臣記第二卷

吾學編第二十四

虢國俞忠烈公

海鹽鄭曉

公名通海字碧泉巢人父廷玉弟通源通洞江淮妖賊起時父子結寨巢湖自守左君弼據廬州輒窘廷玉通海聞上駐兵和陽走歸欵時上欲渡江得通海父子水軍甚喜率師至巢湖拔出寨雙刀趙謀劫上通海密白上扶兵歸營蠻子海牙陳兆先之戰皆火攻敗其衆通海功多陞泰淮翼元帥攻鎮江常州宣城敗吳呂珍進兵吳江



皇明名臣記第二卷

吾學編第二十四

魏國俞忠烈公

海鹽鄭曉

公名通海字碧泉巢人父廷玉弟通源通洞江淮妖賊起時父子結寨巢湖自守左君弼據廬州輒窘廷玉通海聞上駐兵和陽走歸欵時上欲渡江得通海父子水軍甚喜率師至巢湖拔出寨雙刀趙謀劫上通海密白上扶兵歸營蠻子海牙陳兆先之戰皆火攻敗其衆通海功多陞泰淮翼元帥攻鎮江常州宣城敗吳呂珍進兵吳江



中流矢矢鏃不能出右目失明再破雙刀趙復池
州陞僉書樞密院事進同知從上征友諒克銅
陵搗九江掠新黃友諒遁武昌還軍擊叛將祝
宗復南昌上曰吾得南昌斷友諒臂大喜已而
友諒發憤率衆圍南昌上率通海等西援友諒
解圍東出都陽湖逆我師大戰通海乘風火焚其
舟漢號將張定邊者直前戰通海率飛射中定
邊相持數日復乘風棹七舟葦置火藥入敵水
寨焚其戰艦數百獲僞王友仁友貴賊稍退時通
海舟深入敵寨塵戰我師遙望久之不復見舟意

通海戰沒少頃舟飄飄逃出敵舟傍我師見之大
喜躍呼奮前大敗敵兵且移舟拔水寨遁去我軍
先柵罌子口及橫截左蓋過敵歸路通海曰湖有
淺舟輒膠戰不利盍移兵入江據上游敵舟入我
直擒易耳敵見我水陸結寨不敢出糧盡窘絕
下流欲遁通海追擊敗之友諒死班師還賜通海
田金帛攻陳理降陞中書省平章政事總兵略劉
家港平廬州攝江淮行中書省事守廬州繕壩壑
興農田兵民享輯從征浙西克湖州轉戰至滅渡
橋中流矢卒贈豫國公改號國公謚忠烈俯享



大廟廷玉戰歿贈河間郡公通源封南安侯通淵
越雋侯語在異姓諸侯傳

越國胡武莊公

公名大海虹人長身鐵面智力過人甲午馮上
爲前鋒從入和州克采石攻金陵常州大海先登
授右翼統軍元帥宿衛佐鄧將軍守宣州取徽嚴
橫禦陷陣遷樞密判官攻下蘭谿陞僉行樞密院
事收諸暨衛處廣信上以發浙東大郡通甌引
越以公爲江南行省參政守婺州己亥克處州壬
寅苗軍元帥蔣英叛判公并殺郎中王愷等降士

諡李將軍下柩縛英至京上命懸公像市曹刺
英血祭公贈公越國公祭卞壹廟洪武元年築壇
羅籠山祭故功臣公位第一而稱以文臣沒王事
者李夢庚王愷孫炎等二年立功臣廟於雞籠山
定祀二十一人命死者塑其像生者虛其位時公
及馮國用趙德勝耿再成丁德典俞通海張德勝
茅成八人已卒棲神卞壹蔣子文廟六王及華高
吳良吳禎曹良臣康茂才吳復孫興祖尚存也諡
公武莊公嘗曰吾不知書吾行兵惟有三事不殺
人不虜人婦女不焚人廬舍以故所至健兒驍附

編氓寧輯有祭征虜之風子德濟有戰功聞父難
奔計以浙東行省奉政統重兵守諸暨新城丙午
移守杭洪武三年從征莊浪失律宥復官後爲都
指揮使鎮陝西卒王體當塗人贈當塗縣男

蔡國張忠毅公

公名德勝合肥人才略豪邁沉毅剛果集義衆結
水寨自保與左君弼趙普勝戰不勝乙未以舟師
來歸上悅謂李丞相曰方欲渡江乏舟楫而德
勝至殆天意也上率兵拔公至和陽營于新河
授萬戶渡江拔采石取太平擒陳也先據管軍總

管蠻子海牙陳兆先復屯方山何太平公破之從
取集慶大破方山營擒兆先克鎮江陞泰淮翼元
帥從下常州宣州再陞僉樞密院事從下宣典普
勝陷池州公敗普勝柵江口復池州友諒犯龍江
呼諸軍力戰敗走友諒降其將張志雄梁鉉喻國
典劉世行追友諒至采石戰歿贈蔡國公諡忠毅
侑享太廟子宣幼養子同嗣職宣長上命宣

嗣同復姓名爲汪與祖典祖以開國功封東勝侯
自有傳合肥又有周顯陳文皆號勇顯從常將軍
李將軍有功戰歿阿魯渾河贈汝南郡伯文早喪

父奉母最孝從叔吳越中原累戰功歷陞督府合
事洪武十七年卒贈東海侯謚孝勇

梁國趙武莊公

公名德勝鳳陽人狀貌魁偉膂力過人馬上運籌
便捷如飛甲午間母在滁陽軍中遂棄妻子來歸
爲帳前先鋒從克和陽儀真陞總管先鋒敗方山
管苗軍水寨收丹陽金壇廣德宣城轉領軍先鋒
戰毘陵湖州擢左副元帥伏友諒龍江下銅陵臨
山寨出淮南征高郵陞統兵元帥從破漢水寨走
友諒收黃梅廣濟克瑞臨吉撫四郡旋慶安慶隆

南昌祝康據南昌叛殺恭瑤從復南昌授僉江南
行樞密院事臨江吉撫三城叛又復三城協守南
昌統精兵爲戰將癸卯漢圍南昌公出戰射殺漢
金指揮漢益兵晝夜急攻城且壞公先諸將死戰
且戰且築城城壞復完巡城至東門敵發蹶張弩
中腰背箭深入六寸即拔出拊髀歎曰命也柰何
大丈夫恨不能從 主上掃清中原耳卒子獻領
其衆公沉鷲簡靜剛明質直馭下嚴肅號令一行
旗幟改色平生未嘗讀書隨機應變智略如神臨
難不懼奮不顧身曾孫輔立功封武靖侯語在異



姓諸侯傳友諒之圍南昌也凡八十五日與公先後死者右副指揮使劉齊右翼元帥同知朱潛紘軍元帥許圭率兵取吉安漢兵掠城三人力戰死左翼元帥副使牛海龍突圍出戰中矢死樞密判官李繼先左副元帥趙國昭以危急繼先出戰被掠去死國昭引兵燒賊艦追至投橋死洪都知府葉瑤江西行省都事葉思成康視之變瑤思成迎戰市中死臨江府同知趙天麟守臨江城破死官軍百戶徐明當圍城日漢設陷穿數臨城誘戰明乘醉躍馬出城射賊賊走明追賊墮堦中賊鈎

去誘降不從死張子明者張元帥之子代父為國使走金陵求援還至湖城被執友諒強官之萬戶令狗城給降子明佯許至城下大呼我張大舍已死主上令諸公堅守救兵且至我必死幸得見諸公賊怒即擯梁刺死張德山夏茂成昔軍士性勇敢善戰德山以夜半潛出城焚賊舟死茂成守城樓當賊衝中飛砲死友諒滅贈公梁國公齊彭城郡侯海龍隴西郡伯繼先隴西郡侯圭高陽郡侯國昭天水郡侯瑤南陽郡侯天麟天水郡侯明合肥縣男茂成總管德山千戶子明初贈武毅將

軍飛騎尉千戶後加贈忠節侯潛思成贈未詳甘
廟祀南昌公進佑享 太廟謚武莊環麗水人博
學多才與同郡劉基章溢抗名元季從石抹宜孫
討寇有功 上下發州見宋濂閩環基溢皆國士
越公克處州環避走建寧既而還麗水與基溢濂
應聘至建康處禮賢館講明經史訪論治道擢營
田司倉事壬寅知洪都府事有吏才善輯撫兵民
愛戴之

泗國耿武莊公

公名再成五河人癸巳來歸從征授百戶立功泗

濬和陽建康鎮江陸元帥守鎮江克揚州改守揚
州宜興數被吳寇又改守宜興尋還守揚州 上
取金華爲前鋒屯縉雲取處州又改守處州石抹
宜孫率衆驟至公擊敗走死先是士卒無論大小
徵私粟民間號若糧民苦莫敢誰何公白胡參政
盡罷若糧壬寅苗帥叛公方與客飲聞變上馬收
戰卒不滿二十人迎賊罵曰俘虜奴國何負汝乃
反急解甲降不降吾斫汝萬段揮劍連斷數繫其
不繼賊刺公墮馬大罵不絕口死子天璧糾父部
曲殺賊比至王師已誅賊贈公高陽郡公天璧嗣



守處州洪武二年進公侑享 太廟三年加贈泗
園公謚武壯

永義侯桑公

公名世傑無爲人甲午與廖俞蔡諸公結水寨集
湖乙未納款趙普勝首異志公洩其謀 上得歸
和陽集商舟載勇士至黃墩攻敗普勝及蠻子海
牙 上趨入和陽諸軍大集卽攻破采石鱗魚洲
鐵長官水砦取太平論陳也先蠻子海牙遁橋北
先入金陵拔鎮江陞桑淮翼元帥下金壇丹陽從
圍常州攻寧國常州平陞判行樞密院事取馬駝

沙克大浦口江陰下太湖收宜興尋與諸將攻江
陰石碑海寇樂瑞公奮戈躍馬陷陣死諸將大怒
奮擊盡獲海舟擒瑞 上念公贈永義侯侑享
太廟國初忠節盧石公及廖楚公俞執公蔡梁公
四人洪武六年詔定功臣謚號禮部言光武封寇
恂爲承義侯景丹奉義侯世傑侯名永義不必重
謚 上從之子敬以父故封徵先伯語在異姓諸
侯傳

太師丞相韓國李公

公名善長定遠人 上略滁陽公謁道旁留幕下

掌書記謀議軍機畫饋餉甚見親信嘗語公務輯和諸將成功一日上從容問曰四方戰鬪天下何時定乎對曰秦亂漢高帝起布衣豁達大度知人善使不嗜殺人不一載而成帝業胡元酷暴視秦尤烈以故群雄翹奮土崩瓦解主公濠產距沛不遠與漢高帝同受山川王氣能法其所為天下不足定也上曰漢高帝所用豪傑未有踰張良韓信蕭何三人者今徐達勇力或可方信先生可當張良蕭何乎對曰良智計絕人後世鮮比善長何敢望良若供給饋餉或可效何上曰良不可

得矣今天下才智之士可擬良者先生幸教孤孤將就見之對曰世豈乏才願善長不能悉知惟知金華宋濂博學洽聞且知象緯上曰以孤所聞知象緯者莫如青田劉基是年滁陽王欲拔公置麾下弗肯行乙未上總兵和陽謀斷出諸將右諸將忌上公委曲調護上發采石公為戒戒軍士榜入太平榜通衢城中肅然初置太平興國翼元帥府公為帥府都事丙申三月從克建康籍軍民凡五十萬七月奉上為吳國公公為江南行中書省參議轉給軍食戊戌上征婺州守建

庚辛丑議立鹽錢茶法進參知政事癸卯 上授
南昌復征武昌皆留守甲辰奉 上爲吳王陞右
相國乙巳上言湖廣邊務議江右湖廣魚課歲可
得穀一百餘萬石資餉李濟據濠公爲書招濟丙
午濟降吳元年率諸臣勸進 上未許時刑獄太
繁 上謂公無更連坐參議李飲水楊希聖不職
公劾黜二人九月論平吳功封宣國公十月定官
儀尙左改左相國克總裁官定律令是月議取中
原福建廣西十二月率百官勸進明年戊申正月
上卽皇帝位兼少師二月進 郊社宗廟議五月

上幸汴議定都又議取元都公留守八月駕還上
六部官制十二月定喪服及三司朝賀東宮儀二
年正月上諸神祭禮及翰林官制二月監修元史
四月奉詔編祖訓十二月議賞平定中原功三年
正月定服色議征沙漠置司農司河南制存恤祿
養國初都先鋒十大元帥都尉指揮陣亡無後者
之父母妻妾記是秋病十一月大封功臣 上
諭諸將曰善長雖無汗馬之勞然事朕久給足軍
食功甚大宜進封韓國公授開國輔運推誠守正
文臣太師左丞相食祿四千石券文比公蕃何四

年正月致仕賜臨濠地墳佃戶董建臨濠宮殿七年以公弟存義爲太僕丞移江南民四十萬墾濠田命公總田事八年秋南安侯監田弗勤又勅公留鳳陽者數年子祺尚皇長女臨安公主爲駙馬都尉歲祿六百石是年廣洋陳寧劾公不問十三年正月胡惟庸辭連公羣臣請逮獄上曰朕初起兵善長謁軍門曰有天日矣是時朕年二十七善長年四十一所言多合吾意命掌簿書贊計畫功成爵以上公以女與其子此吾初起時股肱心腹吾不忍罪勿問公奏還僦戶旣而仍給御史左

中丞安然老命公理臺事十四年議徑漢北雲南十六年上文官封贈蔭叙例十七年河南水命稭賑恤二十三年春肅清違黨榜列勲臣五十七人公猶在上列未幾坐罪不問會有星變其占爲大臣災御史再劾公遂暴卒年七十七虞部郎中王國用上書訟公寃曰竊見太師善長與陛下同一心出萬死以得天下爲勲臣第一生封公死封王男尚公主親戚皆被寵榮人臣之分極矣志願足矣天下之富貴無以復加矣若謂其自圖不軌尚未可知而今謂其欲佐胡惟庸者揆之事理大謬



不然人情之愛其子必甚於愛其兄弟之子安享
萬全之富貴者豈肯僥倖萬一之富貴哉雖至病
狂亦不爲矣善長於惟庸則姪之親耳於陛下則
子之親也豈肯舍其子而從其姪哉使善長佐惟
庸成事亦不過勲臣第一而已矣太師國公封王
而已矣尚主納妃而已矣豈復有加於今日之富
貴者乎且善長豈不知天命之不可倖求取天下
於百戰而獲危也哉當元之季欲爲此者何限莫
不身爲齏粉世絕官污僅保首領者幾人哉此善
長之所熟見也且人年邁摧頹精神意慮鼓舞倦

矣倫安苟審則善長有之曾謂有血氣之強暴動
感其中也哉又其子事陛下托骨肉至親無纖芥
之嫌何得忽有深警急變大不得已之謀哉凡爲
此者必有深警急變大不得已而後父子之間或
至相挾以求脫禍國全耳未有平居晏然都無形
跡而忽起此謀者此理之所必無也若謂天象告
變大臣當災則殺人以應天象夫豈上天之意哉
今不幸以失刑而臣懼劄爲明之猶願陛下作戒
於將來也天下孰不曰功如李善長又何如哉臣
恐四方之懈體也事枉寬廷羣臣杜口竟無一人

爲陛下言者臣誠愧耻忘其賤賤冀陛下萬一感
悟其就萬鍾無恨臨安公主卒于江浦祺子二人
長芳留守中衛指揮茂鎮撫旗手衛陞指揮食事
芳子五人長桓停襲恒生城璋斌生宣宜生密

太子太師顏闕傳公

公名友德宿人初從明玉珍不得志走從陳友諒
辛丑率衆來歸從征友諒鄱陽湖被殺創戰益力
殺數百人甲辰從征武昌先登百腦中矢擢雄武
衛指揮使乙巳攻安陸被九創甲午破張士誠兵
于馬驛遷吳元年守徐州躍馬奮刺善乙擒李二

拜江淮行省參知政事大將軍北征 上曰友德

勇略冠諸軍可當一面從下沂青洪武元年從克
汴梁河南衛輝廣平獲元將爲向导克德滄州直
沽至河西務下通州克元都偵邏古北諸隘口分
兵守蘆溝橋略大同還下保定真定橋太原擴廓
帖木兒遁敗賀宗哲石州二年從取陝西三年克
汧漢是秋征甘肅還封潁川侯食祿千五百石賜
券 上欲取蜀以中山侯爲征西將軍率廖永忠

等舟師由瞿塘趨重慶公以征虜前將軍率顧時
等步騎由秦隴趨成都四年辭 上曰蜀人聞吾



西伐必悉精銳東守瞿塘北阻金牛拒我師出其
意外直搗階文門戶既感腹心自潰兵貴神速但
是不勇耳公至陝言出金牛規階文守備弱即趨
陳倉選鋒繫緣山谷晝夜行大軍繼之直抵階州
蜀斷白龍江橋阻我都督汪典祖躍馬直前中流
石死公奮攻拔文州兵渡白水江遂趨緄州至漢
江造戰艦將進兵漢州欲遣軍擊湯將軍爲木牌
數千書克階文綿日月後漢江順流下蜀守者見
之解體尋拔漢州夏丞相戴壽太尉吳友仁悉衆
守瞿塘聞公破階文橋江油壽友仁分瞿塘守兵

還援漢州保成都未至公舟師過漢州敗其將向
太亨城下迎擊壽兵敗之拔其城時湯將軍駐大
溪口未進上引公冒險克階文功貴湯將軍湯
將軍已獲公所書木牌遂趨夔州七月壽太亨以
成都降公湯將軍亦克重慶公分兵盡下川蜀諸
郡縣十月還京十二月論功上曰友德統軍冒
險首克階文破綿漢成都克保寧諸郡功最大又
爲平蜀文旌公平蜀之後安輯撫禦平羌將軍御
史大夫丁玉恩信最著至今番夷稱丁大夫云五
年副馮勝征沙漠出金蘭攻甘肅至瓜沙六年復

出雁門爲前鋒虜遁軍還留鎮北平召還從太子
諸王獵荆山講武九年副湯將軍備伯顏帖木兒
延安番兵縛伯顏帖木兒以降 上將平雲南命
公延川蜀降永寧雅播金筑普定中平乾溪等寨
還京十三年乃兒不花寇邊十四年副大將軍討
之九月朔爲征南將軍永昌侯西平侯爲副統兵
三十萬征雲南 上曰雲南遐僻取之當自永寧
始先遣驍將別罕向烏撒大軍繼自辰沅入普定
分據要害乃進兵曲靖雲南喉襟彼必併力拒我
審勢出奇取勝在此既下曲靖三將軍一提勁兵

趨烏撒應永寧大軍直趨雲南彼此牽制彼疲於
奔命破之必矣雲南旣克分兵徑趨大理勢將无
解其餘可不煩兵而下公兵至湖廣遣都督胡海
洋等帥兵五萬由永寧趨烏撒公率大軍由辰沅
趨貴州進攻曲靖擒其司徒平章達里麻擊烏撒
遣副將軍趨雲南梁王走死滇池公遂城烏撒得
七星關通畢節又克大渡河降東川烏蒙芒部諸
蠻十五年 上諭公需翠韋不盡服雖有雲南亦
難守慎之公進兵克大理諸都是年翠及宋欽甘
降蠻地悉平公因俗立法定貢賦興學校掩戰骸

廣屯田南人大悅十七年還京論功進封穎國公
食祿三千石與世劄十九年再征雲南二十一年
復討曲靖普安二十三年征沙漠還駐開平復征
寧夏二十四年北征哈者舍利王二十五年兼太
子太師二十七年暴卒子忠尚壽春公主爲駙馬
都尉讓金吾所鎮撫

論曰俞

述海

胡大

張德

趙德

耿

馮

桑世

六公首從義旗經營四方皇情軫悼脩食大恣
然皆殞身行間不及見一統之盛韓公平善比述
蕭文終頽公德取巴蜀雲南功皆第一佐成帝

業制符上公竟不免於走狗良弓之憾功名之際
可易言哉

皇明名臣記第三卷

子履準校

孫心材重校




皇明名臣記第四卷

吾學編第二十五

靜誠陳公

海鹽鄭曉

公名遇字中行金陵人天資純粹篤學博覽元至
正中授江東明道書院山長温州路教授元末棄
官歸安澹守約自名靜誠人稱之爲靜誠先生每
日焚香拜天願早生仁聖救此創殘 上定金陵
南臺侍御史泰元之薦公宜顧問左右即日召見
與語大悅每稱先生三幸其第與官輒辭不就
上既即位問保國安民大計公以不嗜殺人薄欲




皇明名臣記第四卷

吾學編第二十五

靜誠陳公

海鹽鄭曉

公名遇字中行金陵人天資純粹篤學博覽元至
正中授江東明道書院山長温州路教授元末棄
官歸安澹守約自名靜誠人稱之爲靜誠先生每
日焚香拜天願早生仁聖救此創殘 上定金陵
南臺侍御史泰元之薦公宜顧問左右即日召見
與語大悅每稱先生三幸其第與官輒辭不就
上既即位問保國安民大計公以不嗜殺人薄欲



任賢爲對再除翰林學士固辭嘗奉密命至浙江還奏稱旨賜金除禮部侍郎又固辭會疾醫療頻至病愈入謝上望見連呼君子君子除禮部尚書又固辭自是不煩以務每從容燕見賜坐侍食談說經史古今成敗孝弟仁慈事公溫良謹恪人有過破上謚力爲解上喜公試爲每聽公言嘗曰卿老矣有子可帶刀衛朕公頓首伏地辭年七十二卒賜賻祭加東園秘器季子恭舉人累官通政贈公大理少卿公弟中復嘗隨公侍上永樂初爲翰林待詔繪事精雅中復子孟顯善書

上以武功創業顧喜接者儒特江西鉛山龔敦學博行淳鄉鄙人皆向慕敦固初以明經爲府學教授御史葉孟芳薦徵至洪武十三年秋上坐武英殿西廡見諸儒使言志皆對曰不敢上負聖主自棄明時上喜始置四輔官以王本杜佑及敦爲春官杜敦趙民望吳源夏官秋冬官缺令兼攝未幾敦致仕十四年起爲國子司業陞祭酒杜敦壹關人勤慎力學精通易書詩爲四輔官兼太子賓客後以疾卒源興化儒學教授洪武十三年中書舍人林廷綱薦源德行本以儒士行誼著聞



召

祭酒樂公

公名韶鳳全椒人博學能文章有智畧謹厚自持
乙未從渡江參贊機事洪武三年授起居注四年
轉給事中遷中書省員外郎再陞兵部侍郎尚書
六年改侍講學士修大明日曆重定洪武正韻
更製釋奠先師樂章尋移病元八年召拜國子司
業未幾陞祭酒尋致仕歸以壽終弟暉人材進遷
開封知府太常卿發為諸暨州同知並知名公有
友人趙奎王才魯文質陳旭陳友此五人者並起

敵滄從 上渡江取采石奎體貌魁岸有材畧立
功授總管守宜興洪武四年從征甘肅猝遇敵衆
畏怖奎獨奮殊死戰敗之 上喜旭英該多智識
友有膽氣常居前鋒才尤材武文質攻醫授太醫
院判奎才並都指揮使旭從靖難封雲陽伯友平
蠻功封武平伯旭友語在異姓諸侯傳

祭酒劉公

公名崧字子高太和人七歲能賦詩洪武三年以
才學舉職方郎中陞北平按察副使坐事輪作京
師歸鄉十三年胡丞相誅 上手勅召為禮部侍

郎未幾署吏部尚書請老與勅致仕十四年召致
仕刑部尚書李敬爲國子祭酒起公司業公至
上喜賜鞍馬未旬日遽得疾猶強坐調諸生疾革
敬問所欲言曰天子遣崧教國子將責以成功而
遽死乎無一語及家事年六十一 上爲文祭公
公博學有志行家素貧及貴未嘗增產業居官十
歲不以妻子相隨清苦如布衣時其爲北平按察
副使携一童徃至則遣還每夜孤燈一榻讀書不
輟五更衣冠起坐待旦招徠逋逃慰安反側惟務
寬厚存大體尤慎威刑小人險狡輒先事防制溫

顏異詞而見者凜然致仕歸益謙下問學之功老
而彌篤與人言未嘗及官政文雅粹詩有唐人風
韻所著有北平八府志及詩文十八卷藏于家職
方集行于世

祭酒陶公

公名凱字中立臨海人博學善屬文洪武初薦與
修元史遷授太子書尋除翰林應奉文字三年超
陞禮部尚書四年請建奉先殿乾清宮左 上曰
焚香朔望薦新及節序生辰祭用常饌行人禮
上從之公每議禮與臺城崔亮相可否亮亦有



學識善論奏是歲請選人專任東官官罷兼領職
庶輔導有所責成 上曰古者不備官惟賢能是

用朕以廷臣有才望勲德者兼東官官非無謂也
嘗慮廷臣與東官官有不相能遂成嫌隙或生奸
謀離間骨肉其禍非細若江充事可爲明鑑朕今
立法令府省臺官兼東官贊輔之職父子一體君
臣一心庶幾無相構之患五年公言漢唐皆有會
要記載時政及起居注記言記事宜令臺省府各
置銅匱簿錄 聖旨及時政係會要編類爲書

上從之出爲湖廣參政致仕八年召爲國子祭酒

年老復以參政致仕自稱耐久道人 上聞之怒

曰何自賤也尋竟坐罪初牛諒與公同爲禮部尚
書以怠職儀牲不中廢功臣廟不葺降主事尋復
尚書未幾坐不職罷公安性過人才高學博識見
卓遠爲文千言汨汨不見有艱難意初遊吳楚文
多激慨中更亂離去居深山中授經養親文多隱
約明典應聘而起凡稽古禮文事多公論定又兼
領翰林院事詔令封冊歌頌碑碣時時命公文章
遂盛傳於世時有滄州楊訓文者元淮海書院山
長遇亂不能去居江都吳元年徵爲起居注 上

稱訓文謹厚諭令始終一致兩選中書省左司郎
中改太常卿知湖州府移知汀州入禮部亦與公
同爲尚書已而改戶部出爲河南行省叅政洪武
五年卒訓文學行政事有名亮初爲禮曹主事累
遷濟南知府憂去洪武元年召爲禮部尚書滕毅
不知何許人與訓文同以儒士徵從事徐相國墓
下校起居注 上命集古無道之君如桀紂秦皇
隋煬事以進曰徃古人君善惡皆朕龜鑑也洪武
元年初設六部首擢毅爲吏部尚書召見面諭令
盡職

太子少保唐公

公名鐸鳳陽人庚子從攻江州授西安縣丞召還
中書省管勾出知延平府三載召爲殿中侍御史
復出知紹興陞刑部尚書改太常卿內艱賜半俸
服闋除兵部尚書改諫議大夫坐事左遷監察御
史尋陞右副都御史復爲兵刑二部尚書初立詹
事院兼詹事食尚書祿未幾致仕已而改院爲府
復起爲詹事食尚書祿尋致仕再起爲太子賓客
尋陞太子少保二十八年使龍州諭趙宗壽還復
出叅議總兵楊文軍事經畫守衛撫輯瑩徐公重



厚慎審請廉不妄取予 上初起兵時卽侍左右
每以故舊遇之僚屬罪數連公 上念公篤行皆
不問時諸卿中詹徽以才勝公以德勝然不動聲
色而政務修理人咸愛之 上嘗曰都御史詹徽
刑部掌部事唐鐸二人性行不同下人事之亦異
徽剛斷嫉惡不容奸僞後吏髮蓬而垢容愁肌瘦
不異羈囚以不得肆其貪故若是鐸始友及臣至
今三十四載交不知變色口不出惡聲德有餘而
才稍不足屢被小人誣誤極刑者數矣朕深知其
德曲宥弗罪好人 女刑則謗訕滿朝鐸厚重無

疵又謂懦而無爲一切文移計稟皆舞文弄法愚
鐸賄賂公行鐸無可柰何嗚呼聰明決斷者以爲
非淵德海涵者以爲愚人之心不古若此邪三十
年卒年六十九卹聘最優

尚書郁公

公名新臨淮人洪武二十二年除戶部度支主事
賜名新明年陞北平部郎中又明年超授戶部右
侍郎考滿 上廷中對羣臣稱新才陞尚書公尚
書戶部凡十三年綜理甚密而取民有節 上嘗
問天下戶口田賦地里險易計數公應機響應無

遺謬時親王歲祿米五萬石他賜物又萬石公議定歲一萬石并定郡王將軍中尉主君祿建文中調兵食効勞靖難後復戶部尚書永樂元年言淮河間多淺灘跌坡阻運舟請自淮安用船可載三百石以上者運入淮河沙河至陳州潁溪口跌坡下復以淺船可載二百石以上者運至跌坡上別以大船載入河至八柳樹諸處令河南車夫陸運至衛輝入衛河輸北京二年上屯田賞罰例三年卒 上願解公緡等歎息稱新才新理邦賦能會計量入出今誰可代新者公篤實有禮家素餘財

傅惟豪舉喜賓客樂賑施

尚書詹公

公名同字同文徵新安人少穎悟好學元舉茂才異等爲郴州學正避亂黃州事漢爲翰林學士承旨兼御史甲辰兵下武昌見 上授國子博士陞考功郎中丙午爲起居注 上命有司訪求古今書籍藏秘府資覽閱因謂公曰三皇五帝之書不盡傳于世後鮮知其行事漢武帝購遺書六經始出唐虞三代之治始可得而見武帝雄才大畧後世罕及至表章六經開闢聖學又有功於後世吾



每於官中無事輒觀孔子之言如節用愛人使民
以時真治國之良規孔子之言誠萬世師也吳元
年上諭公等曰國史貴直筆是非善惡昔唐太
宗觀史雖失大體然命直書建成事是欲以公天
下也予平日言行是非善惡汝等言當直書勿隱
諱使後世觀之不失其實是年自翰林待制遷直
學士明年陞侍讀學士上嘗諭公曰古人文章
明道德通世務如典謨之言皆明白易知無深怪
險僻之語孔明出師表亦何嘗雕刻爲文而誠意
溢出生今使人誦之自然忠義感激近世之士辭

雖艱深意實淺近即使過於相如楊雄何禪實用
自今翰林爲文但取通達術達時務者無事浮藻
洪武四年陞吏部尚書六年爲翰林學士承旨兼
吏部尚書上言陛下起兵渡江以來征討平定之
蹟禮樂治道之詳雖有紀載向未成書乞編日曆
藏之金匱傳於後世上從之命公與侍講學士
宋訥爲總裁官七年五月大明日曆成自上起
兵臨濠至六年癸丑冬十二月凡征伐次第禮樂
沿革刑政設施羣臣功過四夷朝貢之類莫不具
載爲一百卷藏金匱副在秘書監公及宋訥又言

TIFFEN Color Control Patches

Blue Cyan Green Yellow Red Magenta White Black

日曆載之天府人欲見之有不可得臣請如唐太宗貞觀政要分類更輯聖政爲書以傳天下後世上從之分四十類自敬天至制蠻夷凡五卷名

皇明寶訓自後凡有聖政史官日記錄之隨類增入尋以翰林學士承旨致仕未幾復爲承旨翰林學士卒子徵歷官監察都御史改僉都御史洪武十七年陞左都御史十九年上以徵奉職公勤復其家二十二年爲吏部尚書兼左都御史明年以徵子太子洗馬紱爲尚書司丞二十五年加太子少保兼吏部尚書都御史與李太師不相能徵

從子希原爲中書舍人善大書兼歐虞韓柳凡宮殿城門坊局皆希原書徵後坐藍黨死

尚書開公

公名濟字來學一字學臣洛陽人嘗自比賈誼以明經舉爲府學訓導陞國子助教與胡丞相善以疾罷歸訓徒里中洪武十四年御史大夫安然薦公有治才召試刑部尚書未幾爲真公勤敏有爲嘗奏令司置考功圖日書所行事稽覈勤怠上喜賜大第甚宏麗曰有司以此爲式十五年監察御史趙仁言冀以賢良方正聰明正直孝弟力田



文學之士列置郡縣政績少聞又聘天下秀才以
資任用臣愚以知人不易莫若考其經明行脩達
於政事者爲一等通曉四書才兼幹濟者爲一等
量才授職往代舊官其既代之官就令布按二司
覈其稱職平常不稱職給文赴吏部再覈去留
上覽其言謂公等曰秀才今徵至數千人宜嚴試
授職公等條議乞選有才識文武之臣公暇延訪
秀才以經明行修爲一科工習文詞爲一科通曉
四書爲一科人品俊秀爲一科言有條理爲一科
曉達治道爲一科六科備者爲上三科以上爲中

三科以下爲下不通一科者不在擢中 上從之
公敏慧有才辯凡國家經制田賦獄訟工役河渠
事衆莫能裁定得公一算畫卽有條理品式可爲
世守公得 上信任益奮勵効職他部事輒兼理
人忌其才高又見 上每召公議事謗言遂起竟
舉卒

大學士吳公

公名伯宗金谿人洪武四年進士第一人時初開
科取士賜袍笏冠帶擢禮部員外郎命與學士宋
訥同修大明日曆胡惟庸方用事欲人附已公性



剛直不肯相屈下惟庸恨之八年惟庸竟中傷公
適居鳳陽公上書論時政因言惟庸專恣不法不
宜獨在中書恐久之爲國患辭甚剴切 上得奏
卽召公還賜衣鈔使安南得馴象方物以歸爲國
子助教十二年進講東宮陳正心誠意之說明年
改翰林典籍 上製十題命賦公援筆立就詞語
峻潔 上曰伯宗才子賜織金錦衣十四年除太
常寺丞辭明年改國子司業又固辭由是忤旨貶
陝西金縣學教授至淮安召還爲翰林檢討十五
年初設殿閣學士公爲武英殿大學士十六年冬

坐弟仲宴爲三河知縣謬薦人詞連公復爲翰林
檢討明年卒公溫厚詳雅博學能文章所著有南
宮使交成均玉堂諸集

大學士吳公

公名沉字濬仲金華人故元國子博士師道子博
學善屬文國初舉爲縣學訓導疾辭洪武十二年
薦授翰林待制明年降編修尋復爲待制十五年
應對失旨左遷渭源學教諭未行改翰林典籍陞
東閣大學士十六年進精誠錄錄三衆言敬天忠
君孝親事皆述五經四書語 上命公爲叙時撰



千家姓公爲表進未幾考功勳忌事降侍書尋改
園子博士十九年秋致仕公嘗著辯言孔子封王
爲非禮自是布政使夏寅祭酒丘濬皆以封孔子
王及謚爲非禮

學士劉公

公名三吾字如孫以字行初名崑茶陵人嘗避兵
廣西行省承制授靖江教諭遷儒學副提舉王師
下廣西歸茶陵洪武十七年通政使茹瑺薦徵至
老矣應對詳慎上喜除左贊善歷陞翰林學士
公博學通經史文章典麗旣入翰林備顧問每預

密議懿文太子卒

上意在

文皇間公對曰皇

孫年富世適之子子沒孫承適統禮也卽立燕王

置秦晉二王何地

上頷之遂立建文君爲皇太

孫十八年三月上省躬錄初

上命儒臣編古帝

王祭祀災祥感應可爲鑒戒者爲存心錄旣又命
公編漢以來災異之應臣下者爲書賜名省躬錄

云二十三年授晉世子經坐怠慢爲吏部侍郎侯

庸劾降園子博士未幾復學士二十六年以婿趙

勉爲戶部尚書坐罪乞免官未幾又復學士上

厭表笈多諛詞織巧命公及右贊善王俊等撰定

頌天下葬暴卒

論曰靜誠

陳遇

抗志辭榮終被恩遇三祭酒

祭酒

德焉

積學勵行模範克修唐公

韓

才非不逮有容

德焉郁公

新

精敏善理財亦能任怨唐公

同留心

史事後無繼者至今百七十餘年遺文故事闕焉

無聞開公

清

長才博識政有體要難爲刑官兼裁

衆職兩吳公

吳伯宗

文而不靡質而不俚劉公

叔孫繼統之對不可誣也

皇明名臣記第四卷

子嚴準校

孫心材重校






ESTABLISHED NATIONAL CENTRAL LIBRARY, TAIWAN, R.O.C.



2023.0008 NATIONAL CENTRAL LIBRARY, TAINAN, P. R. C.





國立中央圖書館, 台灣, R.O.C.

228210 x 10



皇明名臣記第五卷

吾學編第二十六

河間張忠武王

海鹽鄭曉

王名玉字世美祥符人仕元爲樞密知院洪武十八年自拔來歸二十一年從征捕魚海子哈喇哈授濟南衛副千戶又從勦粉紅帖木兒至延安陞安慶衛指揮僉事二十三年從征永順散毛諸洞明年逐北虜至雅寒山還調燕山左護衛二十六

年追虜至黑松林明年征野人陞都指揮同知建文君初卽位稍繩削親藩 戚祖舉兵靖難王謀



畫爲多事可否進止衆論未定者王正色數語立
決首用王策奔北平九門撫順鋤強三日城內外
悉定師將南出王曰不先定薊州將爲後患會馬
宣起兵薊州迎拒王攻之宣率衆出戰執殺宣并
執毛指揮使是夜急趨遵化戒將士止殺曰師行
以得人心爲本簡敢勇士四鼓登陴聞其城門將
士皆入城中始覺守將率衆拒戰執殺之不傷一
人分兵永平密雲皆望風輸款從 上至灤河王
進曰都督潘忠楊松在灤州阨吾南路宜先擒之
上悅立發兵曰汝爲先鋒遂攻涿州雄縣擒潘楊

二都督時長興侯耿炳文率兵二十萬屯真定王
自請往覘敵還言軍無紀律且其上有敗氣無能
爲 上至無極以敵衆我寡欲試諸將勇怯召問
今兵所向度可必勝否衆未有說王曰今當徑趨
真定彼衆新集我軍乘勝一鼓可破也 上曰善
吾倚王一人足辦吾事抵真定接戰炳文大敗獲
其左右副將軍李堅寧忠及都督顧成等斬首三
萬餘級獲馬二萬復敗安陸侯吳傑軍永平馳報
江陰侯吳高等以遼東兵圍城急又謀報曹國公
李景隆引兵數十萬將攻北平城 上與王謀東

宋史 卷之三十三
後永平既至高等堂風棄輜重遁王從 上追斬
甚眾王言大寧去此不遠請移軍襲之可免後顧
上從之遂取大寧殺其都指揮朱鑑北平報景隆
兵圍城急遂旋師王請搗景隆營大戰三日城中
亦鼓譟出表裏夾攻景隆軍不支大敗遁去從攻
廣昌大同悉下諜報景隆收潰卒號百萬且復至
王言兵貴神速先事者勝請往駐白溝河以逸待
勞 上命王率眾馳駐河上三日景隆兵至王以
騎兵接戰景隆復大敗收餘卒退保濟南乘勝追
擊圍其城既而解圍還攻滄州獲其大將徐凱進

攻東昌敵列陣決戰

上以數千騎繞出陣後敵

圍 上數匝衝擊得出王不知

上所在突入敵

陣大戰連殺百數十人王竟被創歿年五十八

上哭既旋師諸將侍語及東昌事 上曰勝負兵

家常事不足計所恨眾難之際失玉令吾寢不帖

糜食不下咽墮涕不已諸將皆泣 上即位論功

顧侍臣曰玉才備智勇論靖難功當第一惜其蚤

歿贈奉天靖難推誠宣力武臣特進榮祿大夫右

柱國追封榮國公謚忠顯 仁宗在春宮數與侍

臣言王識見謀略卓然老成非諸將所及且端方



有匡直之益洪熙元年加封河間王改謚忠武侯
享 成祖廟廷子輔別有傳

東平朱武烈王

王名能字士弘懷遠人父亮國初功世燕山護衛
正千戶王嗣官事 成祖藩邸建文元年起兵靖
難王及河間王首議縛三司奪九門即引兵東攻
薊州敗都指揮馬宣兵拔薊州度石門又拔遵化
襲破大寧遠兵破雄縣鄭州擒都督楊松長驅至
真定敗長興侯耿炳文再戰漣沱河王躍馬大呼
突陣敗炳文兵還鄭村壩破九門兵又敗平安兵

白溝河二年攻濟南追戰敗鋒山下戰東昌盛庸
鐵鉞力戰圍 上數遣平安兵又至圍益急王率
周長等兵合胡騎奮戰 上潰圍東北角出還營
王在諸將中最年少善戰河間王善謀戰沒東昌
軍事一諮王是年歷陞都指揮同知三年收合諸
軍將薛祿等進戰夾河擒都指揮張安夾河之戰
渾淵死靖難兵窘得王至再戰勝軍聲復振敗盛
庸兵藁城三戰三敗之遂率王與陳亨諸將攻真
定王先鋒衝庸中堅殺幾萬人擒都督傾成出奇
兵截南兵哨騎連戰順德大名彰德衛輝皆有功

戰西嘉山破定州十月戰葦南兵大潰是年陞都督僉事四年克東阿進攻東平殺判官鄭華盡破汶上諸寨至小河王真戰死平安兵大捷靖難諸將議旋師王獨按劍奮罵諸將曰漢高祖十戰九敗終有四海今舉事連捷小挫輒歸更能北而事人耶諸將皆大不忠當斬衆遂定 上引兵南下大戰大店又戰小河橋又大戰齊眉山連捷盛庸平安等合兵六十萬依潼山爲障王率李遠等設奇四面進攻大敗平安等銀牌軍都督陳暉來援安又敗暉擒平安等三十人降十萬衆六月渡江

進屯金川門夜漏下五刻門開定京城建文四年封成國公食祿二千五百石與世券永樂四年克征夷將軍率二十五將軍討安南加祿千石至龍州卒能身長八尺沉毅驍果善相士卒被服常休儒生追封東平王謚武烈侑享 成祖廟庭子勇嗣正統十四年扈駕北征虜卒至勇引兵五萬迎擊冒入鵝兒嶺中虜伏戰歿隻騎不返子儀乞葬祭不許停侯景奉二年詔已巳諸將敗衄者皆受朝廷成算陣亡成國公修武伯與子襲爵贈勇平陰王謚武愍儀始得嗣守備南京三十餘年卒贈

卷之五
五
太師謚莊簡弘治九年子輔嗣守備南京卒贈太師謚榮僖子麟嘉靖四年嗣卒八年弟鳳嗣卒子希忠嗣累加太傅兼太子太師入直西苑

定典張忠烈王

王名輔河間忠武王子也靖難功歷陞指揮同知辛巳嗣父都指揮同知統父兵戰夾河蒙城彰德靈壁有功壬午九月封信安伯食祿一千石與世券永樂三年以父功進新城世侯加祿三百石四年克征夷右副將軍佐成國公討交趾成國公卒軍中進王大將統二十五將軍兵八十萬人賊境

賊沿江列柵六七百里水陸拒守我師至江口破其堅壁遂拔多邦城進攻破交州乘勝引兵感清化覆其巢穴降夷民十餘萬季津遁入海屯兵賊子關賊襲我逆擊敗之五年督舟師進攻斬敵數萬追至奇羅海口擒季津并其二子蒼澄交南平得郡縣一百三十四戶三百一十二萬上議復古郡縣置交趾都布按三司六年進封英國公食祿三千石是年交賊簡定又反王率師二十萬討之七年獲簡定召還京八年交賊陳季擴又反稱復陳氏王又出討之賊走海洋據險荷花口王率兵

促之至愛子江登岸賊設象伏我王偵知令先驅
曰羣象來衝一矢落象奴再矢被象鼻象奔還自
相蹂大軍乘之賊敗十二年縛季擴十三年留王
鎮守盡平餘寇十四年召還京二十年後 上北
征胡二十二年冊王女為貴妃洪熙元年加太師
改王從兄兵部右侍郎信為錦衣世指揮同知宣
德元年漢王謀反密遣人通王王母賢令王縛見
上得早覺從 上親征加祿歲二百石顧佐為都
御史請保全功臣王辭兵權時與蹇夏三楊諸
大臣侍 上左右備顧問正統十四年從駕出土

木敗績王歿景泰元年贈定興王謚忠烈王三征
交趾皆與沐晟偕王功為多王器宇雄壯顧盼有
威不妄言笑歷事昭章睿皇昔重王武臣恭慎有
禮長子忠勳衛病忠庶子傑乞嗣王弟文安伯親
太平侯軌言傑本忠婢子不可嗣景泰五年王庶
子懋嗣懋謹恪好禮守法知兵歷三營十二營總
兵累加太師正德十六年卒贈寧陽王謚恭靖子
峯嗣嘉靖十四年卒子溶嗣

平江侯陳恭襄公

公名瑄字彥純合肥人父開闢國功歷陞成都右



衛指揮同知公嗣父誦成遼陽公請代原成從征
卜木瓦寨冒險先登賊復從征餘寇賈哈刺一
日十三戰明日又七戰擒賈哈刺陞四川行都司
同知進督府僉事建文時召防江靖難兵至江上
具舟迎降封平江伯食祿千石世指揮使永樂初
北京遼東軍儲不足充總兵都督宣信爲副帥舟
師海運歲米百萬石請建百萬倉直沽尹兒灣城
天津衛籍兵萬人戍守舟經海島下令交市人不
敢譁兩使之會有倭劫沙門島公以漕舟追至朝
鮮境盡焚其舟殺溺死者甚衆三率舟師備倭閩

海海溢江北岸崩公起隄自海門歷通泰北至鹽
城凡八百里又役人二十萬起高丘嘉定爲海運
表識名寶山 上爲文樹碑山上旣開會通河罷
海運公建議造淺艍二千艘歲運二百萬石後增
至五百萬石疏清江浦引水由管家湖入鴨陳口
達淮就管家湖築隄亘十里以便引舟淺儀真瓜
洲通潮壑呂梁百步二洪石平水勢開泰州白河
通大江築高郵湖隄隄內鑿渠亘四十里淮濱作
常盈倉五十區貯江南輪稅徐臨清德州皆建倉
便轉輸河淺處輒膠舟濱河置舍五百六十八所

舍置淺夫俾導舟可行處緣河隄墾井樹木使人
行獻陵初下詔求言陳七事其一言江南轉漕軍
民並困上覽之戚然令有司議所以寬恤者仍
勅獎公與世伯奏景陵時鎮守淮安兼督漕運漕
政益修上言楚王府密事請削防調護衛軍漕
上不從卒贈侯諡恭襄公閻爽英毅弘度偉畧稠
人廣會議論疊疊公餘被閱載籍考知往古成敗
治亂之故喜近逢掖士時相講議善交際能推利
濟人所謂海運者本虞夏時沿江入海貢道自劉
家港開洋經黑水綠水白蓬頭水諸大洋險又有

伏礁洄以故糧多滯至歲數萬石挽卒往往溺死
自宋公開會通河罷海運瑄又治邦溝通江淮於
是漕大利便并罷中濠之運漕渠在江淮間者公
功爲大在齊魯間者宋公爲多公久祠清江浦漕
渠旁往往有公祠至正德中始祀宋公濟寧分水
河上宣德十年公子佐嗣卒子豫正統二年嗣十
三年統兵討福建叛寇有功明年滅鄧茂七進流
侯加祿百石景泰中兩鎮臨清卒贈熙國公謚莊
敏子銳天順八年嗣出鎮兩廣勦蠻賊奪還俘掠
萬人召總漕運十二年建白百餘疏修治渠有功

加祿二百石歷進大傳卒子熊弘治十六年嗣正德三年總漕運劉瑾橫索能金錢不得坐多買田宅侵民利論戍海南衛奪誥券瑾誅復爵卒正德七年子森優給卒無子熊姪圭嘉靖元年嗣

漳國鄭忠毅公

公名亨合肥人父用開國功陞副千戶大典衛公嗣以勇健持榜招胡幹難河陞指揮僉事審雲從靖難首擒馬宣克薊州南破雄鄭攻真定先登援永平敗遼東兵克先鋒寨大寧夜率眾破鄭村壩上兵乘勝西破紫荆關掠廣昌直抵大同旋軍大

戰白溝河陷陣大捷遂北至雄又南出攻濟南再攻滄州絕餉道南驅至東昌戰敗西收散卒軍深州連戰夾河薨城並捷遷徽至河上還屯完遂破東平汶上長驅至齊眉山先鋒力戰戰靈壁大捷遂克泗州渡淮至江上入金川門歷陞都督僉事封武安侯食祿千五百石與世券永樂元年留守北京出鎮宣府繕諸屯堡八年總右哨從上出塞敗本雅失理十三年領中軍從出塞二十二年領左哨又從出塞還守大同獻陵即位克征西前將軍再鎮守大同防禦有方畧大同無虜患是時

穆 卷之五
一
遂將稱公及薛公祿宣德元年召還寧北京行後
府事未幾又出鎮大同轉餉宣府九年卒公嚴肅
謹厚善撫士廉潔駐培克人不敢干撓卒贈漳國
公溢忠毅姜張自經殉贈淑人十年子能嗣坐法
立功邊塞正統六年復爵卒子宏十二年嗣卒子
英成化十三年嗣卒子綱正德十二年嗣

鄧國薛忠武公

公名祿初名貴胙人起卒伍從靖難奪九門東攻
薊南破雄鄴圍真定擒駙馬李堅東援永平襲大
寧旋師解北平圍大戰白溝河又戰沙河滹沱河

先登有功攀橋之戰馬蹶被擒奮腕縛拔刀斬守
兵數人復上馬去再戰大敗平安軍轉戰淮上有
功陞督府僉事從北征胡有功進右軍都督訓練
幼軍董建宮殿永樂十一年封陽武侯食祿千一
百石又再出從征胡獻陵即位巡北邊戰虜大松
嶺斬獲功多遣鴻臚卿即軍中勞賞與世券加祿
五百石洪熙元年克鎮朔大將軍巡邊景陵討高
煦以公宿將忠謹克先鋒圍崇安城擒高煦留鎮
樂安明年從上巡邊出會州戰敗虜塞下留鎮
薊州永平復克鎮朔大將軍護軍餉開平又出巡



邊戰虜鳳凰嶺斬其首收孳畜數萬加太保條上
邊事城赤城永寧獨石疾作召還卒贈鄴國公謚
忠武公有勇略善謀謀定後戰以故戰必勝紀律
嚴明秋毫無犯又潔廉善撫健兒同其苦人樂爲
効力靖難諸將推河間東平二王及公三人爲最
子勲先卒宣德七年孫統嗣與初祿千一百石卒
子琮正統五年優給景泰四年嗣卒子倫優給成
化十五年嗣卒子翰嘉靖九年嗣

鄆國宋忠順公

公名晟字景陽定遠人父朝用凡因興皆起定遠

田間累開國功朝用官至右都督國興總管戰沒
南臺公嗣兄官克徽寧征關陝三鎮涼州進官督
府洪武二十三年克總兵官征破哈密哈密者虜
所城也公誅其僞王子別列怯等三十餘人獲虜
衆千三百人金印一銀印二所得馬牛羊咸給將
士又明年征罕東西番誅擒七千五百餘人獲馬
二千五百牛羊十萬遊師二十七年調中府克副
總兵討遼東邊寇戰腦溫江大捷明年平廣西併
轅諸寨又明年總羽林八軍平伍開龍里十三洞
三十一年率師城萬全諸衛還京建文元年以公



爲
久居涼州著威信回番畏服充總兵官鎮河西靖
難後來朝進左都督充平羌將軍復鎮永樂三年
諭降虜酋把都帖木兒倫篤兒灰遣使持節即軍
中封西寧侯食祿千一百石世指揮使留鎮未幾
卒贈鄆國公謚忠順子瑄指揮使卒次琥尚安成
公主次瑛尚咸寧公主六年 上召大駙馬見武
英門諭兵部曰琥父有功可嗣侯與世券八年琥
出鎮河西輒遣人出塞 上切責琥令讀書改過
洪熙初坐不敬奪爵小駙馬嗣末白河瑛地有司
言瑛地有民田四十七頃景陵怒不與瑛河瑛地

尋念琥功臣子又懿親與駙馬祿千石正統十四
年瑛戰歿北邊子傑以金吾指揮使嗣傑弟偉俊
皆指揮傑佐昔千戶傑卒景泰六年子誠嗣誠卒
無子天順二年弟讓嗣成化八年卒子愷嗣卒子
良臣正德十六年嗣

廣寧侯劉忠武公

公名榮宿遷人沿父名江爲總旗旗例得沿祖名
以故公以江名爲總旗從靖難立功夾河棗城說
河陞督府僉事出塞討馬哈木阿魯台進左都督
充總兵守遼東當是時倭寇數入金復公設墩堡

卷之五
伏兵永樂十七年倭船入王家山島傳烽至公率
精兵疾馳入望海場明日倭數千人分乘二十艘
直抵馬雄島圍望海場榮發伏出戰遣奇兵伏山
下斷其歸路倭奔入櫻桃園公合圍斬首七百四
十二捕生八百五十七自是倭大創迄今不敢犯
遼東召封廣寧伯食祿千二百石與世恭復名榮
還鎮十八年卒贈侯謚忠武子溫嗣卒無子弟安
嗣正統十四年從征降都督同知景泰中守大同
詔復伯爵時上皇至大同安送郭登出見郭曰
虜不可測吾二人者守土為職服有變奈社稷何

擺甲登城北面拜曰臣義與城存亡安竟出見命
進侯從上皇入京言官葉盛劾安落侯復為伯
天順元年進封侯加祿六百石與世侯奏討曹賊
功加太子少傅成化七年卒贈寧國公謚忠僖安
兄淮子璫與安庶子璜爭嗣十二年璫嗣伯與璜
錦衣正千戶十五年璫卒無子安妻劉辭璜官乞
嗣父安侯安少子璫又乞嗣祖伯爵十六年令璜
嗣伯以璜官與璫弘治二年璜卒子信嗣嘉靖元
年信卒璜嫡孫泰嗣

論曰河間侯王善謀東平朱龍善戰靖難之勲二

王爲最平江

陝南

開漕渠而罷海運至今賴之定

興

張輔

三出南交拓地千里武安

鄭亨

陽武

往來北塞下且戰且守忠順

宋晟

靖羌於西垂廣

寧

劉第

伏優於東徼所謂經營四方矯矯虎臣與

皇明名臣記第五卷

子履車校

孫心材重校

皇明名臣記第六卷

吾學編第二十七

太師楊文貞公

海鹽鄭曉

公名士奇初名邁以字行江西泰和人早孤從母
教敏力學手不釋卷年十三通舉業爲鄉里師有
陳生携書數冊過館下色悽甚公問故云有母不
能養也公曰嗟乎人孰無母亟分徒十五與生弱
冠游章貢章貢守儒者重公令撰琴江教事琴江
令亦儒者重公公道令平恕邑有寃因公爲言令
得解因懷金謝公曰吾以教爲職縣官事吾安所



王爲最平江

陝南

開漕渠而罷海運至今賴之定

興

張輔

三出南交拓地千里武安

鄭亨

陽武

往來北塞下且戰且守忠順

宋晟

靖羌於西垂廣

寧

劉第

伏優於東徼所謂經營四方矯矯虎臣與

皇明名臣記第五卷

子履車校

孫心材重校


皇明名臣記第六卷

吾學編第二十七

太師楊文貞公

海鹽鄭曉

公名士奇初名邁以字行江西泰和人早孤從母
教敏力學手不釋卷年十三通舉業爲鄉里師有
陳生携書數冊過館下色悽甚公問故云有母不
能養也公曰嗟乎人孰無母亟分徒十五與生弱
冠游章貢章貢守儒者重公令撰琴江教事琴江
令亦儒者重公公道令平恕邑有寃因公爲言令
得解因懷金謝公曰吾以教爲職縣官事吾安所



預聞辭不受已而游楚中楚中人皆慕公諸楚中
吏欲薦公輒辭建文初廷臣薦公名儒徵授教職
時年三十六未任會修高帝實錄留翰林充編
纂官尋命吏部考第史館諸儒尚書張統泰公第
一除吳府審理副明日復召入翰林請難後改編
修入直文淵閣陞侍讀公有經濟才廉靜寡慾文
學蘊藉上顧喜公永樂二年兼左中允饒人朱
季友獻所著書詆宋儒公請燬季友書上勅行
人銅季友至饒大會落泉郡縣吏民捷季友盡燬
其家所著書五年陞諭德六年上巡北京留輔

太子監國上問監國事公頌首言太子孝敬仁
明每侍學輒言尊君順親忠孝天性太子每注意
傾聽十一年請罷明年元旦朝賀以日食故十二
年秋上北征還下公錦衣衛領繫奉宥之十四
年上在北京問漢庶人有異志召問隆平侯信
還京又問公頌首乞善處父子兄弟間全天恩
上默然削庶人兩護衛是年上歷代名臣奏議十
五年東宮令公爲周易直指置齋閣中二十年秋
上北征還又下公錦衣衛領繫逾旬釋公事長陵
久歷陞翰林學士改左春坊大學士二十二年太



子即位始陞禮部左侍郎兼華蓋殿大學士入謝
首言北京山東賦棘歲八十萬爲香炭得無與寬
詔矣 上立減十五 上曰朕倚任義原吉士奇
宜盡言匡朕公每與兵部尚書李慶禮部尚書呂
震議事不協 上輒從公言憐公孤立又曲爲調
劑和輯諸大臣洪熙元年加少保兵部尚書三俸
並給解尚書俸賜天元玉曆賦尋加少傅一日
上出章示諸大臣言海內治平者公對曰流徙未
歸瘡痍未復人尚艱食願 聖明留意 上曰曩
與卿輩繩愆糾繆銀章惟士奇封入伍疏豈朝政

無闕生民果安乎諸大臣皆頓首謝 上即位以
來大理少卿弋謙數言事免謙朝華臣恐懼久之
無敢復言事者公爲謙解召謙爲副都御史大理
卿虞謙亦以直言左遷少卿而以其屬吏楊時習
爲卿公又力言不可是年四月蹇夏東楊及公侍
上問昨夜星變見否對曰未見 上慘然曰天命
也默息而起又明日召公及蹇公諭曰朕監國二
十年誠惡交搆心之艱危吾三人共之賴 皇考
仁明得保全言已泣二人亦流涕慰 上上曰即
吾不幸後誰復知吾三人同心一誠遂賜公楊貞



一印閩月 上崩景陵即位公首定南北取士法
會試南十六北十四宣德初漢庶人反 上親征
擒庶人師還陳山迎 上乞移師彰德冀趙王

上令諸大臣議未決公不可比至京 上思公言

召賜金幣二年安南反黎利矯陳氏有孫嵩在乞

立嵩 上密示張縉輔曰此利諷詞當益發兵誅

此賊輔退又召問寔夏皆對曰利不可信寔夏退

又召諭公及東楊曰輔義原吉云云二公力言棄

交趾便 上喜賜二人欵明日出利表示廷臣逆

故交趾三年斥都御史劉觀 上諭朝臣貪濁李

何公對曰貪風始永樂末全更甚 上問何如對

曰十五六年後 文皇數疾不視朝慮從之臣請

託斯賂公行無忌 仁宗嘗諭臣初至北京 上

言諸從臣惟吏部侍郎師達廉東楊曰當是時惟

方賓有貪名 上即顧東楊問今日貪者誰甚對

曰莫甚劉觀 上撫掌歎曰除惡務本親去誰代

觀者公薦顧佐五年春 上御齋宮召議赦即授

竿牘曰竊災傷田租第一事詔下民大悅是歲清

明 上奉太后謁二陵召見公及張輔蹇東楊金

南揚六臣 太后曰卿等先朝舊臣勉輔嗣君

太后退謂上曰先帝曩在官時議六臣優劣輔武臣達大義重厚小心但多思少斷士奇能持正不避忤意每議事先帝數不樂後竟從士奇言是夏上立文華門召公屏左右言張瑛嘗言榮吉馬甚富今察之皆邊將饋榮榮大負朕對曰榮慶從文皇北征典兵馬以故接諸將今內閣臣知邊將才否塞既險易遠近及虜情順逆臣等皆不及榮遠甚上笑曰朕初即位榮數短汝非善原吉汝去內閣久矣汝頗爲榮地耶頰首曰願陛下以曲容臣者容榮使改過六年秋上頗微行夜半


從四騎至公家比出迎上已入門立庭中公悚懼伏地言陛下柰何以宗廟社稷之身自輕擾擾塵埃昏昧中上笑曰思一見卿明且遣太監弘問曷不謝對曰至尊夜出愚臣追令中心惴慄未已豈敢言謝又數日遣弘問克不微行乎對曰陛下恩澤豈能過洽幽隱萬一有冤夫怨卒窺伺竊發誠不可無慮後旬餘錦衣獲二盜嘗殺人捕急遂私約候駕之玉泉寺挾弓矢伏道旁林莽中作亂捕盜校尉變服如盜入盜羣盜不疑以謀告遂爲所獲上歎曰士奇言不虛遣弘賜金綺七

年乞方面郡守聽三品以上京官及布政按察使
薦用犯賊連坐又乞極刑之家有賢子弟勿棄
上皆從之 上又曰劉翀亦極刑家今不在侍近
乎十年裕陵即位冲年 昭皇后臨朝委任公公
乞屯田以省漕運又乞開經筵選簡侍從加少師
正統四年乞致仕不允與璽書展墓還歸數年間
災變頻仍每切修省蠲逋慎獄休養生民又能嚴
覈百司推薦才傑公御藩臬頗稱得人 上亦高
拱九重不事巡幸南北供億十減三四奄振上畏
母后下憚公雖欲侵權稍自歛戢七年 昭皇后

崩又明年公卒年八十贈太師諡文貞公預修四
朝實錄 太祖實錄凡三修初建文時王景總裁
永樂初解縉再修公也公所著有沙羨稿石臺稿
文籍志法書志東里集三朝聖諭錄

太師楊文敏公

公初名子榮字勉仁閩建安人建文二年進士為
翰林編修靖難後召七臣入內閣公年最少最警
敏 上為更名榮 上嘗晚出右順門召內閣惟
公在出江西撫賊章曰都督韓觀宜有勞勅公讀
章曰計發奏時觀在途觀不得論功 上從公言



當是時內難初平危疑未戢公內承顧問外酬政務稽纂文事日無虛晷進修撰數月陞侍講永樂元年歸省一年七人侍上勞曰天下事朕與若等相商確非若六卿分理並賜三品服立太子兼諭德尋轉庶子分直講經史五年經畧甘肅邊外艱起復俄內艱會北廵又起復七年公及胡廣金幼孜尾行甘肅總兵官何福言虜脫脫不花來歸公復至甘肅受降還復命公持節至亦集乃軍中封福寧遠侯上寧夏邊務八年春從征本雅失理至蘆朔河九年春始得奔母喪中使護行比還

侍學 皇孫十年守臣宋璠言老的罕拔欲入赤

斤蒙古寇 上以公曉暢軍旅命公至陝西會豐

城侯彬議進兵方畧是冬還言出嘉峪關千里險

阨乏水草餉道弗能通又沍寒士馬疲瘠不可輒

用兵罷中國彼小醜當自來歸 上從公言未幾

老的罕復歸十一年從巡北京明年從征瓦剌時

皇長孫待行 上令公三人暇即侍 長孫講析

治理十四年陞翰林學士兼庶子十五年從巡北

京十六年掌院事 上益信任公公抗直或發人

私以故人亦忌公薦公爲祭酒國子踈公不得近



在左右 上憐公才不許公知諸大臣忌已幸

上不信益發府部院拾弊為密章上 上亦留中

不下務輯和諸大臣十八年進文淵閣大學士仍

兼翰林學士從北征秋還京冬又將西征或言建

文中塚江西民兵可徵發 上特章示公對曰

皇上命復民業且二十年復征非信動眾非仁料

兵非勇 上曰善三殿災借幼孜上便宜十事二

十一年秋從西征駐宣府軍中事一切付公是後

也也先土干來歸眾疑懼莫敢定議公請徃受降

二十二年從北征中道乏軍輿公請令軍中相假

貸入塞官價亟班師浙江守臣言浙東麗水與閩

政和山寇掠劫請兩都司合兵進勦公曰不可愚

民苦有司不得已相聚勦則毒民益聚不可解願

下勅遣一介撫諭不足煩兵 上從之侍 上坐

帳殿 上曰東官監國久政務熟閑今歸付天下

事東官朕將老焉公曰 太子孝友天下歸心稱

皇上付託 上悅至榆木川大漸時 太子在南

京公秘不發喪歛畢馳告 太子太子至即位陞

太常卿仍兼大學士逾月進太子少傅護身殿大

學士已而 上知公軍中倉卒有大功陞工部尚



書支三休明年獻陵崩 太子又去南京防奸豫
變兩京戒嚴公急迎 太子入即位復公家宣德
元年漢庶人反公力贊親征遷揀將卒及軍中進
止從公策馬騏驎交趾黎利以立陳氏爲名據地
反大臣皆言發兵滅此賊公及西楊請業交趾昇
陳氏是年秋從 上出喜峰塞召公問曰人君馭
世之權孰重對曰命德討罪 上曰然二者天下
公器舜舉十六相誅四凶而天下服以天下之好
惡爲好惡也齊威王烹阿封卽墨大夫不以左右
之好惡爲好惡也人君賞罰至公無私然後能服

天下公頗首稱善選陞少傅馬剛直方正銀章數
月 上念寒夏西楊及公四人老賜物褒諭公又
再侍巡邊皆至洗馬林班師裕陵卽位與西楊並
進少師正統五年展墓還至武林卒年七十贈太
師謚文敏授世都指揮使建寧公總裁四朝實錄
經理 三帝山陵累從出塞屢受遺音撫順討逆
羈約萬里運籌設險折獄理財隨機應變靖重不
撓濟險解紛調停有術果而能容謀而善斷內行
修謹智度圓融祿厚財豐贈賻窮阨責賤賢愚皆
歸心焉所著有北征記默菴退思二集靜軒雲山



二稿訓子編兩京類稿

太師楊文定公

公名溥字弘濟楚石首人建文二年進士爲翰林編修靖難後侍東宮爲洗馬兼編修東宮觀漢書稱張釋之對曰釋之誠賢非文帝寬仁亦未得行其志因采文帝事編類以獻東宮大悅時二王巧中東宮宮寮多得罪永樂十二年東宮遣使迎上進上怒黃淮先至下獄西楊全問繼至上曰且宥士奇問何人乃得侍太子下法司訊詞連公及芮善王愷遂真工部侍郎陳壽俱下詔獄

公在獄中勵志讀書不輟獄中人止公命巨剡無徒勞苦爲應曰朝聞道夕可死奈何輒自棄經史諸子讀數周長陵崩獻陵釋夏公即釋公公出獄哭文皇伏地不能起上亦哭陞公翰林學士

宣德元年陞太常卿兼學士入內閣是年獻陵崩先是獻陵欲近公建弘文閣思善門左命公掌閣事又選侍講王逵侍直改博士陳繼學錄楊敬爲編修訓導何澄爲給事中輪對上手弘文閣印授公曰朕用卿左右非止助益學問亦欲廣知民事爲理道助卽有建白封識以進公嘗密疏言事

TIFFEN Color Control Patches

ColorChecker Blue Cyan Green Yellow Red Magenta White 3/Color Black

上褒答至是 上還弘文閣印宣德元年 上召
 公語及治兵公曰兵貴訓練有方撫養得宜 上
 曰養之厚則得其心練之精則得其用若素不訓
 養一旦驅之矢石間進退失措安望有濟三年屢
 上出喜峰口征虜四年 上坐齊宮召諭曰朕每
 念創業難守成不易夙夜惓惓今幸百姓稍安顧
 禍亂生于不虞嘗為憂惕邇來群臣好進諛詞令
 人厭聞卿宜勉輔朕公頓首謝臣不敢忘報稱
 上曰直箴朕過報朕多矣公又頓首謝直言求之
 非難受之為難 上曰然是年秋內艱道中官護

行賜葬母一品夫人禮遂召公復入弘文閣是冬
 從巡塞上度雞鳴山六年冬 上坐文華殿三楊
 並侍 上諭曰朕念祖宗積德累善篤生 太祖
 繼天立極創業垂統 太宗迅揚姦回再安宗社
 皇考恢弘治化增高累厚以固鴻業朕承天位夙
 夜不忘記曰先祖有美而不知不明知而不傳不
 仁是用撰述成詩揚之座上朝夕覽視勉圖繼述
 庶幾永保天命今以刻本賜卿等當亦思祖宗開
 創之難守成不易盡心輔朕國家安卿等亦與有
 榮焉尋陞禮部尚書兼學士裕陵即位 昭皇后



臨朝公復入內閣首言聖帝明王莫不務學先
帝在時屢諭臣等勸學東宮遺音尚在靈鑿如
禮皇上肇登寶位必明光舜之道以圖唐虞之
治乞早開經筵預擇講官必得學識平正言行端
謹老成重厚建大體者數人以共其職及選宮中
左右朝夕侍從之人涵養本源輔成德性昭皇
后喜一日后坐便殿上西面立后傍召三楊及
國公輔尚書漢諭曰卿等老臣爾若沖年幸并力
問心共安社稷又召公前諭曰先帝每念卿忠
履形慙歎不謂今日復得見卿公伏地泣昭皇

后亦泣左右皆悲愴先是永樂中上時起北京
太子居守以讒故宮寮大臣輒下詔獄陳壽解縉
馬京徐善述王汝玉梁潛周冕相繼死獄中公及
黃淮一繫十年瀕死者數夫獻陵每與后言及
東宮時事愴然泣下以故昭皇后爲言后又顧
上曰此五臣三朝簡任俾輔後人皇帝萬機宜與
五臣共計正統四年宣宗實錄成進少保兼武
英殿大學士公夙稟淳實操性直剛不尚機警每
崇忠厚至議政決疑與諸大臣爭可否或有躁心
浮氣公能舍己從人畧無係吝時稱三楊學士文



貞爲西楊文敏東楊公南楊正統五年東楊卒又明年 昭皇后崩又明年西楊卒十一年公卒十四年遂有土木之禍公卒年七十五贈太師諡文定

論曰西楊

士奇文貞

玉質金相通達國體東楊

敬文

揮

斤游刃遇事立斷南楊

清文定

安貞展節調羹醲醴

泰合成名並稱賢相云余聞之先人曰文貞輔導監國危心慮患卒能保其身以濟其主文敏經畧北塞金湯萬里有武績焉文定中更險難比入內閣達二楊者二十三年復還弘文再入內閣 昭

皇后臨朝與民休息四海宴然皆其力也

皇明名臣託第六卷

子履準校

孫心材重校




皇明名臣記第七卷

吾學編第二十八

大師蹇忠定公

海鹽鄭曉

公名義字宜之初名璠巴人洪武十八年進士授
中書舍人奏事稱旨一日上顧問公汝蹇叔後
乎頓首謝不敢上喜即書義字賜公易名一考
當調命滿九載朕且用義建文君即位知太祖
欲用公超陞吏部右侍郎靖難後韓左逾月陞尚
書代張統當是時盡改建文諸例復洪武之舊公
從容爲上言登成憲者豈無因革反亂政者自



皇明名臣記第七卷

吾學編第二十八

大師蹇忠定公

海鹽鄭曉

公名義字宜之初名璠巴人洪武十八年進士授
中書舍人奏事稱旨一日上顧問公汝蹇叔後
乎頓首謝不敢上喜即書義字賜公易名一考
當調命滿九載朕且用義建文君即位知太祖
欲用公超陞吏部右侍郎靖難後韓左逾月陞尚
書代張統當是時盡改建文諸例復洪武之舊公
從容爲上言登成憲者豈無因革反亂政者自



有經權間舉數事陳說本末 上喜公忠實從其

言或遂潛公不忘建文君 上不聽永樂二年兼

詹事 上欲諭太子率令詹事往導意太子尤愛

重公七年巡北京佐太子監國諸王及達夷奏請

詣行在所餘悉啓太子處分公熟於典故達政體

不動聲色事續以濟九年與夏公同滿考賜宴勅

獎諭十七年父喪歸起復詣北京謝道中官護還

京明年從太子朝北京十九年三殿灾特勅廷臣

二十六人巡行天下公及給事中馬俊巡應天諸

郡問民疾苦考察陟斥文武吏公言國家多事時

盡法繩吏人將不勝斥出太甚者數人還吏部二

十年 上北征還坐東宮事與西楊頌頌錦衣衛

華釋獻陵卽位預政議者四五大臣首進公少保

兼尚書支二俸歷進少傅少師賜公及東西楊公

金公夏公繩愆糾謬錄圖書各一論曰朕有過舉

卿卽具疏用此封識進內制呈五臣及黃文簡公

誥草 上特增二語曰勿謂崇高而難入勿以有

所從違而或怠又面諭曰此朕實心未幾又制寒

忠貞印賜公公重厚不敢專斷每承顧問常持兩

端不能決然忠實無他腸西楊謂公勿過思公應

TIFFEN Color Control Patches



曰事不熟慮有後患 上嘗笑曰義士奇言皆是

東楊或詆公語聞 上上不直東楊公頓首言祭

無他即左右有譏祭者願 皇上慎察 上笑曰

吾亦不信偶言及耳宣德初從征漢庶人軍中進

止多從公時議赦交趾公及夏公力言 祖宗疆

土不可棄 上不聽命擇人使交趾公薦伏伯安

西楊譚夏公伯安不可使公當攝前力爭當是時

上尤信任夏公比召諸大臣入謀公薦伯安 上

頗原吉云何對曰不可公曰伯安有口才群臣不

及 上又顧問士奇云何對曰伯安有穢行無學

識遣使必辱國 上從二人言不遣伯安使公亦

不以二人爲異已宣德三年秋從巡邊還 上顧

蹇少師老不欲煩以事務曰卿事 祖宗積效勤

誠朕嗣統尤資贊輔夙夜在念圖善始終以卿春

秋高尚典劇司非所以優老待賢况師保寅亮爲

職不煩庶政乃副倚昆可輒吏部務朝夕在朕左

右相與討論至理共享邦家其專精神審思慮益

致嘉猷用稱眷倚老成之意明年夏郭進代公尚

書又賜公忠厚寬弘銀章一七年秋令有司治公

第八年一品九年賜宴禮部公生日賜鈔萬馬一

裕陵卽位日公齋宿得疾越五日辛年七十三贈
太師謚忠定公孝友質實和厚簡靜處人有量未
嘗一語傷物至議與法不苟爲包含必歸於正歷
事六朝凡五十年貴而能謙富而能約 上前所
言未嘗退以語人在吏部尤慎擇郡守考察明恕
不苛不縱公子英荃晉尚寶司丞長陵卽位之歲
至成化丁亥凡六十六年吏部尚書四人公及郭
公兩王公而何公協佐者不與焉自後至正德終
五十四年凡更十八人而尹公最久十四年

太師夏忠靖公

公名原吉字維詰湘陰人鄉薦遊太學選入禁廡
書誥授戶部主事尚書郁新奇之與商確諸司事
劉郎中者忌公會勸諸司怠事者 上曰宥之新
請必罪 上怒新問誰教汝新免冠謝得已劉郎
中因奏果人教尚書者意中公 上問新爲誰對
曰堂後書算生教臣臣愚過聽萬死 上下書算
生獄劉郎中又奏公專尚書柄言前事實原吉教
尚書 上曰聞原吉能佐尚書汝領欲陷原吉耶
劉郎中與書算生皆棄市建文君卽位逾月陞戶
部右侍郎明年文採訪使巡福建未幾移鎮蘄州

靖難後轉左或言公建文用人不宜大用上
曰原吉忠於太祖以故忠於建文又豈不朕忠
耶逾月進尚書永樂元年吳浙大水公行視水遣
會都御史俞士吉賜公水利集累遣侍郎李文郁
大理少卿袁復陝西參政宋性佐公公言浙西諸
郡蘇松最居下流常嘉湖三郡土田高多下少環
以太湖綿五百里納杭湖宣歙諸山水注潏山諸
湖入三泖項浦港溇塞滙流漲溢傷害苗稼拯治
之法宜浚吳松諸浦港泄其壅淤以入於海吳松
江袤二百餘里廣百五十餘文西接太湖東通海

前代屢疏以當潮沙淤積旋疏旋塞自吳江
長橋至下界浦約百二十餘里雖稍通流多有淺
窄又自下界浦抵上海南倉浦口可百三十餘里
潮汐壅障芟蘆叢生已成平陸欲即開浚工費浩
大且灑沙淤泥浮泛動盪難以施工臣等相視得
嘉定劉家港即古婁江徑通大海常熟白茆港徑
入大江昔廣川浚流宜疏吳松江南北兩岸安定
等浦港引太湖諸水入劉家白茆二港使直注海
松江大黃浦乃通吳松要道下流壅塞難即疏浚
傍有范家浜至南倉浦口可徑達海宜浚今添開



上接大黃浦以達滌湖之水此卽禹貢三江入海之跡俟既開通相度地勢各置石閘以時啓閉每歲水涸時修圩岸以禦暴流 上從之役夫凡十餘萬公布衣徒步日夜經畫盛夏揮蓋去日衆赤體暴日中吾何忍哉餓奏登粟三十萬石賑濟二年還朝復出治水水洩農田大利召還部特賞功封建征夷下營營北京費億萬計皆取辦于公從上北巡兼掌行在吏禮兵部都察院事八年 上北征輔 太孫留守北京總理行在九卿事諭曰朕以房玄齡視卿公旦入朝獨近尿管前奏決機務

朝退即官御史環請事公口應手判不動聲色駕還扈還京尋命侍太孫周行鄉落取糞黍進太孫曰願殿下味此知民艱苦九年考滿宴便殿諭廷臣曰原吉 高皇養成賢德欲觀古名臣此其人矣命與姚廣孝監修國史十一年扈北巡侍太孫居上營後十四年侍太孫還南京十五年從幸北京十八年宮殿成命召太子太孫于南京十九年三殿災詔求直言言者輒云都北京不便主事蕭儀言尤峻 上怒殺儀曰吾與大臣審議數月言遷都便言官遂劾諸大臣 上曉言官大臣午門


難遷都利害都御史陳瑛馬言官白而書生不知
大計上令左右問衆議云何公曰臺諫職言路
且應詔陳言臣等僉員大臣不能協贊大議臣等
萬死罪再問對如初上說盡釋言官大臣上
御便殿關門每召公語移時左右莫得聞退則恂
恂若無預者交趾平上問陞賞孰便對曰賞費
于一時有限陞費於後日無窮上從之法王來
朝上欲郊勞公以爲不可法王見便殿命公拜
又不肯拜上笑曰卿欲效韓愈耶過侍郎楊勉
之逮矣十九年上議征虜公力諫上怒禁內

官監籍其家竟北征阿魯台及兀良哈明年又征
阿魯台又明年北征還至榆木川不豫顧左右曰
原吉愛我上討至太子走公繫所呼公哭曰楊
榮至父皇賓天矣公伏地哭不能起太子召問國
事公言方今民力竭于東南戍伍疲于漕運宜幸
南京少蘇民困太子即位復公戶部尚書會母喪
乞終制上曰卿老臣宜共濟艱難卿有母我無
父乎如卿辭職朕亦不當在此不允立太子兼太
子少傅尋進少保兼太子少傅尚書如故支三俸
固辭許辭太子少傅俸洪熙元年冬無雪上作



憂民吟授公和手勅欲除鬻劄鞭背連坐妖言誹
謗之刑公與二三大臣密議聞 上從之賜田五
頃建第兩京李時勉廷諍激 上大怒言時勉當
朝屏朕公曰時勉小臣豈能損聖德願少霽天威
下法司議罪未晚太子去南京 上崩 昭皇后
命公急迎太子太子將至羣臣郊迎 后留公佐
襄王居守太子既即位時容咨公或袖小帖付
公公亦時有所白宣德元年漢庶人反指公徵赦
租為好臣首 上夜召諸大臣議公免冠頓首曰
臣罪當死 上曰彼借卿為兵端耳命坐屏左右

密議東楊首勸親征 上難之顧公對曰往事可
鑒臣見所遣將諸臣兵事輒泣臨事可知兵貴神
速卷甲趨之所謂先人有奪人之心也榮言是
上意遂決師臨城庶人猶令人繞城罵公三年賜
範金銀印曰含弘貞靜曰謙謙齋曰後天下樂從
巡邊遠 上念公老勅報部務俾專論道左右明
年夏召郭資代公是冬從閩武郊外公生日 上
繪壽星圖為詩賜公五年春卒贈太師謚忠靖復
其家朝議公宜贈伯西楊不可後三年郭資卒得
贈湯陰伯公天性寬平靡德不報靡怨不釋其畫



財賦以愛人節用為先酌大體畧煩苛以故雖數
興大役供餉贍給而民不繹騷雖憫恤無矯節不
務悅人人無議不識皆謂公君子長者呂宸嘗

上前短公柔好震為子求官 上問公公稱震有

守城功陳瓊靖難初欲殺公公力薦瓊才總漕運
周忱為長史或薦為郡守公言郡守不足展其才
使得陞侍郎廷樞當是時兼夏齊名塞公簡重善
謀夏公弘裕善斷靖難後外兼臺省內參館閣呼
俞可否期于濟國三十年間民安吏治有古大臣
之風焉公監修 太祖 成祖 仁宗三朝實錄

太祖實錄凡三修建文中徐輝祖監脩永樂初李
景隆監修再公監修解學士表永樂初修者元年
六月上凡一百八十三卷公再修者十六年五月
上凡二百五十七卷又實訓十五卷公治水東南
有功吳人尸祝之正統間豪勢家奪水利溝防盡
壞周文襄公治之繞十餘年又壞景泰中李侍郎
致治之弘治中又壞徐侍郎貫又治之正德末又
壞李尚書克嗣又治之

太保黃忠宣公

公名福字如錫昌邑人鄉貢士為項城主簿改清



源有惠政遷金吾前衛知事陞龍江衛經歷蚤暮勤職才識明敏數出奇見任上官洪武中上書論大計上奇公三十一年四月起陞工部右侍郎建文君特見信用靖難後李景隆指公爲齊黃黨公厲聲言臣罪固應死但目爲姦黨則臣心未服上不問復其官尋轉左逾月陞尚書永樂三年都御史陳瑛劾公不怕工匠改北京行部尚書四年征交趾公及大理卿陳洽轉軍餉旣郡縣交趾公以尚書兼堂布按二司事公視民如子勞來安輯躬勩不德又戒郡邑吏專意撫字曰新造之邦新

附之民政本條畫並官簡中朝士遷謫至者咸見溫恤間疾周貧禮賢雪罪兵民感悅夷蠻欣附中官馬騏怙恩肆虐公數裁抑騏誣公有異志上察其妄曰此君子不容於小人不問獻陵即位召還曰卿老成人久勞於外朕亟欲見卿公在交趾凡十九年及還交人扶携走送號泣不忍別宣德元年騏激交趾反時洽以兵部尚書代公累奏乞公還撫交人會公持節出封親藩即日召還勅曰卿遺愛在交交人思卿卿強爲朕再行昔先帝念卿萬里召還輔朕朕亦不欲遠卿願還方新

附終始勞卿安輯以工部尚書兼詹事出領交趾
藩臬事比至柳總兵敗死公亦被賊執賊驚下拜
曰公不北歸我曹不至此饋白金餼糧肩輿衛送
出境至龍州公盡取賊遺歸官還京為行在工部
尚書四年與平江伯計漕事五年公請於濟寧以
北衛輝真定以南近河地役軍民十萬人屯田積
穀省漕粟下行在戶兵部議郭資張本言綠河屯
田便鳳陽淮安以北及山東河南北直隸近河二
百里內通舟楫處擇荒閒田以五萬頃為率發附
近軍民五萬人耕給官牛農器但山東近年旱饑

流徙初復衛卒多有役宜先遣官行視田俟開墾
上從之遣吏部郎中等官趙新劉澤榮華張琰吳
政等經理屯田公總其事既有言軍民各有常
業若復分田役益勞擾事竟不行七年 上宮中
覽公言漕事便宜喜公有經畧恤民隱出其章示
西揚曰福言智慮深遠可行六卿中誰倫對曰福
受知 太祖最先大用正直明果一志國家生民
今六卿中解及福者永樂初建北京行部命之綏
輯凋瘵及得交趾命總漕憲安新附具有成績才
德兼備有大臣體諸卿誠不及福今年七十矣諸

後進少年高坐公堂理政事享安佚出入輿馬弱從揚揚福四朝舊人乃朝暮奔走道路勞瘁不已殆非國家所以優老敬賢之道 上曰非汝不聞此言西楊曰南京根本重地 先帝以儲宮監國今宜用福南京福老成忠直緩急可倚 上曰然明且遂命吏部改公南京戶部尚書明年兼掌南京兵部當時諸大臣多依違承順公持正不阿以故去南京裕陵即位加少保參贊機務留都有文臣參贊機務自公始公每事先籌定付襄城伯襄臧伯亦敬信公比視事皆襄城伯處分公不出一

語或以爲言公曰體當如是且汝見守備何嘗一事錯時以公議復設提學憲臣正統五年卒成化初贈太保謚忠宣公秉心正大義利介然天下士大夫無論識不識皆知其爲君子斥姦闢諛無所顧忌愛國忘家老而彌篤俸賜分贈族姻屬續之日室無百緡

太子太師胡忠安公

公名濂字源潔武進人建文二年進士爲兵科給事中永樂元年陞都給事中戶科時傳建文君崩或云避去諸舊臣多從建文君去者 上益疑大



建文君諸臣遣公巡天下名訪張儼備又名頌
書徧行郡縣察人心及建文君安在時又傳建文
君在滇南公以故在楚湖南最久十四年內艱起
爲禮部右侍郎明年巡江浙二十一年巡均襄還
朝會 上駐宣府公馳夜上謁 上已就寢聞公
至被衣急起召入勞公賜坐與語公言不足慮也
先公未至傳言建文君蹈海去 上分遣內臣鄭
和數輩浮海下西洋至是 上疑始釋太子監國
藩王謀奪適遣飛語 上命公往察密疏聞公具
述監國七事言太子誠敬孝謹無他太子卽位轉

太子賓客兼祭酒南京未幾闕宮中密疏見所述
七事大喜謂公忠慎朕不及知也俄崩景陵卽位
復召爲侍郎禮部兼太子賓客會公來朝留行在
禮部宣德元年進尚書二年賜第給關三年賜文
恭世家清和恭靖二銀章是秋扈駕出會州明年
夏再扈巡邊沒常豪人田宅盡賜公尋兼詹事六
年兼領行在戶部事公有才猷深厚不洩禮典財
賦經畫有章國家大議與諸閣老相可否必執正
論景陵嘗由宴公及西楊蹇夏曰海內無虞四卿
力也裕陵卽位益禮敬公元年失行在禮部印自

卷之七

七

七

七

勤 上不問改給行禮部印九年疏引年不允十
四年北征留守京師廷議迎 上皇時王文屬色
曰孰謂虜可和彼不索金帛且索土地憂方大耳
衆相顧不敢言子少保徐曰防變方畧我與總戎
責也俄旅退賴公有定執竟上奉迎儀注景泰元
年楊善使虜浚言 上皇蒙塵已久宜即附善等
進上服食不報又請明年正旦朝 上皇於延安
門不許二年災異乞歸不允三年以太子太傅加
少傅懷獻太子立進兼太子太師是年十一月已
巳 上皇萬壽節公乞令百官拜賀於延安門不

許六月疾作又明年 上皇復位力疾入一見請
老去遣子長寧來謝 上念公疏屢請令百官朝
延安門忠悃授長寧官錦衣世鎮撫卒年八十九
謚忠安公平易寬和廉靖寡慾自奉薄簡與居有
常立朝幾六十年十知禮部貢舉未嘗疾言速色
人皆知爲君子長者

尚書周文襄公

公名忱字恂如吉水人永樂二年進士時簡進士
二十八人進學文淵閣公乞預 上喜公有志改
翰林庶吉士十年授刑部主事陞員外郎盡心簡



廣二十二年爲越府右長史宣德五年東南財賦
煩敝廷薦陞工部右侍郎巡撫江南直隸公辭越
靖王至江南召父老問利病與華滿九年轉左正
統六年兼巡撫嘉湖二府十四年八月陞戶部尚
書改工部仍巡撫景泰元年引年不允明年請老
召還京致仕又明年卒凡江南巡撫二十二年先
是胡杲巡撫江南用法嚴刻公濟之以寬凡告訐
輒不省或面詰公不及胡卿使我下情不能上達
公笑應曰胡卿勅有祛除民害語我勅但云撫安
軍民朝廷委任自異耳當是時蘇州府遺稅七百

九十萬石常松亦然公聞慄大異詢父老皆伏地
哭言蘇吳豪富有力者不出耗并賦之貧民貧民
不能支盡流徙公創爲平米官田民田並加耗蘇
稅額二百九十餘萬石公與知府况鍾曲算疏減
八十餘萬舊例不得團局收糧公令縣立便民倉
水次每鄉團里推富有力一人名糧長收鄉團里
人夏秋兩稅加耗不得過十一又於糧長中差力
產厚薄爲押運視遠近勞逸爲上下酌量支撥京
通正米一石支三臨清淮安南京等倉以次定支
爲舟楫剝轉諸費填出銷入支撥羨餘各存積縣

倉號餘米米有餘減耗次年十六徵又次年十五
更有羨縣爲倉名預備備水旱不時賑貸及農乏
食網運風漂盜奪者國服轉假至秋抵斗還官其
修圩築岸開河濟湖人支口糧以爲農事故不責
償時揮蒔農借貸必驗中下事力及田多寡給之
秋與糧并賦凶歲再賑秋熟不償者來歲不復給
時裏河漕軍與民半軍船出官賑民率雇舟又經
年往復失農業公與平江伯議奏軍民舟至淮安
或瓜洲水次交兌江北街所漕者出通關還繳淮
安一石先加五斗瓜洲五升如裏河舟未渡江南

京諸衙抵倉兌者加與過江米及搬墊蘆簾與折
米民間馬草歲運兩京勞費不貲公請通州草場
立官庫每東折銀三分千束銀止三十兩南京輕
齎赴買上北京文武職官俸糧皆支南京米賤時
銀一兩得米七八石公請江南重額官田極貧下
戶兩稅准折納金花銀銀一兩准米四石解京折
支京官俸蘇有官布疋准糧一石舊例疋重三勛
比解又以紗蠶十退八九公言農間布疋勛重紗
蠶價賤賤紗細布輕價益高不拘勛重務在長潤
如式耳傳中馬衣被諸應客者舊皆領於馬頭馬

頭豪者橫科弱者粥產公令田畝收米升九合與糧俱征驗馬上中下價直給米正統初准揚災鹽課虧公巡視奏令蘇州等府撥剩餘米縣撥一二萬石運貯揚州鹽場准爲縣明年田租聽寬戶上私鹽給米時米貴鹽販官得預鹽民得食米公私大濟絲繪官殿計用牛膠萬餘勅遣官勸公上供甚急會公議事赴京遇諸塗勸使速公且還治公不應至京言京庫貯牛皮歲久朽腐請出煎膠歸出餘米市皮還庫十四年邊事急工部索兵仗數百萬計公出餘米造上明登者須水磨非邊歲月

不可公令且沃錫旬日畢辦正統六年至海鹽築捍海塘令郡七縣合役萬夫自七年正月至十一年費萬計皆出公度支海竟不能爲患每遇凶荒輒便宜從事補以餘米賦外更無科率凡百上供及解舍學校賢祠古墓橋梁道路溝渠修葺一切取給餘米歲不下萬計施給僧道問報饋遺往往不吝各得其歡心江南之人愛戴如父母沒而尸視至今思周尚書也公宇量恢弘才識通敏落事精勤臨民和易有善謀者雖卑官賤吏破去崖岸開心訪納性尤機警籌畫諸郡錢穀鉅萬一屈指

TIFFEN Color Control Patches

Blue Cyan Green Yellow Red Magenta White 35-Cobb Black

無遺算嘗爲冊曆記日所行事及陰晴風雨有告

報輒按據詰訊人莫能欺每出會計視地豐凶事

緩急爲弛張調劑變通民無適負官有餘積前後

理財者皆不能及卒年七十三謚文襄

論曰忠定夔義秉銓忠靖夏原吉握利權皆二十七

年忠宣黃福尚書兩高三十九年而在交南者十

有九年忠安胡濙爲禮部尚書三十二年文襄胡濙

巡撫江南二十二年皆久任責成以故用人理財

禮樂征伐諸大政事文經武緯各盡其長章程故

在後鮮能及焉

皇明名臣記第七卷





國立中央圖書館 國家圖書館 國家圖書館 國家圖書館



© 2008 NATIONAL CENTRAL LIBRARY, TAIWAN R-3-3





20250517 NATIONAL CENTRAL LIBRARY, TAIWAN, R.O.C.

20250517 *16



皇明名臣記第八卷

吾學編第二十九

左春坊大學士解公

海鹽鄭曉

公名縉字縉紳吉水人洪武二十一年進士選中
書庶吉士大庖西上封事論時政剴切萬言其略
曰陛下挺生南服一統華夷功高萬古既無女寵
外戚寺人藩鎮之患又無貨利聲色遊畋玩好之
欲既皆遠過於漢宋又何遜讓于唐虞惟願 陛
下以天地爲一體以天下爲一人令出推行也不
宜於數改刑期無刑也寧失於不經故令數改則

CENTRAL LIBRARY
ROC
國立中央圖書館



民疑疑則不信刑太繁則民玩玩則不清立國至今將二十載無幾時無變之法無一日無過之人良由誠信有間用刑太繁也臣見陛下好觀說苑韻府雜書與所謂道德心經者臣切謂甚非所宜也說苑出于劉向向學不純溺于妄誕所取不經且多戰國縱橫之論壞人心術莫此爲甚韻府出元之陰氏鄙猥細儒學孤識陋繩集一時兔園寒士抄緝穢蕪略無可采陛下若喜其便於檢閱則願集一二志士儒英臣請得執筆而隨其後上訴唐虞下及殷周根實精明隨事類別刪其無益

勅成一經豈非太平制作之一端歟禮記出於漢儒蕪雜尤甚宜及時刪改日御經筵訪求審樂之儒大備百王之典作樂書一經以惠萬世若夫配天宜復掃地之規尊祖宜備七廟之制奉天不宜爲寔宴之所文淵未備夫館閣之隆太常非俗樂之可肆官妓非人道之所爲禁絕媚優俾於變之民不遷於淫巧易置閣寺尊天子之貴不近於刑人執戟陛揖皆爲吉士虎賁趣馬悉用俊良雖門戶掃除之後命公卿子弟之賢任諸侯王於衆職定久任法而加封木輅朴居而土木之工勿起俾

墾荒田而四夷之地勿貪釋老之壯者驅之俾復
於人倫經呪之妄者火之俾絕其欺詐斷所謂瑜
珈之教禁所謂符式之科絕鬼巫破淫祀省冗官
減細弊痛懲法外之威刑永革京城之工役流三
年而聽復杖八十以無加婦女非帷薄不修毋令
逮係大臣有過惡當誅不宜加辱治曆明時授時
作事但伸播植之宜何用建除之謬伏見陛下奉
奉於畏天畏鬼神而所謂畏民者則未至也孽孽
於治民治強暴而所以治心者猶未至也染盛之
潔衣服之齊飾舉之時儀文之備此畏天畏鬼神

之末事也簿書之期徹訟之斷詔誥之勤鈞距之
巧此治民治強暴之支流也近年以來臺網不肅
以刑名輕重爲能事以問囚多寡爲勳勞甚非所
以厲清要長風采也夫人自救過之不給何暇劾
人之過人自以言爲諱何能有諫諍之言御史糾
彈皆承密旨未聞舉善但曰除奸蓋入人之罪或
謂無私而出人之罪必疑受賄逢迎甚易而或蒙
褒管教甚難而多得禍也陛下進人不擇于賢否
授職不量于重輕建不爲君用之法所謂取之盡
錙銖置奸朋倚法之條所謂用之如泥沙監生進

士經明行修而多困于州縣屈于下僚孝廉人材
冥蹈替趨而咸布于朝省驟歷清華推埋區悍關
茸下愚者朝捐刀錘暮擢冠裳左素篋侯右紳組
符別履之賤袞繡貌我負販之備與馬赫奕雖曰
立賢無方亦宜悅詢有德古者鄉鄰善惡必記今
雖有申明旌善之舉而無黨序鄉學之規互知之
法雖嚴訓告之方未備紀綱不立節目無張臣欲
取古人治家之禮睦鄰之法若古藍田呂氏之鄉
約今義門鄭氏之家範布之天下世臣大族率先
以勸旌之復之爲民表率此不可視爲迂濶而不

切當今之急務也陛下天資至高合於道微百家
神怪誕妄恍惚無不洞曉其謬然猶不免欲以愚
弄天下若所謂以神道設教者臣謂不必然也所
謂傳國寶者臣考按前史熒燬久矣屢求屢得真
偽莫明即真有之區區李斯之書秦政之制何足
爲寶哉地有盛衰物有盈歎而商稅之徵率皆定
額盈也好黠得以侵欺歎也良善困於補納夏稅
一也而茶椒有糧粟絲有稅既稅於所產之地又
稅于所過之津何其奪民之利如此之密也且多
貧下之家不免拋荒之咎或疾病死喪逃亡棄失

TIFFEN Color Control Patches



今日之土地無前日之生植而今日之徵粟有前日之稅糧里胥不為呈州縣不為理或賣產以供稅產去而稅存或禪辦以當後後重而民困又土田之高下不均而起科之輕重無別或膏腴而稅反輕瘠鹵而稅反重欲拯其困而革其弊莫若行校田均田常平義倉之法積之以漸至有九年之食無難者王公設險以守其國近世狃于晏安墜名款銷鋒鑄禁兵諱武以為太平一旦有不測之虞連郡至望風而靡武備廢之過也及今條治不宜動衆但勅有司以時整葺關武舉以救天下之

英雄廣鄉校以延天下之俊又古時多有書院遺基學田舊業貢士有庄義田有族皆宜興復而廣益之夫罪人不孥罰弗及嗣連坐起於秦法孥戮本於偽書今之爲善者妻子未必蒙榮有過者里胥必陷其罪况律以人倫爲重而有給配婦女之條聽之於不義則又何取夫節義哉尚書侍郎內侍也而以加於六鄉郎中員外郎何職也而以名爲六屬御史詞臣所以居寵臺閣郡守縣令不應回避鄉邦同寅協恭相倡以禮而今內外百司捶楚屬官甚於奴隸是致柔懦之徒蕩無廉耻之節



一爲下官肌膚不保甚非所以長孝行厲節義也
臣但知罄竭愚衷欲言固不止此急於陳獻略無
次序亦不暇組織成文冀以將來取譽惟陛下幸
垂鑒焉 上覽之喜公少年有才志封事留中諸
大臣皆忌公 上顧數稱公奇才兵部尚書沈潛
忌公年少得 上意乞改公御史使逮 上公在
臺嘗爲王國用草諫書雪韓國公爲詹徽所嫉已
又爲及長文作劾都御史袁太疏太切商恨公公
又時時敢直言竟坐深文得罪且不測 上憐公
召對便殿慰諭賜銀曰汝歸且讀書十年著述冠

帶來廷又命公修正元史誤及踵成宋書刑定禮
經凡例皆留中公歸家八年 上崩來奔喪有司
勅公母喪未葬父年九十違詔奔喪請河州衛史
建文元年召入翰林待詔靖難後召公及黃淮立
御榻左備顧問遂命居內閣未幾又召胡廣楊士
奇金幼孜胡儼楊榮陞公侍讀不數日進侍讀學
士七人並直文淵閣內閣與機務之名自此始永
樂初重修 高廟實錄充總裁官又修永樂大典
古今列女傳諸書 上寵公信用賞賚輒與六卿
等當是時儲位未定 上密詢公公稱世子仁孝

天下歸心以草奪宗自古致亂 上不應又頓首
曰好聖孫 上曰已喻逾年冊世子爲太子進公
翰林學士兼左春坊大學士初議頗洩丘福等誘
公洩禁中語高勳大恨欲殺公未幾用兵交趾公
力言交趾古羈縻國通正朝時賓貢而已得其地
不足郡縣 上遂黜公出爲廣西叅議李至剛奏
公怨望改交趾永樂八年入奏華南京會 上北
征見 東宮辭去高勳密疏言公職 上出塞輕
遠觀儲君徑歸無人臣禮 上怒逮公并至剛下
詔獄十三年正月公卒獄中籍其家妻子徙遼東

至剛不死 仁宗時以官臣得爲通政尋亦謫遠
郡初 成祖寵信公手書倚任大臣十人蹇義等
名授公曰汝疏其人品十人者皆與公厚善公具
實封對義天資厚重中無定見夏原吉有德有量
不逮小人劉雋雖有才幹不知顧義鄭賜可謂君
子頗短於才李至剛誕而附勢雖才不端黃福乘
心易直確有執守陳瑛刻於用法好惡頗端宋禮
慝直而苛人怨不恤陳洽疏通警敏亦不失正方
賓簿書之才祖僧之心奏上 成祖以示東宮曰
至剛朕已洞燭餘徐驗東宮因問公建文君所用

人何如對曰此皆洪武中人材事往已不足論又
閻尹昌隆王汝玉對曰昌隆君子而量不宏汝玉
文翰不易得惜有市心耳東宮卽位出公奏示西
榜曰今人率謂縉狂士觀所論評皆有定見也叔
妻子還鄉官其子禎中書舍人正統元年又盡還
其沒產公結髮讀書留心經濟任事直前風生電
發早遇聖明名動天下晚罹讒毒中道天閔不盡
其用其重義輕利過人憂患疾苦輒隱於心苟可
用力盡意爲之篤於故舊及名賢世家之後喜引
拔士類或詣其汎愛者終不爲變懋宇洞略不屑

意細故而表裏洞達絕崖岸雖野夫穉子皆樂親
之求文翰者日輻輳率與之無倦意或言有不當
與者笑曰雨露豈擇地而施哉文雄勁奇古新意
疊出叙事高處過司馬子長韓退之詩豪宕豐贍
似李杜其教學者恒曰寧爲有瑕玉勿作無瑕石
書小楷精絕行草皆佳

少保黃文簡公

公名淮字宗豫永嘉人洪武三十年進士爲中書
舍人靖難後上坐奉天門左室召見訪政務稱
旨每朝解縉及公立御榻左備顧問或至夜分



上寢即賜坐楊前論議密務不數日令人內閣專掌制勅既又選五人與共事各直文淵閣是秋陞編修進侍讀立東宮陞左庶子永樂五年陞右春坊大學士兼侍讀進講東宮太孫立又兼輔太孫六年命蹇義金忠西楊及公留守 上稱太子仁厚有識留汝四人佐太子明年 上北狩又明年上征胡長沙妖人李法良反太子遣豐城侯彬討法良漢庶人忌沮太子詣彬公侍太子卒遣彬擒法良十一年 上再北狩公復留守庶人日夜謀奪嫡造飛語動搖監園并中傷公十二年坐公奉

表迎 上不敬遂詔獄凡十年獄中有省愆集自省錄獻陵即位出獄中陞通政使兼武英殿大學士仍入內閣洪熙元年陞少保戶部尚書大學士如故支三俸辭尚書俸獻陵大漸太子在南京未至深機卒禍中外洵洵西楊及公佐鄭襄二王監國候太子至公憂危嘔血宣德元年漢庶人反公留佐二王監國班師始還第二年秋公請老 上賜葬公父來謝賜遊西苑與公侯伯師傳尚書十人俱肩輿登萬歲山宴山麓比辭又宴太液池論公曰明年朕生日卿其復來至期公至 上喜

八年禮部會試貢士 上命公與少詹事兼侍讀
學士王直充考試官十年景陵崩公奔喪留逾月
辭歸正統十四年卒年八十三謚文簡永樂初寤
獄大起南人避北官者又有編戍法公言不可阿
魯台歸款欲并女真吐蕃東西諸部落聽其約束
請朝廷出誓詞錫金定集諸酋磨酒中飲爲盟衆
議且從之公言夷虜勢分易制併力一心後患滋
大此奸謀不可許 文皇善公言顧左右曰准如
立高岡遠覽爾輩直平地見目前耳賜大寶法王
玉章示公璞公言朝廷賜外夷用勅命廣運二寶

此璞大於二寶英人將謂法王尊於朝廷矣皆從
公言初與公並入關者七人胡儼早休胡廣先卒
解縉沒詔獄惟西楊秉鈞最久東楊謀雖最密並
總修累朝實錄而公園土十年家食餘二十年蒙
垢簡牘君子弗信也

少師胡文穆公

公名廣字光大廬陵人父子琪洪武三年爲御史
疏請遷都關中已而出爲按察僉事調知彭州陞
延平知府卒建文二年靖難兵起公對制有曰親
藩陸梁人心不搖建文君喜擢進士第一更名靖



爲修謨翰林靖難後召入內閣陞侍講復名廣改
侍讀陞右庶子永樂五年進翰林學士兼左春坊
大學士勅吏部廣等侍朕日久繼今考滿勿改外
任十二年十一月命公及文敏文靖纂脩五經四
書性理大全明年九月書遂成尋進文淵閣大學
士兼坊學再從 上出塞征胡 上時召帳殿語
移時或夜漏數刻遺出道中相失必急遣兵騎四
出尋諸學士時時顧左右問諸學士來未公不知
兵以文墨論議侍 上備顧問 上不得諸學士
相與語不悅也公敦質簡重持大體存心愛人

上諒其朴厚信任亞於東陽禁廷應對愼密不洩
操履清謹公退輒杜門讀書賦詩寡交遊崇儉素
爲文下筆滔滔詞命典冊多出其手禮部郎中周
訥請封禪公力言封禪非禮 上斥訥言公因上
却封禪頌奔母喪還朝 上問民間疾苦公頌首
對曰百姓頗安給惟有司窮治建文時奸黨枝附
扳連坐誣善良甚苦 上立命罷追詰者人或毀
公 上不信或連斥去毀者公善書行草尤善十
六年卒贈禮部尚書謚文穆已而念公官其子種
翰林檢討獻陵加贈少師西楊曰我朝文臣有謚

自姚公廣孝及公始然建文時嘗謚王公禕文節
少保金文靖公

公名善字幼孜以字行新淦人建文元年進士乙
科授戶科給事中靖難後入內閣改檢討數月陞
侍講時翰林坊局臣日講經史東宮凡經義皆內
閣閱正呈上覽已進講緝閱書士奇問易廣閱
詩公閱春秋上太子春秋直指三卷五年陞右諭
德兼侍講七年扈巡北京八年從上征虜上
歷指所過山川論公記之登野狐嶺曰至此看山
盡在下矣至興和曰汝觀地勢遠望似高近即漸

平此陰山脊也若因山爲壑因壑爲池守茲巖險
雖鐵騎千羣安能飛度耶次鳴鑾戍曰此大伯顏
山其西北小伯顏山東北即開平次環瓊園指塞
北山川曰古交河在哈刺火州兩河相交水嚙沙
出唐碑尚在次小甘泉曰女直有山其顛有水色
白草木虎豹色皆如之所謂長白山也至長清塞
曰此南望北斗矣經潤澤海曰此周千餘里幹難
臚胸凡七河注其中賜名玄冥池次通川甸遙指
海上石山曰此即三石山十一年扈巡北京從征
虜十二年復從北征陞翰林學士兼論德十四年



還南京明年扈巡北京十八年陞文淵閣大學士兼翰林學士二十年扈從北征二十二年復從征北次開平上曰朕夢神人語朕上帝好生者三是何祥也公時聞軍中有詛言因力請班師上曰善立命公草詔還次清平鎮宴羣臣命內侍歌高皇詞五章曰此先帝垂諭叙創業守成之難戒荒淫酣醕之失朕嗣鴻業惟恐失陞尚相與勉之遂歷五章言奉天法祖勤政恤民事命內侍歌之榆木川之變東楊南討公留軍中護喪太子即位進戶部右侍郎兼大學士踰月陞太子少保

兼武英殿大學士賜總憲糾繆銀圖書洪憲元年陞禮部尚書支三俸當是時法司論死罪多寬上命臨決必三大學士會議奏公知律例多平反未幾還省母母卒景陵起公服中為總裁官修兩朝實錄明年持節出寧夏冊慶府兩郡王妃還上封事從上巡邊度雜鳴山上曰唐太宗恃其英武征遼嘗度此山公對曰太宗尋悔是後以故建憫忠閣至宣府還宣德六年卒贈少保謚文靖公簡易沈默溫裕有容不肯代善爭名為文和平寬綽類其人子昭伯宣德二年進士



太保高文義公

公名毅字世用揚州興化人永樂十三年進士改翰林庶吉士授中書舍人二十二年改春坊司直郎洪熙初爲翰林侍講正統元年楊文貞公薦公學術醇正充講官修實錄五年陞侍講學士十年入內閣陞工部右侍郎兼前職十四年上北征曹文忠公從行公居守景泰初進尚書工部兼翰林學士是年虜數請使迎上皇侵我上谷雲中急廷議相顧忌不能決中書舍人趙榮毅然獨請往公壯榮解金帶贈榮曰子忠義人也上皇將

至京公言奉迎禮宜厚會有千戶龔遂榮投匿名書公所公袖入朝傳示羣公卿羣公卿不敢出一言言官疏聞上不喜詰匿名書從何所得公曰得自臣所遂榮恐景公自縛闕下下詔獄上亦不深罪遂榮也二年進少保東閣大學士明年廢東宮爲沂王而立懷獻爲太子公悲憤不敢爭加公太子太傅公亦不敢辭是時內閣不相能公上疏言內外諸司惟賢是用况經筵日講關係聖德尤在得人遂薦大理少卿陳詢侍講楊禹克日講官左都御史王文大理卿蕭維禎庶子王恂入內

閣 上令詢尚侍經筵文遂得入內閣文既入內閣又輒與公相擠五年勅公視南畿災尋遣朝力救都給事中林聰得不死七年進少保大學士謹身殿是年首相陳備及王文皆以子不得舉許順天考鄉試官劉文介公儼 上令公覆試公曰貴胄與寒賤爭進已不可况從而爲之辭奏斥林廷一人事遂已裕陵復所內閣諸臣皆流放寬慰惟公以忠謹故 英宗曰毅在內閣每議迎駕及南內事輒左右朕毅無他腸可致仕公既歸田杜門不接賓客人有問及止統景泰天順間事者輒不

應公官至右尚書而家業蕭然蔽廬瘠田僅足衣食身沒未幾子孫貧窶其方殺端靖潔廉無私卓然有古大臣之風一時內閣七人議論每相齟齬公獨持正嘗曰清議可畏以是見忌於人亦以是愛知裕陵成化初姚文敏公既請謚王佐鄭塾又上言公鯁直不回端亮有守始以翰林學士侍 英宗經筵入內閣蒞政改政爲國恪持公論景泰間力主遣使迎鑾之議及其還駕獨建備禮郊迎策天順初以老疾乞歸田里遂卒于家進退有道始終不渝加之贈謚庶表臣節得贈太保謚文義

太常岳文肅公

公名正字季方進士及第授編修景泰三年遷左贊善兼編修天順元年改兼修撰王忠肅公薦公宰相材召對文華殿公神采秀發上遙見遂曰好公登殿又曰好好問年幾何對曰四十又曰正好問家安在對曰鄆縣曰又朕北方人甚善問讀何經對曰尚書曰是書經尤善問舉進士科對曰正統十三年上益喜曰朕固取汝朕今用汝兩閣許彬老矣不足恃汝爲朕努力公頓首受命出赴閣至左順門遇石亨張軫愕然問曰何爲至此

公不對二人者忌公才名比見上上又言朕今

擇一內閣臣甚佳二人者請爲誰上曰岳正頤

正官小須與吏部左侍郎兼翰林學士二人者陽

頤首賀陛下既得人俟果稱職進官未晚上

默然然時時召見公公感知遇鏡意功名飲天監

湯序奏矣異請盡去奸臣上問公對曰奸臣無

主名即求之人人自危且序術疎淺不足信事遂

止亨與堅吉祥表裏擅權有匿名投書指斥時事

罪狀吉祥獨不及亨吉祥怒力請上榜購告捕

者官三品公與呂文懿公見上曰爲政有體朝



廷豈可自榜購募奉始皇杜諫下妖言誹謗令竟
不聞其過以亡國乞以秦爲戒事遂止公又言曹
石驕橫不早制恐禍起肘腋上諭公汝往告朕
意公徑造亭所諷令嚴欲二人謂公許我短顧
以上意劫我益大恨是年承天門災下詔罪已
公歷數政弊詞極切直二人者造飛語岳正草詔
出時時對人言此非上意我欲諷上改過也
正賣直誦君父不數日內批降公欽州同知欽並
南海瘴毒公便過家辭母留數日兵部尚書陳汝
言者黨二人又欲公嘗言其不可用遂激遷者中

公私事連詔獄考掠謫戍肅州鎮夷所未及行李
鐸都督竟奪公廬時猛虎石者太監鎮河西上
密諭石正須生不須死四年石坐法誅明年曹又
反誅上思公言解士伍放歸田茂陵即位言官
請復公官吏部擬調南京上曰勿調留院充經
筵講官預修先朝實錄未幾南楊欲薦公南園
子祭酒公不應忌者僞爲公劾南楊章示南楊遂
大疑公成化元年廷推公及禮科都給事中張寧
爲兵部清黃官不得陞興化知府公至興化勸力
民事操利權興修水利積穀出羨餘補助民役興



化士人規利弗遂者勝謗書彭惠安公獨曰太守
節財愛民無他也三年來朝乞致仕時季錡敗朝
廷還公故廬未幾卒公文章氣節名滿海內抱負
經濟屹屹不肯下人再起再廢竟不盡其用嘉靖
中贈太常卿謚文肅公自贊有自京師來者傳天
語於臣曰岳正倒好只是大膽或以賀正曰上
念公如此行召公矣曹生爲寫陋容遂舉括其詞
題於上曰岳正倒好只是大膽惟帝念哉必當有
感如或赦汝再敢不敢臣常誦古人之言蓋將之
死而靡憾也公偉貌美髯言論灑灑動循矩度石

博事或議其迂又曰未信而諫直應曰渠謂我諫
官耶我道當如是人有不可意事雖權貴人當言
即言無藏宿以故奇公者雖多忌者亦衆所著有
類博稿

論曰解公新才高志銳受知三朝皆遭讒忌竟殞

其身黃公注纓脫纒紱不一二年遂屏迹丘園尤

不免于媢媻之口胡公廣金公切入奉絲綸出

從羈勒軍旅之事不及東楊而隨事獻納裨補亦

多高公設素稱忠實遣使迎鑾之議尤壯岳公正

負才氣直前任事仆而復起益不屑下人皆磊落



賢輔臣也

皇明名臣記第八卷

子履準校

孫心材重校

皇明名臣記第九卷

吾學子編第三十

太子賓客胡公

海鹽鄭曉

公名儼字若思南昌人洪武二十年鄉舉明年會
試乙科授華亭教諭時年尚少抗師道訓勵諸生
敦行檢爲講說經史寒暑不廢內艱服闋改長垣
乞便養親改餘干著令建文元年薦陞桐城知縣
心存撫字政尚寬平獨通賑乏除虎驅蝗表祀循
良歷有惠績四年兵事甚棘御史大夫練安薦公
學足以達天人之際智足以資帷幄之籌必拔用

賢輔臣也

皇明名臣記第八卷

子履準校

孫心材重校

皇明名臣記第九卷

吾學子編第三十

太子賓客胡公

海鹽鄭曉

公名儼字若思南昌人洪武二十年鄉舉明年會
試乙科授華亭教諭時年尚少抗師道訓勵諸生
敦行檢爲講說經史寒暑不廢內艱服闋改長垣
乞便養親改餘干著令建文元年薦陞桐城知縣
心存撫字政尚寬平獨通賑乏除虎孽蝗表祀循
良歷有惠績四年兵事甚棘御史大夫練安薦公
學足以達天人之際智足以資帷幄之籌必拔用



之乃知臣言不妄下吏部召公比至京靖難兵渡江矣 文皇即位擇翰林官吏部薦公 上曰儼曉天文宜令欽天監試送翰林供事欽天監言公果通象緯及風雲氣候解籍又薦公遂授翰林檢討與縉等七人同直內閣尋陞侍讀公每承顧問應對從容至論成敗得失之故必反復明切 上為傾聽永樂二年陞左諭德兼侍讀外親去詔奪情道過南京入見東宮詢及民情所對皆救時急務公持論少憚亦能委曲以全交諸同事人頗不能容薦公學行堪為師表陞國子祭酒出內閣公

率以身教士心翕然嚮慕 上幸太學御彝倫堂賜坐講經 上俯聽甚說馬賚優厚六年薦修吳溥為司業八年 上北征以祭酒兼侍講掌翰林院事輔導 皇太孫監國鎮密謹飭上下無間言洪熙元年春以疾乞休賜聖書加授太子賓客致仕復其子孫公在國學二十餘年教尚恩義時諸生托故告歸者法坐戍邊公申論得免公既出內閣雖不復預機務諸大臣不自安凡朝廷制作修 太祖實錄永樂大典天下圖志皆推公總裁歸田後乞修白鹿書院及春秋祀許遜章丹家食



二十餘年年八十三卒公自處淡薄衣食僅足開
居日與學者講求問學方岳重臣待以師禮由然
終日言不及私其處是非利害可否之間審度情
理務求相安羣倫中有不如意即引退不與辯以
故所至敬愛之公資性朴諒問學該博凡天文地
理曆律醫卜皆通其說文章簡質不事辭藻晚年
沉潛性理克養益粹言行健健稱耆俊焉

侍郎薛文清公

公名瑄字德溫河津人年十二能詩賦既壯讀周
程張朱諸書遂焚所作詩賦專心性理之學至忘

寢食永樂十九年進士擢御史監湖廣銀場千緡
性理大全晨夜玩讀潛思有得秉燭疾書深探密
玩或通宵不寢正統元年初設提學憲臣出爲僉
事山東誨育生徒翕然愛敬王振問三楊吾鄉誰
可爲大臣者皆薦公召爲大理右少卿三楊以用
公出振意欲公一見振公正色曰安有授官公朝
而拜恩私門耶振聞憾公會有獄夫病死三年其
妾欲嫁其私人王山山振姪也妻在禁妾弗得嫁
遂誣妻毒殺夫下御史獄坐妻死公辨其寃三駁
臺官譖事振又曲庇御史劾公受賄棄律出人死



請廷鞠振喜曰是固應死竟坐公死繫獄公怡然
讀易不輟得大臣伸救又家人乞代死得免歸田
居家六年造詣益邃十四年給事中程信薦起爲
大理丞分守北門禦虜景泰元年督川雲轉餉貴
州尋陞南京大理卿蘇松飢民貸粟富民不得遂
火富人屋竄海中王文即訊坐謀叛公抗章辯獲
免是冬御史劉孜薦公粹學飭躬進無所求退無
所累實君子之儒不宜置之閑遠乞召供館閣之
職俾講學輔導必有裨益 上曰內閣本朕簡任
非人所得薦不許四年秋召爲大理卿裕陵復位


以禮部右侍郎兼翰林學士入內閣居數月轉左
會欲遣使徵御西番公持不可不聽又曹石專用
事遂引疾致仕去四方從學者日衆公學貴踐履
不務論說辭受取與必揆諸義出處大節光明峻
潔於富貴利達泊如也接人無大小衆寡待之以
誠其言平易簡切不爲穿鑿奇僻之說晚年造詣
高明踐履篤實益至純熟著讀書錄二十卷嘗曰
自朱子後性理已明不必復著書程明道許魯齋
未嘗著作而言道統者必歸焉天順八年卒年七
十三謚文清劉文安公嘗請公從祀孔廟言公直

躬慕古談道淑徒進無附麗退不慕戀勤學好問
可謂文矣歸潔其身可謂清矣若論其於道所得
以比朱子諸徒若黃幹輔廣之親承徽言金履祥
許謙之推衍緒說未知可伯仲否至斥違言者爲
非愚則謬過矣官屢乞進公從祀先師廟庭不
果嘉靖二十三年令春秋專祀於鄉

侍郎呂文懿公

公名原字逢原秀水人正統七年進士公質性渾
厚貌容端偉未冠已讀書博洽能出入經史父嗣
芳萬泉教諭兄本爲景州學正父歿景州不能歸

喪或勸公火葬公痛哭不肯從權厝景州時時至
墓慟哭景人及道旁行聞者皆酸惜已而奉母南
歸家益貧攻苦力學知府黃懋閱秀水學官文奇
學官對曰此邑里中呂生文也呂生貧不能補弟
子員學官致家塾教諸子懋輒歎郡中乃有文士
如呂生遺草萊中者急召公見公入見衣藍縷甚
試之舉業文詞理皆勝問之經書輒能熟誦講析
懋益驚異與之新衣謝不受會理葺覺舍與之諸
餘材木又謝不受懋曰生家貧粥此且得善價又
謝不能太守益大奇呂生當是時太守得輒補學



諸生懋即遣公入學是秋發解浙江第一明年進士第二入翰林時選翰林講讀官裴給杜寧謝璉王玉江淵陳文李紹商輅劉俊及公十人習制誥於東閣十四年罷景泰中倪謙及公初教小內官黃賜等七人書于文華殿東廡上一日至廡中命二人講倪講詩國風公講書堯典上悅問二人官謙對臣左中允兼翰林侍講公對中允右兼侍講上又問中允講讀官品二人對曰皆正六品上曰品同安得相兼令左右取官制再三覽額二人曰進汝二人講讀學士兼中允二人頓首

謝他日

上再至二人退坐旁壁下

上曰何踴

踴乃爾二人頓首對

君父嘗臨坐臣子避不敢

當上喜二人敬慎後至館輒立語或東西行不

復坐天順初改通政左叅議仍兼侍講入內閣尋

陞翰林學士石曹寵用事知敬公公朝會衣青袍

亨笑曰行為先生易緋公不答未幾岳公正暨公

列上石曹罪狀

上留中不發曹石微覺

上意

大恐遂共謀摘承天門灾詔中語謂內閣臣誦

上上大怒坐便殿召對近臣厲聲曰正大膽固敢

爾原素謹厚左右正何也岳既去公得留公與李



賢同在內閣李公通達凡事立斷公守正謹恪稍
濟之持重修大明一統志公充總裁母憂去道景
州啓父窆歸合葬或以陰陽五行家說沮公不聽
奉載舟中寢苦枕塊極哀毀竟病抵家尋卒贈禮
部左侍郎謚文懿公在內閣六年端潔不苟取子
性儉約身無統綺篋中惟賜衣幾襲分祿贍宗
姻貧匱者清心寡慾稠第無隱過至老勤學晨夕
不少輟子憲屢試中書舍人舉順天鄉試歷官南
太常卿有學行

論曰胡公端諒持正好直言薛公剛毅沉潛

聖學並不見容於時呂公溫恭潔約與人無忤
竟以愛去卒士君子際時遇主尚不究於用惜哉
皇明名臣記第九卷

子履準校

孫心材重校



皇明名臣記第十卷

吾學編第三十一

榮國姚恭靖公

海鹽鄭曉

公名廣孝長洲人幼名天信父欲公學醫曰兒不
樂爲醫願學諸生求仕否則從佛學至正間削髮
爲僧里中妙智庵名衍字斯道已又不學佛願好
讀書尚謀畧兼爲詩學書嘗遇異人授占術輒
爲人決休咎與王賓高啓章善厚亦與宋濂蘇伯
衡來往徧游江湖洪武四年詔取高僧會病免入
年詔僧通儒者與官禮部試不得官賜僧服還山




皇明名臣記第十卷

吾學編第三十一

榮國姚恭靖公

海鹽鄭曉

公名廣孝長洲人幼名天信父欲公學醫曰兒不
樂爲醫願學諸生求仕否則從佛學至正間削髮
爲僧里中妙智庵名衍字斯道已又不學佛願好
讀書尚謀畧兼爲詩學書嘗遇異人授占術輒
爲人決休咎與王賓高啓章善厚亦與宋濂蘇伯
衡來往徧游江湖洪武四年詔取高僧會病免入
年詔僧通儒者與官禮部試不得官賜僧服還山



十五年僧宗泐薦公因往來南京 成祖將之北
平乘間請曰殿下骨相非常英武冠世今皇圖草
昧東宮仁柔願厚自愛殿下試乞臣府中必有以
報殿下 成祖已稔知公意亦欲得公已而十王
之國會 高皇后崩 上曰王與一名僧誦經念
佛修齋公名在燕府籍中大喜至北平居故慶壽
寺公每夢與劉永忠語 成祖時召入便殿密議
或歎息泣下公曰天之所興誰能廢之願厚自愛
靖難兵初起暴風雨 成祖意不說問公對曰飛
龍在天從以風雨元吉兵南行公遂道旁言江南

有方孝孺者學行負盛名即不肯降幸勿殺當是
時獻陵居守公及郭濟等日夜守禦輯拊兵民南
兵再攻城設伏截其後城上呼噪伏發急開門夾
擊大敗南兵去又夜絕死士下城劫南兵或遺數
十人遠伏草莽間夜舉火鳴砲罷南兵不得休息
輒出精兵奮擊敗之盡焚九門諸櫓寨 成祖軍
中有聞見異事及兵進止輒紙書飛騎問公條答
附去並中機適靖難後爲左善世立東宮陞太子
少師復姚姓賜名廣孝輔太子南京 上令公蓄
髮再三終不肯從命嘗賜兩宮人逾月不近亦不



辭 上乃召還兩宮人永樂二年賑濟蘇湖十六年來朝北京寓慶壽寺病車駕再臨視卒贈少師贈榮國公謚恭靖 上爲文神道碑洪熙元年侑享 成祖廟庭嘉靖九年移祀大興隆寺罷侑享

尚書宋公

公名禮字大本永寧人洪武中太學生爲山西按察僉事坐事左遷戶部主事請戍寧夏建文初薦授陝西僉事辛巳又坐事除刑部員外郎請難後命署禮部事俄陞禮部右侍郎逾月轉左永樂二年尚書工部或曰公爲陝西布政使召入工部爲

尚書時營北京公取材川蜀七年奉憂伐山通道深入險阻時下勅嘉公勞蹟九年治漕河已又入蜀十二年九載考績十六年來朝又入蜀是歲理獄江西十七年又入蜀是年病召還京理部事造番舟十九年造黃舟是年又入蜀公初治漕河濟寧與侍郎金純都督周長修復會通河置十五閘盡用濟寧同知潘叔正策役夫三十萬工十旬獨租一百十萬石浚黃河故道用侍郎張信圖策與興安伯徐亨侍郎蔣廷瓚自祥符魚王口至中灤下二十餘里殺水勢河成實功公第一長以狗私



虐人不得實又於寧陽築堙城墉過汶水盡入漕
河用御史許堪策疏洩衛河至海豐大古河入凡
四百五十七里役夫三千工一旬自是挽漕京師
罷海運公功最大卒之日家無餘貲洪熙元年呂
震言公卹典未備與葬祭正德七年始賜祠祀會
通河上公剛果質直有經濟才馭下稍嚴以故事
亦易集純泗州人洪武中太學生爲文選郎中江
西參政召爲刑部侍郎起爲北征歷禮工刑三部
尚書太子賓客所至有政績淮泗間治水功最著
卒贈山陽伯純寬和有容吏事幹敏宣德三年夏

暑勅法司疏獄純數會客心及飲言官論純淹囚頌
繫錫衣獄上念純老臣而致仕去純在刑部獻
陵嘗論純及臺寺劉觀虞諱亦曰法司尚羅織言及
國事輒論誹謗甚無謂自今諸告誹謗者悉勿治
又嘗曰朕或嫉惡過甚處法失中卿等須執正長
天長人有膂力善騎射從諸難白溝東冒濠城戰
有功歷官督府治漕河卒贈萊陽伯益忠毅又有
蘭芳者夏人讀書通古今洪武中舉孝廉爲刑部
郎官知吉安府有惠政民思之坐事謫爲辦事吏
從治河濟寧復爲工部主事永樂十年以公薦陞

工部右侍郎清潔無私

湯陰伯郭忠襄公

公名資字存性武安人洪武十八年進士爲戶科
庶吉士試主事戶部總部歷改湖廣陝西司爲真
曉練錢穀陞僉都御史尚書郁新薦改北平參議
上言弊政陞叅政不數月進布政使靖難兵起公
獻策防禦已而留侍獻陵居守李景隆攻北平晝
夜汗備輯睦兵民轉給饋餉盡心瘁力不畏強禦
靖難後陞戶部尚書上曰資朕蕭何也未聞月
出掌北平布政司事即建北京置行部與雜食並

改行部尚書深見信用永樂十九年罷行部復爲
戶部尚書時巡狩營建百費並興皆公調度獻陵
即位念公舊勞荐有寵資立東宮兼太子賓客陞
太子太師以足疾賜勅給半俸致仕復其家宣德
三年夏公輟部務明年召公以太子太師掌戶部
事免朝叅公益恭慎祁寒暑雨必入署視事不少
休卒年七十三贈湯陰伯謚忠襄官其子佑戶部
主事公受眷三朝屢登八座衣食僅充幾不能葬
永樂後文臣贈伯四人金純山陽伯吳中荏平伯
金濂沐陽伯

少師金忠襄公

公名忠鄞人少慷慨負義氣兄戍通州公省兄會靖難兵起布衣田冠上謁典儀云浙東奇士金忠願見殿下說兵事及中朝勅靜得召見公言殿下太平皇帝小人耕江海間及來往齊魯道上聞殿下賢舉服人心久矣茲舉大事人材爲急成祖悅立授署紀善日侍帷幄贊理戎務尋陞署長史已爲真靖難後陞工部右侍郎治事北京永樂二年召入兵部爲尚書公博覽史籍議論河懸儲位未定上審問公歷數古昔適孽故事對上喜

賜公大鏢又曰詹事官竭汝以尚書兼詹事幸善調護佐太子公侍監國時時勸起孝教篤友愛小心敬慎無失禮毀譽禍福聽諸天日而已或譖謗廷臣及宮寮過者上密令公察審公退每數日頓首再三爲白無此事願陛下寬宥上或不喜即又頓首言臣敢保其無他他日有踪跡即如人言臣甘連坐以故諸所全護者多公謹厚不度人亦不知也公每導人寬愛無爲苛刻公事輒推同官使展其才能有闕誤引爲已過不遺片善不念舊惡俸賜有餘周賑鄉族太子即位念公贈少師



卷之十
謚忠襄以其子達爲翰林檢討達幼遺歸寧波學
支俸讀書比長景陵召達還翰林正統十二年改
禮科給事中陞都給事中景泰二年出爲長蘆運
使

太子少師儀文簡公

公名智高審人洪武中薦爲教官知高郵州高郵
人皆愛公曰知州長者陞知寶慶府寶慶人健悍
又畏敬公曰太守不可犯永樂二年遷東宮官陞
通政兼右中允未幾陞湖廣布政使三年入侍郎
禮部十一年元旦日食呂尚書請賀如常公獨爭

議不可 上令吏部翰林院擇一老儒侍太孫明

日太子召問得人未塞公及西楊薦公又曰人鮮

知智者以故議未決太子曰吾嘗舉李繼禹大誤

悔無及如智誠端士然老矣西楊稱智起家學官

明理守正精神未衰廷臣中老成正大無喻智者


是日午朝 上顧太子問曰侍太孫講讀得人未

太子應曰舉禮部侍郎儀智議尚未決 上喜曰

得人得人智雖老能直言元旦日食智執議免賀

智可用公寬平嚴正務持大體尚忠厚遇事是非

又輒別白爲太孫陳說不屑附會年八十致仕子



銘字子新學于吳訥天性易直孝友舉經明行修
洪熙時為行在禮科給事中贈父太子少師謚文
簡銘內府教書歷編修侍講正統中為郟王長史
景帝初出南京為禮部侍郎以立懷獻太子故加
太子太保未幾召為兵部尚書尋掌詹事府事卒
贈太師謚忠襄

尚書郟公

公名遜北圻新安人初名進太學生永樂中為戶
部郎官上知進進仕早未遑問學天資質直寬
厚臨事從容不見喜怒精練吏事簡約有條宣德

初為行在吏部左侍郎兼少詹事上為改名

四年代蹇忠定公為行在吏部尚書罷兼職五年

冬上諭曰朕以用人之柄付卿卿宜為朕擇才

昨郡守多缺命廷臣薦舉古人當斯任者必勤於

咨訪有得即錄故官不乏才呂蒙正夾袋虞允文

材館錄是也慎留意正統元年除公尺籍時進士

李賢入選公試賢嘉禾詩奇賢輔相材授驗封主

事未幾早寢侍臣言大臣尸位妨賢內批令自陳

諸大臣遂皆乞去謝天譴公獨不可曰主上冲

年吾輩皆先朝簡任受付託一時請去誰與共理



宜引罪乞改過避老矣官至家宰豈敢貪位顧君
臣恩義如此衆是公言疏上盡留諸大臣七年請
老先是宣德初內閣謂用人之柄不宜專在吏部
令三品以上京官薦用方面風憲郡守至公入吏
部又令五品以上京官薦用御史知縣人多嗜進
覲薦至行金錢相請乞言官論奏僮罷五品薦舉
公秉銓十四年名不及蹇公然潔廉務採實行不
用浮薄游聲譽之士雖爲內閣所侵能堅忍持正
自行其志

知府况公

公名鍾字伯律靖安人初以吏員事禮部呂尚書
震尚書薦其才永樂十三年授禮部主事二十一
年陞郎中初令五品上京官得薦士公薦右中允
張宗璉上召問西楊曰人皆薦下僚鍾乃薦朕
官臣耶對曰臣與王直擬薦宗璉不意爲鍾所先
上喜曰鍾能知宗璉即日陞宗璉大理寺丞宣德
五年擇郡守九人公知蘇州府賜勅乘傳之任公
初至郡伴不解事諸吏抱案環立請判公顧左右
問吏吏所欲行止公輒聽吏吏大喜謂太守愚越
三日公召諸吏詰曰某事宜行若顧止我某事宜



止若願欲我行縛諸吏拷掠校庭下輒死者數人
諸吏又皆大懼謂太守神明公乃盡罷屬吏斥貪
墨者五人庸儒者十餘人八年夏旱既發預備糧
賑農俾得盡力於田敵復與周文襄公講究收糧
法由永樂間轉輸北京餉道遠糧長以一徵三
府二百七十萬石加徵至八百一十萬除正供及
僱車船費盡爲糧長乾沒議別立糧頭同收受互
覺察除免舊徵三之一以其二之一爲轉輸費餘
皆入濟農倉爲來年經費本是年馬草米數十萬
石及九年夏稅折布絲數十萬斤絹數十萬疋小

麥數十萬石及雜出供費並代以餘米上無遺事
下無橫科民大悅每旱又輒發此餘米賑活輒數
萬人二十餘年積弊不戮一人而盡除民接過終
歲在官不得負販公叙丁差歲不過三日盡罷其
在官者置綱運簿防運夫侵盜又置館夫簿防非
禮需索綜理周密簡約易行大抵公爲守專厲豪
狡拊善良勢家恣犯法立死杖下吏民大驚奉約
束寒門下士有行藝者時時賑贖諸儒生喜爲流
聲來爭獻詩頌美有鄒亮者獻詩公稱賞欲薦于
朝會有以匿名書數亮過失揭府門者公得書笑



曰彼欲沮吾薦正速成亮名耳遂奏亮才學可用
召試授史刑二部司務轉監察御史正統元年劾
御史王璉罪狀法司論逮璉歲滿去民叩闕乞留
者八萬餘人陞公正三品仍知蘇州府七年卒市
巷哭送其喪設立祠祀公公剛正奇偉潔廉之操
一塵不滓操履之固千夫莫回令行秋霜靡弗
馴惠流時雨靡粹弗勦國初蘇州知府有王興宗
者與葉春並為阜隸事孝陵 上以二人老成不
貪以春為鸞儀司副使興宗為金華知縣李丞相
言興宗早諫奈何為令 上曰興宗勤而不貪又

善處事儒與吏不及也何有於縣歷陞南昌通判
嵩州知州懷慶知府會蘇乏守 上令胡丞相擇
人未及擬請 上曰莫如興宗改守蘇州有善政
陞河南布政使老歸又有魏觀滿圻人博學有文
名歷陞侍讀學士授 太子諸王經筵祭酒諭知
縣召為主事乞歸既平吳守者非人 上思觀召
守蘇州觀至防奸撫善賑貧禮賢條平役賦報政
為天下最陞四川叅政難其代復還觀守蘇後以
政府治於士誠故基及浚錦帆湮為御史張度所
劾 上怒逮觀及高啓王彝並坐死未幾 上又

後圖
卷之十
十一
二九五五
思觀賜葬祭

都御史羅公

公名通字

吉水人永樂十年進士授御史巡

四川有風節永樂十九年奉詔言事與六科官並
謫邊知州正統元年爲戶部員外郎理宣府邊餉
陞兵部郎中三年從尚書王驥甘肅征阿台彘兒
只怕有功十四年冬虜報至公守居庸關給事中
孫祥守紫荆關廷議並授食都御史時景帝初
即位面諭吏部誤云副都御史二人竟得爲副都
御史公守聞有方畧才警敏擒虜酋那言帖木兒

提精兵五千南襲虜至柳羊山斬捕虜有功召入
奏贊軍務理院事景泰元年給事中言公本河泊
所官以內閣陳循薦其曉暢兵法尋陞副臺參呂
平侯軍務今更兼院事妨誤戎機不便是年公疏
乞勅石亨楊洪各率精銳馬步官軍亨自紫荆出
大同洪自居庸出宣府沿途巡哨提督官軍堵塞
關口修理墻樁勦除賊寇防護耕種公又言邊軍
委報首功虛張虜勢德勝之戰近在都門斬虜幾
何陞六萬六千有餘又言腹玉珥貂者皆苟全性
命忌能憎言于公謙不喜上言德勝當先一萬九

千八百八十人陞一級陣亡三千一百一十八人陞二級餘皆給賞且乞罷兵柄六府部院翰林科道議乞留于公亦言通志在滅賊爲國計無他謙等宜同心協力勿互猜嫌是年公乞下令擒斬也先給顏帖木兒喜寧者賞萬金封公侯于公上言口外軍民連歲被兵不能種藝恐虜寇野無所掠確衆以送駕爲名突至太原則山西搖動而河南淮甸之鬪亦可憂矣宜選有謀略文職大臣往鎮山西 上以命公時昌平侯乞差文武大臣率兵出馬門用鹿角營護山西餽運大同兵部請命

公公意不欲行疏言于謙楊洪建此策乞令與臣同行奏下于公疏曰當國家多事之秋非臣子辭勞之日臣謙諳熟山西事情諫宜去 上仍令公往三年冬公言虜恃馬力出入塞下今也先使臣有馬四萬宜增價酬之價重則馬益至不數年胡馬自空此坐弱強虜之策也是年督兵逐虜使來至長安嶺又斬首有功龍門鵬鴉諸城殘破守將撤兵內徙遺芻糧數萬公上言虜來有鄉導欲奪芻糧守則軍力不足運則民財不足焚則國用不足乞廷議戶部尚書金濂奏下公及總餉侍郎劉

連總兵朱謙共計上已而虜退公請班師還京協贊軍務四年上將傳宴略命以訓練將士是秋與蕭維禎並陞左右都御史天順二年致仕弘治十八年隆慶父老奏已已之變通守關有保障功勅祠居庸關

太子太保陳僖敏公

公名鑑字有成吳人永樂十年進士爲御史陞按察副使擢副都御史鎮陝西得便宜行事公慈厚寬洪清慎悉民疾苦不作聲色專務安輯凡練兵屯田水利鹽法事有經畫薦按察使王文副使金

濂入內臺正統元年與于公上疏請定輪粟贖罪法在陝十餘年教興政理每入朝民必遮道送不忍舍比還歡迎父老或走數程又早公至即雨雨久公至必霽人益愛戴公召入臺爲右都御史與王文共事正統景泰間文與公更出鎮陝西已而文當代公入陝御史爲文上疏言文風采乞留內臺耿清惠以侍郎出代公尋陞公左都御史太子太保景泰四年秋致仕卒謚僖敏陝人尸祝焉

武功伯徐公

公名有貞字元武初名理字元玉吳人宣德八年



進士庶吉士授編修陞侍講已巳之變有薦公才者召問計泣曰驗之星象稽之歷數天命已去請幸南京避虜于謙力言不可遂止景帝即位勅十五人守戛害屯兵爲京師援公權監察御史守彰德景泰四年秋公爲諭德兼侍講矣上言人臣避國諱子孫避家諱禮也臣勿誤犯祖諱禮當避諱更名有貞是冬河決張秋石瑛治之久無功集議文淵閣推公擢僉都御史治河公自北東徂南西踰濟汶沿衛及沁循河道濶范究源流度地行水上疏曰臣聞平水土要在知天時地利人事而

已蓋河自雍而豫出險之夾水勢既肆又由豫而交土益踈水益肆沙灣之東所謂大洪口者適當其衝于是決而奪濟汶入海之路以去諸水從之而洩隄潰渠淤澇則溢旱則涸此漕途所由阻然欲驟墮則潰者益潰淤者益淤今請先疏其水水勢平乃治決決止乃濬淤多爲之方以時節宣俾無溢涸必如是而後有成制曰可公往來展布經營作治水開疏水渠渠起張秋金隄西南行九里至濮陽濬又九里至博陵陂又六里至壽張沙河又八里至東西影塘又十有五里至于白嶺灣又

TIFFEN Color Control Patches



三里至李峯由李峯而上又二十里至蓮花池又三十里至大滯潭乃踰范既漢又上面西凡數百里經澶淵以接河沁公曰河沁之水過則害微則利乃節其過而導其微平其水勢既成渠名廣濟閘各通源渠有分合而閘有上下凡河流之旁出不順者則堰之堰有九長袤皆至萬丈九段既設其水遂不東衝沙灣乃更北出濟漕渠阿西鄆東曹南鄆北出沮洳而資灌溉者爲田百數十萬頃公又參綜古法就長擇善加神用焉爰作大堰其上捷以水門下擇以長隄堰崇三十有六尺厚什

之長百之闊廣三千有六丈厚倍之隄之厚如壩崇如堰長倍之架溝截流桐木絡竹實之石而鍵以鐵蓋合土木火金以平水性又導汶泗之源出諸山匯澶濃之流納諸澤又濬漕渠由沙灣北至臨清凡二百四十里南至濟寧凡二百一十里復作放水閘于東昌龍灣魏灣凡八爲水之度其盈過丈則洩皆通古河以入于海上制其源下放其流既節且宣用平水道初議者欲棄渠弗治而由河沁及海以漕又欲出京軍疏河公因奏蠲瀕河民馬牧庸後專力河防以省軍費紓民力工部請

如公言不中制以是得成功是後也聚而間後者
四萬五千人分而常役者萬三千人用木大小十
萬竹倍之鐵斤十有二萬錠三千組八百釜二千
八百麻百萬斤荆倍之葉秸又倍之而用石若土
不可算然用糧于官僅五萬石爲日五百五十有
五君子曰元武之才微於是後也白渠漑而不漑
鄭渠漑而不貢工皆累年費萬萬計飽子不漑不
漑又不以貢久後勞人至勤萬乘獻璧馬額神祝
張秋輕重難易何如也七年陞副都御史還朝公
負文武材臨事敢爲有經畧乃與石亨善竟以奪

門功陞兵部尚書華蓋殿大學士封武功伯伯食祿
千一百石世指揮使入內閣時內閣諸臣盡得罪
死徙落籍去公得爲首相欲立功名自異稍與石
總兵相左李賢旁助公凡用人行政稍持正左右
已不能堪內臣曹吉祥亦以奪門功與國政不通
文墨恐事歸司禮力贊上事須經內閣意籠絡
內閣附已已而吉祥薦用私人內閣輒相阻吉祥
固不悅天順元年御史楊瑄劾曹石曹石疑出公
意見之盛氣乞逮御史初曹石爭寵利不相能至
是遂合率上衣哭訴曰內閣專權欲除奴輩伏

地哭不已又言奪門時出萬死立功今為內閣所
陷遂下楊御史及都御史耿九疇公及賢詔獄即
日雷電交作大風拔木承天門災二凶家大木皆
折冰雹尤甚不自安 上遂釋賢謫公廣東叅政

行至德州會有投匿名書斥朝政者曹石以為出
公復逮詔獄拷治無驗命取公誥券示三法司刑
部侍郎劉廣衡等遂劾公詐撰制文竊弄國柄自
謂治水希蹤神禹敢以定策冒貪天功大不敬無
人臣禮論斬 上會災變得宥編置金齒四年冬
上坐文華殿諭賢王黜曰有貞才學亦難得當啟

有何大罪為石亨張軌所陷如後世議何可釋歸
田始得還鄉卒于家公短小精悍博學多能有膂
力天官地理兵法水利陰陽方術無不通貫文雄
奇詩亦道勁

少保馬恭襄公

公名昂字志高滄州人鄉舉入國子監授序班正
統二年薦陞監察御史整飭大同兵備八年刑部
失囚堂上官下獄陞公刑部右侍郎改副都御史
奏贊甘肅軍務劾都督王喜喜坐罪戍遼東守臣
貢駝馬赤斤蒙古罕東諸蕃掠去公出戰論大首



鎮南奔景泰初病乞還朝勒致仕四年薦起總督軍務代鹽山兼巡撫兩廣擒僞將軍周鐵等三人陞右都御史七年平斗峒賊轉左都御史天順元年致仕入見復留命巡視山西還院二年陳汝言坐贓下獄論死代爲兵部尚書五年虜寇陝西公總督軍務與懷寧侯孫鏗西征師且出會曹欽反與鏗擊賊賊誅加太子少保仍掌部事務陝陵每召公對詢將官短長用邊鎮巡撫亦令南楊鹽山與公議公質直肯任事曉暢軍務選擢將校多得其人茂陵即位改戶部尚書與都御史林聰簡十二

營軍公在戶部亦欲理財裕國用顧曲算濶狹會計非其所長功名損於兵部時四年御史以星變劾公公請致仕卒年七十八贈少保謚恭襄錄子忠園子生子恕錫衣世百戶

論曰成湯立賢無方有以哉姚公

廣孝

籌軍旅宋

公

禮成河渠况公

鍾條賦役金公

忠處君臣父子

兄弟間卒能調護猜嫌以終其身此其人豈易及

哉儀公


智者德有園綺之風郭公

理朴魯少文然

能持正不噉噉與人競亦不失已羅公

鑿昔有風節知兵曉吏事民思慕之馬公

著功名



于南北邊本兵亦不失其職湯陰資不能救張北
平武功有員不能全于肅愍興廢之際然乎
皇明名臣記第十卷

子履準校

孫心材重校






REVISED NATIONAL CENTRAL LIBRARY, TAIWAN, R.O.C.



1970-1990 NATIONAL CENTRAL LIBRARY, TAIPEEN R.O.C.



國立中央圖書館

NATIONAL CENTRAL LIBRARY TAIWAN R.O.C.





4
1
3




皇朝名臣記第十一卷

吾學編第三十二

太子少傅劉節愍公

海鹽鄭曉

公名儁江陵人洪武十八年進士爲兵部主事累陞左侍郎建文中爲侍中靖難後陞尚書公有材力縝密勤敏能出奇慮變征交趾出募軍有功還受賞永樂六年趾賊簡定反出募沐晟軍敗生厭江被圍卒洪熙元年贈太子少傅諡節愍時都督僉事呂毅陷陣死交趾參政劉昱亦死毅項城人百戶從靖難陞督僉送陳天平至雞陵關敗宥罪



卷之十一
從征克鷹揚將軍掌交趾都司事沉勇有智畧是
武陵人嚴猛有吏才

少保陳節愍公

公名洽武進人淹貫經史謹敏有才識洪武中薦
布衣善書授兵科給事中憂去建文中起復文選
郎中靖難後陞右侍郎轉左改大理卿討交趾出
募軍兼給餉交趾平嚴將士功罪建校土官經理
兵食分守隘塞訓決如流皆中節適陞吏部左侍
郎是時黃尚書兼掌布按兩司事寬大專意撫輯
公甄拔才能振以風紀交人悅服還朝陞兵部尚

書鎮交趾仍募軍事洪熙元年召黃尚書還公代
兼兩司事仍募軍事未幾內官馬驥許欽暴交人
再叛攻交州城敗賊去王通復引兵渡河擊賊戰
寧橋公力陳利害言賊狡有伏誘我不可出通不
聽遇賊公奮身力戰不支被賊執不屈罵賊死事
聞上曰大臣以忠殉國一代幾人贈少保益節
愍官其子樞刑科給事中時交趾布政使弋謙上
言乞褒死節贈都指揮李任都督同知指揮使顧
福劉順徐琪皆都指揮同知指揮僉事劉安指揮
同知正千戶蔡顯指揮僉事副千戶桂勝正千戶



知府諒江劉子輔諒山易先布政司參政政平知
州何忠府同知內官馮智太監並復其家任金華
人襲父官靖難有功交賊被都督蔡福福至昌江
城呼任等降任馮福叛君賊狗彘不如與顧福等
且守且戰前後三十餘戰輒破賊賊益兵象攻九
關月糧盡衆困賊雲梯登城奪其門任復率死士
三戰三敗賊賊擁兵象大進不能支任福皆自刎
死智願自縊死城中人不肯降死者數千人子輔
廬陵人以太學生爲御史持身謹行儉約如布衣
用法公平不見喜怒迺浙江有風裁陸廣東按察

使坐累左遷守諒江撫民如子民亦愛戴于輔賊
攻城勢猖獗旁郡縣皆陷子輔獨效死守援又不
至食盡城破城中兵民盡闕死不肯降子輔曰郡
亡我亡義不污賊自縊死一子一妾皆先死何忠
江陵人進士爲御史持正永樂十九年三殿災言
事出知政平州明敏有吏才居州廉慈忠計事上
藩司會寧橋軍敗賊乘勝逼城城山侯詭與賊和
且請赦朝廷賊遣酋陳渭老表謝密令忠勝同渭
老行請益兵征勦至昌江內使徐訓泄其謀賊拘
忠等欲降忠志不聽刀鋸臨忠不降且鋸忠忠登



大罵賊勝亦不屈忠父子及勝同日死麟與顛守立溫賊攻城糧盡稍卒罷卒固守城陷無一人降者賊屠城顛皆自縊死易先湘陰人國子生爲知府諒山有善政任滿當還友人乞留進三品麟留諒山城陷自縊死劉安征交趾功留官交趾前衛守備又安將還保東關至富良江遇賊被執安密與衆謀候討賊兵至內應千戶包宣以告賊賊將殺安安與指揮陳麟奮起奪賊刀殺數人自刎都督慕福都指揮朱廣薛聚于瓊指揮魯貴千戶李忠皆伏誅福鎮守又安不與賊戰率廣等降賊

又教賊造攻具破東關時有官軍九千餘人蔡憤欲劫焚賊營福又遣百戶李英告賊賊盡殺九千餘人遂攻破昌江等城又輒至各城說降至清化知州羅通罵福反賊宣德三年黎利歸福等京師盡棄市籍其家又有馮貴侯保爲交趾左右叅政討賊力戰死景陵卽位贈二人左右布政使

太傅曹文忠公

公名雋字 寧晉人疏俊明偉內剛外和練達困契才量出人初鄉舉著代州訓導非其好也願得一劇官自效改泰和典史益肆力問學嘗督工



卷之十一
匠入京自陳願就禮部試宣德八年進士第一授翰林修撰正統五年陞侍講九年陞翰林學士十一年入內閣典政典制文詞宏潤日講音旨清暢尋陞吏部左侍郎兼學士是時東楊卒凡議大政諸闈老推決於公公才明敏類東楊視中官王振正色不少假振益憚公十四年浚土木贈太傅文淵閣大學士謚文襄政議文忠賜衣冠葬官其孫榮錦本世百戶

少保鄒忠肅公

公名瑩字孟質宜春人永樂辛卯鄉貢士理刑都

察院以廉平名十一年為監察御史時駕在北京有言南京鈔法滯衆謂將起大獄公往搆市豪一二歸奏曰市人聞令懼鈔法通矣事遂已十六年石州人告變摧陝西按察副使勅公事即實會官軍勅公察其誣乃反獄亡命妄言冀脫死聞上止弗問誅誣者宣德四年陝右饑移粟煮粥全活人公最清謹父又賢嘗市褐寄父父貽書罵何處得此褐者以不義污我父教官公欲見父聘陝西考鄉試父又大怒罵辭不至歸憂服除陞應天尹興利去害市征田稅皆酌其平豪猾不得為輕重正



統元年進兵部左侍郎時尚書王驥西征公任部
事有勞一上與除戎籍四年京師淫雨壞廬舍公
言此陰陽爲沴兵陰也臣等不職所致乞罷歸田
里不許久之進尚書時欲變易軍伍使南北人各
適土性下羣議公曰此舊制不可紊稍有變易將
不勝其弊各將誰歸卒不動十四年上北征虜
力止不允比出關又請回鑿王振惡公矯旨令與
戶部王尚書佐隨老管至懷安墜馬幾殆從者請
留就醫藥曰天子在前可託疾求自便力疾至雲
中還至宣府虜大至公再上章請疾驅入關而嚴

兵爲殿皆不報最後請行殿力請振怒曰腐儒安
知兵事再妄言必死公曰我爲社稷生靈言何得
以死懼我振愈怒叱左右扶出明日次土木師覆
遇害贈少保謚忠肅佐海豐人永樂中貢士爲給
事中正統初陞戶部侍郎六年陞尚書十二年兼
吏部事佐狀貌魁梧器宇深厚政有體要心無苛
隘耻不若人晚嗜學問贈少保謚忠簡

論曰劉

傳陳

洽曹鄭

鶴鄭

南征北伐倉卒遇賊非

所謂以死勤事者耶劉陳宣力遐徵從事獨賢始
焉共命終焉效死可無憾也曹平章宥鄭典司

戎政不能力爭於朝卒致萬乘蒙塵捐軀草野悔
無及矣

皇明名臣記第十一卷

子履準校

孫心材重校

皇明名臣記第十二卷

吾學公編第三十三

侍郎段公

海鹽鄭曉

公名民字時舉武進人永樂二年進士庚吉士與
修永樂大典除刑部主事又與修五經四書性理
大全進員外郎郎中永樂十八年妖賊唐賽兒反
山東十九年冬陞山東左叅政討平之廷議擇守
臣當是時索賽兒急盡逮山東北京尼既又盡逮
天下出家婦女先後幾萬人公撫定綏輯曲爲解
釋人情始安再駕征北虜勅公轉餉舟自濟寧至

戎政不能力爭於朝卒致萬乘蒙塵捐軀草野悔
無及矣

皇明名臣記第十一卷

子履準校

孫心材重校

皇明名臣記第十二卷

吾學公編第三十三

侍郎段公

海鹽鄭曉

公名民字時舉武進人永樂二年進士庚吉士與
修永樂大典除刑部主事又與修五經四書性理
大全進員外郎郎中永樂十八年妖賊唐賽兒反
山東十九年冬陞山東左叅政討平之廷議擇守
臣當是時索賽兒急盡逮山東北京尼既又盡逮
天下出家婦女先後幾萬人公撫定綏輯曲爲解
釋人情始安再駕征北虜勅公轉餉舟自濟寧至

通州俄又令陸轉居庸關出塞公節約曲算省財
力民不擾事集道中忽降勅令公與巡按御史考
所過郡縣吏宣德二年召考會試禮部三年召入
戶部爲右侍郎瀚刷奸垢出納清允尋改刑部特
賜勅公廉介端謹令考察在京百司先是榜例越
訴者杖百譴成邊公請罪如律九年卒官貧不能
喪吳文恪公力爲經紀始克殮成化間葉文莊公
請褒公不果公好古力學精練吏事廉平勁直人
莫敢干以私

都御史顧公

公名佐字禮卿太康人建文二年進士爲知縣莊
浪拜御史巡廣西採木四川防守邊陞陞山西按
察副使再陞應天府尹尋以營建冗棘改順天公
歷兩京尹剛稜不撓貴戚豪勳歛戢永樂十九年
貴州有夷警改按察使貴州或曰勲戚家不利公
以故相排撼去獻陵素知公廉健召爲通政使宣
德三年臣僚者縱御史多淫貪不法都御史劉觀
被斥上問東西楊廷臣孰可掌憲者二人未卽
對上曰未必乏人至此西楊言通政使顧佐歷
內外臺有風采東楊亦言佐尹京威廉上喜曰



佐乃能如此。擢右副都御史與重書曰：都察院朝廷耳目，國家綱紀，用得其人，則庶政清平。羣僚警肅，否則百職怠弛。小人橫恣，近年在京諸司奸弊紛出，司風憲者不能糾舉，且與和同，國何賴焉。爾佐剛直，廉正簡在，朕心特畀。新任其竭誠盡力，恪恭夙夜，毋憚勤勞。彈劾愆，毋避權要，毋枉良善。毋縱姦宄，各道御史即宜齊聲，凡廉勤公正老成醇厚者，留用不違政體，貪淫無耻及曾犯贓罪者，送吏部降黜。公差給假，丁憂者亦如之。御史缺行，吏部慎選，不得濫授。欽哉。公遂考覈御史貪淫不

律嚴暉等二十人，謫吏遼東不違政體李孟宣等九人，降典史老疾馮斌等三人，爲民五年。暉潛入京造詞脅人，公又劾暉踪跡詭秘，且欲殺臣。上誅暉西市。陞右都御史，好吏犯科者，據奏公受諫，金私遺歸。上以公臺端不欲發其過，密示西楊且曰：爾不舉佐廉乎。西楊聞奏謝曰：事有之。願中朝官祿薄，僕馬薪芻咸資之。隸遺諫，隸得歸耕，官得資費，中朝官皆然。臣亦然。蓋自永樂至於今

先帝固知之，以故增中朝官俸。上怒曰：朕方擇佐用，小人輒誣，佐必下法。司法對曰：末事不足干



上怒請付佐治恩法並行矣 上召公授吏狀且
諭曰此不足爲卿累小人不樂卿檢制敢誣正人
汝自治之公頓首謝公呼吏至言 上命我治汝
汝宜改行吾且貸汝 上聞之益喜數月又有囚
告公久淹不理 上又怒召西楊諭曰此必死囚
教之欲中傷佐立命三法司會鞫實出千戶臧清
清殺無罪家三人奉當死繫獄 上曰不誅清佐
安能行法立命礪清西市是年在告行在兵部右
侍郎王驥署院事時 上熟郊巡必勅公及勲臣
居守八年又在告吏部尚書郭瑾養院事正統元

年開公尺籍二年公考察去御史邵宗宗九載滿
在吏部 上爲原宗詰公公請老勅戶部復公家
家居十餘年卒公性嚴重守正嫉邪人知敬憚以
故竟擿之去公旦晚小憇外廬立呵藤戶外官僚
行道者輒引避入內直廬獨處小夾室非議政不
與諸司羣坐先是有師遠者東阿人長陵北巡嘗
問 太子南京羣臣孰廉 太子對曰皆廉 上
曰從朕北來者率好貨惟吏部侍郎師遠一人廉
耳遠起太學生歷御史按察使堅貞有風裁靖難
後陞兵部右侍郎改吏部領行在吏部事征胡總



軍餉陞南京戶部尚書兼領吏部選孝行純至操履端潔又有進賢向瑤洪武十八年進士歷職方員外郎九年滿陞通政使不能奉對自陳改應天尹建文中坐累謫廣西靖難後復府尹坐繫獄數年左運運司判官獻陵知其廉直召為副都御史兼詹事宣德初蒞南臺致仕珪有文學屢經窮阨介節不渝蔬食水飲布衣泊如也

尚書耿清惠公

公名九疇字禹範盧氏人永樂二十二年進士宣德六年為禮科給事中議論持大體有清譽正統

二年兩淮鹽法大弊擢運司同知公性節儉嚴肅尤慎交接無毫髮私吏胥豪商勢家凜凜不敢肆嘗條奏鹽法便宜事著令內報鹽場數千人走關下乞留陞都轉運使嘗坐水旁童子曰水清不若使君清已而被誣逮下獄得釋又以都御史清理兩淮鹽法 景帝初陞刑部右侍郎屢辯疑獄勢利不能休有婦訟其夫坐離異公不可杖其婦歸夫尋出理兩淮鹽法已兼江北巡撫歲凶盜起公善循拊流民復業者七萬家勅錄諸郡大辟囚寃得釋者二十六人有婦人來何苟家者去而死婦



家訟苟與弟殺婦苟誣服公疑釋苟兄弟已而竟
得殺婦者警家也代還京景泰三年王文當出陝
西鎮守代陳箴文不欲行諷諸御史留已公以侍
郎出陝西鎮守除弊屏貪威望益著先是巡撫多
部寺司堂上官文移不得輒下按察司不肯受約
束公奏得徑下邊將請增臨洮諸衛戍兵下公議
言邊城士卒不為少將官能嚴紀律精練習動撫
恤絕侵漁養銳氣一可當百加以賞罰明信人人
自奮不然徒冗食耳竟不增戍是秋勅公考察陝
西方而官四年冬陝西左布政使許資言侍郎鎮

守與御史不相攝文移輒廢改公右副都御史鎮
守會有旨市羊角為上供燈公疏論曰昔宋神宗
買浙燈蘇軾諫止今買羊角製燈無乃類是書曰
不矜細行終累大德 上遂止天順元年公來自
陝西留為右都御史勅公考察諸御史是年諸御
史劾曹石逮詔獄并逮公降江西右布政使尋轉
四川 上知公清正一日對輔臣論人才言九疇
去非其罪南楊對曰九疇操行誠不易得未幾以
禮部召至京陛見 上憐其老改南京刑部尚書
曰遂卿優閒四年卒 上又曰可惜此老以左都



御史蕭維禎代公公孝友純至居喪秉禮平生無他嗜好公退焚香讀書而已交遊不泛請寄不至其門雖權貴亦敬憚不敢犯論事是非確然不肯諛隨好善嫉邪別白太過以故與衆寡合累遭讒困卒謚清惠子裕自有傳

尚書年恭定公

公名富字大有懷遠人本姓嚴籍詛爲年永樂中鄉貢爲山東德平訓導乞修定先師廟配享從祀封爵禮儀召爲吏科給事中糾正違失務存大體陞陝西叅政巡歷郡邑察民隱革奸弊興學勸農

尤嫉賊吏正統九年陞河南布政使儉民流粟十數萬剽掠居民撫輯散解力行節儉却侈靡風俗爲之一變也先數侵邊陞左副都御史提督大同軍務舉廢政革科徵抑豪橫廣屯田民始有更生之望軍功爵賞必覈無濫襄垣王遜燁誣公公請老戶部言公廉威爲奸豪所忌不可許景帝爲勅王守法度勿得汗風憲大臣卒吳淮誣公不法謂侵郭總兵坐總兵上于謙上議曰穰苴布衣監莊賈軍以軍法誅賈卒破秦晉齊以一穰苴故穰強列國兼度御史中丞督淮西諸大帥平蔡我朝

近日左都御史王翔右僉都御史郝來學皆坐總兵上以軍令出翔等淮妄言沮軍法宜究主者事遂寢公又嘗按山西參政林厚坐厚法厚亦誣公臺置獄訊 景帝曰厚怨富富執法公廉誣富得自便朕以邊事付富終不以一人言辱富厚竟削籍公又按分守內臣革力轉貪虐力轉誣公寢按御史爲雪公誣狀事得已天順初石彪倚亭中公危法逮詔獄 上素知公南楊又力爲解得致仕未幾南楊薦賈銓爲戶部尚書召銓至又薦公左右不悅公者輒巧譖沮公 上諭南楊戶部非年

富不可對曰人多不喜富 上曰富執法宜可國計竟召公爲戶部尚書時王忠肅公年七十八上又諭南楊曰繼翔吏部非富不可公經理財賦蒞以勤廉不動聲色出納節適八年春陝西用兵督餉非人屢乏軍興公薦楊璠余子俊吏部疏論公侵官公上言薦賢爲國同心共濟若事輒任已勦率尤人恐乖推讓之風自失寅恭之義且乞致仕不許公剛正朴忠簡言寡慾遇事直前不顧利害氣節才識世不易得卒年七十謚恭定

都御史軒公

公名親字惟行鹿邑人永樂二十二年進士天性廉介進士督漕淮上嚴冬忽墮水援出裹被坐有司急進衣却去竟俟舊衣乾除行人司副陞監察御史正統元年與御史十六人出清理軍政清修苦節嚴明不苛人畏服之陞浙江按察使前使奢汰不檢公矯以清約禁絕和買四時一布袍蔬食不厭約諸僚三日出休易肉一斤多不能堪故舊軒廉使殺雞爲客大破費遭喪即行僚屬尚未及知時守浙阮監丞隨亦情謹安靖與公善公旣去

陳璇代公亦清嚴浙吳稱治景泰四年公爲副都御史巡撫浙江改南臺內艮奔喪天順初首用公爲刑部尚書耿公爲右都御史二人廉介有名海內信向未幾耿公欲去居亨太果反爲亨逐去公亦病請致仕上召公至文華殿面論留視公疾不可強與致仕陞辭上復問公曰昔浙江廉使考滿歸家僅二竹籠是汝乎公頓首謝又問卿年未老病愈再可用乎公又頓首辭疾上賜金爲道路費公去上復思公召爲左都御史督南京糧儲公嚴毅遇人無賢否悉峻拒不與接歲時請



禮部拜表慶賀屏居一室撤燭朝服端坐寂無一
言鼓嚴出行禮禮畢竟御肩輿歸僚儕聞公來輒
避去不樂與公處南武庫郎沈琮嘗言留都大臣
惟公及魏驥廉平峻偉不務文飾聞令吏寫公牘
數十冊卒後修史有司從其家取行實無有也公
前有南海周新者永樂中爲浙江按察使廉梗有
威爲錦衣紀綱中傷死獻陵每悼惜之人稱新爲
冷面寒鐵公

都御史魯公

公名魯字希文天台人永樂四年進士爲監察

御史執法不撓獻陵監國時列上漢庶人不法罪
狀留中陞福建按察僉事理寬濫懲貪墨摧豪強
直介孤立行一意不可干以私泉州人有李姓者
妻吳美舊與富姻林私李調官廣西林令二僮從
李行殺李道中并殺其姪吳竟適林李宗人訴之
郡郡得賂反坐李宗人誣又訴按察司司得賂如
郡十餘年未決公故廉得踪跡甚詳一訊林即服
漳富人許初無子後兒子已而妾有子與兒子貨
三之一托已子許死兄子言妾子非許子也逐去
盡奪其貨公大召縣中父老及許宗人詢之皆曰

卷之二十一
子本許種也兒子始服罪起陞會都御史召入
臺正統七年巡視應天府公幼舉動異常兒稍長
攻苦食淡力學博經史嘗大書座右咬得萊根百
事可做比入官請寄不行問遣並絕義色正詞清
心寡慾蒞政臨民外嚴內恕決疑應變才氣雄敏
歷官中外三十餘年家無餘貲沒不能歛公卿贈
賻僅足棺衾國初有薛祥無爲州人佐孝陵開國
有功歷陞工部尚書頗以慈言闕下獄死家徙瓊
州孫遠進士授戶部主事天順初使交南還陞右
侍郎母憂去起復爲工部侍郎治河河南尋察揚

州河四十里成化初兵討兩廣叛徠改戶部調兵
食諭衆能破賊者卽有其輜重人人奮勇師至大
藤峽賊平陞左侍郎三年進尚書總督京儲六年
行視漕河十三年致仕又明年起爲南京兵部尚
書參贊機務十六年致仕弘治八年卒年八十三
遠於禮樂兵刑天官律曆無不涉獵尤熟國朝典
故在戶部最久文移奏劄悉出其手改定戶部事
例芟繁正詛均節委積內外遠近多寡輕重咸有
品式會校出納吏胥拱手時中外競陳利害始一
人以爲可行而行又一人以爲可罷而罷公一切

TIFFEN Color Control Patches

Blue Cyan Green Yellow Red Magenta White Black



弗聽遠居官四十年家無長物食無兼味室無腰
妾曰少吾事親恒不足今安忍有餘

尚書林恭肅公

公名鶚字一鶚浙太平人景泰二年進士初爲御
史時言官得志輒妄言摺據中傷人益交結橫甚
公獨特大體略細故嘗監試禮部內閣陳王子不
得舉誣考官劉文介公又以公兄子林挺得舉誣
公私挺建挺考訊且并逐公及校挺文文固有辭
理事得白裕陵復位盡左遷諸言事瑣猥狹勢聽
張者簡諸守正持大體者爲大郡知府公知鎮江

此辭召見賜食楮幣諭擢用意公至鄣及汲典利
除害不出一言暴前人短鎮江漕河孔道往經孟
瀆險議鑿河自七里港引金山上流通丹陽避孟
瀆公言迂遠多石又壞民廬墓請按京口開甘露
壩故迹稍深浚通舟舂夏啓閉秋冬度壩道里近
功力省又不損民壞地利甚便竟停役從公言未
幾更劇治蘇州公一切簡靖卽有建革必審覈再
三異人重公名旦夕責效頗笑守迂緩已而見其
深思曲算圖久遠利卽又稱林太守廉濟才也超
拜江西按察使平反寬獄必據律不肯輒重輕徇

上下意廣信有妖賊妄稱天神夏尚書等旁近邑
盡警變公榜縛其魁事遂解否且用兵或起大獄
歷兩布政使歲饑奏減民田租十五萬石嶺南有
僨寇急調兵食捍境上寇不得入境成化六年陞
刑部侍郎審訊刑獄必從密詞劄督屬開務適
情法內艱去服闋召刑部侍郎時年未五十譽望
出諸卿右衆冀公大用未幾卒官貧無以爲欲黃
文杖謝文肅二公經紀歸其喪公秉禮植義造次
必恭慎公餘輒危坐閱書史臨古帖作楷書寢必
夜半漏盡卽起馭下稍嚴交遊不苟事母程淑人

都御史楊公

公名繼宗字永芳山西陽城人天順元年進士性
頗直言動岳落初爲刑部主事獄中重囚數百又
桎梏多臭腐死公巡牢曰此曹罪皆死卽未死亦
宜善視時與食飲櫛沐蘇活人無算會廷議擇郡
守王忠肅公薦知嘉興府公携一蒼頭書一篋署
中蕭然如菽舍興學勸士閔農賑災夙夜不懈民

有事至郡和顏曲問盡得郡中諸豪奸及良馴狀
與民所疾苦爲調劑興革有孔御史者核威凌有
司杖殺人公榜通衢孔御史酷隄人至死者言府
孔御史見之卽之旁郡去嘉興當江南孔道內臣
往來百方索賂公直與菱藕曆日內臣曰我無用
此太守幸與我金錢或好布絹公曰諾卽出牒取
庫金云與太監市布絹卽索金錢又出牒取庫金
錢入饋曰布絹金錢在也幸與印券附案他日庶
勘內臣咋舌不敢受公有大節持風裁薄臬御史
皆儆敬公公在郡誅鋤奸豪盡束手斂跡但得改

過卽止不深究滿九載民遮道扶携不忍舍去爲
立生祠祀公陞浙江按察使公在嘉興廉聲正氣
滿天下比至浙臬威信益著貪墨吏望風走避盡
革諸司和市鎮守內臣橫日索供萬錢公一符下
杭盡革去未幾內艱一篋自隨惟衣數襲大明律
書數冊而已制終起爲僉都御史巡撫順天永平
政宣庄田占民者盡奪還民成化二十一年上疏
忤旨左遷雲南按察副使弘治元年陞湖廣按察
使再陞僉都御史巡撫雲南卒於官公好善惡惡
出於天性與人不苟合人亦禪其方嚴居官三十




餘年所至民懷父母吏畏神明忠孝諒直光明俊
偉雖庸人孺子皆知其名或言公別白太明節目
太疏言論太激非知公者也

太子少保樊清簡公

公名登字廷璧常山人天順八年進士爲御史巡
兩淮豪有力者憚公清介莫敢撓阻條上清軍事
宜行之者令文巡雲南交人誘邊氓盜掠殺吏民
方議用兵公移諭禍福交人畏御史清梗皆納款
知松江府府故富驥公布衣蔬食字於士民又議
折徵米穀減布緩征通幹漕法數事行之再知平

陽以黃孔昭薦陞河南按察使未幾尹應天府三
年陞南工部侍郎改都御史巡撫湖廣計擒錦田
賊酋散解其黨奏省諸藩王營造費金凡百萬計
尋以疾致仕薦起撫治鄖陽鄖襄流冗安輯馬鈞
陽又薦召爲南刑部侍郎雲南晝晦五日勅公考
察雲貴諸吏罷遣千餘人召還部爲尚書十八年
致仕正德三年逆瑾誣公妄理隆平侯事及擅減
上供布收贖奪其官比瑾誅公卒己三年詔復公
官十四年贈太子少保謚清簡公明習律令潔已
好修侃侃自樹交遊稀寡人皆敬而畏之



都御史熊莊簡公

公名纘字汝明道州人成化二年進士為御史坐
事謫清豐知縣累官都御史巡撫延綏操勵潔廉
自甘蔬布飯廬有美不入私室憂邊練武套虜三
年不大入寒爰去家拜兵部侍郎陞兩廣右都御
史逾年召入南臺正德三年中官李榮怒傳旨庶
繡致仕公屏居山中斷絕書問生事蕭條俯仰益
恬適卒時子已夭繼子又夭巡撫秦金為請予朝
贈南刑部尚書明年太僕少卿何孟春上疏曰竊
見致仕故都御史熊纘事母能孝事兄能友居貴

能貧居常能儉歆歷中外四十餘年守法徇公推
賢嫉惡不邀時譽不急近功言無爽於屬垣行弗
虧於傾影往年都御史戴珊張敦華卒其門生屬
吏子孫咸請易名主事張鳳翔孔琦卒鄉人請卹
其家 聖朝表勸清賢不吝恩需纘才節操履無
讓珊等賜諡卹孤惟宸衷軫允幸甚詔給纘繼子
子端米月一石諡莊簡時有工部侍郎潘禮歸德
人清廉恬退未老乞休弘治間年八十一巡撫韓
邦問疏言經歷官居鄉益堅晚節草廬蔬食不求
安飽詔給米月三石南工部尚書胡拱辰淳安人

TIFFEN Color Control Patches

Blue Cyan Green Yellow Red Magenta White 3/Color Black

著勞績晚益清謹弘治間御史上其貧薄特給與
廩正德初遣行人存問年九十二贈太子少傅諡
莊懿邦問亦仕至尚書致仕年九十二卒仁和
王琦字文進舉人乙榜授汝州學正陞御史山西
僉事提學改四川乞致仕歸清介自持不治生產
冬大雪寒僵臥不能出門戶或唁之曰吾求無愧
於心耳雖饑寒無不樂也天順間竟以饑寒卒臨
潼李崙字世瞻篤實莊重雖祁寒暑雨手不釋卷
成化六年進士歷知廬州府陞河南參政清慎絕
俗吏事克修卒之日貧不能葬妻郝至饑寒守臣

爲奏上得給月米終其身沙河朱裳字公垂正德
九年進士少屬清節貧困裕如也提學御史顧潛
知裳檄府資裳學京師裳不受躬自炊汲爲御史
寒約如故巡按山西山東有風宋人稱裳爲長齋
御史爲華昌知府歷浙江副使福建按察使浙江
左布政使副都御史治河乞歸再起治河卒清堅
自信士頌其廉民懷其惠知友服其不市名饒州
孫需字孚吉成化八年進士歷官南京吏部尚書
守法畏公議白首清風皜然不滓雖不能發揚功
名有赫赫之譽顧正德間大臣多掎克回適需獨



以廉約稱卒贈太子太保謚清簡絳人陶瑛字廷
信成化十七年進士歷仕至都御史三理漕事嘉
靖初爲工部尚書改南京兵部參贊機務乞致仕
加太子太保歸瑛宏才偉度累試繁劇郵國勤民
勤著聲績中忤權倖屢進屢退方殺直亮善愠不
形自奉儉節每飯一蔬微行罷歸蕭然行李三竹
筒祖產者數十年卒年八十四贈少保謚恭介子
滋正德九年進士爲武選郎中論大禮論成南京
有梁材字大用弘治十二年進士常爲令守歷官
至戶部尚書清約自厲在戶部國有大役諸案有

虞警節縮財用不肯加賦於民時翊國公郭勛竈
用事橫費度支金錢百萬計公力權抑爲助所中
傷削籍歸卒生理蕭然

尚書陳公

公名壽字本仁新淦人成籍遼東成化八年進士
弘治元年以都給事中陞大理寺丞御史爭寺丞
勅公吏部尚書三原王公言壽廉正稱執法吏改
南光祿少卿陞御南鴻臚十三年陞僉都御史巡
撫延綏十六年陞南京副都御史正德元年南京
科道劾逆瑾被逮公抗疏救諸言官瑾怒奪職八



年薦起巡撫陝西未幾遷南京兵部侍郎九上疏
乞休陞南京刑部尚書致仕初壽在科萬貴妃寵
族人橫甚中官梁方又結妖僧繼曉干國是公疏
論繫詔獄得釋在榆林會火篩入寇出奇兵却之
加俸一等既歸田杜門謝客陝西鎮守內臣廖鎰
暴虐吏民楊文襄公言公忠鯁輕去就宜起公撫
陝公至陝清勁鎰畏欲戡比公去陝人號哭權公
不得行公卒久之都督楊宏陝人也上疏言壽仁
廉恤下知兵能過虜請卹其後公歷官四十年大
半在散地食祿任事不久而廉名最著老無所予

歸諸子旅寓臨洮環堵蕭然歿不能葬久之親舊
相周僅歸其喪公爲言官時直論時政得失無隱
不喜彈劾人曰吾父戒我勿作刑官枉人若言官
枉人尤甚吾不敢妄言文襄公曰宋王素爲諫官
言人材難得無事之時當爲朝廷愛惜程明道爲
御史告君曰使臣拾遺補過則可若搜索臣下短
長以沽直名臣不能也本仁得之矣

論曰 成祖痛懲賊吏然左右大臣亦有好利蓄
貸聚馬者獨段公民以清謹受知顧九耿九年

富三公皆有孝肅清獻之風屢遭頑諛非特 聖

TIFFEN Color Control Patches

ColorChecker 3000
Blue Cyan Green Yellow Red Magenta White 3/Color Black

明幾陷奇禍軒魯林楊魯林楊陳壽五公剛
毅直方不可犯顧於民有惠政樊公魯林楊熊公陳壽清
舉字洽竟與時違不究其用

皇明名臣記第十二卷

子履準校

孫心材直校

皇明名臣記第十三卷

吾學編第三十四

侍郎李忠文公

海鹽鄭曉

公名時勉名懋以字行安福人永樂二年進士公
少有大志七歲小學四書皆成誦甫成童每自勵
曰顏曾希聖四勿三省長益肆力問學冬寒衾裏
足納桶中刻苦盡讀諸經史庶吉士時預修太
祖實錄爰去服闋授主事刑部召入修書書成進
翰林侍讀十九年三殿災求直言條上十五事未
幾讒搆下獄二十一年出獄復其官獻陵初即位

TIFFEN Color Control Patches

Blue Cyan Green Yellow Red Magenta White 3/Color Black

明幾陷奇禍軒魯林楊魯林楊陳壽五公剛
毅直方不可犯顧於民有惠政樊公魯林楊熊公陳壽清
舉字洽竟與時違不究其用

皇明名臣記第十二卷

子履準校

孫心材直校

皇明名臣記第十三卷

吾學編第三十四

侍郎李忠文公

海鹽鄭曉

公名時勉名懋以字行安福人永樂二年進士公
少有大志七歲小學四書皆成誦甫成童每自勵
曰顏曾希聖四勿三省長益肆力問學冬寒衾裏
足納桶中刻苦盡讀諸經史庶吉士時預修太
祖實錄爰去服闋授主事刑部召入修書書成進
翰林侍讀十九年三殿災求直言條上十五事未
幾讒搆下獄二十一年出獄復其官獻陵初即位

TIFFEN Color Control Patches

Blue Cyan Green Yellow Red Magenta White 3/Color Black

公有疏諫疏留中不知所指云何 上怒縛至便
殿命力士播十八瓜折其肋幾死明日改監察御
史又明日下詔獄宣德元年十月 上恨公言慤
觸 仁考怒令縛時勉來朕面鞠必殺時勉已又
令王指揮縛時勉斬西市王指揮出端西旁門公
已爲先輩使者縛入端東旁門門中相左王指揮
至獄知公人亟走還縛公送西市公已得見 上
上頷憐時勉忠臣能直言立脫公桎梏復其官預
修 兩朝實錄陞侍讀學士正統三年進學士尋
陞因子祭酒是時具祭酒罷西楊款祭酒難其人


公曰豈逐之人耶程雲南在旁言無過公者公不
悅竟以公爲祭酒初公與陳敬宗在翰林袁忠徹
叟二人並列曰二公他日功名相埒陳儀觀魁梧
公貌稍寢闇者未信後二人皆至祭酒陳方嚴肅
下公平恕得士並著聲太學公崇廉耻抑奔競別
賢否示勸懲一新條教變士習諸生貧不能婚病
不能醫死不能葬者節縮餐錢力爲贍給督諸生
讀書與寢有常燈光達旦書聲不絕恩義浹洽不
啻父子王振惡公守正傾搆公荷校國學門諸生
相大用上章願以身代號哭奔走闕下請赦公者

數千人以故得解尋乞致仕去諸生走涕泣送觀者塞途商賈爲罷市又明年聞北狩北而頓首號慟上疏言選將練兵親君子遠小人褒表忠節迎還車駕復警雪耻數事景泰元年卒年七十七謚文毅成化中贈禮部侍郎改謚忠文公文學老成操行修潔節義足以表俗剛正足以任事量足以容而志不可奪宣德中姑蘇有陳僉事祥初以進士仕永樂時爲河南參議與分巡官交章言事編置均州奉和山且十年景陵起爲御史疏請上讀大學衍義上怒曰蠻蠻朕不讀書大學且不

識豈堪作皇帝乎并遣其妻子族人繫詔獄五年出獄復發遼府不法事又下獄出又劾法司亂成法吳文定公曰陳御史忠義之心剛大之氣踏而復奮幾死不悔天下想望其風宋云

祭酒陳公

公名敬宗字光世慈谿人永樂二年進士時選庶吉士七十餘人再選留曾祭及公等二十八人讀書文淵閣上時臨試勗其文行公預修永樂大典成授刑部主事明習法律練達時政永樂十二年預修五經四書性理大全入史館預重修高



皇寶錄成改翰林侍讀北京賦平胡頌及爲舍
陰厲頌十七年春卿雲見甘露降獻聖德瑞應頌
是冬甘露再降于孝以松柏復獻頌又獻龍馬獻
麟獅子瑞虞賦內獻之云宣德改元起復修 兩朝
實錄未及成轉南京國子司業秩滿陞祭酒公美
鬚髯容儀端整步履有定則人望之起教又居太
學力以師道自任嚴立教條痛革舊習日勵諸生
進學成德是時宗之政肅於朝廷公以是得名亦
以是致怨僚屬生 懷忿訟公法司請逮理周文
襄曰益疏申雪即 屬草詞或謂張公驚曰得無

誑君周笑曰律奏重 不實耳不果上事亦竟白勝
關中楊尚發解試禮 師下第疏乞入南監從公學
上從之禹至監清苦力學修行後舉禮部亦第一
廷試第二仕至戶部 書公善飲嘗飲襄城伯李
隆所陸知重公賓罷 留公再飲飲醺言駭儼
然若未嘗飲者一夕飲過劇兀坐喧顯中人伺公
見公拳握最謹其矜嚴心禮如此公剛正介潔不
見喜愠撓之不亂澄之心清官太學二十餘年諸
生多位至卿貳公獨久不調意豁如也時北監祭
酒李時勉約東諸生身 亦嚴世稱南陳北李景

泰元年引年與魏文靖公同致仕公德望文章名聞朝野既退家居不輕出入被其容接莫不興起別號澹庵居士至是又號休樂老人云有詩文十八卷行於時曰澹庵居士集天順三年卒年八十三彭惠安公贊曰行方而嚴學優而粹勢利紛如類然無累抑抑德隅人望知畏詞林重輕卜其進退時有古廉於公作配古廉卽時勉

尚書魏文靖公

公名驥字仲彥蕭山人永樂三年鄉舉明年爲松江府學訓導汲汲成就人才諸生讀書學宮或夜


燈焚膏勞問諸生益感激自奮滿九載諸生楊珠等詣闕乞留歲陝監國令還任復教三年十七年師遣薦陞太常博士宣德初陞行在吏部侍郎踰年轉南京太常少卿三年召試行在吏部侍郎踰年爲真八年老辭調禮部又辭調南京吏部正統十三年陞尚書景泰元年七十七致仕公嘗至京師大學士陳循公所取士謁公曰先生雖位冢宰未嘗得立朝願少待公曰君爲輔臣宜爲天下進賢才不得私一產主意稍不悅循亦愧茂陵復位進祭祿大夫居家二十年布袍糲食不治生產端

厚祗慎簡約廉勤願徑直好別白君子小人權要
人不悅性好吟詠矢口適情不求雕飾自有雋味
老年事其兄教諭馴愈恭謹成化間監察御史梁
防疏公有德有壽請如漢故事優禮特遣行人存
問賜羊酒有司加祭月三石公病遺書子完勿擾
鄉里營墳墓已有司得請如例葬祭完以遺言力
辭公身不勝表言不出口清德雅望海內達尊卒
年九十八謚文靖

都御史吳文恪公

公名訥字敏德常熟人父爲沅陵主簿誣繫京公

乞身代事未白父歿治喪如禮公篤行好古兼善
醫術有名江東郡邑文薦爲學官不就永樂末舉
醫生至南京疏懇辭時 太子監國知公命教大
臣子弟於禮部儀侍郎重公遣子銘從學洪熙元
年除監察御史歷陞南院僉副都御史敬慎直廉
不務矯飾議論舉措自耻詭隨嘗巡撫浙西表陸
宣公里修岳鄂王墓斷秦檜碑輒以扶植綱常爲
務爲文根柢經書出入遷固博覽詳玩通達今古
在臺十餘年昌詞義色風采凜然雖心存恕厚未
嘗察察求人過而奸賊不法之徒自然消縮摧沮



宣德五年請老手不釋卷年八十六卒謚文恪所著小學解集錄文章辨體行於世

侍郎葉文莊公

公名盛字與中崑山人正統十年進士授兵科給事中已巳之變率同列請誅將臣扈從失律者謝天下然後練兵選將討虜復讜如此則大綱既正大義自伸一日三疏悉中機宜虜退請明賞罰言效勞如孫鏗死事如謝澤韓清宜賞以示勸守關不嚴赴難不力不可不罰以示懲陞都給事中監守城兵劾于少保德勝之捷時北虜方張大臣有

奏留邊兵守京師者公言今日之事邊關爲急後者獨石馬管不棄則六師何以陷土木紫荆白羊不破則虜騎何以薄都城邊關不固縱守京師不過保九門耳如陵寢郊壇社稷田里生靈何急宜固守宣府居庸便會河南陳州流民聚爲變勅公往視除貪虐賑饑寒民稍解散得安韋景泰元年春還朝疏進沒名書請迎駕者留中三年遷山西右參政督宣府軍餉尋以李秉薦偏贊獨石諸城守備都督孫安軍務獨石馬管八城被虜殘毀未復列上利害可興革八條得次第罷行又設緩鋪



便行旅均蔬圃給將士贍死扶傷興學練士制度
品式纖悉備具又請官銀五千兩買牛千頭摘戍
卒不任戰者屯田給軍中諸費七年外艱去天順
二年召爲右僉都御史巡撫兩廣起復公至廣請
令鹽商入米餉邊與都督顏彪破賊若八百所斬
首萬級八年移鎮宣府代李秉修建屯堡虜至烽
墩輒發不得掠人畜養老優賢留意風教公在兩
廣時丘文莊公不喜以故李文達公亦惡公遂有
謗公殺降至斥公勞授嶺南者成化二年文達卒
上欲得人入內閣勅王忠肅公慎簡內閣忠肅公

薦柯潛萬安劉定之公吳節五人 上用定之四
年陞公禮部侍郎五年改吏部六年賑圻內八年
北虜入河套議增兵設險或請大舉搜套驅虜出
河外沿河築城堡抵東勝從民耕守其中勅公往
議方略上言搜河套復東勝未可輕議惟增兵守
險可爲遠圖宜令守臣剗削邊墻增築城堡收新
軍以實邊選士兵以助守便 上從之九年轉左
侍郎公在吏部留意人才務求行實議論恒守經
義未幾卒年五十五謚文莊公博學宏才清修苦
節言行相孚文武兼濟每稱慕范希文惜其未獲



柄用當是時慎選諫官如公及姚夔林聰尹旻張
寧章皆狀貌才識行藝相副尹嘗問張宣德以來
科中人物誰第一張曰李聰尹曰李聰何敢望與
中

尚書楊文懿公

公名守陳字維新鄞人景泰二年進士更三長有
禮益讀書充養天順二年授翰林編修成化二年
累官司經洗馬充講官經進公進講武成篇曰論
語稱舜無爲周書稱武王垂拱皆能致治後世人
主有深拱禁中委政內侍者召閭樂之禍高居無

爲惟對嬖艷者啓祿山之亂何也蓋舜武能衆相
除凶惇信明義憂勞於先逸安於後後世直安危
利災以逸居適以故危亡八年遷侍講學士內艱
去一官五品十六年或諷公援有力者謝曰我嬖
婦抱節三十年今老矣改志耶泰陵出閣簡公曰
講時文華大訓成篇目放大學衍義顧事涉中官
即刪去公毅然曰是不足訓迹其善惡得失條錄
以進尋陞少詹事兼侍講學士公未柄用衆望日
起薦國子祭酒薦吏部侍郎又薦入內閣皆不果
用泰陵即位進官察官柄臣忌公擬侍郎南吏部



上覽疏曰守陳宜留此即塗去南京字未幾詔議
祧禮禮官請祧懿祖以德祖比宋僖祖百世
不遷公疏言禮天子七廟祖功宗德故凡號太祖
者即始祖必以配天若商周契稷皆有功德非直
原本統也宋僖及我德祖可比商報乙周亞圉
非契稷比議者習見宋儒嘗取王安石說遂使七
廟既有始祖又有太祖太祖配天又不得正位南
向各與實乖非禮或曰降而合食以尊就卑不可
謂禮不又有大禘乎憲宗升祫請并祧德懿
熙三祖自仁祖下爲七廟異時祧盡則太祖

擬契稷而祧主藏于後衰禘禮行于前廟時享尊
太祖祫祭尊德祖恩義各不失尊功德是崇庶
無悖禮時不能從弘治元年疏論講學聽政累數
百言畧曰陛下御極以來屏棄珍玩放迷奇袤聽
納忠諫躬覽題奏持此不懈可幾堯舜臣愚過慮
正始猶易保終實難若內養弗深外資弗博銳志
少懈愆心漸滋有初鮮終古今大戒乞開經筵御
午朝聽講未明輒賜清問必求明悟不憚咨詢午
朝政事口奏畧節而領裁斷其有軍國重務即召
大臣從容面議仍許諫官隨仗彈駁大抵一日之



間居文華殿之時多處乾清宮之時少俾賢才當
接於耳目視聽不偏於左右則內外交修始終如
一若但如近日日講午朝應故事凡百題奏皆付
司禮諸臣調旨批答臣恐積弊未革後患滋深

上是公言下禮部三月御經筵禮部并請午朝得
如公奏後數年 上時召輔臣坐論政事閱章奏

皆自公發之大臣頗畏 上英明一見即頓首伏
地請退 上留再三又謝容臣等出議上 上每

退歎息公在吏部侶侶持正論會修 憲宗實錄
文副總裁再請解部事專史職不允未逾年又辭

且請老曰吏部進退百官衆怨所集尚書王恕尚
不免人言况臣迂疎宜亟退伏林泉宜上不許公
力請老以本官兼詹事丞專職文館而以張莊簡
公代公公嘗曰固可減史不可減靖難後不記建
文君事遂使當時朝政與方黃死事諸臣皆闕落
無傳及今蒐采猶可補輯 景帝已正位號 英
宗實錄標目猶書廊庑王附宜改正凡疏留中者
即忠言正議國家大政事例不得登實錄宜宣付
史館以備遺忘疏具病不果上卒謚文懿後二年
實錄成始贈禮部尚書公孝友方正與人交篤於



信誼居常恂恂身若不勝衣言若不出口至說理
論事辯是非毅然不可屈博學多識文詞淳雅五
經四書時有獨見不泥古說錄爲私抄凡數百卷
第守陞南史部尚書從弟守隨掌大理寺事工部
尚書謚康簡守馮廣西布政使二子茂元刑部侍郎
郎茂仁四川按察使濟美世其家

太子太保張莊簡公

公名篋字時敏華亭人天順四年進士少凝靜篤
學力行鄉里推重及居官未職守法以不欺爲本
自刑部出爲浙江提學初樹名校士尋曰我且自

疑人誰信我請託親覲屹不爲動成化二年湖廣
按察使朝覲時東廠尚銘忌公伺察無所得未幾
銘敗歷陞工部侍郎泰陵即位諸大臣相率求去
位公獨不可曰更新之始正當竭忠報國豈可言
去弘治元年改禮部再改吏部六年大旱陳違舊
章恤小民崇儉素裁冗食禁濫罰數事又上修德
圖治二疏時三原在吏部倚信公三原致仕衆望
屬公徐丘皆不喜公欲用翰林入吏部出公南銓
尚書尋改兵部參贊機務公凝重簡靜上下安之
平居謹畏小心無疾言厲色至臨事卓有定見未

嘗以恩慙利害動其心嘗謂人曰古之聖賢其過人遠甚凡所缺爲皆公無私故其事業光明俊偉今之人去古聖遠矣每事竭其公忠猶恐不及况復濟之以私乎或言有善讀書不善作官者公笑曰此正不善讀書耳公性素清約終始不渝四年六疏乞歸上爲賜聖書加太子少保致仕歸處舊居杜門不出見風俗奢靡日益崇節儉率子孫至於待賓日費不敢少豐以助薄俗嘗有言揭屏間示人曰客至留饌儉約適情者隨有而設酒隨量而傾雖新親不擡飯雖大賓不宰牲匪直戒

奢侈而可久亦將免煩勞以安生卒贈太子太保謚莊簡楊文懿公嘗曰吾友三人時敏廷秀鳳儀皆始仕刑部爲名卿

尚書謝文肅公

公名鐸字鳴治浙太平人天順八年進士成化元年授翰林編修校勘通鑑綱目因上封事言講學圖治昔宋神宗喜通鑑理宗好綱目皆不能推之政治願陛下求賢講學按史實經窮理修身以立大本大本立則萬目自舉十一年進侍講未幾請告弘治元年薦起修實錄三年陞南園子祭酒上



修明教化六事明年致仕又累薦十二年家拜禮部侍郎掌國子祭酒事力辭不允公先後在國學律已率人嚴立規約兩監中故有美金公畫藉於官均贍僚屬構書樓東西庑舍三十餘區居博湫溢益市地闢其斜側又市盧舍三十餘區居博士助教諸學官諸生貧者贍給死者贖襚皆出美全不私入一錢請從祀楊時斥吳澄條上教人欲才之術十六年預修通鑑纂要足歲請致仕特賜告正德三年理勤致仕五年卒年七十六贈尚書諡文肅公忠誠孝友性氣屹屹好善嫉邪不屑互

回非其書不讀非其友不交非其時不仕家居稍
有餘財周賑宗戚蔬食布衣囊無長物鄉人方正
學殞身滅族沉鬱百年公不避忌諱收綴遺文行
於世所著有桃溪集續西山讀書記伊洛源洞續
錄元史本末宰輔沿革國朝名臣事略尊鄉錄赤
城新志論諫錄祭禮儀注公嘗曰我太祖有度
越歷代者五事攘克夷狄收復諸夏也肇基南服
統一天下也威加勝國鋒刃不交也躬自創業臨
御最久也申明祖訓家法最嚴也

太子少保章文懿公



公名懋字德懋蘭谿人成化二年禮部貢士第一
公少遊庠校讀書學問夙經濟志略然不自銜露
進士入翰林爲庶吉士逾年除編修內庭張燈下
詞臣賦詩公謂莊昶黃仲昭曰國家無事海宇治
安內廷燃燈朝士踏歌傳之徃史已非盛事此蘇
長公所以有跋而深惜其君之不用也 今天子
仁聖孝奉二宮將以備耳目之娛極天下之養則
斯舉固足以爲樂然大孝養志吾輩查諫明日三
人同上章以培養聖德爲言 上怒杖三人闕下
左遷知臨武縣稱三君子時羅一峰論內閣大臣

起復非禮亦諫官又稱爲翰林四諫公未行給事
中毛玉論救改南京大理左評事一考陞福建按
察僉事毅然以振風紀爲己任雖盡心職業領直
以德學顯而不以吏事名其議處番貨通貿易使
商聽福安民採礦絕盜托清軍擒秦寧之寇先賑
濟平尤沙之賊善政卓然一考至吏部乞致仕時
年四十一閉門卻掃跡弗入城府四方弟子執業
問難顯賢名公卿巖穴隱士仰風接軫貧無供具
刈蔬脫粟餉之家食二十餘年公卿臺諫累薦弘
治十二年召謝文肅公爲北監祭酒十四年召公



祭酒南監時遭父喪力辭詔增司業員聽終制赴官十六年服闋上任謹架度尚德化厲廉耻諸生翕然向風尋上修舉學政條陳弊政二疏正德元年陳言治道要務五事曰勤聖學隆繼述謹大婚重詔令敬天戒再疏乞休未允任滿三載疏引年不待報歸復三疏始得請五年陞南太常卿辭六年陞南禮部侍郎辭致仕嘉靖初進南禮部尚書致仕公平生襟懷坦蕩不修城府器度宏偉不見涯涘望之服朴即之和厚聽其言開心見誠好賢禮士樂人為善包荒蕪疾與物無忤人與之交則

親與之言則信或以不情處之亦不違億也居常無甚異同至臨大事決大議則據經援古確乎不易性尤寡慾衣服飲食官室器用隨寓而安百凡嗜好一不入其心行藏去就以時而動惟義之歸董仕九轉至八座居官不過十年歷俸僅滿三考難進易退之節世尤高之嘗論學者須大其心胸蓋心大則百物皆通必有窮理工夫心變會大又須心小必有涵養工夫心變會小論學術去程朱未久又大壞必須真聖賢出方能救得論政體必先格君心收人才固民心為本然後政事可舉論



世道惟唐虞三代之盛皆是聖人在上致中和下此則一奉一否祗憑氣運推盪耳論家法如鄭義門兄弟讓死篤義如此其家安得不悠久乎論風俗須做橫渠復古之志行藍田呂氏鄉約庶可一變而厚論居敬自謂于專一上見功覺得心中無甚放僻邪侈之雜論窮理謂于精義處得力見得進退辭受之節頗分明不敢放過姜食事鱗贊公喜怒不形于色恩怨不繫于心矜伐不出諸口驕奉不措于身碩膚不自見小疵不自揜以闇然自命可謂稱情矣楊文恪公曰儒雅如黃禾軒彙

邁如莊定山公飲華就實獨立其間風節如羅一峰習靜如陳白沙公既博復約自成一家至於收四海無取之譽庸五福無疆之年此則同時諸老未有或之先者也嗚呼在漢東都不為危言之叔度在宋鷺湖不立異論之伯恭公之謂矣辛年八十六贈太子太保謚文懿子孫皆天孫誥又不慧晚有子接公卒特恩與國子生從子極歷官工部尚書有才行

太子太保吳文定公

公名寬字原博長洲人成化八年進士第一人時



年三十八公爲諸生時有文行卽負重望徐武功
嘗稱吳生館陶器歲貢入太學張汝弼尤奇公歷
官翰林坊詹侍康陵東官官中侍豎不欲太子近
儒臣數移事聞講讀公奉官僚上疏曰仰惟東宮
講學寒暑風雨則止朔望令節則止一歲不過數
月一月不過數日一日不過數刻况又間有推移
時或罷飲古人八歲出就外傳欲離近習親正人
也借曰習讀於內終不若就傳于外 上嘉納公
進講開雅詳明意存規諷至理亂邪正安危之際
猶及復朗前冀開悟弘治十七年 孝肅太后崩

議稱壽廟禮先是成化四年 孝莊后崩中外

籍籍言 周太后萬歲後葬裕陵祭 睿廟禮皆

如適至是謚稱睿皇后與孝莊同輔臣覺其誤又
未敢顯言詔禮官議議又不能決賴 上仁聖張

主綱常再三召輔臣密議便殿悲愴感悟必欲如
禮又下議廷臣公以掌詹事與議衆促公言公出
行從容揖衆議臣曰魯頌姜嫄闕宮春秋考仲子

之宮皆別廟漢唐來皆然至宋始有並稱者其禮
已謬然昔諸帝繼室作配天子非後世子孫嗣承
帝位尊崇所生者惟宋李宸妃歿仁宗傷痛始追

尊稱祭非禮不足爲法衆議臣皆是公言定議上
上喜曰大義深恩並行不悖政稱 孝肅太皇太
后祀之末慈殿奉慈殿者在奉先殿西 上初建
奉祀母 孝穆太后令稍展其制中室奉 孝肅
左奉 孝穆嘉靖初右奉 孝安邵太后公忠信
宏厚廉行方嚴好古力學文翰淳美過權勢榮利
退避不殿及位尚者字制語衆屬望柄用忌公名
高者無沮公益非適無少望公兩爲吏部侍郎皆
充實錄會典通鑑纂要副總裁領語勅內閣以禮
部尚書掌詹事府卒贈太子太保謚文定王文恪

公稱公文不事追琢而體裁具存外若簡淡而意
味雋永明典文士獨推西楊有典則公無愧焉

論曰 太祖曰吾取士欲得經明行修博古通今

文質得中名實相稱者此十君子

李時勉陳諫張瑄

楊守陳張訥蕭可以當之行誼足以帥人文章足

以華國問學足以明道才諳足以濟務隱約足以
徵時所謂先進於禮樂者非歟嗟乎吾不得而見
之矣

皇明名臣記第十三卷

子履學校

孫心材重校



皇明名臣記第十四卷


吾學編第三十五

學士劉忠愍公

海鹽鄭曉

公名球字求樂更字廷振安福人永樂十九年進士初爲主事儀制薦侍經筵修宣宗實錄成改翰林侍講正統八年夏震奉天殿應詔陳十事其一勤聖學以正心德其二親政務以總乾綱其三別賢否以親正士其四選禮臣以隆祀典其五嚴考覈以督吏治其六慎刑罰以彰憲與其七罷營作以蘇人勞其八

其九息兵威



皇明名臣記第十四卷

吾學編第三十五

學士劉忠愍公

海鹽鄭曉

公名球字求樂更字廷振安福人永樂十九年進士初爲主事儀制薦侍經筵修宣宗實錄成改翰林侍講正統八年夏震奉天殿應詔陳十事其一勤聖學以正心德其二親政務以總乾綱其三別賢否以親正士其四選禮臣以隆祀典其五嚴考覈以督吏治其六慎刑罰以彰憲與其七罷營作以蘇人勞其八

其九息兵威



以重民命其十修武備以防外患王振怒公言總
乾綱意詆振欲置公死地不得會翰林修撰董璘
乞爲太常卿事神下詔獄公疏中偶言太常官必
得儒臣馬順附振喜曰此可并殺公遂臨考璘誣
服公爲畫此疏者矯古述公當朝粹公去公不知
何坐大呼死訴 太祖 太宗縛公至暗獄中斧
磔墓下碎其體極慘毒其邑人成器設公位龍泉
山巔爲文哭而祭之人名其地爲祭忠臺公天性
孝弟忠潔寬平議論堅正慷慨常依名節沉思積
學好義力行文詞鏗鏘金春玉應人共賞之如月

瑯天岸也正統十四年冬贈翰林學士益忠愍子
欽舒舉進士錢官廣東參政舒雲南按察使

寧丞鍾恭愍公

公名同字世京吉安永豐人景泰二年進士三年
冬爲監察御史易儲時每獨坐深思泣下已而懷
獻太子卒公入朝待漏與禮部郎中章綸論儲位
事慷慨流涕五年九月公遂上疏請復立沂王東
宮以固宗社并陳時政闕失疏入縛下詔獄械繫
極苦杖之不死又下獄六年八月又杖闕下下獄
竟死獄中時年三十二骸掩圜土莫敢收葬裕陵



復辟曰鍾同忠誠節義可貫金石贈大理左寺丞
官其子啓知縣茂陵又憐公忠受懷禍祿公妻羅
氏官其一子通政知事啓上疏請公遺骸得出園
土歸葬時公歿久矣血漬臂間洗出倍鮮好成化
二十三年公子援給例請謚禮官謂公應詔陳言
中及復僞事不若約言詳切執不與謚輿論嗤禮
官公得謚恭愍

尚書虞恭敏公

公名莊字安止吉水人宣德五年進士八年選庶
吉士十年給事中刑科正統六年出陝西賑饑得

便宜從事當是時西楊在內閣公抗章劾西楊不
職八年署大理寺事踰月陞大理丞十一年陞少
卿南京大理景泰五年七月災異下詔求言公上
疏仰惟 上皇被留虜庭 皇上撫有萬方屢降
詔書以大兄皇帝鑾輿未復虜孽未報爲意 皇
上之心卽堯親九族舜徵五典之心也賴郊廟神
靈 皇上勝算迎歸 上皇於南宮臣遠臣未知
皇上於萬幾之暇曾時朝見以叙天倫之樂敦友
愛之情否也臣自爲翰林庶吉士刑科給事中大
理寺丞時伏覲 上皇即位之初遣太師英國公



張輔吏部尚書郭瑾爲正副使冊封 皇上奄有大國每遇正旦冬至奉朝 皇上於東廡百官感 上皇兄弟友愛如此天下其有不治乎今幸 上皇迎歸伏望爲親親之恩萬幾之暇時時朝見 上皇于南宮或講明家法或商確治道仍令華臣時令亦得朝見以慰 上皇之心如此則孝弟刑于國家恩義通於神明災可弭而祥可召矣然所係之重又不特此太子者天下之本臣愚竊以爲 上皇諸子 皇上之猶子也宜令親近儒臣誦讀經書以待皇嗣之生使天下臣民曉然

知 皇上有公天下之心蓋天下者 太祖 太

宗之天下 仁宗 宣宗之繼體守成者此天下

也 上皇之北征亦爲此天下也今 皇上撫而

有之必能念 祖宗創業之艱難思所以繫屬天

下之人心矣近年日食星變地震且陷山崩水溢

災異疊見非止霜雪不時而已臣切憂心以爲弭

災召祥之道莫過於此詞意悲懇留中不報明年

閏六月內艱來京適章鍾二疏入 上忽念公往

年有疏大類二人并逮三人杖午門前幸不死謫

定羗驛丞裕陵復辟召還時內艱未闋繼遭父喪

名臣記 卷之四 四



上憐公忠特并與祭葬除服改南大理言官劾公
公請老 上曰莊有大節逾年卒贈刑部尚書蓋
奉敎公任性易直表裏洞然好剛尚氣言辭激
憤又好面折人人不能堪公已無芥蒂人故益恨
公公既抗忠獲罪名聞天下顧不屑謹細行遠嫌
好存謝宿客諸遊知爲權狎卒不能喪衆率錢相
哀助人始信公廉靖其閑遠天性然也

尚書章恭毅公

公名繪字大綸初名奇樂清人正統四年進士爲
主事南京禮部景泰初爲儀制郎中屢有論建又

條上太平十四事一曰躬履乾綱在聖德英明二
曰緝熙聖學在儒臣直說三曰面議大政在委任
孤卿四曰爲政得人在愛惜名爵五曰肅正朝綱
在激勸憲諫六曰廣開言路在聽用忠良七曰敬
畏天戒在下詔求言八曰精慎選舉在衆主得人
九曰嚴明考覈在黜陟公當十曰守備邊境在選
將練兵十一曰征討不庭在專任將帥十二曰禁
止罪犯在恪守律例十三曰官吏養廉在沙汰冗
職十四曰作興人材在教養有道反復萬餘言危
刺也先行成公言暫結和好力圖修攘又言災



愛非常宜下詔求言使獻太子卒人心危懼御史
鍾公諷禮部請復立沂王東宮禮部大臣縮首咋
舌曰作死公憤即具疏陳修德弭災十四事一畏
天戒二任突理三養聖躬四節幸御五務儉約六
勤論政七停孝義八慎賞賽九重名爵十革巡撫
十一擇重臣十二辨異端十三却貢獻十四汰冗
官其大者言內臣不可干外政佞臣不可假威福
後宮不宜盛聲色又言上皇君臨天下十有四
年陛下親爲臣子又以天位授陛下稱太上皇
帝天下至尊也月朔望及歲時節且宜率百官朝

見延安門復

注后於中官以正壺儀復沂王於

東宮以定國本

上見疏大怒下公詔獄炮烙燬

煉迫公引大臣及通南城狀體無完膚竟不承以
鍾同先嘗上言并逮欲殺二人會天大風雨黃霧
四塞乃止廖莊自南京來亦嘗請復儲者遂縛三
人至午門前杖一百鍾公死廖公遠謫公銅禁獄
中越二年裕陵復辟諫欺綸奸臣子爲朕家事受
苦毒出獄中脫桎梏拜禮部右侍郎上令內侍
檢公十四事疏不得內侍從旁誦數言上亟稱
歎曰好官人襄憲王來朝問公稱公節義天順二

年山東大水民饑守臣請免田租不允公再請得減十五公繫獄久固有足疾會石亨招公卿飲公不往楊善在禮部議論多相左忌公共短公上前改南禮部上言論賜金幣文華殿遣行尋改南京吏部茂陵即位有司以遺詔請大婚公上疏曰山陵尚新元朔未改百日從吉心實未安釋服公除雖有常制願諒陰大婚情禮自別乞勅禮部來春舉行成化元年兩淮饑條救荒四事四年勅公會南臺高明考之泰公欲盡去諸不職者高公不可公獨疏上南諸司構公激言官忿並誣章劾公

上特遣侍郎葉盛給事中毛弘即訊留都公遂得白五年秋星變自勅不允秩滿轉左十二年請老卒奉陵即位特贈尚書謚恭毅官其子立為鴻臚主簿公網詔獄二三年間景帝拒讒言教孝敬裕陵茂陵卒踐天祥者三君子有力焉成化初謝鐸預修英宗實錄檢公復儲疏不得輒歎息泣下曰公疏動萬言竟一字不傳何以示天下後世數白總裁劉定之徐應曰奏疏留中者例不書謝公曰景恭數年間事孰此為大不書此奚書蓋請上增入錄中竟不從長子玄應給事中南京

知府劉公

公名實字嘉秀安福人宣德五年進士改庶吉士未嘗投足權門自陳才薄親老乞教職會有詔汰庶官累千人公意且得教職竟為同知金華在金華三年不以妻子隨不與流輩伍廉操直節綽有聲稱金華早賦通叢積催科急民或鬻子女公疏得免又贈還其子女公聞輒探問經史即視事又掩卷已則復然草條或竊笑公不為改郡有頽孝子宗忠簡呂東萊祠墓公為修葺鄭義門合爨久不能給又買馬出力給傳山西公為疏乞免役權

順天府治中景泰中召修元史筆削任心無所咨承屈遜見他人書不合已意輒大笑聲徹閣陛間聞者驚訝相戒勿以葉示公擢南雄知府南雄當嶺南孔道商稅鉅萬知南雄者輒盈廩推其餘餌過客得其歡心且為游聲譽公至存稅十一繕郡學補張九齡大庾嶺松不肯私一錢未數月中貴使領外至南雄意得重賄不得苛辱公郡人擁公竟出中貴去至韶韶人為言南雄守且驛言中貴橫索賂辱太守事中貴懼急傳馬馳奏公抗勅使毀勅大不敬詔逮公至京下獄獄中上書言臣蒙

恩仕官三十年不以妻子自隨餐粗衣敝欲爲國
家愛養小民不忍勞費以是觸忤天使無所逃罪
上不復更窮治不數日竟卒獄中公喜著書尤長
於春秋中夜有得職童子燃燈起書如獲至寶生
平清強甘心貧窶與古廉吏范丹李及無異彭文
憲公稱公躬過人之操殷立絕俗之儀矩利誘不
回勞傷不沮

按察使楊公

公名瑄字廷獻豐城人景泰五年進士天順初爲
御史印馬圻內民羣訴曹石二凶奪民田若干頃

公疏劾二人怙寵擅權

上喜公敢言稱職命吏

部記公名且大用既還京彗字連見祥亨二凶日

益張公與十三道御史議班劾二凶有洩語二凶

者二凶先譖諸御史 上前登彈章入 上怒召

諸御史請文華殿俾誦彈章詰公公與御史周旋

且誦且對歷陳二凶罪狀甚悉下諸御史詔獄逼

公誣引大臣刑甚慘酷數瀕死卒一語不他及理

刑者文致公坐死掌道者謫戍餘貶斥奏上會京

城大風雹拔木壞屋走正陽門下馬牌于郊外得

從末滅公竟戍遼東鐵嶺道遇赦還或謂公宜請



二凶謝庶免後禍公不可復譴戍廣西南丹二凶
相繼逆誅釋歸田茂陵即位言官論奏復公官尋
陞浙江按察副使定海城北捍海塘縣西走馬堤
霏衛所裏外海塘徼跳所海鹽海塘皆公修築有
功海鹽塘踰二千三百丈工尤巨禦患尤大陞按
察使力振憲度察吏奸斷訟明教無留獄禁官署
毋箕桑爭民利諸婦女毋入寺觀廢風俗甬半載
病病垂察宋問候尚論築海塘法及濟西湖之利
無片言及私卒祠海鹽東海上著祀典子源弘治
間任五官監候正德元年七月源上疏言占候得

大角及心中星動搖天璇天權星不明乞安
居深宮絕遠遊獵罷弓馬嚴號令毋輕出入開除
內侍寵倖遊逸小人節賞賜止工役親元老大臣
日侍講習詩書疏下禮部部言源占候之言深切
時弊源復疏言十月二十六日占候得連日靈霧
交作爲衆邪之氣陰冒于陽臣欺于君小人擅權
爲下叛上引營甚力劉瑾怒矯旨杖三十源又疏
言自正德二年來一向占候得火星入太微垣帝
座前或東或西往來不一乞思患預防瑾又大怒
罵源爾何官亦學爲忠臣乎矯旨又杖三十請成

蕭州行至懷慶卒于河陽驛妻斬蘆覆尸葬之

光祿卿陳恭愍公

公名暹字士賢臨海人父員韜景泰中爲福建右布政使活沙盜賊從者萬人公天順三年進士爲御史成化初疏教羅倫論大學士李賢奪情非禮綱常偉議倫不宜譴劾學士倪謙錢溥干進又劾尚書馮昂諸大臣不職巡江西貪殘吏望風引去嶺南賊流入贛殺掠事聞未報公急調兵食捕賊改提學南圻陞按察副使河南提學言勤儉禮規約簡明誨訓生徒必求踐履抑斥憚怪靡弱之詞

在南圻先後三年變色之語不見於章縫折箠之笞不加於輿阜而人畏之如神明旣去思之如父母在河南亦然進按察使出死因冤濫者桂廷璋輩百數人貪殘吏結媚權貴人縱不法盡錮暴逐去奔內艱開封人遮道泣送者萬計歷廣東兩布政使減徭役革市舶中貴人戶與民均役凡戶庇中貴人者大抵皆富有也番人馬力麻往來販海上犯法詭蘇門答刺貢使公察其僞頌繫懷遠驛奏遣歸撒馬兒罕使怕陸灣等貢獅得厚賞中人護行至南海又欲航海市獅滿刺加國貢徽賞

公疏言珍禽奇獸之好不可以示外夷罷中國事
竟止公在廣東節財愛民中貴人積不能堪誣奏
公違法司即訊公嘗黜屬吏張聚中貴人鈎致聚
使誣公聚對法司顧大哭頭搶地言陳布政寬法
司者皆媚軟竟不能雪公械公上京師嶺南人號
哭挽留者又千萬計徒步日夜從公者數百人見
公鈴齋裏頭坐舟中夾道哭不休至南昌病卒正
德中贈光祿卿謚恭愍公學醇行方文詞簡古深
廉無私終身處竊經濟之才綽有展布實行高名
信於海內嘗曰居此官必盡此職行此事必盡此

心所註小學孝經冠祭禮儀等書行於世

論曰劉公球之言行必無已巳八月之事鍾公同

廖公莊章公綸之言行必無丁丑正月之事楊公瑄

之言行必無辛巳七月之事五公忠憤所激遇

事當言見死且不避彼受願指爲權貴人鷹犬博

一笑語者真天淵矣劉南雄實陳方伯選皆以節

用愛民故竹中貴人殞其身悲哉

皇明名臣記第十四卷

子履準校

孫心材重校

TIFFEN Color Control Patches

Blue Cyan Green Yellow Red Magenta White Black

30 Colors





國立中央圖書館, 臺灣, R.O.C.



NET 2008 NATIONAL CENTRAL LIBRARY, TAINAN, R.O.C



皇明名臣記第十五卷

吾學編第三十六

太師李文達公

海鹽鄭曉

公名賢字原德鄧州人宣德八年進士才藝有名
使山西見御史薛文清公益好學沉潛裕陵即位
疏言帝王之道赤子黎庶禽獸夷狄理一分殊愛
有差等指揮月俸三十五石者實支一石韃官顧
得實支十七石五十韃官一當華官十七有差京
師韃官美嘗萬計冗食橫賜其何能繼况非我族
類其心必異晉胡迭亂殷鑒不遠乞漸分徙正統



元年授驗封主事上言國家都北京以來頹弛莫甚于太學繕備莫多於佛寺興措如此可謂大奸孽詔新太學十年陞考功文選郎中選法公平十四年扈駕土木還 景帝初立上正本十策曰勤聖學願箴儆戒嗜慾絕玩好慎舉措崇節儉畏天變抑貴近振士風結民心景泰二年詔議禦房長策公請用戰車火鎗行可驅敵出境止可衛民力耕然善用長技存乎將士善馭將士存乎賞罰是年久陞兵部右侍郎明年考察四川諸吏又明年還改戶部上言也先弑君併吞諸夷包藏禍心今

聽其講和貢馬削凌膏血登送金帛醜類日強生民日困持此悠悠實非長策乞勅邊羣臣練兵觀隙于少保壯公言請下公章屬邊臣五年入吏部采君鑑中孝友恭儉事為鑑古錄獻上天順元年入內閣兼翰林學士山東饑請賑金內帑武功伯持不肯公力請發三萬兩 上特增四萬當時石曹表裏奸橫 上密諭輔臣稍抑其干請會御史楊瑄劾吉祥亨 上壯瑄令吏部籍瑄名且大用瑄二凶意出內閣哭頓首訴 上奴輩萬死一生迎復 皇上有貞賢必欲傾奴二人使無噍類又

伏地哭不休 上不得已諭言官劾武功伯及公

下詔獄是日忽雷電大風拔木 上悟釋公調外

亨吉祥亦輒對 上言天怒有貞賢故變異如此

上不應謂公福建參政瀕辭 上諭王忠肅公曰

賢不當與有貞並責王即頻首請改公南吏部王

意公且宜遠去避禍 上顧不喜曰南京遠仍留

賢吏部左侍郎學士亨吉祥又大恨顧 上意屬

公不得已匿怨接殿勤得同召對輒喜獨召公即

不喜疑公或短毀陰月進尚書天順二年東宮將

出關領春坊事吳處士聘至 上問授何官對曰

與爾老儒可授春坊論德侍東宮處士辭再三公
請從處士請賜風節三年亨坐誅 上問公迎復

事對曰此輩貪富貴非爲社稷計萬一景泰先覺

奈何天下人心歸嚮陛下者以正統十數年間節

用愛人與民休息今爲此輩十壞七八 上竦然

詔革奪門功陞者凡四千人是年賜公第當是時

上視朝左右顧必呼公與錦衣門達語良久乃已

五年虜李來入雲中塞至鴈門明年虜又入河西

塞公薦將帥顏彪等調兵食畫上五事等邊江南

北大水請下寬恤之詔詔中采柴一事歲省銀三



十餘萬兩賈賊反擊公傷首又劫公疏申救賊敗
上急召見公請下寬郵詔解散逆黨開言路加太
子少保時西師未解京城有變王竑白圭出禦虜
公丞請虜退即班師使民得屯種 章皇后崩值
冬享 太廟 上問公請俟釋服七年 上生足
疾不視朝 上問公遣官攝大祀公請駕出郊壇
即不能行禮遣攝 上力疾至齋宮復召問公朕
拜下不能起須人掖禮可藉人掖否對曰疾而
力行禮敬天掖何不可二月室中有聲公言上不
恤民厥有鼓妖請下寬恤詔靜慈仙師者景陵廢

民利病人事又率廷臣上言天下盜賊木息災傷
未止惟 祖宗創業垂統宮禁甚嚴內外閉密內
帑充積無得妄費遊有常所無起離宮賜有常度
無開倖穴 祖訓一書載此明備願垂省覽是年
冬卒於賜第贈太師諡文達公恭莊端重練達政
務不屑爲小廉曲謹薦用耿九疇軒輶年富王竑
李秉程信姚夔崔恭白圭許貴顏彪馮宗諸文武
大吏皆得其人天順四年 上諭選庶吉士必北
人公曰立賢無方何限於南政務任九卿議擬不
相侵奪時於 上前參酌可否爲行止王馬二公

在吏兵部皆上信任公又能調護以是兩尚書
得行其志景帝葬時左右請汪妃殉公請存妃
以全其母子上又欲赦建庶人出大內問公對
曰善左右或危言動上上皆從公遷汪妃於外
邸出建庶人吳庶人於中都

太傅商文毅公

公名輅字弘載淳安人宣德乙卯發解第一正統
九年會試明年廷試皆第一為翰林修撰十四年
景帝監國入內閣陞侍讀明年八月迎上皇於
居庸關九月陞學士景泰三年陞兵部左侍郎歷

兼左春坊大學士翰林學士太常少卿賜居第時
錦衣指揮盧忠妄言南內事中官阮浪死之窮治
不已公極言儉言不可聽忠始坐罪衆得釋景
帝不豫太監興安餽廷臣云何公曰今上宣宗
章皇帝子當復立宣宗章皇帝孫也非所當立
者疏未及進石亨輩奪門迎上皇復位亨素忌
公文致于少保詞中坐死奏上內批除名公去
上每念商學士旁有擠者久之不得召成化二年
遣使驛召至京以野服見復官入內閣首疏八事
勤政納諫儲將材飭邊備革冗員設社會崇先聖



之號以配天開入德之基以造士又言文廟從祀諸賢洪武中增董仲舒正統中增胡安國蔡沈真德秀但仲舒止稱舊官安國等贈謚未稱乞如伏勝等封伯爵四年議 慈懿皇太后喪禮得祔葬祔廟是年彗星見言官劾公力求退 上怒詰言

官曰唐太宗用王魏朕用輅何不可公又力請宥言官 上喜曰輅稱大臣言官得不問尋陞兵部尚書兼學士五年冬燠七年彗星再見天田入太極垣八年天下大水公上弭災七事崇正道謹命令親賢臣慎賞罰納諫諍勵官守恤軍民十年改

戶部尚書十一年兼文淵閣大學士 上嘗召見

從容議及 廊王監國時事公言景泰有社稷功

當復帝號左右聞者皆泣 上亦泣遂下詔上尊

謚公因對請立 皇子東宮先是 悼恭太子薨

上憂念已而知西宮有子六歲矣公上疏略曰

皇子聰明岐嶷國本攸繫天下歸心重以昭德宮

貴妃撫育保護恩踰已出百官萬民皆謂貴妃賢

哲近代無比但外議皆謂 皇子之母因病別居

久不得見揆之人情事體誠為未順伏望勅令就

近居住 皇子仍煩貴妃撫育俾朝夕之間便於



接見庶得遂母子之至情愜朝野之公論 上召
公擬 皇子名逾月 皇祖母薨於承壽宮公舉
宋李宸妃故事言得贈淑妃殮歛悉如禮是年十
一月立 皇子爲皇太子十二年加太子少保吏
部尚書十三年建玉皇閣宮北公疏言 皇上爲
此上爲 皇后祝釐下爲生民祈福 聖心誠敬
人所共知但稽之于古未爲合禮昔傳說告高宗
曰曠于祭祀時謂弗歛禮煩則亂事神則難乞停
罷神祠像送宮觀祭服祭器樂舞之具盡送太常
收貯一應齋醮之事悉皆停止勿爲褻瀆庶幾天


心昭鑒可以變災爲祥 上從之是歲進護身殿
大學士會黑背見條上八事曰番僧國師不得重
給符券曰四方常貢外勿受玩好曰諸色人許直
言自達曰分遣部使者錄囚理冤抑曰停不急營
造曰實三邊軍儲曰守沿邊關隘曰增置雲南巡
撫時汪直開西廠羅織數起大獄臣民恐悚公疏
言近日伺察太煩政令太急刑網太密人情疑畏
洵洵不安蓋緣委聽斷於汪直一人而直又寄耳
目於羣小如韋瑛王英輩并條直十罪又云直不
去天下必危 上怒曰一內豎輒能危天下乎太

監懷恩傳言詰言甚厲公曰朝臣無大小有罪皆請旨取問渠敢擅抄札三品以上京官大同宣府北門鎖鑰守備一日不可缺渠一日擄械數人南京 祖宗根本重地留守大臣渠敢擅自收捕諸近侍渠敢擅易置直不聽國家安得不危恩咋舌退奏上 上立命去西廠諸內臣故忌公會楊燁董璵事誣公不自安同列又讎從旁切擠公遂請老陞少保致仕公去萬安得爲首相遂復西廠直益橫諸大臣皆諂事直夾公家居十年卒年七十二贈太傅謚文毅公方果好直言與王文陳循高

穀彭時萬安劉吉先後共事每遇大議能持正吉嘗曰余與商公處數年未嘗見其妄殺一人馬鈞陽曰我朝賢佐商公第一楊文貞李文達不及也子良臣翰林侍講

太傅彭文憲公

公名時字純道安福人正統十三年進士第一人歷官翰林侍讀十四年與商公同日入內閣景泰元年春乞終繼母喪忤旨去三年服除不得入內閣供職翰林初公入閣與陳循共事稍周旋相可否天順元年九月岳正許彬譴罷 上召公見文



華殿問曰汝十三年狀元耶對曰臣不才誤蒙拔擢頓首 上又問第二陳鑑第三岳正乎對曰唯又問汝年幾何對曰犬馬齒四十二 上笑曰善賜酒飯出宮是時內閣進退甚輕惟公召見後下命以太常少卿兼翰林侍講復入內閣尋陞翰林學士 上嘗用南陽每召獨對或并召吏部兵部王馬兩尚書相商確南陽退亦諮公公持正論不相徇或至失色爭議定不相嫌南陽亦重公雅量天順末錦衣門達恬寵中傷南陽 上曰去賢行專用時內臣或語公公震然曰李公有經濟才胡

遂至此因力辯其誣謝內臣曰李公去時不得獨留語頗聞 上南陽事竟雪河南衛官強橫變人刺事者誣謀反煅煉成反獄公持不可坐如律活其家百口茂陵即位進吏部右侍郎兼學士尋進兵部尚書成化二年賜歸省還朝三年四川宣府遼東地震上疏陳六事 英宗實錄成進太子少保兼文淵閣大學士時侍講江朝宗楊守陳以實錄成陞洗馬久之以不兼翰林不得與院事不喜二人疏乞兼舊官且言 祖宗來官寮未有不兼翰林者下內閣公言諸君考滿時咸言寧無兼官

得陞二級足矣願復有此疏謂余不練朝章乎永樂中西楊以翰林學士改左春坊大學士未嘗兼舊官也竟不許四年疏言臣才謙迂陋冒內閣首僚不副羣望辭不允 孝莊太后崩公言漢文帝合葬呂后宋仁宗合葬劉后故事此國家綱常宜從典禮是年秋彗星見起三台時儲位久虛公懇乞修省疏言外廷大政固所當先宮中根本尤爲至急望正名均愛廣繼嗣爲宗社大計又言大臣進退皆宜斷自 聖衷不可專委旁近如 皇上素知其人亦宜召吏部面議或召臣等參詳庶權

歸朝廷人無希幸五年無雪疏言自古旱災皆由下民愁苦感動天變近日光祿寺買辦各城門抽分倍剋太甚而獻珍珠寶石者倍估增直規取府庫以萬民膏血充奸佞囊橐伏望懲革以惠生民進吏部尚書大學士如故七年冬彗復見疏言德政之要一罷佛事二謹命令三請退朝之暇延接大臣面議政事兼問軍民休戚訪人材賢否察治體風俗得失四重官賞節刑獄五聽受直言六戒屬百司奮厲事功七清理三營草場減退豪勢莊田嚴有司括剋之禁太監劉永誠殺家人陳有軍

功乞贈伯爲公力沮得寮八年水旱復疏時政闕
失乞放歸田不許十一年陞少保卒贈太傅諡文
憲公資稟既異充養同學敬謹粹溫休休好善秉
謙抒誠終歲未嘗一二宴會即會未嘗有音樂愛
惜天物片楮寸墨未嘗輕費非其義一毫不取

太傅徐文靖公

公名溥字時用宜興人景泰五年進士授編修天
順元年兼司經校書成化元年陞左庶子兼侍講
十年陞少詹事兼侍講學士十六年轉太常卿兼
學士明年禮部侍郎二十二年改吏部奉陵即位

以吏部侍郎兼學士入內閣是年十一月陞禮部
尚書兼文淵閣大學士弘治四年 憲宗實錄成
加太子太傅戶書武英殿大學士七年加少傅兼
太子太傅吏書謹身殿是年上言機務日繁誥勅
委積正統中王直王英皆侍郎兼學士在內閣專
誥勅 上從公言用李謝二文正公未幾星隕地
震京師雨土飛蝗乞罷不允八年命撰三清樂章
率同官上言天子祭天地夫天至尊無對故禮以
少爲貴祭不過南郊時不過孟春特不過牲牛漢
祀五帝儒者非之况三清乃邪妄之說謂一天之

上有三大帝乃以李唐居其一是以人鬼列於天神非禮也至于郊祀樂章 皇祖舊製今所傳樂章雖載永樂大典是書博采弗精不可以贖禮臣等誦習備音若邪說俚曲尤所不習且初設文淵閣命學士居之者實欲其謀議政事講論經史培養本源弼正闕失非欲其阿諛順旨以取容悅也上嘉納欽天監正李華者不職罷忽傳旨復職公言 皇上即位來大小陞降皆出題擬別無內降指揮以故干請斷絕華選張密葬地有勞宜量與賞券傳帖既行倖門遂啓臣等不敢阿從十年三

月奉太監急走內閣言

上坐文華殿宜因先生

公及劉李謝三公倉卒問故章對不知公等至殿頓首 上曰近前公等前諸司禮皆環跪御案傍

上曰看文書諸司禮取諸司題奏與公及劉公以

片紙數幅與李謝二公每一疏 上必曰與先生輩議公等擬批答上 上覽或更定二三字或刪

去一二句應手疾書略無疑滯公等懼不能稱

上意頓首請曰疏中事多者臣等請將下閣看詳擬上 上稍不說曰文書尚多欲盡閱閣中亦閉

盡就此面議諸輔臣又頓首曰唯自裕陵召見南

陽等後四十年茂陵及秦陵初歲不過一二見道
二三語是日公等得見 上天質明虛聖心仁厚
大喜願應對不能副 上意又輒慙懼自是不復
召十一年公目青乞休卒年七十二贈太傅謚文
靖公在相位數年間六部多得其人當是時災異
屢見旋復消滅虜寇蹊梁亦竟遁去天下稱平公
能任人凡弘治中所上章疏皆屬李公而公因事
納忠隨才器使屢遇大獄保全善類從容調劑弭
謗消讒雖無勇功智名而培養國家元氣多矣公
嘗置義田八百畝贖族請下戶部着籍

太師劉文靖公

公名健字希賢洛陽人天順四年進士授編修成
化中陞修撰歷諭德庶子少詹事事秦陵于東宮
東宮即位之年陞禮部侍郎兼學士入內閣四年
進尚書文淵閣大學士公初在翰林閉戶讀書交
遊稀寡衆謂公木強人已入閣益練習國家典故
人又謂公有經濟才當是時萬安劉吉相繼去宜
興瓊臺與公在內閣公正色簡言廉靖不肯依違
七年進太子太保武英殿大學士明年薦李謝二
公入內閣十一年 大明會典成進少傅太子太

傳戶書謹身殿大學士時 上方勵精凡國家大
事召見輔臣宜與去召公及李謝二公至文華殿
平臺煖閣面議大政如吳一貫張天祥微 睿皇
后陵寢殿禮進退五府四營公侯伯災異去留大
臣皆 上前相可否公確直見事稍遲李公才敏
達謝公方質三人同心時人語曰李公謀劉公斷
謝公允侃侃十六年加少師太子太師吏書華蓋
殿大學士是年五月一品滿九載當是時國家治
平無事 上顧公喜諭曰勞卿久矣兼支大學士
俸先是率同官上疏近有旨令中官徃武當山設

像懸旂修醮命臣等撰勅并祝文者竊聞茲山官
觀像設已極壯麗復有此舉實爲無益矧今災異
迭出生民困苦苗賊肆亂軍旅方興轉餉繕兵猶
恐不給君門萬里豈能悉知宜斥邪妄以遏無良
十七年又率同官上言近有旨朝陽門外修建壽
塔者臣等竊惟人主信佛莫梁武帝爲甚卒餓死
臺城信老莫宋徽宗爲甚卒囚斃房地本以求福
反以致禍觀諸往事可爲鑒戒我 祖宗相傳以
治天下者堯舜周孔之道而已似此異端靈財底
衆何闕于治佛塔之役非所以訓天下垂後世也



又令撰真人杜永祺等誥命及封號疏言臣等竊
惟異端不可信誥命封號不當與夫誥命朝廷所
以獎貞勵能雖卿士大臣必待秩滿考最乃得頒
給况 祖宗廟號不過十六字親王及文武大臣
有功德者謚號止一二字此輩何貴何能封號多
至十八字流布朝野傳聞後世皆曰此朝廷所賜
予儒臣所擬撰天下後世其謂之何十八年進左
柱國支正一品俸 上時憂勞思治益明習機務
眷念民瘼欲盡革諸煩苛弊憲召對極屏左右左
右不得聞大懼竊從屏隙中觀但聞 上數數稱

善 上仁慈敬慎尤欲守成法惡慘核公等亦見
太子未壯 上體清癯恐一旦禍起不可測務却
謀遠顧省機密發使天下隱受其福至 上語及
宮中事毅然欲創抑盡刷洗近侍權復 高皇帝
舊然亦未敢輕動也當是時三人者在內閣鈞陽
在吏部華容兵部浮梁都察院洪洞戶部同心勳
力天下仰望風采又明年 上遽病外議籍籍謂
禍本有所起也 上大慚召公三人入乾清宮受
顧命力疾起坐寢榻語在李公傳中康陵即位新
政猶肅未幾劉瑾等導 上遊戲廢政公三人上

疏極諫請詠璉等不報又與諸大臣伏闕門諫焦芳洩於璉璉得先見上泣請并斥言諸大臣過欺官家初冲上果疑怒諫竟不得入語在洪洞傳中公因乞致仕謝公亦去焦芳遂入內閣自是奸黨益熾羣小附之盡逐諸骨鯁卿士大夫瑾尚恨公不已矯勅羣臣指內官王岳范亨徐智公諸不附己者矯勅羣臣指內官王岳范亨徐智公及謝公洪洞浮梁楊公守隨林公瀚郎中李夢陽主事王守仁王綸孫祭黃昭檢討劉瑞給事中湯禮教陳寔徐昂陶諧劉蒞艾洪呂翀任惠李光翰

戴鏡徐蕃傲相徐暹張良衡葛嵩趙仕賢御史陳琳貢安甫史良佐曹鼎王弘任諾李熙王蕃陸崑張鳴鳳蕭乾元姚學禮黃昭道蔣欽薄彥徵潘鏗王良臣趙祐何天衢徐鉉楊瑋熊倬朱廷聲劉玉爲奸黨榜朝堂公益懼杜門謝客璉誅得復官致仕比上數巡邊幸江南輒泣不食歎曰吾死無以見先帝矣嘉靖初公年已九十降詔存問又遣樺屨卽其家賜束帛餼羊上尊酒又官公及謝公洪洞子並爲中書舍人公年九十四卒贈太師謚文靖公骨相奇古學問深粹行淳履正偉識宏

材早際 聖明晚罹奸佞進不盈移退不窘戚爲
近世賢輔嘉靖二十一年又官其曾孫一人爲尚
寶司丞

前少師大學士楊公

公名廷和字介夫新都人父春湖廣提學僉事公
成化十四年進士除檢討弘治三年陞修撰四年
陞侍讀九年改左中允憂去滿復除左中允十六
年陞左春坊大學士兼侍讀學士十八年陞少詹
事兼學士正德二年陞詹事仍兼學士內閣專管
誥勅陞戶部侍郎改南京吏部左侍郎尋陞南京

戶部尚書改戶部尚書文淵閣大學士入內閣三
年加少保兼太子太保四年修會典成降俸二等
俄以修實錄加俸二等五年進吏部尚書兼武英
殿大學士又進少傅兼太子太傅謹身殿大學士
七年加少師兼太子太師華蓋殿大學士十一年
憂去服闋梁文康請 上遣行人起公復入內閣
康陵崩內外危疑公擒滅凶奸奉 敬皇后旨遵
祖訓迎 今皇帝入繼大統改元一詔滿除弊政
朝野肅清 上勅封公伯辭不受一品十二載考
績進太傅賜褒勅宴禮部公辭太傅力諍大禮去

削籍子慎正德六年進士第一人亦以論大禮杖

闕下謫戍雲南

論曰文達

李賢

遇曹石異以行權文毅

商裕處永

壽昭德兩宮間順以濟險斯定難矣文憲

彭時乞

終喪起不得入內閣所謂儉德避難者與文靖

承萬劉之後有取斯之義焉康陵時劉公鞠躬盡

瘁以匡其始楊公

天祐撥亂反正以扶其終或去

或不去均之爲大臣乎

皇明名臣記第十五卷

子嚴準校

孫心材重校

皇明名臣記第十六卷

吾學編第三十七

太保王文瑞公

海鹽鄭曉

公名直字行儉太和人永樂二年進士爲庶吉士

翰林召入內閣書機密文字尋授修撰上巡北

京留黃文簡楊文貞及公輔導監國再巡扈駕憂

闕陞侍讀洪憲初進侍讀學士立太子陞右庶

子兼故官記注聖政聖訓宣德初進少詹事兼職

如故裕陵初總裁實錄成陞禮部左侍郎兼學士

尋典制誥正統六年出部佐胡忠安公八年爲尚



削籍子慎正德六年進士第一人亦以論大禮杖

闕下謫戍雲南

論曰文達

李賢

遇曹石異以行權文毅

商裕處永

壽昭德兩宮間順以濟險斯定難矣文憲

彭時乞

終喪起不得入內閣所謂儉德避難者與文靖

承萬劉之後有取斯之義焉康陵時劉公鞠躬盡

瘁以匡其始楊公

天祐撥亂反正以扶其終或去

或不去均之爲大臣乎

子嚴準校

孫心材重校

皇明名臣記第十六卷

吾學編第三十七

太保王文瑞公

海鹽鄭曉

公名直字行儉太和人永樂二年進士爲庶吉士
翰林召入內閣書機密文字尋授修撰上巡北

京留黃文簡楊文貞及公輔導監國再巡扈駕憂
闕陞侍讀洪憲初進侍讀學士立太子陞右庶

子兼故官記注聖政聖訓宣德初進少詹事兼職
如故裕陵初總裁實錄成陞禮部左侍郎兼學士

尋典制誥正統六年出部佐胡忠安公八年爲尚



書吏部代郭理十四年 上北狩學士周叙自南
京貽公書曰永樂宣德間嘗仰望少師東里先生
然迹其舉措究其底衷士大夫公論不容掩也易
曰知幾其神乎書曰慎終于始又曰惟克果斷乃
罔後艱竊思三楊輔政之初一幾也不深思熟慮
身任其責惟陽欲陰施掩人耳目雖曰自保其實
誤國故致今歲七月之禍此時先生與諸君子輔
政之初又一幾也宜鑒覆轍爲宗社生靈永遠之
謀失今不圖噬臍莫及豈得卽能效于房之從赤
松晉公之營綠野乎叙官至學士又具曆宋史之

修倘不卽死成此一事竊名穹壤間他當貴皆無
所望所念者國家安則民皆安叙輩亦可偷生畢
其素志今歲以來因朝廷屢有更張事不敢避禍
屢有所陳未審朝議以爲可采否自是以往亦不
敢潰告一語矣尋被劾得白初 上欲親征虜公
率廷臣疏止不獲命留守加太子太保 景帝初
進少傅屢乞遣使奉迎 上皇不允景泰元年禮
部議奏復迎 上御文華殿門諭大臣言官絕虜
公言報使便勿使有後悔 上不悅曰朕無意大
位若曹過謂朕宜今奈何異議于少保曰天位已

TIFFEN Color Control Patches



定孰敢他議祇答使舒邊急耳 上意始釋曰從汝從汝羣臣退纔出文華門內臣與安匍匐而呼曰曠堪使者有文天祥當弼其人乎衆未答公面赤厲聲曰是何言臣皆王臣唯 上是使敢弗行乎言至再詞色愈厲安語塞遂遣李實羅綺使虜三年立東宮加少師兼太子太師何文淵以左侍郎加太子太保爲尚書佐公中書舍人何觀勅公上不聽未幾文淵去王忠肅公代文淵爲御史練綱等論勸公累請老不許裕陵復位請老去公方面修輯器宇宏偉性嚴重寡言咲居家儼然及接

人和私可擗學富才敏詩文精緻在翰林三十餘年恭勤不怠旣秉銓軸益廉慎時方面官罷廷臣薦舉專屬吏部公留意人才于請斷絕奔競稍息居第隘陋曾不屑意臨川聶大年嘗謂公公不爲憾大年卒泣銘其墓恨未能薦大年也時江西二王東王謂公西王謂英公年八十四卒贈太保謚文端公歸田康樂嘗言西楊不欲予同事內閣出予理部事當是時不能無憾於西楊若使不出部丁丑正月當坐首禍能免遼陽之行乎

太保王忠肅公



公名翺字九臯鹽山人永樂十三年進士先是北人舉進士者輒在後是年初會試貢士北京公兩試皆高等上喜召見賜食改翰林庶吉士授大理左寺正註誤遷行人宣德元年西楊薦陞行在山東道御史謹重達大體十年陞僉都御史正統元年鎮守江西未幾巡浙江拊善摧奸吏民畏愛四年松番用兵不効公出贊理六年鎮陝西七年東虜殺掠吏民師出報北遼東西震動且據漁陽公提督軍務明年陞副都御史留撫遼東十二年出塞破虜有功陞右副都御史十四年陞左是年

秋虜分寇廣寧清野困之虜退去景泰二年召還臺尋加太子太保是年建州酋李滿住上番書乞留公遼東不許會善蠻寇兩廣兩廣副總兵董興武毅觀望不肯戰巡撫侍郎揭稽卒棠不相統賊益熾于少保請用安遠侯柳溥總督兩廣軍務如溥未可出臣謙及戶部尚書金濂翔乞用一人上用公明年蠻平召還臺是年夏吏部何尚書下獄致仕公以太子太保兼吏部尚書初公入四川尋布恩信招懷降附出賜金市牛酒慰犒番酋商巴等十八寨來歸不煩兵力松番遂定遼東法令



久弛不復知有朝廷賞罰以故虜至不敢戰戰亦不力公至諸將庭舉責其玩寇喪師失律當斬軍中股栗頭搶地言自今效死用命得釋公即出巡邊起山海抵關原繕濬塘溝五里爲堡十里爲屯烽燧斥墩千里相望虜見嚙指走公益簡練卒伍厥闕窮乏偶配鰥寡人情大悅邊寨孤遠軍輿輒置緣俗立法細大取贖十數年間得金穀馬牛羊數十萬邊用充餽器械明利士皆飽煖願得一戰報王公逾年督諸軍出塞大破虜斬首千級比至嶺南亦用取贖法時公威望已著諸蠻聞公來大

懼公畧其威推誠撫諭盜寇止息酋長信向公嘗言蠻戎推捕各有機宜以故四川兩廣得免騷擾之患公初入吏部佐王文端公天順初落太子太保文端公致仕專任公公嚴考察公銓注抑奔競杜請寄一時任使並稱得人南陽爲石亨逐去裕陵召見公問賢何如人公力言賢才行得復留內閣益見倚任南陽在內閣亦左右公上進退大臣時時召公面可否稱公先生屢乞休不允公以故得行其志天順五年加太子少保上嘗諭南陽曰今六部尚書庶皆得人但慮吏部王翱老爾



時公年七十八南陽對曰臣聞祿命之說翺壽最
高尚有十年 上喜曰如此無慮又曰如戶部年
富不易得南陽對曰若繼嗣吏部非富不可 上
曰然茂陵即位免公兩雪朝成化元年復太子太
保三年致仕卒年八十四贈太保謚忠肅公善知
人文武大吏施聚焦禮范信耿九疇軒輅年富李
秉程信皆公薦用公本北人嘗因召對裕陵曰北
人質直雄偉文章藻飾似不及南人願緩急得力
以故公推轂北人爲多至姚夔又反公性性右南
人清譽猶不及公功名損於禮部時公端方強毅

清白儉約立心制行循守禮法楊厲憂勤仰思待
旦居第三十餘年不改於舊 上特命有司起第
縣西公餘退宿朝房惟朝望時令歸謁先祠曹賊
亦知重公不忍加害南陽嘗曰臯陶言九德王公
有其五亂而敬擾而殺簡而廉剛而塞強而義彭
惠安公贊公淡然無欲不識姜嫄而况苞苴莫我
敢施古三不惑於公見之人皆以爲確論子齡世
官錫衣副千戶

太師王端毅公

公名恕字宗貫三原人正統十三年進士庶吉士

TIFFEN Color Control Patches



入翰林出爲大理寺副景泰五年出知揚州府屢
辨疑獄歲饑賑廩不俟報且給醫藥多所全活作
資政書院教鄉子弟天順四年歷遷江西河南右
左布政使安輯流冗解散盜賊成化元年陞右副
都御史撫治荆襄南陽蒙爭礦殺人獲渠魁餘悉
解散墮生乞避位因勸上去奢崇儉俄內艱會
襄陽盜起起復會總兵朱永搗其巢剽千斤石和
尚作亂佐王師三年討平之帥欲縱兵投山公不
可下令曰擅殺者斬復榜示流民復業爲建生祠
繪像事公四年轉左憲撫河南閏雨賑災均賦契

廉抑貪明年陞南京刑部侍郎外艱七年改刑部
總河道濬隄邦濟省河陞吏上疏言災異九年改
南戶部十二年改左副都御史巡撫雲南時鎮守
內臣錢能私市外夷誅求無厭公劾能其下懼而
自盡沒其實石并械數人致京師且劾上不實
異物凡花木禽獸寶玩宜一切拒絕又言昔交趾
鎮守非人致一方陷沒騰衝啓蒙致麓賊叛逆今
日之事殆又甚焉在雲南九閱月疏二十上十三
年進右都御史明年召理南臺兼參贊機務條上
江操京操事宜又明年改兵部尚書兼副都御史

TIFFEN Color Control Patches



巡撫江南直隸賑貧理冤全活萬計公以近年貢
獻太多所在騷擾疏言古之明王有投珠抵璧却
千里馬焚雉頭求者非不知珍玩之可愛恐因而
妨政害事力爲屏絕以固結人心爲宗社計也乞
崇恭儉爲天下先召還織造官明勅中外無獻珍
玩奇貨生民幸其中官王教乘傳至東南大索奇
說所至驚懼公上言當此凶歲調宜遣使賑濟而
乃橫索玩好昔唐太宗遣使諷梁州獻名鷹明皇
令益州織半臂背子揮撥錢牙李光亮蘇頌不奉
詔臣敢不效之又極言教苛暴夫人心損國體傷

和氣而召災沴 上立詔戒嚴久之敬等俱收捕
下獄斬其黨錦衣千戶王臣所謂王劄子者傳首
中外稱快二十年轉南京兵部尚書參贊機務尋
加太子少保會刑部員外郎林俊論妖僧建寺下
獄經歷張獻教俊亦下獄公上言二人志在盡忠
而得罪恐人自此以言爲諱設有奸邪誤國誰復
肯爲朝廷言者疏入留中會侍郎馬顯乞致仕內
批附公名落太子少保與顯並致仕主事王純論
公忠亮下純獄謫思南推官當是時天下無事內
則宦戚外則閹部各引私朋置清顯及汪直李孜

省内外交結得進退大臣大臣亦多低頭甘心依
附惟公著節不撓二十三年冬秦陵召爲吏部尚
書加太子太保公薦楊守陳彭韶張悅周經爲左
右侍郎耿裕何喬新倪岳皆引孟軻政忠諫久廢
如王儉黃仲昭賀欽迂直被抑如周瑛祁順並皆
薦用裁抑僅傳褒貶各節無敢以私干者博野在
內閣每持公公直已不屈南科道劾博野薦公入
閣博野惡南科道會南守備內臣與南科道相訐
南科道多貶斥者公力言宮中府中俱爲一體陟
罰臧否不宜異同知州劉祭御史李興以忤吉下

繼公力得減死內批通政司經歷高祿爲本司
參議公言祿出科目自能達到而越次超陞非所
以愛祿幸以天下之官待天下之士勿以親戚妨
公議徐生者太醫諸醫也傳陞院判公執奏下吏
部會禮部太醫院同御藥房太監選用公力爭
祖宗來未有吏部會內官推選官員例成憲不可
更末流不可救 上曰徐生善藥與院判公遠乞
休屢疏上 上曰卿持正輔佐朕心知之勿辭公
遇事輒言有不合即引疾求退 上每溫言留公
內閣滋不悅謂公好名徽王乞陞鈞州爲府晉王



乞爲世子別設典膳公皆論止兩廣都御史秦紘
劾安遠侯柳景不法紘坐致仕去公極言紘不當
致仕 上留紘爲南戶部尚書公在吏部時臺諫
劾巡撫及藩郡官內批下罷斥公以爲不得其職
連疏乞休皆不許南臺又薦公入內閣內閣益忌
公 上曰朕用寒義王直故事任怨吏部若有謀
議亦無不聽也弘治六年時瓊臺忌公爲御醫劉
文太草疏指斥公公亦疏辯 上留公公力求去
遂致仕公仕四十五年凡上三十餘疏皆忠直劄
切蓋憂世之志如范希文濟世之才如司馬君實

直諫如汲長孺惠愛如鄭子產年九十矣猶考論
著述言動必揆矩度嘗言我垂老方理會學問卒
年九十三贈太師謚端毅子承裕歷官南戶部尚
書謚康僖李夢陽曰國制文極六曹天造不論夏
蹇經綸惻愍 文皇北征全國是屬三楊熙績臺
省坐臻太平君佚臣勞所謂代天之相 英廟之
遇文達審畫顯斷萬機精嚴局體一變成化閩三
原河州單縣封丘居則岳屹動則雷擊大事斧斷
小細海蓄帷幄佞幸請劾必殛使見之者畏聞之
者懾斯其人死生富貴足動之哉然較之天順以

前則殊矣時與位不同耶委任權力殊耶弘治中華容洪洞鈞陽靈寶陽曲盧氏金陵安福咸稱名卿然志存納約行在精審苟濟其事小枉安焉局體又一變矣雖形迹罔暴義遵矯直亦運數然歟

少保倪文毅公

公名岳字舜咨錢塘人國初徙實上元父謙正統四年進士歷陞左春坊大學士兼侍講天順元年晉學士侍東宮上大學諸直解又明年考順天鄉試勢家子弟不獲俸進被誣謫戍開平八年赦還外艱去歷仕至南京禮部尚書卒贈太子少保諡

文僖文僖嘗奉命祀北嶽夫人姚夢緝袍神入室生公因以爲各公瓌偉秀異目光炯炯望之如神爲文敏捷若不經意天順元年進士入翰林爲編修考校纂綴精詳安雅進講上前敷古義傳時政言意剴切音吐洪亮上喜歷陞侍讀至學士留心世務經史之餘凡生民休戚財計登縮戎禦利害無不諳暢歷官執政每大廷集議慷慨持正論一時儀文古典軍國重計多公定裁公又長於奏議一寫千言春容咆達考古道今會文切理下至瑣屑案牘吏人旁候運筆如飛畧不經意成化



二十三年茂陵升祔詔禮官集議時耿裕爲尚書
公侍郎疏言 國朝 九廟已備今 憲宗祔廟
議者咸謂 德懿倍仁四廟以次當祔至 太祖
爲百世不遷之祖是知尊 太祖而不知 太祖
之尊其祖也昔周既追王太王王季又上祀先公
以天子之禮國家自 德祖以上莫推其世則
德祖比周之后稷不可祧明甚 懿倍仁三祖以
次當祔 太祖 文皇爲周文武百世不遷禮也
憲宗升祔當祔 懿祖一廟宜於太廟寢殿後列
建藏祧之所如古夾室之制每歲暮則奉祧主合

享應古禘祭之制又有言 孝穆太后當祔廟者
下廷議全言周姜嫄爲帝嚳次妃后稷之母故周
禮有享先妣樂舞蓋指姜嫄而魯頌閟宮之詩特
見其名此別廟之證且唐宋以來皆有故事可考
如奉先殿儀奏上詔可時釐正京師諸淫祠剔刮
諸冗費議皆出公手耿公方正持大體禮文事多
屬公見公疏稱善不啻已出禮科右給事中張九
功少詹事程敏政又欲改定孔庭從祀諸賢及七
十二子公言馬融王弼之徒其立身不無貶議然
秦漢以來六經出于煨燼賴諸儒抱遺經專門講



授經得復存自唐之註疏咸祖其言而今之經傳
引用尚多其說何可盡廢况七十二子名字自司
馬遷以來相沿已久今生千百年後安敢臆定進
左侍郎會災異求言與尚書共疏寘畏天戒七事
未幾復陳八事守嶺南內臣韋眷誘撒馬兒罕貢
獅子開海道公力言南海非西域貢道禁不許通
斥還貢物六年代裕爲尚書內臣韋奉傳旨召國
師領占竹于四川公抗言領占竹僭號法王淫昏
矯僞 上初登大寶首納諫言削奪斥遣傳聞四
方共稱聖德今復召還殊駭羣聽馬鈞陽言成化

間累度僧道非便下禮部議公言成化二年度十
三萬二千有奇十二年一萬三千有奇二十二年
二十二萬四千有奇十年一度國版日耗異端日
繁愚耗民財坐侵民食宜立嚴科痛加條革如文
升議便九年改南京吏部尚書加太子少保未幾
改南兵部參贊機務秉正達變不激不隨百廢頓
舉十一年清寧宮災條上修省勸聖學開言路減
齋醮省供應節親藩懲欺蔽郵困窮核名實疏濬
滯擇將領節差遣慎功賞停工後斥奸貪進忠直
恤刑獄等二十八事十三年召入吏部爲尚書登

TIFEN Color Control Patches

Blue Cyan Green Yellow Red Magenta White Black

正品類獎恬抑躁不恤恩怨正色昌言干謁滄沮
或勸公毋別白賢不肖太過且召懇輒撓沮不得
盡行其志公曰冢宰職固如是公才學識量優於
經濟狀貌魁梧又足稱其志意於諸卿中推遜馬
鈞陽至論國事亦不肯相徇先是弘治六年鈞陽
言五嶽之名宜從京師我朝北嶽乃在京南乞改
北嶽下禮官議公言北嶽恒山祀曲陽歷漢至今
二千餘年不可輒改 上從禮官議昔金世宗時
議者以都燕請別議五嶽太常卿范拱言軒轅居
上谷在恒山之西虞舜居蒲坂在華山之北未嘗

棟都改嶽公議良是鈞陽又嘗言今天下財力大
耗計無所出獨蘇松折糧銀價今宜稍增以足國
用下廷議公曰東南民力已竭又復重之且生變
誰任其咎事得止十四年卒贈少保謚文毅國朝
父子爲學士翰林得並謚文自公父子始文集並
傳自王忠文後再見云公奏議多不錄錄其論西
北備邊事狀畧云論事者貴審理勢酌古今凡肆
夸大耻雷同皆非爲國忠謀者也近歲虜酋毛里
孩阿羅出孛羅忽亂加思蘭大爲邊患蓋緣河套
之中水草其肥易於屯劄腹裏之地道路曠遠難



於守禦是以轄於榆林者若

安塞安邊定邊

諸路轄於寧夏者若花馬池與武高橋萌城諸路皆其入寇之所進東則延安綏德鄜州諸路迤西則環慶平涼固原諸路皆其騷掠之處擁衆長驅遠者逾千里近者不下數十百里沿邊諸將或嬰城自守或擁兵自衛輕佻者挫衄怯懦者退避既不能折其前鋒又不能邀其歸路虜遂源源而來洋洋而去進獲重利退無後憂取於我者衣食自恣屢起盜心處於彼者窟穴既安遂無去志虜勢不輯邊患不寧上厯廟慮遣將徂征奈何四年三

舉一無寸功或高臥而歸或安行以返乃析圭儋爵優游朝行傘帛與金克勿私室且其軍旅一動輒報捷音賜予濫施官爵輕校殺傷我士卒悉泯弗聞掇拾器械虛張勝勢甚至濫殺被虜平民妄稱逆虜首級未嘗致其敗北輒以奔遁爲言未嘗有所斬獲輒以鈞搭爲解考其功籍所載賞格所加者非私家之子弟即權門之厮養而骨委戰塵血膏野草者非什五之卒即轉餉之民天怒人怨禍機日深非細故也况夫京營之兵素爲冗怯臨陣退縮反藪邊兵之功望敵奔潰久爲虜人所



傳此宜留鎮京師以壯根本顧乃輕於出禦以棄
天威且延綏邊也去京師遠宣府大同亦邊也去
京師近彼有門庭之喻此無陛楯之嚴可乎項兵
部建議遂於宣府出兵五千大同出兵一萬併力
以援延綏而不計其相去既遠往返不迫人心厭
於轉移馬力罷於奔軼况聲東擊西虜人奸態持
虛批吭兵家奧策精銳既盡而西老弱乃留於北
萬一北或有警彼未可離首尾受敵遠近坐困謂
爲得計乎臣又聞軍旅之用糧食爲先今延綏之
地兵馬屯聚芻粟之費日賴資給乃以山西河南

之民任飛芻輓粟之役仰關而西徒步千里夫運
而妻供父親而子荷道路愁怨井落空虛幸而至
也束芻百錢斗米倍直不幸遇賊身已虜矣他尚
何計輸將不足則有輕齋輕齋不足又有預徵嗚
呼水旱不可先知豐歉未能逆卜如之何其可預
徵也至甚不得已則令民輸芻粟以補官然媚權
貴私親故者或出空牒而授之而倉庾無升合之
入又令民輸芻粟而給鹽然恃豪右專請託者率
占虛名而需之而商賈費倍蓰之利官級日濫鹽
法日沮而邊儲不充如故也又朝廷出帑藏以給

邊者歲爲銀數十萬山西河南之民輸輕齋於邊者歲亦不下數十萬銀日積而多則銀益賤粟日散而少則粟益貴而不知者遂於養兵之中寓其養租之智或以茶鹽或以銀布名爲准折糧價實則侵尅軍儲故朝廷有糜廩之虞士卒無飽食之日至於兵馬所纏例須應付平居之時一日之數人米一升馬草一束追逐所過一日之間或一二堡或三四城豈能俱給哉而典守者陰懷竊取之計巧爲影射之謀凡其經歷之方悉開支給之數昔公營松岡上病下莫此爲甚由是觀之賊勢張

而無弭之之道兵力敝而無養之之實徒委西顧之憂於陛下誰果分憂盡心効力乎採之建白察之論議則又往往紛紜據指掌之圖肆智臆之見者率謂復受降之故險守東勝之舊城則東西之聲援可通彼此之犄角易制是非不善也第二城之廢棄既久地形之險易未知况欲復城河北以爲之守必須屯兵塞外以爲之助出孤遠之軍涉荒漠之地輻重爲累饋餉爲艱彼或佯爲遁逃潛肆邀伏或鈔掠於前躡襲於後曠日持久露行野宿人心驚駭軍食乏絕進不得城退不得歸一敗

塗地聲威大損其有懷敵愾之心馳伊吾之志者
率謂統十萬之衆襄半月之糧奮揚威武掃盪腥
膻使河套一空邊陲永靖是亦非不善也然帝王
之兵以全取勝孫吳之法以逸待勞今欲鼓勇前
行窮搜遠擊乘危履險徵倖萬一運糧遠隨則重
不及事提兵深入則孤不可援况其間地方千里
綿亘無際既無城郭之居亦無委積之守彼或往
來遷徙罷我馳驅或掩襲衝突撓我困憊虜酋安
望於成擒中國復至於大創失坐勝之機蹈覆沒
之轍必矣至有欲圖大舉以建奇功者謂必剪建

州之衆除朵顏之徒乘勝而西遂平河套夫 祖
宗之於建州朵顏諸衛不過羈縻保塞以固吾圉
今若是將使戎狄生心藩籬頓壞遺孽難盡邊釁
益多是果何知識爲無策甚者至謂昔以東勝不
可守旣已棄東勝今之延綏不易守不若棄延綏
則兵民可以息肩關陝得以安枕夫一民尺土皆
受之於天於 祖宗不可忽也向失東勝故今日
之害萃於延綏而關陝騷動今棄延綏則他日之
害鍾於關陝而京師震驚賊逾近而莫支禍逾大
而難救此實募謀故爾大謬嗚呼一倡百和牢不

可移甲是乙非卒莫能合成功既鮮高談奚取焉
臣所尤不滿者徒以書生典兵謂詢謀爲無益棄
人言而不顧謂專斷爲無傷執已意而不同處置
乖方指揮失義若向之圖復西戎旣爲苟且之舉
已損威而失信近之議制南夷復倡僭備之說以
啓釁而示怯違居中制外之權昧以大字小之體
推是以往其他可知徒使下弛兵機上墮國紀又
皆此輩舞文之過重貽後時空臆之悔者也故以
臣論之不若即古人已用而有成及今日可行而
未盡者舉而措之其爲力也少其致功也多曰重

將惟以一統制而責成功曰增城壁廣斥墪以保
衆而疑賊曰募民壯去客兵以弭患而省費曰明
賞罰嚴間謀以立兵紀而覘賊情曰實屯田復漕
運以足兵食而紓民力其論邊漕略曰今關陝所
需皆山西河南所給而三方之地俱近黃河其間
雖有三門析津龍門之險然昔漢唐糧餉由此而
通即今鹽船木筏往來無滯且以今戶部所計山
西米豆必令運貯榆林及保德州縣諸倉河南米
豆必令運貯潼關衛及陝州諸倉其諸州衛地皆
瀕河可通舟楫踵往古故跡而行免當今陸運之

害公私之利奚啻萬萬也况今河道當潼關之北
數十里接連渭河可通陝西及鳳翔鞏昌渭河西
流數十里接連洛河可通延安及北上游可通邊
堡渭河西流三百餘里接連涇河可通慶陽又龍
門之上舊有小河徑通延綏儘加修濬必可行舟
此宜簡命水部之臣示以必行之意相度地形按
求古跡某處避險可以陸運某處可立倉以備倒
運某處可造船以備裝運於寒悉加導潞漕河務
在疏通毋憚一時之勞而失永久之利如是則不
但三方之困可紓雖四方之物無不可致矣

太傅馬端肅公

公名文升字負圖鉞州人生有異質童時嬉戲每
臥凡兒百十地下識者知爲異人景泰二年進士
爲御史巡督楚有名天順七年陞福建按察使憤
鎮守中官擾民輒繩以法民戴其德歌謠載道成
化元年陞南大理卿未幾憂去四年固原土胡滿
四反起右副都御史巡撫陝西與項襄毅公討擒
王彪聚衆劫殺敵官軍公悉計剪除又破虜阿樂
出札加思蘭八年虜入寇平涼臨鞏追至黑水口

擒其平章鐵烈孫斬首多遜上時政十五事及禦
邊三策尋命節制三邊九嶺虜至遇伏驚遁盡棄
輜重擒斬二百又勦平岷州叛蕃十二年召入兵
部爲右侍郎出總遼東軍務制五花營八陣國訓
士上禦邊十五事虜退陞左加俸一等十四年建
州女直復叛巡撫陳鉞誘殺貢夷屬掩已過由是
東夷譁懼爲亂公再往撫勸時汪直恃寵倖功陰
主鉞議遂公偕行公弗聽竟疾馳至鎮撫黑鎖志
等二百餘人比直至虜已解散直無所從忌公鉞
行事乖方公多更置約束不得動亦恨公會直巡

邊鉞懼戎裝遠迂除道飾厨供張鮮備賄託像從
公獨與直抗禮奴視其左右左右多譽鉞詆公鉞
乘間譏毀直還奏公妄啓邊釁謂女直建州諸虜
皆以公禁不與易農器故屢寇塞 上遣直及刑
部尚書林聰即訊遼東直稍禮聰上報盡如直言
遂下公詔獄公上言實禁鐵器非農器竟謫戍重
慶已而直敗賊內使南京鉞亦敗下詔獄公得雪
復官致仕十九年起爲左副都御史巡撫遼東禁
輯科害人無敢犯公三至遼東皆樹奇績東人至
今思之明年陞右都御史督漕兼江北巡撫未期

陞兵部尚書尋改南京叅贊機務弘治元年入臺
爲左都御史是春 上稽田雜劇出御語公厲色
曰 新天子當知稼穡艱難豈宜以此潰亂宸聰
卽斥去二御史糾儀下獄公言卽位之初不宜輒
罪言官遂得釋又上時政十五事明年改兵部尚
書京城大雨上時政十事安南占城有違言占城
請兵公言諭安南貢使還占城侵地竟解不用兵
四年內艱起復建州酋伏當加叛繫至京不服公
折數語伏地請罪竄南海七年議絕土魯番先是
哈密忠順王者爲土魯番鎖檀阿力王虜去王母

金印國人驚散已而王母故鎖檀阿力亦故弘治
四年鎖檀阿力子阿黑麻以金印城池來歸公言
哈密國回回畏兀兒哈喇灰三種共居一城種類
不貴又有小列禿也力克數種強虜時肆侵凌至
難守必得元遺孽襲封理因事可憐服諸番與復
哈密不然禍變未已且搖其肅動關隴因訪得陝
巴囊封忠順王主哈密未幾阿黑麻復虜陝巴及
金印去邊臣檄問適阿黑麻遣寫亦滿速兒等四
十餘人入貢丘濬曰哈密事重煩公一行衆言公
不可去其涼委四方邊事始以兵部侍郎張海都

TIFFEN Color Control Patches

Blue Cyan Green Yellow Red Magenta White Black

督僉事紙讓性經略修嘉峪關捕通阿黑麻黠詐
回回二十餘人成廣西公言此虜既遣使人貢復
虜陝巴金印追勅使往輒久不報其心輕中國不
大創不敢請以寫亦滿速兒等安置兩廣福建閉
關示絕西域諸番入貢孤其勢且使歸怨阿黑麻
無何阿黑麻復令頭目牙蘭率番夾二百餘據哈
密城公曰事急用兵不可已顧方略何如召肅州
撫夾指揮楊嵩至京問襲牙蘭策公遂薦許進爲
河西巡撫與總兵劉亨彭清統番漢兵入哈密城
襲牙蘭牙蘭遁去阿黑麻以故悔過遂遣使人貢

并以陝巴金印來歸九年廷臣薦公及屠濬代秋
吏部上用滿十一年春 皇太子出閣公上疏
略曰太子國之儲貳天下根本宜擇老成純謹之
士以資啓沃不宜雜以浮薄之流恐虧損盛德
上嘉納十三年虜酋火篩擁衆寇大同京師戒嚴
上賜宸翰又召入便殿咨戰守方略公薦保國公
朱暉等整兵爲備勅各邊謹斥堠修戰具又遣文
武大臣許進陳銳率師出宣大分遣諸大臣守天
壽山潮河川居庸諸關虜尋亦去十四年拜吏部
尚書十五年加太子太傅十七年早朝畢 上坐



煖閣召入面論明年天下官朝親卿用心訪察大
彰黜陟復諭曰聽得否對曰 聖心留意求治如
此 宗社之福臣敢不盡心圖報稱令中官掖下
階明年考察來朝官法不職無異議加少師兼太
子太師正德元年內臣王璠以大婚禮欲用儒士
七人篆刻番字公言方杜塞倖門堅執不肯從不
聽給事中安奎跪乞聽公言不可璠恚計大臣垂
首喪氣直道何由得伸非國家之利璠慙誣公拒
命賴諸大臣力辯事始白公累上二十一疏求致
仕去適瑾恨公持正三年坐薦許進雍泰爲朋黨

除名調公子錦衣百戶琇鈞州所理誅復官琇錦
衣五年卒年八十五贈太傅誥端肅公立朝五十
餘年以身殉國不避艱險凡有大議衆莫敢決公
至一言而定性介特寡言笑不向華侈舉止嚴重
修再偉貌望之知爲異人居官重名節厲廉隅雖
位極人臣名聞夷夏退然不敢自居至於值事變
賜利害屹然如山不可搖奪

太保耿文恪公

公名裕字好問清惠公子景泰五年進士入翰林
爲庶吉士七年除工科給事中天順元年清惠公

在內臺改翰林檢討是年石亨被御史劾恨清惠
斥去謫公泗州判官改定州成化元年召還翰林
歷園子司業祭酒誨教有恩義時異姓諸侯年幼
者令學于國學公類古諸侯勲感言行可法者爲
書校之十二年陞右侍郎吏部轉左二十二年進
尚書代尹昇清慎簡平銓法疏理諸請寄者不使
忽改南京禮部而以工部尚書李裕代公泰陵即
位改南京兵部參贊機務弘治元年召尚書禮部
婚喪諸大禮傳經律酌古今行之崇王請朝下廷
議公請遵祖訓遣書王勿朝西夷由南海貢獅公

曰賈胡嗜利輒開海道宜却去六年復尚書吏部
代三原加太子太保天順初德秀諸王出關南陽
言四王講讀官八人翰林官少請擇新進士授翰
林檢討充王講讀官至是諸王將出關亦按故事
選十進士侍王十進士詣吏部請九年滿考得陞
改出王府公以爲例不可十進士語不遜公劾十
進士 上爲除一進士名餘調外公在吏部薦進
賢才務協輿論愛憎毀譽莫能淆奪守正律身干
謁斷絕卽內降斜封封章抗議杜塞倖門父子清
修不營產業不治居第約儉蕭然無異寒素公偉

幹修昇儼然神明學問該洽文章雅正冠冕縉紳
世濟其美弘治八年卒贈太保諡文恪

少保許襄毅公

公名進字季升靈寶人成化二年進士除監察御
史遷甘肅山東風裁卓然道士以黃白術干湖廣
李總兵不遂誣總兵反汪直欲爲己功逮李百口
至京煨成獄下法司謙公發道士奸即日磔道士
於市御史滿三考陞山東按察副使明敏發奸伏
如神東昌有武官子懷數金挾一儒生飲酒家是
夜武官子被殺無主名有司疑生逮生酷訊生誣

服公閱牒疑托他事徧取商曆入閱至布商家乃
武官子死之明日酒家市數十布價厚公曰此必
武官子金也一訊遂伏儒生得釋不死弘治元年
陞廣西按察使尋陞僉都御史巡撫大同數條邊
事戎政修明小王子瓦剌兩種聞公威名遣其首
哈桶察察少保等兩年三貢僅資帑銀六萬兩雲
中上谷河曲塞竟無虜患當是時士馬壯軍容嚴
整公才智忠毅又能幹旋應變以故每責多至三
千人少亦不下二千至關皆下馬脫弓矢入館戢
戰聽命代藩諸郡王或驕與巡撫過酒食乾沒芻

餉公一切持法行已意諸郡王輒惡公會武邑王
聽沐不律公發其罪廢爲庶人警勳諸郡王諸郡
王自是不敢譁忤巡撫四年上言守內臣石岩刻
侵士餉撓軍政岩亦誣公擅用旄幟降兗州知府
以寬簡宜民七年冬陞陝西按察使明年吐魯番
速檀阿力及其酋牙蘭劫忠順王據哈密鈞陽薦
公爲僉都御史巡撫甘肅公至鎮結赤斤罕東諸
夷爲援又結小列禿截吐魯番後登言遠征不恤
浮議冬月與都督劉寧彭清日雪夜行出嘉峪關
二千餘里

哈密城牙蘭遁去得忠順王陝巴及

都督罕慎復哈密城斬首百餘級獲牛馬駝數千
時牙蘭既走遣別種八百人登臺自保將校請曰
斬此八百首功公且得封侯公曰拊脅從柔遠人
期在安輯安忍以多敵爲功逆天道無後違者斬
八百人竟得不死疏請懷斬罕東諸夷相援離吐
番黨與孤其勢西域遂定九年陞右副都御史巡
撫陝西公爲平役調餉與水利開屯田去貪殘獎
循善格強禦馭下有權人稱神明關隴大治十年
召爲戶部右侍郎會刑部主事鄧岳言事下獄疏
赦岳彗星見又條上修省事外戚奪河間民田公

往畝田歸民與戶部尚書周經上疏曰此皆小民
恒產國家賦役之地若奪彼與此仁者不為十三
年虜入大同塞且犯宣府京師戒嚴公兼憲職提
督軍務與平江伯陳鏡出師勦虜鏡失律總兵王
重遠公節制又敗鏡輩得罪公致仕既歸廷臣論
薦四十八跪秦陵知公時時稱許進可大用又曰
劉大夏若入吏部進可代大夏未及召秦陵崩康
陵即位首召公為兵部左侍郎提督團營正德九
年代劉公為兵部尚書當是時劉求去屢矣侯公
至曰吾可去矣詔公曰勉為國家負荷報 先帝

時 上不親政公疏乞勤聖學戒遊逸改吏部尚
書代焦芳時道瑾專權公持正不可干撓三年考
察外官瑾得賂輒欲留諸貪殘吏公不肯瑾怒百
方欲中傷公不可得以劉吉署員外郎再署郎中
為非制又誣公薦雍太非其人除籍瑾怒猶未解
又措公在大同時籍士出雇役錢失勾校為吏乾
汝且籍公家會瑾誅得解復官致仕卒贈太子太
保卒後十七年巡撫上公功賢請益得謚襄毅子
讚贈公少保公子八人詩鄉進士誥歷吏部侍郎
南京戶部尚書博學能文卒謚莊敏贈太子太保

讀歷官少保兼太子太傅吏部尚書文淵閣大學士乞致仕 上不喜罷讀小心守法不敢任喜怒進退人 上嘗稱讀端慎爲貴溪分宜所持在吏部不得盡行其志論歷官太子太保兵部尚書有才略好談兵

論曰秉銓大臣非上結主知不得行其志即上知非內閣調護亦不得安其位抑庵 王三 之遇芳洲 陳循 忠肅 王 之遇文達 李 命也盧氏 以 之遇萬文康 安 三原 王 之遇劉文穆 牛 亦命也文毅 倪 端肅 馮 或尚包荒乃謂三公太別白

賢不肖功名不及禮部兵部時吏部之難非一日矣襄毅 許 沮於逆瑾當是時焦芳入內閣襄毅去劉宇入吏部宇又入內閣而張綏代宇矣

皇明名臣記第十六卷

子嚴準校

孫心材重校



20250505 NATIONAL CENTRAL LIBRARY TAIWAN, R.O.C.







RESERVED NATIONAL CENTRAL LIBRARY, TAIWAN, R.O.C.



2025006 NATIONAL CENTRAL LIBRARY TAIWAN P.3.3



0 0 0 0 0 0 NATIONAL CENTRAL LIBRARY TAIPEEN R.O.C





present



皇明名臣記第十七卷

吾學編第三十八

太傅于肅愍公

海鹽鄭曉

公名謙字廷益錢塘人永樂十九年進士骨相異常甫七歲僧蘭古春曰此他日救時宰相少讀書手不釋卷過目輒成誦文如雲行水湧有奇氣詩清麗頃刻千言宣德元年授山西道御史從討漢庶人庶人就縛上命公數庶人罪辭嚴義正庶人流汗伏地 上喜師還賞公與文武大臣等屬意且用公巡按江西平反冤獄稱為神明民所不



TIFFEN Color Control Patches



便釐革殆盡五年河南山西災 上親書公名檄
行在兵部右侍郎巡撫二省時年三十三公適歷
梁晉間民疾苦百弊滿剔馬政河防民租軍賦一
經擘畫遂爲規式正統元年上便宜十事九載轉
左侍郎十一年薦參政孫原貞王來自代降大理
左少卿兩省萬人赴闕乞留復公巡撫凡歷十八
年每議事入京不持一物兩省人皆尸祝公十二
年復右侍郎還部十四年秋虜也先入寇 上欲
親征兵部尚書鄭瑄力言不可不聽師駐狼山
上北狩京師大震 章皇后詔立 皇長子爲皇

太子 郕王監國攝朝臺諫廷劾王振監國倉卒未
有處分錦衣指揮馬順素附振叱衆怒擊順死
并索毛王二長隨廷中大譁監國疑懼起且退公
上陛掖止之亟請命將軍爪擊二長隨死謝衆怒
又請諭羣臣振罪當赤族俟啓太后行誅未晚順
罪應死擊死勿論衆遂定朝退王文端公謝公曰
今日賴公鎮定若百王直何能爲 章皇后聞之
即陞公兵部尚書尋加太子少保時內外注視倚
公安危公即調兵爲禦虜城守計是年九月 章
皇后諭百官 太子冲年未能遽理萬幾郕王年

長 宣宗親子宜嗣大統處王卽皇帝位遜尊

上爲太上皇帝改明年爲景泰元年時三營精銳盡簡征行留者皆老弱公見 上泣曰虜賊不道將長驅深入不可不預爲計宜急遣官募義勇集民夫更清卒練神機等營又令工部理戎器戶部調兵食傳檄邊鎮及山東西關陝虜至或迎擊其前或邀遮其後勤王檇集並校方畧經理相定十月朔喜寧導也先詔 上皇還京五日入紫荆京師戒嚴侍講徐程妄言占象倡議南遷二三大臣依違其間公慟哭言京師天下根本郊廟社稷陵


寢百官萬姓公私積聚皆在一動則大勢盡去宋事可鑒敢言南遷者衆共誅之自是學心始定公奏用王通楊善守京城孫鏗衛穎張軌雷通分兵出城守戰監以王茲葉盛程信諸言官石亨楊洪柳溥爲總兵盡移郭外人入城令虜所過堅壁清野固守勿與戰急散官軍通州糧百萬盡入都城公率先士卒躬擐甲胄誓死泣諭六軍國恩大義事機一失禍患立至生不如死人人感奮勇氣百倍十一日也先擁衆至城下公及亨統兵出禦虜見我師堅不可憾喜寧賊也先遣大臣及公出議

和索金百萬計廷議相顧不能決問公云何公曰吾本兵知有軍旅他非所敢聞即出德勝門閉門對壘約戰以上皇在虜中未敢輒動已謀知虜移上皇西我發大砲擊虜虜死砲下者數千計也先大沮衆請進擊公曰勝未足雪耻萬一不捷所損寔多况上皇在虜中不得不慎請大出聖旨榜文潛遣虜營中諭回達奚漢有能擒斬也先來獻者賞萬金封國公疑虜心十七日也先果遁去論功加少保總督軍務尚書如故公辭不允客言少保功高宋李綱不能及公謝曰四郊多壘

卿大夫之耻城下不盟幸耳大同參將許貴乞與虜和公請詰貴大勵邊將嚴守分遣都督都指揮劉安王信等屯真保通涿易五路各監以文大臣號將楊俊督之俄虜逼朱謙于關子口襲亨於馬門關羽書至京師公請自將大舉北伐會虜退遂止景泰元年二月公曰不早除喜寧虜知我險易虛實益反復不可禦計授楊俊擒寧伏誅自是也先悔禍果遣使請奉 上皇還京 上勅公防護京城且議通使羣臣顧望不能堅決公曰天位已定誰復異議惟君臣大義兄弟至情自當遣使奉

迎 上善從公言三月 上皇至大同出塞去六月 上皇又至大同七月我使再出奉迎八月 上皇發塞外九月丙戌至京居南宮三年萬王忠肅公自遼東召還院是年五月立懷獻太子加太子太傅十月謙虜南侵公奏孫鍾石彪出大同楊寧衛領出宜府參政葉盛參贊獨石八城軍務虜竟入貢十二月公議立十營圍標石亨爲公乞官其子冕爲府軍前衛副千戶公力辭不允四年 上有疾公又薦王忠肅公自兩廣召還院尋用爲吏部尚書是年八月也先殺其主脫脫不花王而

自稱田盛大可汗遣人朝貢御史顧璠言國家設六部分理庶務又置內閣大臣備顧問乞令六部諸大政會內閣議可否條奏 上下廷議公抗言祖宗成法國家重務並所司奏請處分臣知遵祖憲重君命他不敢從 上是公言先是也先犯京師脫脫不花寇遼東不樂出寇陝西浙江葉宗留福建鄧茂七廣東黃蕭養各擁衆數萬僭號攻城南蠻西番益復蠢動訛言萬端變在呼吸公內固京師外籌邊鎮防衛陵寢散遣降胡抗控漕渠閉鎮臨清收復獨石八城堡仍留貴州藩臬條畫



立奉勅中機宜僚屬受成相領警服胡虜炊噉群盜削平口不言功益自斂飭上推誠倚任獨秉朝綱文武大臣面酬進退宮庭密務接膝調停廉清方正一錢不私力避賜第止宿直房旁無姬妾鄉廬數椽僅蔽風雨薄田幾畝饘供館粥食無兼味衣無累帛大璫舒良及亨等皆敬憚公不敢撓法相竹亨息公屢辭兵柄公亦辭總督避亨上為論解亨尤縱橫亨姪彪驍雄公稍裁抑亨請出彪守大同公嘗臥病中官吏番來視見公家具蕭然因聞上特勅上方繼供資用公藥須竹瀝

上幸萬壽山伐竹取瀝昇公和藹言官或言公柄用太過上意益堅羣猜遂起怨謗亦興上病時上皇出南內復位亨以奪門為功誣王文與太監王誠及公意欲盜金符迎立外藩都御史蕭維禎恨王文排已得先入內閣又恨公每抑維禎維禎懷臂欲殺公奏公謀反當族裕陵持之不下徐有貞從旁言不殺謀今日之事何名有貞即理公自知功高隙深廷訊不復自辯時年六十籍其家無長物惟上賜盛甲袍帶子冕戍龍門公死之日天日驟變陰霾蔽空思功悼枉四海一詞



章皇后憐公忠於社稷有功不賞嗟嘆累日面諭
 上何不留諫 上深悔悟未幾代公尚書陳汝言
 敗 上曰于謙囊橐罄懸汝言賊穢山積賢否相
 去矣會天淵亭從旁聽 上言低頭大慚懼俄有
 邊警廷議紛紜恭頤俟吳璉對 上曰諫不死虜
 不至此 上默然茂陵雖中遭廢厄念公勸績事
 起倉卒不遑申救每一念公為之歎息茂陵即位
 之初赦免還公沒產成化二年復公官遣官致祭
 曰 先帝已知其枉朕心實憐其忠弘治三年特
 贈太傅諡肅愍建旌功祠令有司春秋祭公遺骸

得都督陳達密路守者收獲見請歸葬祖塋今建
 祠地是也見改文資校兵部員外郎進禮部郎中
 南太僕少卿應天府尹致仕節操修潔有文學好
 錦衣千戶朱驥亦坐戍邊有還累官掌錦衣衛事
 都指揮使冕無子徵人云公族子世杭州街正千
 戶奉祠李夢陽曰賊首擁 太上皇大同城下勒
 降也大同人登城謝曰賴天地宗社之靈國有君
 矣至宣府城下宣府人登城謝曰賴天地宗社之
 靈國有君矣至京城下京城人又謝曰賴天地宗
 社之靈國有君矣於是公颺言曰豈不聞社稷為



重君爲輕斯言也事以之成疑以之生者歟且東宮之易南宮之銅二者有能爲公恕者否耶公有不如意輒拊膺忿曰此一腔血竟灑何地聞其言孰非酸鼻流涕者而獨咎予也

尚書王莊毅公

公名斌字公度江夏人成籍河州正統四年進士公正直剛毅有經濟才初爲戶科給事中鄒王監國初坐午門南面視朝百官勅王振誤國讀彈文未起錦衣指揮馬順振黨也從旁叱言官去公起柩順首曰此正奸臣當蚤誅百官批殺順又索毛

王二長隨監國爲擊死血漬丹陛內臣滌血儀長史曰勿滌寫若曹鑿俄遣都御史陳鎰籍振家并其黨是冬虜犯京師命公監守北城軍當是時北城諸將獨戰勝退虜京師解嚴公上言虜去不大挫必再至宜急爲戢守計勿遂謂無事陞僉都御史守居庸關訓練士卒繕塞險隘軍政一新又能諭以大義感動羣心北門屹然尋病還京蕭啓代公景泰二年總漕淮上三年兼巡撫清理鹽法賑濟勸巡河御史王珉貪淫譴珉戍開平會災傷四年上疏言山東河南東昌開封抵江北徐淮去年



正月大雪異常夏秋雨水人民廬舍漂蕩麥稻泮
沒老穉顛連流徙邇者新春風雨連月寒溼倍冬
不識天意何在嘗觀易泰卦象曰內陽外陰君子
道長小人道消否卦象曰內陰外陽小人道長君
子道消蓋陽爲君子陰爲小人今方春陽長其候
類秋冬是陰盛陽微始食祿者君子少而小人多
故也然小人之行豈懦而無用鈍而不敏訥而無
言愚然而冒犯天怒者乎必其欺詐若誠敬便佞
若忠鯁大貪若廉大姦若愚即書所謂靜言庸違
孔子所謂色厲內存者是也伏望 皇上念 祖

宗社稷之重上天咎徵之戒責有位之臣痛自修
省改圖進君子退小人俾忠良者任政姦邪者屏
處又必省刑罰而止聚歛節財用而抑貢獻罷無
益之工嚴無功之賞散財以收民心愛民以植邦
本庶幾人事修而天變可回然欲知君子小人和
正又必本於聖德之明庶伏望 皇上日親講臣
俾陳二帝三王典 祖宗列聖養心修德之要以
清出治之源則凡君子小人莫逃天鑑矣臣濫處
臺憲致茲災異無所逃罪伏乞罷歸田里 上嘉
納引咎勅諸大臣修省下災郡邑賑濟公又上疏

言饑民流徙就食臣分遣屬吏沿河贍賑每遇過舟董令出米爲粥分給賴存活者一百八十五萬八千五百人勸諭富有力家出米麥穀粟二十五萬七千三百石銀三千六百七十兩錢綿布半之量給被災者五十五萬七千四百七十九家缺農具種子七萬四千二百九十七家亦以官物賑給民流去糶米復業者五千五百九十三家他境流冗安輯者萬六百餘家幸賴聖明盜賊稀少傾鴻鴈之哀鳴方息鶴鷄之樓戢未寧更籍休養庶底康寧四年少保陳循戶部尚書金濂皆言公心純

政平委曲調劑弘濟民艱况總督漕運姦貪畏憚兼理巡撫兵民慕戴陞副都御史仍治淮安上皇復辟謫浙江參政尋除名編管江夏居半歲放歸田天順五年字來寇陝西我兵再敗京師曹賊反傷二三大臣南陽薦起公視師會虜退再蒞淮上威行惠戢聲望益重茂陵即位收用名賢陞兵部尚書公守正嫉邪人知嚴憚不能盡行其志三閏月請老去正德中謚莊毅公與李秉皆一時名臣比居鄉公抗志寡交乘出入里閭博奕諧謔公聞之曰執中八座大臣胡遂細民戲狎不自愛乘



亦非公曰所謂大臣者豈立異鄉曲矯激為哉

太子太保項襄毅公

公名忠字蓋臣嘉興人正統七年進士為刑部主事陞員外郎扈 上北征羈虜中飼馬走七晝夜達宣府得還墮廣東按察副使天順三年按察使陝西會陝西饑不待奏報輒發倉賑全活萬人內艱陝人數千赴闕乞留奪服還任徵為大理卿既行陝人復詣闕乞留改右副都御史留巡撫時洮岷番亂調兵撫捕降其衆成化元年虜入延綏塞公及寧遠伯擊虜遁去明年又與彰武伯破虜關

中水泉酋故有說首渠久涸廢公開渠三十里涇陽鄭白渠亦久廢公募工疏鑿灌田七萬頃四年固原土達滿四叛不三月有衆二萬據石城遠近戒嚴守將寧遠伯廣義伯延撫都御史陳倫逮詔獄公總督軍務同馬鈞陽劉玉進討伏羌伯又戰死我軍遽退公即陣斬千戶狗陣始定衆觀望援兵廷議亦欲濟師公移兵據賊水草困賊兵部恐師老賊乘我請詔問公公請勿濟師主議者惡公異已扇浮言公益堅困賊相持百日賊稍來降公隨二卒單騎抵賊寨曉禍福諸脅從賊日相率降



卷一百一十一
滿四率驍賊時時出劫營前後大小二百餘戰賊
愛將楊虎狸者夜遠汲被擒公罵虎狸黠賊叱斫
頭虎狸伏地乞宥死自効公即假詞色諭願逆許
立功不死又解金鈞束賜虎狸遣去約爲內應滿
四竟爲虎狸所誘擒凡斬首七千六百俘獲二千
六百因陳四事爲經久計是時兵事急詔言洵洵
公督軍矢石雨下無懼色常歎曰奉命討賊久無
功甘心效死鈞陽服公勇毅狗國召還會京圻大
水初起視順天河間永平發廩賑濟更設法義勸
得米十六萬五千石銀布牛具數萬軍民全活者

二十七萬人六年大旱荆襄流民入山者九十萬
人李胡子者劉千斤黨僞流民爲亂公出總督軍
務遣人持榜入山諭降即負險不服縱兵勦不赦
凡遣還鄉者四十萬人綸成者萬餘人俘斬二千
人上便宜十事詔督留撫治進左都御史會有星
孛天田言官固論荆襄妄殺公再疏自劾言爲國
任怨乞歸不許八年又計平野王剛小王洪召還
院荆襄以公搜斬故三十餘年賊不起十年代王
築爲刑部尚書十一年爲兵部尚書代白圭尋錦
衣百戶韋瑛者挾汪直爲詞察屢興大獄擅執京

朝官中外重足莫敢正言其非公發憤草疏約吏部尚書尹旻諸公卿發直珠好罪或先漏言於直疏入幸上明聖大怒罷厥還直司設監珙坐成邊直又見上泣言此內臣黃賜陳祖生中傷奴賜祖生調南京御史戴縉幸進迎上意言直奉法無他直又得領厥直遂首誣公下廷訊事本起於千戶吳汝綬在楚軍中撓法公遂去附直用事構公欲寘死地公廷辯慷慨不少屈落職去久之諸奸次第敗復公兵部尚書致仕初直用事諸大臣耻與往來已而一二大臣首結直諸大臣因相

引直直言官排異已者許自陳於是商文毅公首乞去都御史李賓刑部尚書董方戶部薛遠兵部侍郎程萬里繼去翁世資代達余子俊代公公家居二十六年卒贈太子太保謚襄毅公明果個儻達練吏事悉體民隱曉暢軍務直言正色不屑詭隨子經孫錫皆舉進士經爲江西參政錫爲南光祿卿錫凡鑄以公功世蘇州衛指揮錫子治元嘉靖丙辰進士

太保余肅敏公

公名子俊字士英青神人景泰二年進士幼孤有



大志迥異常兒爲戶部主事陞員外郎開霽精敏
有吏才兩勞家爭田久未決公一言立斷出爲西
安知府西安關中會府民事戎務諸節鎮大臣使
車往來極冗繁難治公酬酢從容上下字悅西安
民苦城中水鹹飲輒病公爲開新渠引山泉行地
中匝徧城市人人得戶汲至今便利號余公渠涇
陽山高水下溉田病迅不得耆公出府金責清強
吏驀山關水道轉灌田千頃陞副都御史巡撫延
綏延綏自正統中命都督王禎鎮守榆林未城也
禎始城榆林及十八寨移鎮榆林尚未衛也成化

七年置衛八年公廣榆林城增三十六營堡公請
盡釐陝中人有伍籍詭落者及罪謫南戍子孫不
能南風土者實榆林衛又擇俊子弟教之讀書請
建學立官師爲弟子員俗多棄地不圃藝公又教
之樹蔬果開界石外地與屯田歲得糧數萬石自
是榆林始爲重鎮東渡河連大同西接寧夏虜不
敢復肆出入公又上疏言陝西有三邊延慶寧夏
甘肅三邊之中延慶爲內地國初逐出北虜遠遁
黃河外至正統初渡河犯近邊始於沿邊立界石
創營堡築墩臺天順以來虜知東西諸邊各據險

以守難窺伺惟延慶一帶地無險阻可以馳突屢
來犯邊掠我邊人爲鄉導遂知河套所在入屯其
中自是虜顧居內而我列屯守禦反在其外臣以
爲莫若於沿邊一帶墩臺空處築爲邊牆立砦堡
况舊界石一帶多高山斗崖依山形隨地勢或削
削或累石或挑塹綿引相接爲邊牆便報可於是
東起清水營紫城砦西至寧夏花馬池東西二千
里每二三里間爲對角墩臺砦運比不絕空處築
牆如新月狀以偵敵避射凡爲堡十有二崖砦八
百一十有九小墩七十有八大墩十有五兩月成

自是虜寇益稀十二年移鎮陝西會諸議弭盜安
民之策遂將鷹兵之方條上七疏皆行之著令十
三年入兵部爲尚書公在邊久知虜情及將校勇
怯地里險易遠近虜所出入凡邊臣奏請從中調
度輒中機宜未幾致仕召加太子太保改戶部公
又能知錢穀經費曲算盈縮諸吏少年敏悟者自
謂不及也十八年又出總督宣府大同山西三關
軍務言禦虜利用戰車條式奏上二十年再出宣
大還京以左都御史致仕復召爲兵部尚書乞致
仕公凝重簡默外和內嚴正不詭俗廉不近名每



奏對符檄揮筆立就會文切理不事文飾平生仕
宦多在西北邊榆林修邊之功最大已而入兵部
出邊鎮欲推榆林法盡修大同宣府兩鎮邊牆沮
於讒忌功有緒竟不能就嘗曰人臣事君當隨事
盡力凡有建樹即近且小亦必為百年之計又曰
大臣謀國遇有大利害當身任其責豈得養文市
恩為遠慮自全之地以故鎮榆林時悉誘紛起堅
執不捨卒能成功事利百世卒年六十一贈太保
謚肅敏公延撫榆林時澤山徐廷璋巡撫寧夏亦
浚壕築壘繕亭障有功當是時鈞陽巡撫陝西稱

勳甲三惠撫廷璋由選舉為工科給事中都給事
中以副都御史遷撫

太子少保程襄毅公

公名信字彥實休寧人生於河間正統七年進士
十年選給事中吏科景帝即位疏薦起薛文清
公虜犯京師公監軍守西城上五事曰新荒令以
振軍威募勇敢以備警急召勤王以遏南侵設武
備以防內變養銳氣以備戰守都督孫鏜禦虜西
城外失利諸將不相援鏜急呼城門求入公不肯
疏言鏜小失利即開城納鏜虜益張人心益危趣



鈐戰必効死力 上立詔勿納鐘虜通城鐘兵亦
附城戰公與都督王通都御史楊善城上鼓譟發
鎗礮佐鐘虜退遂請勅石總兵于少保移營關廂
外禦虜且號令諸將景泰元年使蜀還言道過畿
輔民饑乞賑貸又言河間縣因虜患罷學官生徒
併府學乞復舊廷議奉迎 上皇時有龔千戶者
投書書高穀家言禮宜厚語漸開莫敢發公偕同
列會疏入 上取書留中不報明年上中興固本
十策曰敬天求賢納諫謹災節用詳刑選將練兵
尚儉隆節又明年上修德疏陞公及葉文莊公為

參政山東山西遼東宣府故練二藩公至遼東憂
去六年服闋改四川理餉松喬天順元年入賀會
錄景泰間進言者陞公太僕卿公案故事理營衛
馬三營大將石亨孫鐘曹欽並疏言太僕苛急請
馬隸兵部太僕寺言馬政 高皇帝諭馬數勿令
人知今隸兵部馬登耗太僕不得問即有警馬不
給請以責兵部 上是公言復歸太僕二年陞僉
都御史巡撫遼東建州首董山通朝鮮受偽制為
中樞密使公廉得偽制疏請先發伐其謀 上為
遣給事中使朝鮮錦衣詳官出建州董山匿不承



出偽制示之皆愕懼乞貢馬謝罪會虜李來欲寇
遼東塞公提兵出境屯三月解遼東總兵海寧伯
董興倚吉祥姻又昵都指揮夏霖恣不法分廵僉
事胡焜發宋奸贖罪四十事公條上詔錦衣指揮
郭英逮霖籍其家英得霖貨未減霖寇深遂劾公
惑外臺官漬聖聽詔詰公不肯引咎徵下詔獄調
南京太僕少卿五年召還侍郎刑部憂去成化元
年起爲兵部侍郎當是時兩廣川陝荆襄諸路用
兵獨署部區畫方略皆中機宜先是四川貴州山
都掌蠻叛兩鎮守將不相下兵久無功朝議遣憲

大臣督戰科道官在軍中者怒告捷得賞未幾諸
蠻又叛據大壩山箐險破合江上九縣三年進公
尚書督軍與襄城伯李瑾發川廣雲貴番漢兵討
賊公至永寧分大軍三道自督入金鵝池四川軍
由茂縣貴州軍由芒部雲南軍由普市入期會大
壩大軍進至李子關渡船舖賊恃險拒敵飛校下
巖石如雨我軍發神鎗勁弩賊却攀崖上巔風舉
火焚其龍肯約尼二寨賊退保大壩貴州軍已踣
其後四川雲南軍角其左右賊驚散不支連破諸
賊寨斬首五千擒二千餘賊復走入天井水磨二



洞洞竅幽暗不可入室洞圍守月餘賊死幾盡九
姓土獠附賊乘選師撲勦又大捷請移瀘州衛渡
航舖控諸蠻分山都掌故地隸永寧芒部更大壩
爲太平川立長官司轄熟夷論功兼大理卿言官
論公上首虜不實公四疏請老不允七年春無雨
雲公應詔條關政言兵事可更張者四兵弊可申
理者五其大者延緩兩廣歲遭殺掠邊以捷開朝
以捷賀上下相蒙戎夾益肆四方流民盡聚荆襄
不早區畫變起于土天子六師馭輕居重京營
士馬疲耗器甲頓朽非大更張緩急可憂是歲改

南部參贊機務公曰參贊謹非常有司事非所宜
預八年合南都大臣言興利除害三十餘事乞召
還給事中王徹勅退南京守臣應城伯孫繼先明
年致仕又明年卒贈太子少保謚襄毅以功得世
錦衣百戶公才雄氣果然沉思曲算顧不輕洩先
是虜久據河套中議遣大同守將楊信將兵十萬
搜套公執不可公征南蠻制詞官殺皆得專斷迄
班師不敢輒賞殺一人曰刑賞天子大柄顧闕
外事不易集假大臣東攝人即幸事集輒自專非
分有奇禍少時力耕養父母及貴寡慈自檢花鳥

書畫不接耳目割田五百畝爲義庄贍姻族人子
敏政字克勤成化二年進士敏政幼靈異少時讀
書一目數行下以奇童薦入翰林登甲科益攻學
問淹貫經籍成化弘治間翰林稱敏政學最博聽
李東陽文章俊麗陳音性行真純敏政爲宮坊侍
講康陵吏官弘治十年起復副總裁修會典辭不
至明年召至京以太常卿進禮部侍郎兼翰林學
士侍東宮又明年主考禮部忌敏政者誘敏政渡
會試題弔進士得金錢無算言官輒劾上逮治午
門前敏政素負時名不能忍辱下人朋輩要津人

亦幸敏政敢汚職去不可復起不復相左右敏政
竟奪職逾年憤懣卒敏政讀書著述尚本實議論
傳經義奉法理惕惕行檢不宜無忌憚至此此出
讒忌口無疑敏政少詹事時請正文廟祀典謂戴
聖劉向賈逵馬融何休王肅王弼杜預八人宜祇
爵罷祀鄭衆盧植鄭玄服虔范甯五人各祀于鄉
后蒼說禮萬言號曲臺禮戴聖等皆受業今禮記
并后氏不傳王通胡瑗身立師道百世如新宜加
封爵從祀乞別祠祀啓聖王以頌無繇曾點孔鯉
孟孫氏配享程珦朱松從祀大抵敏政議與宋文

憲公相表表疏下禮部報聞又請錄開國功臣後
裔嘉靖中議禮考文敏政言多採行敏政又請楊
時從祀文廟請孝穆太后比周姜嫄別廟享所輯
有道一編心經附註新安文獻志皇明文衡廉賢
奏對錄宋逸民錄近二百卷

少保李秉毅公

公名絃字世鏡單人景泰二年進士初爲南京御
史有風裁劾中官降北黃驛丞御史陳綱薦知雄
縣禁中官捕獵評得禍幾不測民數千走擊登聞
鼓訟冤得有調知府谷縣陞知葭州調秦州成化

初爲鞏昌知府清康自中禁官府和布吏民畏愛
十三年陞陝西參政有軍功坐事調廣西十八年
陞僉都御史巡撫宣府破虜柴溝堡巡撫陝西時
秦府旗校肆橫苦軍民悉擒治不少貸王不能堪
訐公凌親王茂陵怒逮公詔獄命內臣尚亨籍其
家得黃絹一疋故衣數事亨還言公貧狀上親
閱其貲嘉歎良久立釋公且賜鈔萬貫旌其廉巡
撫河南會汪直至他巡撫率屈禮公獨與抗密疏
直多帶旗校校地方直還上問各省撫臣賢否
直獨稱公廉能上出公疏示直直頓首伏罪益

稱公賢弘治三年以右都御史總制兩廣軍務破岑欽鷓鴣嶺走匪泗城遂克田州又破海南黎及瀧水後山賊四年勅總兵安遠侯柳景貴不法逮景下刑部獄追贖鉅萬權其爵景于內降減贓且推他事誣公亦被逮坐免臺諫文章論救上報聞三原在吏部極言公廉直忠信不可棄內批南戶部尚書黃斌改南左都御史公代斌南戶部尚書八年乞致仕不允十一年致仕十四年虜報急以王忠肅馬恭襄故事召公戶部尚書兼憲職巡撫陝西十五年總制陝西三邊軍務整花馬池鹽

課買馬開豫望城屯田先後斬首九千修城堡關塞一萬四千所剎山崖三千里十七年乞致仕不允加太子少保是歲幸總制召還部辭得致仕十八年年八十卒贈少保謚襄毅公剛毅廉介歷官四十餘年提兵南北列位孤卿所居僅蔽風雨妻孳菜羹麥飯不改其舊及卒家無餘貲未幾子孫有貧乏不能存者逆瑾專政時公義兒丁玉與公繼妻弟楊瑾爭訐楊瑾因誣公子嘯有資萬計逆瑾喜即籍公家無所得

少保胡端敏公



公名世寧字永清仁和人弘治六年進士公骨相
奇古家貧力學志節清峻長益韜戰留心世務初
爲德安推官陞南刑部主事歷郎中與李承勛魏
校余祐友善相切磨問學時稱南都四君子弘治
十八年春詔求言公條七十事其一言用人宜立
賢無方先朝李賢薛瑄入內閣不由翰林翰林如
胡儼劉球不由庶吉士年富以教官爲給事中王
翔以大理左寺正復爲御史今一切叙轉專泥科
條以故才賢抑塞朋類引授乏人佐理其來有漸
出爲知府廣西太平太平遠惡領土官公訪接示

禮意不擾一錢翁然帖順一板劍壺關萬夫畢集
工費數千金皆土官辦關數旬成太平州李濬淫
刑撓法莫敢詰公密授方略龍英土知州趙元瑤
元瑤擒濬來獻元瑤者濬外兄也土官世及輒轉
展結勒索賂土夷土夷以故恣叛益輕中朝土人
公令土官生子即聞府子弟應世及者年且十歲
朔望或有事調集皆携之見太守太守爲識年數
狀親父兄有故按籍爲請官於朝土官大悅服謂
胡太守仁廉內艱歸土人走送者數萬服闋北上
過滄州會流賊攻州公入城爲州防守賊攻城不

能破去補實慶知府節約公廉有成落府人不散
忤盡平其役賦當是時川蜀江浙盜起陞江西按
察副使兵備東鄉東鄉盜數初縣公鈔強撫順東
鄉得安戢督戰裴源及廣昌城三邑時都御史俞
諫用兵桃源久無功寧應人有逆謀公上平賊二
策惟勦與撫今素無定見恩威倒施事多轉展賊
益無忌憚惟舊撫者不勦再叛者不撫新起者必
撲滅千微持此三端官有定守民有定志戢戰與
農救傷卹困治安之效可尋崩解之亂可息不然
民窮財盡兵連禍結後患未涯廢憂方甚又恐江

西之患不止盜賊最可憂者天早日久千里赤地
水泉亦竭田禾無收麥種無下來歲民饑賑救無
備省城被火延燒萬室基地所便盡歸王府債負
所責問開破家莊田所逼村落結寨三司官多被
鈐束錢穀刑名奉行府案近者買辦漸行於外府
接擾遍及於窮鄉臣恐此不善處則良民不得安
生聚爲大盜臣下懼有隱禍多懷戒心禮樂政令
漸不自朝廷出矣寧王懿親多才豈有毫髮過議
但內外臣僚輔導非法自因逆瑾得復護兵以來
威勢日盛上下官司承奉太過伏乞聖明廣集群

臣及江西鄉土有識士夫會議推舉才望服人公
忠體國不避權勢不惑浮議大臣一人兼任提督
巡撫之責假以陳金彭澤之權使其統御將帥調
度兵食激揚清濁易置官吏興革利弊皆得便宜
其新舊盜賊應撫應勦改先或後悉聽計畫萬全
奏聞區處久困窮民妙選循良曲加撫綏早期休
養務使安全更乞溫詔諭賢王益崇謙願遠避
嫌疑仰遵 祖訓止治國內官僚江西藩臬郡縣
應有政務尊奉朝廷奉持常憲無得交私罔上廢
法該府更宜嚴戒官廉恪守禁例施舍已責惠及

貧民莊田基址悉還原業再有稔惡不悛及投充
撥置者法司提問如例更乞嚴勸鎮撫以下官欽
奉 文皇聖旨事例凡遇王府發放事務必須奏
准方許奉行庶幾小民有再生之望地方無意外
之虞宗室有磐石之固九重舒南顧之憂疏上宸
濠大懼徧賂權奸朱寧蕭敬張銳等及兵部尚書
陸完都御史石玠坐公誹謗妖言離間罪必欲殺
公公先是已陞福建按察使乞休未得允歸抵家
宸濠徧遣覓徒挾 上旨襲公巡浙御史潘鵬附
宸濠盡囚公家人索公甚急會李承勛為浙按察

Tiffen Color Control Patches



使匿公變姓名間道歸命京師得不死下錦衣獄
公獄中三上書言江藩橫逆朝野皆聞徵臣慙愚
天日共鑒兩京言官程啓充徐文華輩並疏論救
諸奸亦懼後事未可知公得出獄謫戍瀋陽居四
年宸濠果反釋公士伍薦除湖廣按察使未任嘉
靖初擢僉都御史延撫四川公疏勸修德講學徐
上四川爲土蕃所苦餉道梗阻乞用人理財增兵
將明賞罰未幾召爲吏部右侍郎未上外艱去服
闋乞休時大禮議未決江淮饑人相食公疏乞早
定大禮赦羣臣小過簡賢求治疏成不果上聞羣

臣伏聞章大禮得弄又疏言羣臣心欲効忠詞乃
過激乞擴然開釋消除疑沮固回治安召爲左侍
郎兵部上京東邊備二十五事又上大學仁人能
好惡洪範惟辟作威福臣無得僭易大傳不出戶
庭無咎講議三章疏上留中言官因劾公告密公
乞下臣章宣示引罪求去不允又上知人官人二
十事尋以病乞改南京吏部侍郎未幾擢南京工
部尚書以左都御史召與康惠公同過沛疏漕河
事宜改刑部尚書霍南海言公廉直宜總憲加太
子少保仍右都御史提督團營尋復尚書刑部永


嘉惡陳九疇公力爭九疇有功河西忠勇不可殺
九疇快奸回輕中國九疇得不死風靈詔求言上
勸學恤民任官十事轉兵部尚書加太子太保力
辭至三疏言外虜方強內憂日甚天下之人闕然
皆無忠義之氣我朝尚書兵部者臣鄉里所聞方
賓于謙耳目所逮劉大夏彭澤忠力爲國不得保
全其幸免者依阿軟媚坐視養亂者也按姚崇李
綱故事上定武略崇志職重將權增武備更賞罰
御土夷足邊儲絕弊源正謀謀惜人才十事要說
時安仁倡言太平勅上銷兵典禮樂公又特疏

申論武略人才二事 上知公忠梗促上任議行
十事公議棄哈密不可勞中國奔命小夷閉關絕
貢便芒部酋沙保本未誅矯誣請賞力薦陳九疇
馬吳可任軍旅唐龍可爲兵部侍郎相佐助在告
又上武備人材邊儲三事公自度不得行其志決
意辭疾去李公代公尚書逾年又召公南京恭贊
機務兵部尚書辭不起嘉靖九年九月端坐而逝
贈少保謚端敏公朴忠直諫氣壯才雄濟以學問
優於經濟淡薄寧靜清素不滑席文襄公稱公論
事如結舌草奏如懸河邵康僖公曰胡公疾惡如



警善則猶已余兩爲公屬吏手畫勉余忠孝大節
公在兵曹不數月夙弊大奸利事整刷十五六議
哈密與南海不合論芒部功王浚川以爲發其過
大不喜薦賢才安仁以爲侵官相壓亂政發怒訴
於朝哈密土魯番疏制置極詳土魯番劫曲先衛
人牙木蘭爲將牙木蘭擁帳內徙歸我土魯番遣
使來而大臣印欲縛牙木蘭與之易哈密公議曲
先衛本中國屬糜牙木蘭反正歸順非納叛比而
哈密空城懸遠無益事實土魯番善賈多巧術往
徃以珍奇嗜時貴自成化至於今中國爲彼欺負

今欲其心牙木蘭以携我屬夷而以哈密爲何
鈞大利宜勅王瓊爲國忠謀先盡復瓜沙羽翼之
地悉收亡失屬夷封植哈密永爲不侵不叛之臣
而後請勅降印庶不辱王命且土魯番方恫惴中
國懸衝諸夷但遠越流沙烏合難久我大震威畧
以離其黨贖實義附使相破滅此伐交之術正宜
厚牙木蘭以風蠻夷及薦馬吳施信楊必進及九
疇爲將皆報聞河西之議語侵永嘉彭澤陳九疇
得免奇禍昌化嗣伯下廷議公言吾輩不得以厚
賂故誣朝廷安仁變色大沮以故諸大臣皆忌公




名臣記 卷七
公論大禮是永嘉安仁說竟不肯相依附賴 上
明聖憐其忠餽終始眷注云公有奏議行於世其
危言正色遠慮深愛天性然也子純登慶知府有
材行屢登薦剴引疾乞致仕

少保李康惠公

公名承勛字立卿嘉魚人弘治六年進士父田歷
官都御史公幼靖敏長與諸兄郎中承恩評事承
芳貢士承箕承顏相師友修勵行業初知太湖縣
力行善政為南京主事刑部歷戶工部郎中出守
南昌當是時南昌難治劇賊騎藩內外孔棘公深

略雄才撫機輒應正德六年贛賊犯新塗執恭政
趙士賢靖安賊據越王嶺瑪瑯岸華林賊破瑞州
公廣詞謀繕壁壘扼溪澗屢進戰擒胡雪二纓還
府華林賊又叛殺副使周憲公諭降健賊王奇約
內應夜引兵舉火為號大破賊斬首三千境內安
輯公即上疏請蠲租八年桃源賊起江浙間執兵
備吳廷舉總制俞諫請邊兵勦賊公曰賊乏食必
掠裴源積粟請贖兵自德興南昌兵自岳源分兩
翼伏裴源而令邊兵驅賊賊果走裴源大敗遁去
太監黎安欲奪公功誣公竄賊詞大理卿燕忠即



訊廣信事白陞浙江按察使歷陝西河南右左布政使十五年副都御史巡撫遼東遼東故富饒無虜患自汪直開邊虜輒携貳擾我開原懿路汎河三城極殘破公修築定遠慶雲古城鎮夾松山柴河六堡塚望百八十一所屯田千五百頃又修中國鐵嶺蒲河撫順諸城皆濬陞樹木爲阻固東園稍寧進公俸一等逾年請告蒞靖初起公南臺轉南京刑部侍郎進尚書又召入吏部尚書道改刑部加太子少保上疏論時事改兵部尚書兼都御史代胡端敏公提督團營惡郭助驕縱剪其羽翼

助愬公欲并中端敏公公辭營務不允嘉靖八年尚書兵部當是時田州岑猛叛用兵兩廣騷動芒部沙保又叛土魯番奪我哈密河西小王子歲入塞公與端敏公相繼本兵同心經理戎事頗嚴公奏裁各省鎮守守備內臣二十七人錦衣官校旗勇內府詭匠數千人此皆破 祖宗法依城社坐耗國儲股民膏血大蠹衆束手閉目莫敢何問者公侍 上聖明一旦剪剔去騰驤四衛者詭冒依附奸欺不可詰公言官府一體請官軍考選清覈並如旗手等衛制曰可內臣言四衛禁軍隸兵



部不便往歲彰義門破虜東市勦曹賊皆四衛功
以直內故得號召易集下兵部再議公執言往歲
之事正以兵權歸閹人致亂彰義門之戰由太監
王振東市之賊即太監曹吉祥也 上從公議九
年大風晝晦 上恐懼爰遣詔問公答曰 聖明
有訓謹備胡戎去歲米合北虜盡入河套以故陝
西邊患延寧固原為急甘肅軍餉專仰河東宜於
蘭州及時糴貯以備河西災窘曩時河西患苦土
魯番亦卜剌又深入兩寇夾擾孤危益甚海賊套
賊出入殺掠並經莊浪被其殘害急宜繕塞設險

斷臂截踵使賊相隔絕兀良哈最近京師不善糧
即為門庭之寇雲南安鳳之叛軍民困敝臨安蒙
自盜賊復起曠日持久恐釀成大患交趾世子流
寓老撾異日歸命請援或據地求封皆未可測惟
用人理財為警備以保社稷幸甚十年議耕桑
禮詔問公答言禮有儀文政有根本惟上下儉節
墾田興水利足民衣食今日急務議郊祀又詔問
公以傳經術順人心對公楚人有名 上稔知公
幾欲用為吏部尚書不果是年春充正使冊九嬪
晨起趨朝暴疾卒贈少保益康惠公學有源委才



無枝柱提兵南北曉暢軍事通達固體議論英發

潔廉自守家無餘貲子教益府長史

論曰肅愍公千諱在當時衆輒罵權奸又請削公

兵柄至謂德勝之後爲無功公沒未幾國人志士

至談公事又輒流涕稱公忠勇謂公社稷臣也豈

非矧忌激於同時是非白於異世耶王公諱殺馬

順項公諱推汪直余公子諱開榆林程公台諱上龔

千戶書秦公諱勅柳景胡公世諱發宸濠反謀李

公承諱抗疏言彰義東市之事皆起於內臣此其

人豈以死生利害動其心乎 名臣記第十七卷

皇明名臣記第十八卷 吾學編第三十九

侍郎錢文肅公

海鹽鄭曉

公初字習禮名幹以字行吉水人才敏力學永樂

六年鄉貢上禮部七年會試中甲科時 上北征

又明年辛卯始舉進士入翰林爲庶吉士除檢討

上喜公鄉人惡公者持公短長公行潔修無可摘

乃指公爲練子寧姻宜坐好黨劾公公懼告東楊

東楊問聞 上曰習禮有文學史才願 陛下憐

察 上欣然曰使練子寧尚在朕且用之况習禮

名臣記 卷之十八



無枝柱提兵南北曉暢軍事通達固體議論英發

潔廉自守家無餘貲子教益府長史

論曰肅愍公千諱在當時衆輒罵權奸又請削公

兵柄至謂德勝之後爲無功公沒未幾國人志士

至談公事又輒流涕稱公忠勇謂公社稷臣也豈

非矧忌激於同時是非白於異世耶王公諱殺馬

順項公諱推汪直余公子諱開榆林程公台諱上龔

千戶書秦公諱劾柳景胡公世諱發宸濠反謀李

公承諱抗疏言彰義東市之事皆起於內臣此其

人豈以死生利害動其心乎 名臣記第十七卷

皇明名臣記第十八卷 吾學編第三十九

侍郎錢文肅公

海鹽鄭曉

公初字習禮名幹以字行吉水人才敏力學永樂

六年鄉貢上禮部七年會試中甲科時 上北征

又明年辛卯始舉進士入翰林爲庶吉士除檢討

上喜公鄉人惡公者持公短長公行潔修無可摘

乃指公爲練子寧姻宜坐奸黨劾公公懼告東楊

東楊問聞 上曰習禮有文學史才願 陛下憐

察 上欣然曰使練子寧尚在朕且用之况習禮

名臣記 卷之十八



平公感泣自奮勵獻陵即位陞翰林侍讀知制誥
宣德初與修 兩朝實錄四年十二月朔霜寒

上顧光祿卿文官早朝寒盍賜羊酒又顧公曰

皇祖考臨朝每旦常賜食朕偶忘習禮謹識之五
年陞侍讀學士七年 上過史館示近臣招隱歌

頓首曰 皇上聖性聰明文章清麗懷賢覽古天

趣悠然 上喜正致初與修 宣宗實錄三年陞

學士七年以故鴻臚寺為翰林院落成諸殿大學
士皆至公不設西楊南楊座或問公應曰此非三

公府也二楊間 上上命工部具座禮部叙位次

二楊始自內閣出生諸學士上九年乞致仕不許

十年吏部上禮部右侍郎用苗衷內批用公而陳

循代掌院事或賀公者答曰吾今且為有司又奚

賀為未幾陳高曹苗皆得陞侍郎入內閣公尋兼

署吏部稱疾辭致仕公孝友忠信篤於倫誼厚生

送死推財賑贈好古秉禮動有矩則文章論議士

類宗仰歸山十五年八十九卒諡文肅吉安永

豐有曾祭字子啓永樂二年進士第一人授翰林
修撰 上命解縉選進士進學文淵閣公及編修

周孟簡進士楊相劉子欽彭汝器王英王直

TIFFEN Color Control Patches



余昂章敝王訓崇廣敬王道熊直陳敬宗沈升洪
順章朴余學夔羅汝敬盧翰湯濤李時勉段民倪
維哲袁添祿吳紳楊勉被選名翰林庶吉士入見
上諭曰人須立志志立則功就未有無志而能建
功成事者爾等拔千百人中爲進士又拔進士中
至此固皆今之英俊然當立心遠大不可安於小
成爲學必造道德之徵具體用之全爲文必並驅
班馬韓歐如此立心日進不已未有不成者古人
文學豈皆天成亦積功所致爾等勉之朕不任爾
以事文淵閣古今載籍所萃各食其祿日就閣中

玩索務實得於已庶國家將來皆得爾用不可自
怠負朕期待之意公學問日進上時召試迅筆
千言立就理詞皆到上屢摘羣書隱僻事問公
悉能對以故喜公公名聞天下明年修永樂大典
爲副總裁陞侍講數侍燕閒應制賦詩有薦文士
者必問得如曾祭否內艱起復扈從邑人坐奸黨
事詞及公上特原曰朕惜爾才也公居長安右
門外火延禁垣上不問陞侍讀學士修天下郡
縣志爲副總裁獻陵陞左春坊大學士仍兼翰林
進講從景陵南京還陞少詹事公預修三朝實

TIFFEN Color Control Patches



錄再扈北巡三考會試爲文章如源泉混混沛然
十里又如園林得春翠芳爛然與致所到筆不停
揮狀寫之工極其天趣他人不足已嘗有餘工書
法草書雄放有晉人風自解胡後獨步當世儀貌
魁偉襟度坦夷而神情灑落能飲酒善談論平生
以及物爲心使之臨民必有所濟惜仕三十年終
以文學自見卒贈禮部左侍郎謚襄敏南城有羅
玘成化二十三年進士爲翰林編修時武同知州
劉遜忤氓王被逮給事中龐洋等以救遜下詔獄
玘上疏救主事李夢陽論外戚收考又疏救太監

李廣死言官劾文武大臣附廣者請按廣籍戶逐
玘言不可暴其名羞朝廷宜令諸大臣自陳或坐
他事黜便正德中歷陞南京吏部侍郎上大本急
務疏言選理逐祭王虛朝廷上未有子諸大臣
依違不肯爲國家遠慮忤時宰致仕去潛心問學
文益奇偉宏暢寧庶人致百金書玘走避深山中
李文正公處瑾永闕曰調護善類玘引大義責之
願削門人之籍卒贈禮部尚書亦謚文肅

太子少保鄒文敏公

公名濟字汝舟其先嘉興人徙餘杭洪武十五年

TIFFEN Color Control Patches



舉通經儒士授餘杭訓導累官平度知州公博學
修行能文章樂易無崖岸兼通老釋靖難後大臣
薦修高廟實錄錄成永樂元年陞儀制郎中已
而修永樂大典諸儒臣推公總裁征安南公叅贊
大將軍軍事草獻俘露布八年陞廣東叅政十年
坐事改考功郎中獻陵留守南京擇官察改公右
庶子進少詹事當是時宮寮多得罪徐善述王汝
玉馬京梁潛周冕相繼下獄死公幾陷死地者數
矣竟積憂懼成疾東宮憐之書問曰卿善自攝即
不諱卿苗裔余為提攜不使墜入蓬蒿公卒後獻

陵悼念舊學贈太子少保謚文敏建祠今有司春
秋祀公子翰獻陵監國時遣入應天學給未月二
石正統四年進士歷官太子少保禮部尚書致仕
年八十四卒贈太子太保謚康靖善述天台人為
左司直郎陞右贊善耿介恬靖汝玉長洲人仕至
贊善兼檢討坐戍邊東宮特宥之竟累下獄死汝
玉聰敏過人文章精粹洪熙初贈汝玉太子賓客
謚文靖善述太子少保謚文肅京武功人洪武十
八年進士靖厚端方累官北京行部侍郎兼官察
謫戍廣西已而有薦京者竟坐前事下詔獄死洪

熙初贈少傅益文簡潛太和人洪武二十九年鄉
舉歷訓導知縣靖難後召修實錄成陞修撰尋兼
贊善永樂十五年夏呂方三尚書薦副西楊輔太
子監國坐陳千戶事被讒周見並逮詔獄卒妻楊
隨潛北京潛卒慟毀不食亦卒潛聞美弘毅通諸
經尤長於詩易爲文章務去陳言出新意冕寧波
人爲司諫春坊

侍郎劉文介公

公名儼字宣化吉水人正統七年進士第一人除
翰林修撰茂陵在東宮公爲左春坊大學士克圖

吏副總裁已而陞太常少卿兼侍讀學士景泰七
年考順天鄉試內閣陳循王文有子試屬公公不
爲地皆不得舉二人令其子錄試文訟公閱文不
明取士徇私會譯字官劉淳來注翰林院考中送
入貢院比書榜竟落淳名二人因劾公達制并摘
命題雖欲自絕語請如洪武中劉三吾等坐公罪
重開科試士上命高文義公覆試諸得舉者朝
退高公請奏事門上力言二臣之子文亦可觀顧
解有定額儼等本無罪上重違二人意令顧天
府准其子會試王文復疏辯上不喜曰敢再言



者以大臣擅法論遂已先是廬陵羅崇岳舉順天
第一以詭籍斥還縣學時人爲之語曰榜有姓名
還是學生榜無名氏京闈貢士明年裕陵復位二
人得罪其子竟不得試禮部公卒贈禮部左侍郎
謚文介公學有沉潛文無險塞取予明察

侍郎儲文懿公

公名璠字靜夫秦州人成化二十年進士歷南京
考功主事文選郎中弘治七年調考功十年陞太
僕少卿公淳行清修與物無競而自守介然在考
功出入三年感否不淆交游稀寡嘗薦張吉等五

人可任諫官論教科道龐泮等不宜以言事下獄
又上言乞令史官紀注言動如古左右史康陵初
陞太僕卿明年會都御史總樞南京聞局無事專
心經史訪輯國朝故事又明年入戶部爲侍郎逆
璠專權益甚公卿奔走璠前公愧憤引疾求去長
沙與公善得允致仕內批公有才望行且起璠公
去數月璠誅不數月起公時璠雖誅諸倖倭繼用
事公益不樂明年又乞休去七年改南京戶部是
年冬改吏部南京公辭益力起益數其淳易恬靖
人皆慕之卒謚文懿

太子少保邵文莊公

公名寶字國賢無錫人成化二十年進士初知許州愛民訓士弘治七年入戶部爲員外郎郎中凡歲杪會計出納及勾校京邊儲蓄鹽屯皆公區條具疏陞按察副使提學江西章廟名節敷寬善誘累官泉藩長吏政總大端而已正德四年陞副都御史總漕巡撫江北公有清譽在江淮不事改革赫赫漕大小將校皆廉悍不敢苛黷未幾事忤逆瑾瑾又惡平江伯平江伯者清帥也事連公瑾益怒禍且不測長沙力解得致仕瑾誅起巡撫貴州

陞戶部侍郎公故熟知戶部程法見財用竭耗心憂之七年請養母歸十四年陞南禮部尚書辭嘉靖初再辭詔特與終養母服闋請致仕不允卒贈太子少保謚文莊公質性淳懿問學該洽孝親收族與海後進應務之才細巨皆適所著學史簡端錄二書巡撫吳廷舉上于朝

太子少保楊文恪公

公名廉字方震豐城人成化二十三年進士爲給事中南京建議皆國家大體邊防要務弘治十三年陞南光祿少卿歷南太僕少卿通政正德七年



尹順天平循減役裁諸費愛人節用京輔稱清
十年陞南禮部侍郎進尚書大禮議起具疏同南
九卿請考 孝宗母 昭聖以崇正統一本之義
報聞公好學能文員時名吏事精敏性介耿耻回
互論事據經義時傳律例通古今所著有國朝名
臣言行錄行於世卒贈太子少保謚文恪

祭酒魯文恪公

公名鐸字振之景陵人弘治十五年進士庶吉士
入翰林閣門欽跡不事交游爲編修益沉潛學問
不專爲文詞歷司業祭酒端飭自勵日危坐焚香

讀五經四書不肯言人短長及時政得失虚心約
已清慎不渝憂時濟世之心每惓惓焉屢請告屢
起屢歸羣情鄉慕益兢持名節嘉靖初交薦不起
卒年六十七謚文恪

尚書崔文敏公

公名銳字子鍾一字仲臯安陽人弘治十八年進
士改翰林庶吉士授編修正德初宦瑾擅權卿佐
皆伏謁晚公遇瑾史館門獨長揖瑾怒目視公他
日諸史官旅見又皆長揖瑾益怒謂張綵曰翰林
白面後生多輕薄如崔銳尤甚會 孝宗實錄成



禮婦吉史官陞級調部屬州縣練政理改公南京
驗封主事瑾誅召入翰林上書李文正公及時悟
主救民薦賢理財張兵無徒驅獵輸墨十一年九
載滿陞侍讀明年請告歸嘉靖元年召修 武宗
實錄明年日講陞南京國子祭酒公開誠善誘明
教條正文體日衣冠坐東堂對諸生問難時議大
禮江南共大饑人相食公上疏略曰近者主事張
璉等以先後獻議超遷大學士璉見尚書汪俊修
譏呂柟編修鄒守益監察御史馬明衡等以上疏
罷斥御史段續陳相吏部員外郎薛蕙下獄仰惟

皇上求備禮於本生至孝也然當詳稽禮意大順
通情獨任已意亦易有極疏入報聞十八年春改
少詹事兼侍讀學士未幾擢南京禮部右侍郎都
御史王聘言句容朱家巷者 皇祖故鄉墳址且
在請表揚公獨持不可曰興王之基失實爲國事
竟寢尋病致仕卒贈尚書諡文敏公宏才博學好
古能文素履矜然出處無玷銑嘗曰予讀元子述
時述命述居三篇蓋全生保行之道非得已也予
自丁丑迄甲申仕于兩京不及二載餘皆山林閒
佚之日撫已相時古今何相遠哉乃仍舊題綴緝



已見刊詭反經貽諸同好云文多不錄

侍郎呂公

公名柟字仲木高陵人正德三年進士第一人除翰林修撰公初入庠校與馬理康海皆有名閩中既入翰林朴靖端約力學慕古時逆瑾用事以公鄉人欲引公嘗公驟與鄉佐且授先朝故事得入內閣公避不與來往瑾謀且中傷公會瑾敗得已九年請告歸嘉靖元年復除修撰三年議大禮下詔獄降解州判官六年陞南考功郎中九年陞卿南尚書十三年陞南太常少卿十四年陞祭酒

國子監公篤行率人勤於訓迪每有條約動遵古誼經書子史博讀詳玩並有發揮門生環向請益耳聽口授無倦容無擇言十五年陞禮部侍郎南京十八年致仕歸越四年卒時有馬汝驥字仲房綏德人正德十二年進士卒謚文簡武城有王道字純甫正德六年進士歷官吏部侍郎仲房簡靖端恪純甫淳懿溫恭並有文學負時望難進易退未究其用而卒善類惜之


論曰諸君子文學節行足任承弼往往罹讒誹忤權奸否即抱疴天閔不獲致用儼所謂命數非耶



不然錢謂劉謂崔謂呂謂豈在胡商彭徐之下
鄒謂儲謂邵謂楊謂獨不得與金李呂楊班乎
皇明名臣記第十八卷

于履準校

孫心材重校





RESERVED NATIONAL CENTRAL LIBRARY, TAIWAN, R.O.C.



2025 NATIONAL CENTRAL LIBRARY TAINAN P.O.S





國立中央圖書館, 臺灣, R.O.C.

41-51827



皇明名臣記第十九卷

吾學編第四十

海鹽鄭曉

聘君吳公

公名與弼字子傳江西崇仁人父溥爲國子司業
事建文君永樂中爲翰林修撰公資稟英異八九
歲時讀書鄉塾已熒然不凡年十九見伊洛淵源
錄日夜玩讀至程伯淳亦有獵心喜曰審如是吾
亦可學爲聖賢遂去舉業謝人事獨處小樓盡讀
四書五經洛閩諸錄收斂身心沉潛義理足不下
樓者二年中歲家貧衣食不給風雨不蔽躬親耕



稼手足胼胝非其道義一介不取四方來學者約已分少飲食誨教天順元年石亨謀於南陽南陽爲草疏薦留中數日 上問南陽與弼何如人對曰與弼儒者高蹈古昔明王莫不好賢下士 皇上聘與弼卽至朝盛事 上曰善卿草勃加東帛遣使聘處士勅曰朕承 祖宗丕緒求賢圖治亦有年矣永惟勞於求賢然後成無爲之治樂於忘勞乃能致難進之賢聞爾與弼潛心經史博洽古今蘊經國之遠猷抱致君之宏畧顧乃嘉遜丘園不求聞達朕眷懷高誼思訪嘉猷企望丰儀以咨

啓沃夫古之君子隱居以求其志行義以達其道而獨善自安豈其本心諒爾於行藏之宜處之當矣今特遣行人曹隆詣爾居所徵爾赴闕仍賜禮幣以表至懷其惠然就道以副朕翹望之意比至上問南陽與弼宜何官對曰宜授官寮侍太子講學 上曰與論德左對曰與弼至乞召至文華殿顧問 上曰然又乞與館次俱張 上曰然已而見 上文華殿公辭官 上曰前公前 上曰久聞高義特聘爾來何爲不受職對曰微臣草茅賤士少時多病杜迹山林本無高行徒以聲聞過情

名目計
誤塵薦積聖明過聽龍書束帛天使造門不勝愧
感力疾謝 皇上厚意今年六十八實不能供職
上曰官寮優閑不必辭公辦益力 上賜文幣八
酒半糜遣內臣牛玉送館次 上起顧南陽曰此
老非迂調者秘令就職公三辭不允遂稱病篤
上又諭南陽曰與弼召至何為不受職即受職必
欲歸山俟秋涼亦不固留且歲之終身不亦可乎
卿為朕論此意公固辭不受留京師二月求歸益
切南陽為 上言與弼初意本欲受一官事 陛
下第老且病進退狼狽幸 陛下包荒許再上疏

辭孝甚 上曰果爾亦難留南陽又曰此朝廷盛
事幸始終恩禮 上首肯曰既以行人聘來復以
行人送歸與聖書令有司繼稟終其身南陽頰首
曰帝王盛德事也公陳十事復表謝而歸公風格
高邁議論英偉習次灑落師道尊嚴善感悟啓發
人其學術質任自然務涵養性情有孔門陋巷風
零之意亦通時務能用世凡天文兵法陰陽易卜
無不諳悉嘗曰註箋繁無益以故不務著述云清
江有陳海雍號龍潭老人潛心古學遜世無悶公
雅敬重之白沙嘗以周易疑義質公公曰過清江

可叩龍潭老人白沙如其言往謁適龍潭雨中築笠翠田乃延至家與之對榻信宿辯析疑義白沙歎服而去龍潭語兒輩曰吳康齋非愛我者

翰林檢討陳公

陳典辰 胡居仁

公名獻章字公甫新會人正統十二年舉人身長八尺目光如星右臉有七黑子如北斗狀頴悟絕人讀書一覽輒記戊辰辛未再上禮部不第聞康齋講伊洛之學遂棄其學而學焉成化三年復游太學邢祭酒讓試和楊龜山此日不再得詩曰能飢謀藝瘦骨寒思植桑少年負奇氣萬丈摩青蒼

麥麻見古人慨然悲流光吾道有宗主千秋朱紫陽說敬不雜口示我入德方義利分兩途析之極毫芒聖學信匪難要在用心臧善端日培養庶免物欲戕道德乃膏腴文詞固秕糠俯仰天地間此身何昂藏胡能追逸駕但欲漱餘芳持此木鑽差其如磐石剛中夜攬衣起沉吟獨徬徨聖途萬里餘髮短心苦長及此歲未暮驅車適康莊行遠必自邇育德貴含章邇來十六載滅迹聲利場閉門事探討蛻俗如驅羊隱几一室內兀兀同坐忘那知顛沛中此志竟莫強譬如濟巨川中道奪我航



鎮益一身小所繫乃綱常樞紐在方寸操舍決存亡胡爲漫役斷喪良可傷願言各努力大海終回狂等歸隱白沙久之十八年布政使彭韶督府朱英交薦召至京令就試吏部辭疾不赴越數日赴試至部復以疾懇發辭卒不就試時年五十六懇辭乞終養疏曰臣母以貧賤早寡俯仰無聊廢憂成疾老而彌劇使臣遠客異鄉臣母之憂臣日甚愈病愈憂憂愈病憂病相仍理難長久臣又以病軀憂老母年未暮而氣則衰心有爲而力不逮乞歸養特授翰林檢討疏謝曰臣至愚陋亦知

銜員恩德圖報稱於親終疾愈之日不敢負朝廷待士之盛意不敢違臣子效用之初心歸至南安知府張弼問出處曰康齋以布衣爲后序所薦以故不受職求覲秘書冀得開悟主上情時相不悟以爲實然言之上令受職然後觀書殊戾康齋意遂決去獻章以聽選監生薦又疏陳始終願仕故不敢僞辭釣虛名或受或不受各有攸宜爾自後屢薦不起或勸之著述不答弘治十三年卒學者稱爲白沙先生公嘗曰吾年二十七始發憤從吳聘君學於古聖賢垂訓之書蓋無所不講然未

知入處比歸白沙杜門不出專求所以用力之方
既無師友指引惟日尋書冊忘寢忘食如是者亦
累年而卒未得所謂未得謂吾此心與此理未有
騰泊膠合處也於是舍彼之繁求吾之約惟在靜
坐久之然後見吾此心之體隱然呈露常若有物
日用間種種應酬隨吾所欲如馬之御銜勒也體
認物理稽諸聖訓各有頭緒來歷如水之有源委
也於是渙然自信曰作聖之功其在茲乎林俊曰
康齋之有白沙猶李挺之之有邵康節始求之博
久之曰維矣又求之靜久之曰偏矣維佛老而超

節老張朱二夫子先迷而後獲也遂以宋大儒爲
依歸其立志甚專嚮道甚勇涵養甚熟德器粹完
脫落清澗獨超造物牢籠之外而寓言寄興于風
煙水月之間蓋有舞雩陋巷之風焉當是時有布
衣陳真晟字晦德又字刺夫漳人也人稱陳布衣
骨格高聳神氣肅清望之非塵埃中人年十七八
即能自拔于俗專心儒業嘗至福州應試聞有司
防察過嚴無待士禮走歸自是不復事科舉務爲
聖賢踐履之學初讀中庸爲行養省察工夫覺無
統緒繼讀大學始知爲學次第乃以大學爲據及

讀大學或問見朱子博采主敬諸說以補小學工夫始知敬者乃大學之基本也求其所以為敬見程子以主一釋敬以無適釋主一始於敬字見得親切實下工夫推尋此心之動靜而務主于一嘗曰大學誠意為鐵門關難過主一二字乃其玉鑰匙也又曰人於此學若真知之則行在其中矣天順二年用伊川故事訪聞上程朱正學纂要其書首採程氏學制次採朱子論說補正學工夫次作二圖一著聖人心與天同運次著學者心法天之運次言立明師補正學翰皇儲隆教本數事以終

圖說之意書未上先疏乞召見陳說不報及書上下禮部看議竟寢既而家居讀提學憲臣勸諭教條有主敬窮理修己治人崇正學迪正道敦尚孝弟忠信禮義廉耻等語喜曰此學校正教也然學校雖崇正教而科舉不定正考雖有正教不行因採勸諭中要語參以程氏學制呂氏鄉約朱氏貢舉私議作正教正考會通定考德為六等考文為三等各有案例可據而行又纂長書告當道諸君子諸君子終不能推行其說走臨川就正康齋質其家直得五金攜兒子一人行戒之曰我死即瘞



于道題曰閩南布衣陳某墓至江西張元禎止之宿扣其學大加稱許曰無至臨川爲也遂歸鎮海教人專一靜坐卒年六十四後郡守彭桓立石官道傍題曰大明闕下兩上書請補正學泉南布衣陳先生墓提學副使姚鏌祀之鄉賢祠布衣平日不爲文字之學有雜藁藏于家又有胡居仁字叔心餘于人幼讀異有大志七歲學於家塾言動如老成人既而學於康齋慨然以古人自期斯道自任以記誦詞章爲不足事專用心於內其學以主忠信求放心主敬爲要因名敬齋處家庭如朝堂


對妻孥如賓客端莊凝重履繩蹈矩造次顛沛未嘗少違隱微幽獨之際愈嚴愈密每日必立課程詳書得失自考終日竟夕孳孳不倦見義勇爲不擇利害爲趨舍排異端振流俗高風偉節儀表江南所著有居業錄敬齋集門人吏部侍郎余祐曰先生弱冠時奮志聖學往遊康齋先生門退而藏修于家讀書窮理存諸心者不以一時或息反諸身者不以一事或遺久之則知益精守益固養益裕而所得益深矣居業錄者先生道明德立無可告語事有感于外而無可施行故筆之于冊取易



修辭立誠之義其間論聖賢德業經傳旨趣學問工夫政教基本性命淵微不一而足至異端佛老之學尤深辨詳闢惟恐其陷溺人心變亂士習蓋亦有爲而發故其詞繁而不殺焉莆田又有布衣劉閔恭慎醇粹孝行高古日無二粥身無完衣而處之裕如劉大夏徐貫每拜其門知府王弼齋所必致閔曰對劉君部各日去詞藻雖不逮其爲人而德宇道風人自濯及弘治中尚書林俊薦閔以布衣入侍 東宮撰閣

翰林修撰羅公

公名倫字彝正吉安永豐人成化二年進士第一策對萬言中引程正公言人主一日之間接賢士大夫之時多親宦官宮妾之時少執政欲節去下句公不從爲翰林修撰會南陽起復公詣私第言不可復上疏歷陳古今起復非是且曰如其不然必準富弼故事終喪劉珙故事言事反復數千言謫副提舉福建市舶自是臺省少起復者明年召復官改南京尋疾辭歸閉門授徒日以註經爲業垂十年卒知公者謂公有滂沛之文奇偉之節果敢之氣至其心所欲爲而力所未逮未必盡知也



公嗜學好古篤志力行避惡若涅聞善若鶩嘗欲
做古置義田贍族人或助之堂食錢謝弗受或衣
之衣行遇乞人死於途輒解履去客晨至留飯其
妻語子瓶粟罄情之旁舍比舉火日已近午公不
爲意結茅棲息取給醴飲往來共樵牧若無意於
世者與至爲文一發感慨之意而人亦莫之知也
白沙稱公才大不可及其志青天白日云

給事中賀公

余主事武選時尚書李康惠公令刪正醫閭先生
言行錄爲八卷余請告歸武進唐順之稍加校錄

刻於遼東醫閭先生者賀公欽也字克恭世縣定
海其先成廣寧後屯爲遼西人少穎敏沉厚好學
偶得近思錄朝夕玩讀得其旨要遂厭俗學成化
二年舉進士爲戶科給事中見白沙論學歎曰至
性不顯寶藏猶靈世即用我而我奚以爲用即日
上疏解官去執弟子禮事白沙旣別肖其像懸室
老病母憂上疏懇辭且陳四事一曰資真儒以講
聖學謂今日急務莫先于講學而經筵勸講之官
所謂師友之臣尤當訪求真儒以充其任不宜苟



以俗儒廁其間二曰薦賢才以輔治道謂新會縣
歷事監生陳獻章天性高明學術純正誠當世之
大賢爲士夫之矜式宜以非常之禮起之或任內
閣俾參大政或任經筵使養 君德三曰遵 祖
訓以處內官謂內府監司局庫衙門款之 祖訓
內官條其職掌不過灑掃供養關防出入等事而
已近年如王振喜寧舒良王誠曹吉祥牛玉汪直
尚銘梁方陳喜輩或陷主虜庭身叛賊境或主易
儲君禁錮南內或謀爲不軌賄易后妃或邀功啓
釁流毒邊徼或恃寵招權納賂不賞或引用左道

蠱惑 上心或導進淫巧盜虛府庫此其陷君誤
國意政殃民昭昭在人耳目者也宜深鑒已往之
弊永絕方來之禍內不可使職掌奏牘得預大政
外不可使鎮守地方掌握兵權則非惟爲國家無
繼之福亦宦官無繼之福也四曰典禮崇以化天
下謂陛下紹基之初罷黜浮屠妄誕之邪術舉行
朱子喪葬之正禮真所謂守成業而致盛治也但
初政之施方發其端而頹敗之俗尚仍其舊禮讓
之化未行淫穢之風日甚乞申明正禮之當行革
去教坊之俗樂則國不異政家不殊俗而風俗自

美民心自善。疏入報聞。允公辭。正德四年。逆瑾括田東人。驚疑思亂。義州以守臣貪故。遂先發。聚衆縱火劫財。大擾。然相戒曰。毋入東街。警黃門公。往諭曰。渠輩既知悔。即不殺人。可解鎮城。當有人至爾輩。直拜跪求生。慎無殺人。已而撫鎮人果至。須臾又言軍至。且勸衆復呼諫曰。賀黃門無設詔。又趨。疏公里門。公曰。城中擾亂。至此。鎮城焉得不發兵。兵雖至爾等第不殺人。必有爾無恐。衆遂定。城中不傷一人。公不務博覽。專讀五經四書。小學。靜思默識。反身實踐。冠婚喪祭。遵用家禮。每教人。

讀白鹿洞規。小學。鄉人由是興於行義。老更好易。究心象數。手不釋卷。卒鄉人祠之。凌溪釣臺子士。語鄉貢士博學爲行。嘗陳十二事論王政。不報。辭疾歸。終身不仕。

郎中莊公

公名昶。字孟暘。江浦人。成化二年。進士。庶吉士。授翰林檢討。與羅倫陳獻章友。未幾。與編修章懋黃仲昭。上培養君德疏。曰。成化三年十一月二十九日。內閣遣郎中韓定持小揭帖到東閣。及史館。分與太常卿。美侍讀學士吳節等。令各賦詩。臣等各

受一帖內開花果烟火等項面帖詩譜題目仍令
依舊格擬進及觀舊格俱是玩好之物鄙衰之詞
甚非所以養 聖心崇 聖德也 陛下即位之
初下溫詔放田租絕貢獻倖不急之務與民息肩
大開言路天下欣然承望太平及親去年以來如
遣人巡視國家舊制一聞大臣之言而遂寢節令
宴樂每歲常例一因大臣之疏而遂罷向因災異
勅諭羣臣同加修省凡此數事皆臣目擊未嘗不
頌 陛下從善如流改過不吝決知 陛下之不
樂於此今日之來或 兩宮在上 陛下欲極孝

養奉其惟心然大孝養志不徒玩好 母后恭儉
慈仁德著天下豈在烟火之樂哉况兩廣弗靖四
川未寧遼東離亂北虜毛里孩包藏禍心江西湖
廣大旱數千里民不聊生此正宵旰焦勞不遑暇
食 兩宮母后同憂之日又知 陛下不暇為此
至於翰林以論思代言爲職雖供奉文字然鄙俚
不經之詞豈宜進於君上若不取法聖賢而曲引
蘇軾宋郊爲比自取侮慢罪復何辭又嘗伏讀
宣宗翰林箴曰啓沃之言惟義與仁堯舜之道鄒
孟以陳煙火之舉恐非堯舜之道煙火之詩恐非

仁義之言臣不敢妄陳人謂此直微事細故不足
論陳然止漆器惡青酒俸露臺古之聖帝明王正
以欲不可縱漸不可長故也疏入論桂楊州判官
給事中毛弘御史陳壯論枚改南京行人司副久
之以家艱去不復起居定山垂三十年有薦公者
召至京徐文靖公言當復公官翰林竟復司副遷
南驗封郎中得風疾遷延野寺明年乞告未得允
輒歸又明年罷

吏目鄒公

公名智字汝愚合州人成化二十三年進士生而

穎敏過人年十二能文章經史一目即不忘普居
龍泉菴貧掃樹葉焚之照讀書達旦如是者二年
文思警拔千言立就改庶吉士翰林會星變應詔
陳言極論陰陽之理言少師萬安持祿怙寵殊無
厭足少保劉吉附下罔上漫無可否太子少保尹
直挾詐懷奸全無廉耻世之所謂小人也南京兵
部尚書致仕王恕託志忠勤可任大事兵部尚書
致仕王竑秉節剛勁可寢大奸直隸巡撫右副都
御史彭韶學識醇正可決大疑世之所謂君子也
乞盡斥小人而進用君子又言君子所以不進小

人所以不退大抵宦官陰主之疏入不報弘治三
年御史壽州湯賓勅萬劉尹萬尹去劉留恨鴛御
史魏璋附劉啖璋能去鴛陞僉都御史璋即草疏
署陳景隆等名劾鴛與壽州知州劉景妄言朝政
嫉公者因人公名下詔獄公身親三木僅餘殘喘
神色自若無所曲撓獄官苦訊公公書詞曰智與
今湯鴛等來往相會或論經筵不宜以大寒大暑
極講或論午朝不宜以一事兩事塞責或論紀綱
廢弛或論風俗浮沉或論生民憔悴無賑濟之策
或論邊境空虛無儲蓄之具當事者恨公坐公劾

禁妖言惑眾罪死刑部侍郎彭韶辭不判徐文時
公亦力言吾輩不可使朝廷有殺諫臣名獲免左
遷廣東石城所吏目稱謫戍河西公既謫毅然就
道衣結屨穿幾不能存親識饋遺堅却不受至石
城視事甫兩月廢政悉舉總督都御史秦紘檄遣
董颺修書得居廣城友白沙四年暴疾卒年二十
六

園子祭酒蔡公

公名清字介夫晉江人成化二十年進士爲禮部
主事三年三原用之吏部竟復禮部乞南又乞告

起按察副使督學江西賀藩王壽旦獨去朝服中
蔽膝三司官舊用朝望朝王次日謁孔子公請三
司先謁孔子藩王素憾林俊讒者因言公與林厚
遂忌公伺公短使人傳謗京師欲併逐公一日宴
藩王所故設機械直讓公不能詩文公據理正對
拂其意僚友又有挾術相傾者遂決意引疾致仕
通達專政時起國子祭酒厭人心公已卒矣公明
經博學行潔心淳氣清色和外簡而內辯與之論
天下事治俗隆汙文章高下學術邪正古今人品
優劣事功立後當若何成敗一以禮義折斷其言

稽深訓切嘗曰儒者致用尚欲經理一世康濟羣
生今吾數口之家生計常不辦至數數仰資他人
貽憂父母才之疎劣於此亦可自考又嘗題卧處
曰命好德不好王侯同腐草德好命不好顏淵任
窮天又曰善愛其身者能以一生爲萬載之業或
一日而遺數百年之休不知自愛者以其聰明際
盛時操名器徒就一己之私而已所謂如入寶山
空手回也又曰分陰不惜學力不充當事臨疑口
耳無所歸手足無所措又曰處今世亦自有許多
當避嫌處不可便以聖賢自擬



論曰諸君子學聖人者也志氣清明踐履篤實超然物表一洗陋俗其於喜怒哀樂視聽言動之際蓋兢兢焉若乃昌言義色遠衆矯時視險如夷不

丁九卷

子履準校

孫心材重校

皇明名臣記第二十卷

吾學編第四十一

尚書王文忠公

海鹽鄭曉

公名英字時彥金谿人永樂二年進士庶吉士入翰林未幾召公及王直入內閣書機宜奏疏五年授修撰扈上北巡十四年進侍講二十年從征胡至濶樂兒海旋師至威虜命碎李陵臺驛令碑沉河中絕虜爭上顧公喜曰秀才二十八人中讀書者朕需爾爲用宜宜力勿憚勞公因言虜遁幸勿入險窮追 上笑曰朕爲天下國家計秀才

論曰諸君子學聖人者也志氣清明踐履篤實超然物表一洗陋俗其於喜怒哀樂視聽言動之際蓋兢兢焉若乃昌言義色遠衆矯時視險如夷不

丁九卷

子履準校

孫心材重校

皇朝名臣記第二十卷

吾學編第四十一

尚書王文忠公

海鹽鄭曉

公名英字時彥金谿人永樂二年進士庶吉士入翰林未幾召公及王直入內閣書機宜奏疏五年授修撰扈上北巡十四年進侍講二十年從征胡至濶樂兒海旋師至威虜命碎李陵臺驛令碑沉河中絕虜爭上顧公喜曰秀才二十八人中讀書者朕需爾爲用宜宜力勿憚勞公因言虜遁幸勿入險窮追 上笑曰朕爲天下國家計秀才

直不欲黜武耳又曰凡軍中一切動靜或謠言有聞即密奏朕又頷內臣曰秀才有事見朕勿闕駐安平鎮軍中有怨言上怒公言此皆壯士幸宥其過稍與恩澤異日得其死力上喜立命兵部尚書李慶給餉及輜畜二十二年上崩榆木川東宮命公與諸大臣定喪禮議國亭宿內閣凡七日東宮即位陞侍講學士又陞右春坊大學士兼故官支兼俸明年乞省歸朝景陵召入便殿謂曰洪武中學士有宋濂吳沉朱善劉三吾永樂初解縉胡廣皆有名汝英慎自勉五年陞少詹事兼

侍講學士七年內艱起復裕陵即位充史館總裁講官陞禮部左侍郎兼侍講學士正統八年出理部亭領日講十一年引年不允十三年陞尚書南京禮部景泰元年卒謚文安改謚文忠公與修文仁宣三朝實錄文章典贍尤善草書寬弘樂易豪俊豁達不屑曲檢顧直諫好規人過以故三楊皆不喜

太子少保周文安公

公名洪謨字克獨長寧人正統十年進士祖父皆儒官有學行公少有奇質歷官翰林官坊專心問



學爲文詞簡直有理致不爲奇澁語而言意宛轉
可愛尤熟國家典故議論建白緣飭吏事應對賓
客出入經史初在翰林即勸裕陵勤禮筵以明聖
學謹內治以教政本未幾上時政十二事條蜀寇
防禦便宜成化初爲祭酒兩國子表率生徒規閣
整整又上言祀禮儲蓄省刑減役薄稅禦虜撫夷
等十事我朝尊崇孔子冕服循前代用天子制而
禮樂不稱封號不加公以爲闕典宜更議下禮部
鄒尚書不可茂陵用公議增菹豆十二舞八佾十
四年陞禮部右侍郎尋轉左十六年陞尚書二十

三年加太子少保公又言書夏蔡氏御璿璣玉衡非
是以故占步不合乞更定西番烏思藏者合諸族
入貢繳賞輸舊額歲益至三四千人河西諸番又
詭烏思藏族益不可詰公請視海中倭夷給與符
二十道每貢書貢使名及貢物符上識以舊賜金
印至關驗是納否斥去成化不月當食不食衆議
宜賀公言陰盛故不可賀竟不賀弘治元年致仕
歸聞有虜警力疾上安中國察四夷十事又三年
卒謚文安

太常卿張公

公名元順字廷祥南昌人天順四年進士選庶吉
士翰林爲編修言選給事中不必論軀幹惟其器
識遠大學問該博文章優靡耳諸給事中惡公言
竟格不行茂陵即位上疏勸行三年喪又言治道
大本原在講學治用人厚風化行此四者則庶
政舉舉未幾與蔣宰議不合請告歸家居二十餘
年益潛心理學名益高廷臣交薦弘治初召修
憲宗實錄進左贊善上疏勸行王道反覆幾萬言
錄成陞侍講學士去南京乞歸養母家居者又九
年修大明會典交薦召爲副總裁陞翰林學士

日講泰陵知公名特聽公講說喜母服闋又交薦
進南京太常卿修通鑑纂要又召爲副總裁改太
常卿兼翰林學士日講又侍東宮講讀未幾掌詹
事府管內閣誥勅疏勸經筵講太極圖及西銘諸
性理書東宮講孝經小學上忻然嘉納亟索太
極圖觀曰天生斯人以開朕也且將大用竟不果
公說癯然纖弱勤學好問力探經傳贖隱多所獨
得論議揭揭崖岸孤貞剛果之氣不可屈好面折
人過交陳遜羅倫陳獻章皆以道學相規切

太子太保林文安公



公名潛字亨大閩人成化二年進士爲翰林編修
歷陞論德弘治三年爲祭酒上疏請開科進人才
大略謂今天下學校作養日盛科貢二途取有定
數歲有常規不無遺材淹滯之歎詔開貢公祭酒
垂十年待諸士嚴而有恩請託不行故事祭酒膳
役銀歲百數公悉貯官構祭酒公署及監中諸師
儒寓舍九年進禮部侍郎掌監事十二年入吏部
爲侍郎明年爲南吏部尚書會災異率羣僚陳十
二事曰明黜陟去冗官清吏弊定庄田折鹽鈔處
監生嚴軍政省供應収才望禁好食儉不急寬民

力時有御史自惡按逮獄二三儒生實緣傳奉校
中書舍人上疏申救御史乞寬宥全風憲之職収
回中書舍人成命杜倖進之門則天命天討自協
至公忤旨自劾不報十七年復疏重根本以回天
變四事曰保固南京以重祖宗之根本佑啓
皇儲以重天下之根本撫綏百姓以重邦家之根
本增進賢才以重政治之根本明年甲子適符洪
武十七年 聖祖開科取士之期宜加增鄉試解
額以廣賢路是年請老疏云臣在南京親見諸尚
書崔瑄董越謝綬王繼陳道乞休不允三年間相

繼物故亦不允正德元年冢宰缺給事中丘俊御
史石珣薦公學優才瞻剛方貞介未幾改南京兵
部尚書參贊機務因災異會陳十二事曰隆大孝
以先天下言 先帝奄忽上賓陛下親承付託惟
任大臣而不改 先帝所倚用立大政而不易
先帝所貽謀斥遠近習力體 先帝親賢遠佞不
假貴戚力行 先帝割私任公戒飭邊備常若
先帝不忘夷虜節省財費常若 先帝不忘生靈
事無巨細無內外惟做 先帝所已行者而力行
之則大孝之實通于天下矣其次集羣議以決大

政改州治以奉陵寢崇儉德以裕財用省虛費以
甦軍民增貢舉以進人才修武備以禦寇盜省匠
役以甦民困節工役以省財用清吏役以革宿弊
清馬政以防欺蔽大優容以廣言路剴切無忌諱
是時逆瑾側目方正士會南京科道官言事被逮
公獨往送贖係金且議上章直諸言官瑾聞之恨
勒科道招詞逮公爲宦矯詔降浙江左叅政致仕
瑾恨未已復矯詔拈公與大學士劉謝尚書韓文
等爲奸黨誅復尚書致仕按察副使陳伯獻嘗
稱公賤者卽之不知其爲貴卑者卽之不知其爲

尊愚不肖者即之不知其爲賢且智獨非意相干者即之始知其不然不可犯也卒年八十六贈太子太保謚文安子庭樞嘉靖中爲工部尚書謚康懿庭樞弟庭樞官南京禮部尚書庭樞子謙今爲翰林學士吏部侍郎謙弟煙衆進士父子兄弟皆以支行知名一時海內冠冕推林氏云

尚書王文莊公

公名鴻儒字懋學南陽人成化二十三年進士公聰悟天成書過目成誦作字端勁有古法里人有爲府史者嘗致公佐書府中知府段堅見公書顧

奇史史對曰史里人王生書也堅即召見曰子風神清徹豈塵埃中人即留讀書府中續食校衣遣入郡學爲諸生提學副使陳選異其文曰此高才生文章經世者非直舉業未幾發解河南第一筮仕南京戶部出納倉庾權舟督稅皆有條式便公私聲蹟遂著衆益占其爲全才弘治九年僉事提學山西十五年進副使提學在晉九載教人以涵養爲本文藝爲末正己率人簡約條束生徒請益因材開發竟日不倦教之不率至再三益懇惻得改悟輒喜士以故益信嚮泰陵勵治恩賢皆召見

華容論人材曰藩臬中如王鴻儒他日可大用正德改元乞致仕賜告四年家拜國子祭酒不數月憂去七年又家拜南戶部侍郎十年召入吏部歷左右侍郎嘗曰惟誠與直能濟國事趨名者亦趨利於社稷生民無益也時吏部尚書陸完有才名頗與宸濠通語言公亟稱夏忠靖王忠肅二公賢可師法感動完完意不說十四年三月陞公南戶部尚書是歲六月宸濠反完敗公出督餉留都至九江聞變迺流欲入武昌約守臣起兵討賊又聞康陵南巡益憤逆疽發背卒謚文莊公博聞多識學有鑿鑿宏裕吳行文發互溢尤明習國家故事凡 祖宗設政任人及先輩立朝行已歷歷能言皆有按據至論時務要決成敗可否通窒援証今古如探囊指掌待物開誠和而有禮不問人私人亦不敢以私問也段太守蘭州人治南陽脫略簿書宣導化理公及舉人張景純皆太守所識拔弟鴻漸亦舉河南鄉試第一官至山東右布政使致仕廉靖有吏才

太子少保傅文毅公

公名珪字邦瑞清苑人成化二十三年進士庶吉

士授編修弘治十三年陞左中允正德四年逆瑾惡翰林不附已矯旨大明會典文訛舛奪預修者官公降修謬瑾敗復中允五年以學士陞吏部右侍郎明年轉左尋陞禮部尚書當是時康陵好佛自稱大慶法王外廷頌聞之無微以諫俄內批禮部番僧請腴田千畝爲大慶法王下院乃書大慶法王與聖旨等公佯不知者執奏執爲大慶法王者敢並至等善與天子壞祖宗法大不敬詔勿問田亦竟止宜徐戒賢請改牙牌公曰優取亂祖宗法壞又欲改教坊司印公曰優敢亂

祖宗法皆格不行時流賊亂中原太監陸閏親督容征久不捷諸內臣又立監鎗名益出後曹內臣統軍下廷議衆莫敢先發公奮曰兵老民疲賊日熾以昌功者冗債事者漏罰失將士心今賊在郊圻肺腑間民奮然思亂禍在宗社旦夕吾輩死不贖責諸公尚首鼠耶議罷疏上竟遣監鎗諸內臣俄有旨令公請致仕公即請致仕去杜門謝客及卒遺命無請葬祭嘉靖元年理守正文臣贈太子少保謚文毅公朴端簡諒自檢甚嚴孝友之行字於鄉曲



少保毛文簡公

公名澄字憲清崑山人弘治六年進士第一人方正端毅有濟務才初授修撰預修大明會典陞右諭德充東宮講讀官又預修通鑑纂要進右庶子兼侍讀賜金緋康陵即位預修孝宗實錄璉矯奪官仍侍讀尋以侍講學士日講正德十二年為禮部尚書公在部持正守典禮不與諸貴倖通存謝恭懇靖慎諸貴倖亦不恨公康陵崩奉昭聖皇太后旨借大學士梁儲駙馬都尉崔元壽宰侯張鶴齡韋太監邵皇親理皇帝與邸以功勅

庶子一人世錦衣指揮同知薛文副總裁修武宗實錄未幾大禮議起公守濼議請以益王子崇仁王子後獻皇帝上不從章聖太后至請由大明左門入又不從會議所生不得稱父母即不得帝后其所生又不從上不喜或勸公將順者霍韜再移書公論今日主濼議非是公不從嘉靖二年三月病請致仕加太子太傅令屬吏護行至興濟卒贈少保謚文簡公心術平爽學識淳正狀貌抑抑謙恭至是非義利禍福確乎不可拔也

論曰余釋褐時文簡公毛產知貢舉國士遇我也

公清修雅量顧宏達無枝柱然有定執不曲徇人

大禮議起公最先去當是時內閣楊廷和蔣冕毛

紀費宏五部尚書喬宇孫文彭澤林俊趙璜詹事

尚書石瑄吏部侍郎汪俊何孟春云文忠王英與

抑菴王直齊名稱東西王皆阻於盧陵奇士不得

入內閣東王王直久秉綏柄公竟置散地商文毅

公鄭不能薦周文安洪諒乃萬安劉吉皆得入內

閣張公元精家居時人爭薦東白元精名儒碩輔

比起又交章詭譎曰竊恐無常朝玄菟黃信然

林文安戴傳文毅注二公皆守正抗奸佞風節稜

稜文莊王為在外僚遂受知秦陵皆不究其用

皇明名臣記第二十卷 子履華校

孫心材重校




皇明名臣記第二十一卷 吾學編第四十二

海鹽鄭曉

太子少保李襄敏公

公名秉字統中曹州人正統元年進士為監察御史才識宏博議論持正己負公輔之望景泰二年宣府總餉侍郎劉瑾巡撫都御史任寧罷公以僉都御史總督邊儲參贊軍務劾退柴溝堡都督董斌又盡更置諸不才將校三年秋瓦剌入貢上言迤北使臣納哈赤等三千人馬駝畜四萬餘匹除進貢外存養宣府日支草料宣府草不過二十萬




皇明名臣記第二十一卷 吾學編第四十二

海鹽鄭曉

太子少保李襄敏公

公名秉字統中曹州人正統元年進士為監察御史才識宏博議論持正己負公輔之望景泰二年宣府總餉侍郎劉瑾巡撫都御史任寧罷公以僉都御史總督邊儲參贊軍務劾退柴溝堡都督董斌又盡更置諸不才將校三年秋瓦剌入貢上言迤北使臣納哈赤等三千人馬駝畜四萬餘匹除進貢外存養宣府日支草料宣府草不過二十萬



東料二萬石我兵尚不給何以供虜使且永樂宣
德間虜使進馬官驗不堪者令虜草地牧放不許
入境住劄窺伺正統間許住牧大同以故深知地
利數犯邊今虜使畜多謫詐之計不可不防是年
冬兼巡撫尋改提督軍務公遂薦葉盛參贊獨石
諸城軍務勅總兵紀廣副總兵楊能 上曰塞圍
方棘不得以細故据大將下巡按御史數報廣亦
訴公專權召公還京以右通政蔣琳為僉都御史
代公言官交章請留公 上為且留琳遺言官即
勸改琳貴州鎮守督軍務巡撫公留宣府四年掩

土木鴿兒嶺戰沒遺器萬五千請下大同禁刑諸
鎮並掩凡十數萬是秋病乞代不許許公一子視
疾其在遼東巡撫皆能節用愛人恩威兼濟吏民
畏服又能識拔將校斥速烽火塞上無大寇深入
即小入輒先覺驛出塞即已以故邊民得休息軍
無冗賞虜亦知公名輒徙帳避去成化二年董山
誘海西寇遼東公及武靖伯討降山遶山至廣寧
誅之徙其黨廣西加太子少保還臺四年入吏部
代鹽山為尚書請寄不得行五年春致仕先是公
與王竑並以剛方負時望坐廢再起巡撫公遼東



王陝西未行改淮揚尋都給事中張寧薦公爲兵部尚書王左都御史葉盛入閣時葉自廣東入議事御史呂洪言公尤可薦葉聲名損於嶺南不可薦薦公及王竑 上用王兵部公都察院葉亦改宜府未幾公入吏部公在吏部時崔尹爲侍郎不相能適巡檢事爲考功郎中張寰所持康御史又以星變合諸言官乞汰京官且劾尹禮兵部尚書馬昂姚夔程信學士商輅康御史者今與公善諸大臣益忌公公請會臺官考察京官大臣被劾聽自陳 上留姚程商三公馬罷去又有載御史者

請方面官復如正統間例聽在京三品以上大臣薦舉語侵吏部劉御史又言薦舉開殿門不可是年朝覲斥退者衆又多大臣姻黨兩侍郎時短公蕭給事中遂劾公下廷議兩侍郎唯唯曰吾二人嘗言之奈不肯聽何公遂致仕與來朝被斥官同辭竟快諸謾忌者蕭給事中又爲山西布政使丘陵許遠詔獄諸言官又疏言王樂欲入吏部彭時爲之內主以故逐秉彭不自安稱病商欲弭舉口請用崔侍郎吏部尹轉左葉陞右侍郎代尹康劉二御史蕭給事中並請官公家居言官屢薦大

TIFFEN Color Control Patches

Blue Cyan Green Yellow Red Magenta White Black

臣忌其方艱竟不起謫襄敏

太子少保崔莊敘公

公名恭字克讓廣宗人正統元年進士爲戶部主
事有能舉出督延綏邊儲南陽薦知萊州府府庫
故歲入漕海布數萬緡汜爛破庫人家公請量留
漕海布餘並出爲軍餉不踰年布盡歸守庫者八
百家十三年萊大旱蝗捕蝗發賑乞免下邑遭祖
又善辨疑獄人稱神明明年虜犯京師集兵數千
遣官部署勤王在萊六年吏畏民懷景泰三年陞
湖廣右布政使盡革諸冗費及和市苗賦優武岡

督餉訓民兵勦賊賊皆聽撫公安劍利流民相殺
公曰勿急急且大變下令流民願附籍者聽否且
俟秋成遣歸衆遂定調左江西囊中惟律比圖書
未數襲省有廣濟庫者庫官吏乾沒五十萬公發
其奸贓行臺韓雍竟法連坐布政使失職郡邑肅
然制爲役法調輕重任一歲之勞得九年之逸天
順二年陞右副都御史巡撫蘇松諸郡所至進耆
老詢利害爲興革會都督徐恭請浚儀真漕河公
役夫六萬人程工贖廩民不告勞又浚常鎮河避
江險四年鹽山薦爲吏部左侍郎成化五年代李



秉爲尚書不久罷歸九年起爲南京吏部尚書卒
贈太子少保謚莊敏公寬平坦易中無芥蒂好善
惡惡出於天性臨事剛而不亢柔而不衰其在吏
部慎惜人材獎拔後進廉靖自居人知嚴憚

少保姚文敏公

公名燮字大章桐廬人正統七年進士明年爲吏
科給事中條上時務八事內艱闋復入科會虜變
累疏言禦虜方略 景帝監國議即真公預議有
力景泰元年起陞南京刑部侍郎三年改南禮部
勅考察雲南諸吏四年還朝留禮部 上不豫奉

情洵洵禮官方具議

上皇已復辟調南刑部未

幾召還禮部天順二年南陽馮政吏部代孫弘佐
鹽山七年代石琚爲尚書禮部 上頓公儀度又

奏對都雅喜茂陵即位率羣臣上思艱難戒逸欲


重名節數事成化四年疏請謹小星芻蕘之分以

兆百男之慶 睿皇后崩議合葬禮又議稱廟禮

上以 孝肅太后故輒報聞公疏言 先帝治命

錢后與我合葬書內閣無忘朕言此綱常大事臣

等不忍誤朝廷又率百官伏文華殿門哭諫 上
頓首再三請 太后竟從百官議泰陵嘗見公及



彭時疏謂劉健曰先朝大臣忠厚爲國如此五年
李秉去尚輅欲薦公彭時欲薦王縻而尹旻又欲
得尚書相持久之乃以崔恭爲尚書是年六月公
代崔七年滿九載加太子少保是時屢有災變公
力陳荐遭殺異禍亂將起疚心危論冀上感悟
因乞歸不許未幾卒贈少保謚文敏公資儀山立
議論河懸雄才偉度遇事立斷獎誘後進振拔淹
滯意所交議不避怨故成化初公言少保黃福得
謚忠宣王木死事大臣尚書王佐鄺楚雖贈少保
未得易名佐攝存正大經略弘遠楚心術端介處

事嚴格沒於王事乞謚如福例制曰可謚佐忠簡
楚忠肅

太保尹恭簡公

公名旻字同仁歷城人正統十三年進士入翰林
爲庶吉士景泰間歷戶吏科給事中天順初遷通
政司叅議六年督餉陝西成化二年陞吏部右侍
郎五年轉左歷佐王李崔姚四公九年代姚公尚
書累進太子少保太子太保太子太傅二十二年
致仕弘治十六年卒贈太保謚恭簡公選法通敏
賢愚皆說竟爲津要人所惡中傷去



論曰九臯

王鄂執中李秉

相繼在吏部南人不喜

謂二公右北人也時內閣南人爲政各欲用南人吏部以故執中僅一年去北人紛然詆南黨善傾人內閣不得已乃用克讓在恭南人又不喜克讓數月去而大章汝入吏部出入五年北人爲之語曰新却姚夔頭去祭王鄂墓同仁尹曼代大章凡十二年內閣又崇仁爲北黨巧中傷敗其名父子奪官去甚矣公曹之難任也

皇明名臣記第二十一卷

子履準校

孫心材重校

皇明名臣記第二十二卷 吾學編第四十三

太子少保彭惠安公

海鹽鄭曉

公名韶字鳳儀莆田人天順元年進士爲郎刑部時張岐以壽寧侯兄從外臺躡僉都御史入院公疏岐不可用乞召故尚書王竣李秉侍郎葉盛下詔獄給事中毛弘等論救得釋尋郎中廣東司司隸筆轂間事多涉貴近豪戚骨挾撓沮公屹然持正不吐茹外戚家冒賜額奪民田勅公卽按項敵公至真定繞田周視徑歸上疏自劾曰昔田文令



論曰九臯

王鄂執中李秉

相繼在吏部南人不喜

謂二公右北人也時內閣南人爲政各欲用南人吏部以故執中僅一年去北人紛然詆南黨善傾人內閣不得已乃用克讓在恭南人又不喜克讓數月去而大章汝入吏部出入五年北人爲之語曰新却姚夔頭去祭王朝墓同仁尹代大章凡十二年內閣又崇仁爲北黨巧中傷敗其名父子奪官去甚矣公曹之難任也

皇明名臣記第二十一卷

子履準校

孫心材重校

皇明名臣記第二十二卷 吾學編第四十三

太子少保彭惠安公

海鹽鄭曉

公名韶字鳳儀莆田人天順元年進士爲郎刑部時張岐以壽寧侯兄從外臺躡僉都御史入院公疏岐不可用乞召故尚書王竣李秉侍郎葉盛下詔獄給事中毛弘等論救得釋尋郎中廣東司司隸筆轂間事多涉貴近豪戚骨挾撓沮公屹然持正不吐茹外戚家冒賜額奪民田勅公卽按項敵公至真定繞田周視徑歸上疏自劾曰昔田文令



馮驩收責于薛驪頤折券矯賜薛人今真定田

祖宗來許民開種即爲恒產不復增科以勸力農
往年韓太監廣寧侯屢奏虐民賴先皇明聖民

間稍得安業乃今周或又復強詞飾奏傷民病國

臣誠不忍履敵奪小民衣食尺寸地附益貴戚又

逮下詔獄言官交論得釋他日有貴戚請荒田者

上怒顧左右曰周或爲彭韶所持令朕負朝論奈

何又請當是時何喬新與公同官刑部有經術練

吏事純懿貞方並負重望成化六年陞公副使按

察四川劉氏扈氏曾氏殺人獄疑久莫能決公至

立斷進按察使請王府葬祭停遣內臣及行人又

劾雲南太監錢能冒貢珍奇擾驛迺十四年爲廣

東布政使薦陳獻章劾鎮守太監顧恒非禮貢獻

又劾市舶太監韋眷矯稱進奉私庇富豪輒亂舊

章妄開新法民間力役更無曠丁籍上均徭豈有

餘戶又劾珠池監丞黃福採捕禽鳥騷動雷廉又

劾錦衣鎮撫梁海本廣州人往來傳道輒稱貢儀

水陸舟車飲食帳幃百方橫索所遇蕭條海者太

監芳弟芳見疏大怒且中傷公會公應詔陳言條

上漸不見終四事言內臣貢獻皇妃加於嬪后陞

下褒賞其家幾與 先帝后家等一也內臣日增
數至萬計利源兵柄盡付其手作奸犯科一切不
問二也四方貢物通番航海科擾百姓驚動四夷
三也六卿大臣並加師保諸寺監卿寮領高官及
其休去月廬歲輿徧施凡鄙陋也 上不喜芳輟
從傍言公每事輒邀名方命左班相左右得大官
益肆無忌 上直視芳不應芳懼伏地調公貴州
未幾吏部尹尚書屢薦公大臣器 上故知公名
二十年遂陞副都御史巡撫江南督糧儲公簡靖
明法禁吏不敢犯明年召入爲大理卿未上又坐

論內外官貢獻道改副都御史巡撫順天奏陵即
位交薦召侍郎刑部會浙江不靖勅公巡視劾罷
不職守臣誅其渠魁事遂定戶部言鹽法沮壞即
勅公理鹽法公繪煮海貧人晒淋焚負折閱朋儕
之苦節爲八圖以獻尋召入吏部爲侍郎弘治三
年彗星見天津公上厚根本減役錢正近侍慎官
爵四事又請午朝無循故奏細事四年尚書刑部
安遠侯柳景總兵兩廣兩廣巡撫秦紘發其奸賊
鉅萬景有挾欲破法且擠紘巡撫公竟抵景法禮
其爵景賊入八百兩忽降劾青公言景賊十未及



各師高
卷之三
一即獨他日遂可營復爵位爵位既復遂可營求
征鎮公在部二年請致仕卒贈太子少保謚惠安
林俊嘗疏言詔謚不副行乞如葉盛吳訥魏驥等
謚不報公孝友溫恭廉明直諫寡慾清心始終無
玷儀狀款然不啻寒士至法理所在義色昌詞人
不可奪所著有國朝名臣錄贊前陽文獻志政志
文集百餘卷

尚書何文肅公

公名喬新字廷秀廣昌人景泰五年進士父文淵
進士嘗知溫州府廉靖平恕郡中稱治召入刑部

爲侍郎請告歸正統中薦起吏部侍郎景泰中進
太子太保佐王直同爲尚書被劾乞致仕去公幼
敏穎有奇質讀書發難出人意表初主事南京禮
部歸葬父卜地不得吉會宋樞密陳文定公葬父
廣昌子孫貧欲粥其葬地衆謂此吉壤公曰暴人
父而葬吾父吾不忍爲刑部郎中孤介嚴冷持法
平即執是莫可撓奪爲按察副使福建擒豪強捕
海盜減礦課罷牛租控險設縣表儒賢政績高偉
不頊屑簿書陞河南按察使諸貪殘吏倚強援莫
敢詰公盡錫茶坐法去撫輯南陽山谷流冗六萬



戶陞布政使湖廣會荆襄大水漂千家民餓公均賑平徭列九等按役成化十七年副都御史巡撫山西督三關兵平會山西又早饑出倉粟賑糴三十萬石虜自河曲入塞急遣伏兵灰溝旁斬虜大敗去召入刑部左侍郎虜首擁衆寇大同殺邊將紫荊居庸告急勅公巡邊遣諜覘虜營聲言遣兵搗其巢虜懼不戰遁去山西又饑人相食卽命公賑贖得便宜行事公請內帑淮鹽銀及彰利部僧道慮得粟數十萬石分部賑卹又饒饑人疏溝渠出粟實直凡活人三十萬播州宣慰使楊輝髮妾

乃寵其子友欲奪嫡子愛諸小首不肯從輝矯奪大壩鎮軍諸夷寨立懷遠宣化二長官司又割播州凱離五十二寨設安寧宣撫司立友爲使張都御史輒爲輝畫請得旨會愛母死友母益橫專其家結凶黨誣愛反交通唐王朝廷疑愛遣公卽訊友母子又犖金賈賂諸權貴人欲公囚愛待命衆籍籍爲友遊說必欲去愛公至盡得友子母奸惡罪條上白愛無反謀華友宜撫刑官銷印遷保寧與產業自給播州遂定陞南刑部尚書躡奪內臣守備盧洲遷民秦陵召公刑部爲尚書公執法



嚴毅凡中外貴有力請寄一切不得行上疏乞禁
京師胡服胡語鄉御史者凶橫欲躡得大理丞公
薦曲阜魏紳郎中鄒御史恨公會公外氏與鄉人
訟即誣公得金錢與行賂輒下上其手要地人又
從中主之公杜門引咎辭位下諸恨連人詔獄窮
治無踪跡公雖湧白竟不安其職請老去公卿臺
諫交薦起公竟不得起卒後江西巡撫林俊論公
文行政節應證法得證文肅公守官清慎律已方
整博學精法律敏於吏事事無難易夷險不避嫌
愆必行其志

太保周文端公

公名經字伯常天順四年進士父瑄字廷玉陽曲
人宣德乙卯貢士初主事刑部歷陞南京刑部尚
書致仕尚書寬大詳雅修髯長身善議論守官廉
故鄉無田宅可歸寄家江陵卒謚莊懿贈太子少
保公歷官翰林至春坊中允侍奉陵東宮講文華
大訓東宮每起立拱聽內閣言太子勞公宜晚
請東宮坐藥公不從弘治二年侍郎禮部條奏皆
傅經義政吏部察壽人以大明川民田獻太監李
廣戶部執議不得允公會諸司奏竟奪田歸民八

年諸大臣以災故上言屬公草疏請早視朝勸聽政節修費省遊幸止貢獻斥樂戲一事語斥樂戲尤切直頗傳踪跡此疏出誰耿尚書曰疏名首吏部裕寔具草公又曰疏草本出經即有罪罪經十年陞戶部尚書凡諸王請河湖稅錢執不與中官出南京織造者請長蘆鹽八千引粥兩淮准給中官鹽銀二萬兩又執不與中官織造浙江者請諸竹木稅又執不與上說公言并停織造大同缺戰馬鈞陽請出太倉銀市馬公曰糧馬各有司祖訓六部不得相壓兵部輒侵戶部官非祖訓

上是公言更命太僕銀市馬給事中魯昂言國用不足請盡括諸省稅役金錢輸太倉公曰國用不足宜儉於國不宜浚於民織造賞齋齋醮土木費益廣不節乃欲括天下財盡歸京師給事中言非是中官傳旨取太倉銀三萬兩爲燈費公又執不肯發內靈臺奏增灑掃卒當給月廩公再疏竟不與修清寧宮議調役山東七千人公曰山東歲歉民貧民不可輒動請以戶部羨銀雇役壽寧侯家有賜田河間數百頃詭賜額并得旁近民田又千餘頃又乞畝加稅二分公曰河間地多沮洳歲無

常收項因久旱即耕退灘一過淫雨遂成溝壑荷
指目前糧增畝稅貽累貧民轉爲流徙且王府賜
田畝稅二分外戚不宜獨侵又聞茂陵妃家絃田
與民田比一切還民壽寧家不宜獨異贖三四上
會雄縣有以退灘地獻爲東宮庄者 上念公言
擲其奏抵罪十三年致仕康陵卽位起南戶部憂
去正德三年又起禮部卒贈太保謚文端公初在
清散幾三十年編摩校閱有文章名及授政務守
正應變刺裁不滯屹然有古大臣風

太保劉忠宣公

公名大夏字時雍華容人天順八年進士爲庶吉
士出職方爲主事歷郎中時有獻取交南策者下
部索永業中調兵食數甚急公匿其籍徐以利害
告尚書余肅敏公力沮得寢朝鮮使貢苦建州虜
遮道請改道由鴨綠江中官有朝鮮人爲地下部
議公曰朝鮮貢自鴉鴿關由遼陽經廣寧過前屯
入山海迂回四三大城戍此 祖宗微意若自鴨
綠江抵前屯山海路大徑恐貽他日憂不可從塞
有虜人尚書必問劉郎中云何劉郎中言輒行行
輒效出爲福建叅政巡海海道兵久弛公至造哨

船車倉計儲立收支法塞設一館往來督察不半年海遼肅然陞廣東右布政使嘗過崖山弔大忠祠宋慈元后陵法然曰后與陸張二臣同死國今大忠有祠而慈元不祀義弗稱謀立廟人感其義不日而就轉左浙江弘治六年河決張秋擢右副都御史治河不能塞再遣平江伯陳鏡內臣李興山東按察副使楊茂元疏乞召還鏡興專任公及抑損外戚以回天意茂元諱長沙同知公集山河二省守臣上議曰河性湍悍張秋乃下流喉襟未可驟治治于上流分導南行復築長隄禦橫波且

防大名山東之患候其循軌而後決可塞也遂疏孫家渡河三十里四府管河十里築長堤起河南胙城盡徐州經滑長垣東明曹單諸境長三百六十里量能任功五旬而事竣十年虜入塞師行乏軍興公以戶部侍郎出經畫或曰邊糧草半屬京貴子弟此行剛且取禍公曰處天下事以理不以勢定天下事在近不在遠俟至彼國之至遂召問父老得其要領一日榜通衢云某倉缺糧幾千石每石給官銀若干凡境內外官員客商家願輸者米自十石上草自百束上聽即中貴子弟不禁也

TIFFEN Color Control Patches



不兩月積蓄有餘蓋往時糴買法糧百千石草千
萬東方聽以故貴子弟爭相爲市轉買邊人糧草
續運牟利十五此法立有糧草家自得告輸貴子
弟即欲收糴無所得邊人言自劉侍郎收市法行
倉場有餘積私家有餘財十一年三章乞致仕賜
誥杜門修廡十三年家拜右都御史總督兩廣軍
務即攜二僮行兩廣人聞公來大喜公旌賢才斥
貪穢裁冗費更役法上下不便者一切更正十五
年陞兵部尚書時遼事急 上以兵事屬內臣苗
達謀出兵掩虜 上召公問力言不可 上曰永

樂頻出塞破虜今何不可對曰 皇上聖武固同
符 太宗奈今兵將庸疲遠不逮昔當時淇園公
丘福稍違節制數萬甲兵一日陷虜今之將又在
福下不若且令各邊料敵戰守猶似得策 上曰
善一日召問天下衛所軍士何如對曰貧與民同
安能養其銳氣 上曰諸軍居有月糧出有行餉
何以故貧對曰江南困于運糧江北困于京操此
外浪費猶有不能盡知者翌日即詔各衛門條上
軍民疾苦有造飛語帖官門誣公者 上曰官門
外人不能至必內臣忿不得私役軍士耳修清寧

宮旨下部役軍萬餘人公請減十五督工者訴
上上令內臣語內閣擬旨詰責公洛陽曰惜軍力
兵部職近劉尚書輒以老辭朝廷下溫旨勉留尚
請未已若詰責彼將以不職固辭更於何處得如
此人用內臣以告 上欣然如公議是年以災求
去不許因上十事皆兵食要務下諸司議與革
上嘗召諭曰事有不可每欲召卿議又以非卿部
事而止後有當行罷者卿揭帖啓朕公對不敢
上問何也曰先朝李孜省可戒 上曰卿與朕論
國事豈孜省比曰臣下以揭帖進朝廷以揭帖顯

行何異前代斜封墨勅陛下宜遠法帝王近法

祖宗事之可否外付府部內咨內閣可也如用揭
帖上下俱有弊且非後世法臣不敢效順 上稱

善嘗召問天下何時太平朕幾時得如古帝王對
曰求治不宜太急凡用人行政即召內閣并執政
大臣而議行之但求順理即致太平 上曰劉健

嘗薦劉宇才堪大用朕觀宇小人內閣亦豈可盡

托 上嘗召問近日外議云何曰近有言釋李夢
陽中外懽呼 聖德如天地 上曰夢陽指斥威

峻且語言狂妄朕不得已下詔獄比奏上朕試問



左右云何應曰付錦衣撻而釋之朕知此輩得旨
即重責致死以快中宮之怒使朕受殺直臣名不
忠如此朕以故釋復職刑部尚書閔珪藏大獄性
旨批答久不下公獨對 上因語及之對曰人臣
執法不過效忠朝廷珪所爲無足異 上曰且道
自古何君何大臣亦當如此對曰臣幼讀孟子見
舜爲天子皋陶爲士瞽瞍殺人皋陶亦執之而已
似未可深責 上頷之明日免珪奏十七年北邊
缺總兵 上諭內臣語公用李李本外戚所薦也
內臣言大夏得傳帖尚執奏安肯聽奴口語 上

默然一日朝罷召公 上手一帖付公帖書李名
公退至部語同列曰此非將才豈可爲大帥明日
別推二人 上內批竟用李李去鎮無幾劾章至
上謂公曰悔不用卿所薦先是公應詔陳言盡罷
光祿無名供億歲百萬計又議革騰驤四衛軍士
內臣恨公 上召公密議又或及裁抑內臣事一
日 上召公入御榻前 上左右顧近侍內臣退
避去奏事畢復來對久欲起不能 上命太監李
榮掖公出榮且扶且請曰吾輩行事多失老先生
幸隱惡揚善公曰 聖上天性聰明甚於政事外



未嘗敢輕易毀譽人某今日力求退 上曰李榮
每稱卿某於老太監踪跡遠何以得此榮曰當
朝大臣公名第一榮何敢蔽賢時戴公爲左都御
史 上有大政事每召公及戴公面議十八年春
二人對畢 上賜二人白金二錠諭曰朕聞朝覲
日文官避嫌有閉戶不與人接者卿二人雖開門
延客誰復以賂過乎以故賜卿二人又曰勿朝謝
公卿知之且懷愧懼 上崩公恸哭不能起正德
元年加太子太保致仕二年瑾專政劉宇恨公素
陵時面對不爲宇地謂瑾曰播劉尚書家可得幾


萬金瑾因潘尚書藩毛總兵筮獄詞有公名三年
夏矯制逮詔獄且欲殺公下廷議屠潘曰檢律劉
尚書無死罪謫戍肅州四年至河西買墓地五年
赦歸田八月瑾誅復官致仕公平生不以勢位自
居所至愛民如子民亦愛之如父母遇事有當行
未嘗先洩有疑未明者不以公移顯行雖屬官亦
具手簡直述其事紙尾書名以故所委事無大小
無不盡心力不相欺負功名富貴子孫福澤泊如
也嘗預作壽藏東山陽記曰予嘗見士大夫家子
弟愛其父兄者俟其身後必求名儒大筆鋪張行



業以誌于其墓作國史者或憑而采之予無似承
祖宗世澤竊科甲官祿前後四十年在家在邦無
一事可述者萬一後人私所親謬言以誤名筆縱
可欺人獨不自愧于地下也耶用是述平生履歷
書而勒諸石付兒祖生等藏之以俟他日其詞雖
俚其事則核予心安焉公嘗曰居官以正己爲先
所謂正己不特當戒利亦當遠名李東陽曰東山
乃昔人所謂與物無競臨事有爲者也卒贈太保
謚忠宣

太僕寺忠定公

公名文字貫道洪洞人母姬夢葉衣人言與爾文
潞公已而生子因名文成化二年進士爲給事中
工科劾都御史王越薦故吏兵尚書李秉王竝語
頗涉兩宮越又附汪豎以故建文華駁考訊幾死
出爲湖廣參議累官都御史侍郎南兵部尚書太
陵知公召爲尚書戶部時時召見公一日頷公長
歎公頓首謝不職上曰朕欲理鹽法苦人撓沮
今邊儲日急奈何公又頓首謝出上疏請革七弊
一開中引鹽二典販私鹽三賤賣官鹽四買補殘
鹽五夾帶殘鹽六越境市鹽七轉運乏人上蓋



行其言康陵初即位青宮舊內侍劉瑾等日導

上狗馬鷹兔舞唱角抵廢萬幾時號八虎公每朝
退輒泣恨不能殺正屬吏李夢陽說公大臣義共
國休戚徒泣何益公曰計安出夢陽曰此言官章
入文劾諸內侍章下閣閣老許劾章甚力公誠及
此時幸諸大臣死爭閣老又得諸大臣爭持劾章
必益堅去瑾輩易耳公持鬚昂肩毅然改容曰善
即事弗濟吾年足死不死不足以報國明日早朝
公密叩閣閣老許之倡諸大臣諸大臣又皆應
曰諾公退具疏曰臣等待罪股肱值 主少國疑

聽前顧後心焉如割中夜起歎臨食而泣者屢矣
近歲朝政日非秋來視朝漸晚仰觀 聖容日就
清癯皆言太監馬永成谷大用張永羅詳魏彬劉
瑾丘聚等並造巧偽淫蕩 上心擊毬走馬放鷹
逐犬或俳優雜劇錯陳於前至導萬乘與外人交
易狎暱嫖褻無復禮體日遊不足夜以繼之勞耗
精神虧損志德遂使天道失序地氣靡寧雷異星
變桃李秋華考厥占候咸非吉徵切緣此等細人
惟知蠱惑 君上以便已行私不思皇皇帝業在
陛下一身今大婚雖畢儲嗣未建萬一起居失節

雖將此輩查粉菴醜何補於事昔我高皇帝報
難百戰取有四海列聖繼承傳之先帝以至

陛下先帝臨崩顧命之語陛下所聞也奈何

姑息羣小置之左右累聖德乎今馬永成等罪

惡既著若縱不治將來無所忌憚爲患非細伏望

奮剛斷詞私愛上告兩宮下諭百僚將馬永成

等明正典刑以回天變泄神人之憤潛消亂階以

保靈長之業疏入上驚泣不食瑾等大懼王岳

者亦青宮舊內侍素剛勵頗惡其黨初閣老持言

官章不肯下閣瑾等窘相對泣會諸大臣疏又入

上遣司禮監八人詰閣議一日三至閣益持議不

肯下岳本八人中人顧獨曰閣議是明日忽召諸

大臣入諸大臣或有咎公者曰公疏言何公故不

應令吏部侍郎王鏊詰閣候洛陽語鏊曰事且十

成七八諸公第堅持至左順門太監李榮手諸大

臣疏曰有旨諸先生愛君憂國言良是第奴情事

上久不忍即置之法幸少寬上自處衆懼莫敢

出一語答榮面公曰此疏本出公公云何公曰今

海內民窮盜起水旱頻仍天變日增文等備員卿

佐廢所匡救上始踐祚輒棄萬幾遊宴無度狎

臣

臣

臣



暱羣小文等何忍無言榮曰 上非不知第欲寬之耳諸大臣遂旅退蔡前謂榮曰設 上不處奈何榮曰榮頭有裹鐵耶敢壞國事是日瑾等益窘自求去南京安置閣議堅持不肯下是夜瑾等統 上前跪伏哭頭觸地曰微 上恩奴儕且噬餒狗 上色勤瑾又進曰害奴儕者王岳 上曰何謂曰岳前掌東廠謂言官先生有言第言議閣時岳又獨是閹議狗馬鷹兔岳嘗獻否 上心所明也今獨咎奴儕復伏地痛哭 上怒夜收王岳范亨瑾又曰狗馬鷹兔何損萬幾左班官敢譁

無患者司禮監無人耳有則惟

上所欲為誰敢

言者

上立詔瑾入司禮監竄岳亨南京途中賜

死遂連斥洛陽餘姚二閹老自是瑾益專弄權矯

詔奪公官二子士聰士奇皆削籍又矯詔遣公詔

獄欲殺公會有投匿名書者事不果坐贖米先後

三千石破公家瑾誅復官致仕 今皇帝即位羣

臣交薦加太子太保賜誥存問曰起文彥博於九

表之餘人心攸屬繼韓魏公於百代之後家慶彌

長公清心寡慾安厚雍粹又奮勵克養識量益宏

居常抑抑至臨大事斧斷霆擊之死不撓卒贈太



傳證議稱公愚同寤子而竟保其身老似武公而不弛於學請證忠定

太子太保戴恭簡公

公名珩字廷珍浮梁人天順八年進士成化三年御史督學南畿十四年陝西督學爲按察副使窮鄉下邑無不至約東堅明風雨不爽二十年陞浙江按察使尋陞福建兩布政使弘治二年副都御史撫治鄆陽諸府豪右多窟流聚爲利公刻日令自首嚴練兵伍自製爲管陣法蜀盜野王剛越境入竹山平利諸縣守臣畏罪莫敢發公請合湖陝

兵誅其首惡縱脅從千餘人事遂定四年陞刑部侍郎即訊荆晉兩王府獄明九九年陞南京刑部尚書十三年改左都御史益自檢飭務持風紀雖簿書之細必極精覈上親鞠大獄諸司震悚公從容應對時有開析天威頓霽上知公清慎每廷宣接膝面咨至移晷刻引疾求退必優詔勉留命醫賜食間有慰諭若家人父子公不覺泣下上亦爲動容一日公私懇華容曰珊老病子幼萬一客死異鄉不瞑目公同年好友受知主上獨不爲我一言乎一日上召華容議事畢因問珊



病華容言珊久病累疏乞休本出情實乞憐免
上曰渠情卿奏乎對曰珊在告臣往視珊恐微
誠不能動天聽令臣見 陛下日爲彼達情悃
上曰卿去說與珊朕以天下事推誠付託猶家人
父子太平昧兆何忍捨朕先歸華容以 上語告
公泣曰吾不得返家矣十八年卒於宮贈太子太
保益恭簡公德性和粹頌歌歌不苟合而洞達無
城府奉職守法不爲物撓而意常近厚祿仕四十
餘年家無餘貲辰入酉出窮寒暑不變數歷中外
所至有聲績學政尤著

太子少保張簡肅公

公名敷華字公實安福人天順八年進士父洪進
士爲御史沒于土木公少有奇氣里有竹樹爲
怪公年七歲即指麾羣小兒盡斬去入翰林爲庶
吉士與華容同出兵部爲主事歷郎中華容醇亮
端恪公方較坦直並負時名成化十一年參議浙
江景寧有礦盜衆且議用兵公力請撫執十二人
寘法餘悉解散弘治元年左布政使湖廣會歲大
饑公給粟散粥療病掩骼高值來商畢詞告糧丞
修學宮資其備直以業餓者得全活甚衆三年副



都御史巡撫山西受去六年復山西巡撫奏增解池鹽課補藩祿餉大同多折色民困公請太原北可軍行者致米八年改陝西會妖僧據山中爲逆朝議且用兵鈞陽曰張都御史能了此不數日公果授計山中父老縛妖僧至明年陞南京刑部侍郎十二年右都御史總漕巡撫江北盡斥武臣諸貪刻者時例漕司預算假銀太倉稍寬其息明年來償償前負又復假前後相尼負益積公曰下剝上攘漕是以窘國貧取息大非政體葉高郵湖隄溝殺水勢又築隄寶應十四年改南臺與林瀚林

後章懋齊南都四君子十八年遷南刑部尚書尋召還內臺首請嚴禁奔競貪酷者上知公名與華容鈞陽浮梁同心效職一時並稱名卿正德元年瑾矯旨逐公歸田又明年卒病且革儼衣冠揖家廟退終正寢公風采寔重義利介然學問文章資飾吏治贈太子少保諡簡肅

論曰近年仕路好附權貴人求翰林科道清要官權貴人敗亦隨以敗即不敗辱其身廉耻掃地矣官翰林者多以詞翰相誦不屑言錢穀刑名科道倚言路持銓曹短長不肯出爲郡守藩臬即出守



郡爲藩臬銓曹必慎秘不洩奏上輒領問青奏人
恐洩科道即署故官具疏且指摘銓曹惠安

文肅

何遜

在刑部忠宣

劉大

簡肅

孫敷

在兵部歷

主事員外郎郎中未嘗更曹文端

周廷

理財最節

慎曲算盈縮黠吏不能欺忠定

韓文

恭簡

家明出

爲參議副使何今昔大異也諸公際時則旬宣弼
亮以濟康熙遇險則正色危言以遏奸宄卓然以
道事君不可則止者矣

皇明名臣記第二十二卷

子履準校

孫心材重校



Handwritten mark in black ink, resembling a stylized 'f' or '7'.


Handwritten mark in brown ink, resembling a stylized 'f' or '7'.



RESERVED NATIONAL CENTRAL LIBRARY, TAIWAN, R.O.C.



THE NATIONAL CENTRAL LIBRARY TAIWAN R.O.C





20252025 NATIONAL CENTRAL LIBRARY, TAIWAN, R.O.C

20252025 1/20



皇明名臣記第二十三卷 吾學編第四十四

尚書劉文安公

海鹽鄭曉

公名定之字主靜永新人正統元年進士授翰林
編修四年京城大水詔求直言公上十事留中進
侍講 景帝登極又言十事乞奪德勝門戰功陞
職以崇廉耻作敵愾陞洗馬尋進右庶子北虜邀
使廷議未決公言宜遣使摩虜我得益修內治天
順元年改通政司參議兼侍讀成化二年南陽卒
上欲得人入內閣勅王忠肅慎簡擬上柯潛萬安



公葉盛吳節 上用公陞太常少卿兼侍讀學士
三年進工部侍郎兼翰林學士明年改禮部公在
內閣再進密疏皆因家大計公博學能文性尤孝
友徵時苦家貧授徒資束修爲養既仕分祿自其
菲惡色溫氣和與物無忤至居官論議據理直言
略無沮忌卒贈禮部尚書謚文安

太傅丘文莊公

公名濟字仲深瓊山人景泰五年進士改庶吉士
授編修少天資過人孤貧力學爲庶吉士益務博
讀羣書經史百家箋疏今古文詞至下醫老釋外

家小說靡不覽觀爲文章不求奇古平易順暢可
讀成化元年爲侍講修 英宗實錄或曰于少保
死以不軌盡正其罪公曰已已之變可無謙哉謙
功大過亦不可掩竟錄其實兩廣用兵公上南陽
平寇方略奇公言繳上請付總帥陞侍講學士內
艱服闋還職五年陞翰林學士十三年爲國子祭
酒十六年進禮部右侍郎掌監事公嚴立師道綜
理詳察采諸儒言行事著家禮儀節集朱文公微
言彙爲二十篇做論語爲朱子學的以通鑑綱目
義重正統泰階漢唐之文于奪太速稍次其世變